




تورک اوقاقی  
مجمع ایالتی  
ملک تئلیه و تربیتجه لایزه بیج  
حلق تزییه تی شعبه بیج

حلق قونفرانسلی

# تورک استقلال مجاهده سی قونفرانسلی

هورت کریم

۱۹۲۷ سنه سی، آنقره تورک اوجاغنده، استانبول دارالفنون قونفرانس  
سالوننده و آنقره معاملر قورصنده ویرلشدز.



استانبول — دولت مطبعه سی

۱۹۲۷

Digitized by the Internet Archive  
in 2014

# فهرست

— برنجی قونفه رانس —

۱ — مقدمه .

۲ — استقوال صربنه تقدم ابره سياسي وضعيت . [ شرق مسئله سنك ديني ماهيتي ، توركلرك اسلام عالمته كيريشي ، ۱۶نجي عصرده انحطاط ناصل باشلادی ، سلطنت و مشروطيت اداره لری ، شرق مسئله سنك اقتصادي ماهيتي ، آوروپاليلری مملكتتمزه قارشي حريص قیلان اسباب ، حرب عمومي يي ظهوره كتيره ن ضرورتلر و بو حادته قارشوسنده عثمانلی حكومتك وضعيتي ، حرب عمومينك صوكننده كي وضعيت ] .

۳ — موندروس متاركة نامه سنك عمقري متاركة مرادی .

۴ — استقوال مجاهده سي ناصل باشلایور . [ مصطفى كمال پاشا حضرتلرينك ايلك مداخله لری ، موندروس متاركة نامه سي احكامنك تطبيقی ایچون اتانبولدن اردولره امر ایلدیمی ، مصطفى كمال پاشانك استانبول حكومتنه یازدقلى چوق مهم تاریخی شفره نك صورتی ] .

۵ — درل اشلاف طرفنده متاركة مرادینك تطبیقی . [ اشلاف دونماسنك ايلك دفعه استانبوله كيريشي ، مملكتی دشمنلرك اشغاللری و بتون مالزهمزی ضبط ایتهلری ، ملتی معناً ییقمق ایچون تشبثلری ،

بوحرکت قارشوسنده سلطنتک واستانبول حکومتک ارتکاب ایتدکاری  
دنائت ، از میرک یونانلیر طرفندن فاجعه اشغالی ، غریبه ایلک قیام  
ومقابله وملی جبهه لریک تعضوی ، جنوبده وشرقدهده ملی حرکتلر ] .  
۶ — بو زمانه ظرفنده استانبولده کی وضعیت .

— ایکنجی قونقهرانس —

۱ — مصطفی کمال پاشانک آناتولی به کجمنسی . [غازینک  
استانبولده کی فعالیتی ، آناتولی به کچدکن صوکره ۲۳ نیسانده  
آنقردهده بیوک ملت مجلسنک قورولدینی تاریخه قدر اولان فعالیتی ،  
ارضروم و سسیواس قونقره لرینک صورت و مقصد عقدی ، غریبه  
ردالحاق جمعیتنک تأسسی ، مصطفی کمال پاشانک استانبوله عودتی ایچون  
پادشاهک و استانبول حکومتنک اصراری ، کندیلرینه ویریان صوک  
جوابلر ] .

۲ — استانبولده مجلسک بیکیمده کشادی ، میان مابینک تمبیت  
واعملی .

۳ — غریبه جنرال مبلن خطنک تمبیتی .

۴ — بو وضعیت قارشوسنده آناتولیده وضعیت سیاسی نیک منافسه  
ونرقیق وریبلن قرار .

۵ — استانبولک ۱۶/مارت/۳۲۶ده دول اتموفیه طرفنده اشغالی .

۶ — پادشاه و حکومتنک بو وضعیت قارشوسنده خیانتکارانه حرکتلری .

[پادشاهک و فرید پاشانک بیاننامه لری . وطن ومملکتی محو ایدن اشغال  
قوتلریله سرای منسوبیننک مناسبتلری ] .



- ۷ - ملنك قیامی . [ یکی توریانك تملی فصل آتدی ] .
- ۸ - نورکیا بوبوك ملت مجلسنك صورت كشاری . [ اتخابانك اجراسی ، مجلسنك آچیلشی ، ایلک بیاننامه ، مجلسه و حكومتہ اسم ویرلسی ، ایلک هیئت و کیله ] .
- ۹ - آناطولی حكومتی ایلک نصربون ابرده دولت .
- ۱۰ - بومارنامده صوكده استانبولك ، دشمنلرك و آناطولینك وضعینی .
- ۱۱ - غریبه بوناده اردوسنك بیلن خطنرفی عمومی نهرضه كچمه سی .
- ۱۲ - سردر مهابده نامده سنك استانبول حكومتی طرفنره قبولی
- اوچنچی قونفهرانس —
- ۱ - اردوبی تقریه و تشكیل ضرورنی . [ قوای ملیه نك منتظم تشكیلاته قایی ، ضابط ، افراد ، مالزمه و سائر نك صورت اكالی ، اك (صوك) واصل اولدینی تكملات درجه سی ] .
- ۲ - آناطولی اردوسنك امر و قومانه اسطقی .
- ۳ - برنجی این ارکی محاربه سی و صركس ادھمك عصیان . [ صورت جریانی ، نتیجه سی ، ادھمك تنکیلی ، انكلتزه به دعوت ایدیلن ایلک آناطولی هیئتی ] .
- ۴ - اریزبوردریمز اردھانه و آرنوبه لوارینك آنا و طه الطاقی . [ آلمان سیاسی و عسكری تدابیر و نتیجه ] .
- ۵ - غازی عینتابك فاجعه مقروطی .
- ۶ - ایلكچی اینه ارکی و درملی بیطار محاربه سی . [ صورت جریان ، نتیجه ] .

— دردنجی قونفہ رائس —

- ۱ — آٹھ بازاری و ازبیت ہوا بسنک صورت استردادی .
- ۲ — زرنفرلہ اور و آنظامہ ہوا بسنک صورت استردادی .
- ۳ — کوتاہیہ - اسکیشہر محاربہ سی . [ محاربہ دن اول اردومزک وضعیتی ، پادشاہک و حکومتک خیانتی ، دشمنلرک بو حرکات اشنا سندنہ کی مظالمی ] .
- ۴ — سقارہ میرانہ محاربہ سی . [ محاربہ نک جریان ایتدیکی ساحہ ، اردومزک قیصہ برمدت ظرفندہ نصل حاضر لاندینی ، دشمنک پلاننک نصل عقیم برا قیلدینی ، رجعتی ، اردومزک مظفریتنی تأمین ایدن اسباب و عوامل ، سقارہ دہ صوک کیجہ ] .
- ۵ — غازی عیفتاب و آٹھ ہوا بسنک استردادی
- ۶ — پونٹوس مسئلہ سی . [ بو فکرک ایلک دفعہ نرہ دن کلدیکی و نصل یورودیکی ، پونتوس چیلرک صوک قیاملری و نصل احما ایدلدیکی ] .

— بشنجی قونفہ رائس —

- ۱ — اغستوس - ۳۳۸ حرکات تعرضیسی نصل و نہ مقصودلہ امضار ایلدی .
- ۲ — تعرضہ حقیقی منطقہ سنک تبیینی .
- ۳ — باسہ فرمانرالفک تعرضہ یلاندرہ کی اساسات .
- ۴ — ۲۶ - اغستوس کولی تعرضک اصراسی .

- ۵ - باسه قوماندانه مبرانه محاربه سی و باسه قوماندانك ۱ -  
 الجول - ۳۳۸ ده درملی یغاردنه مله و اردوبه یازدیغی یانامه لر .
- ۶ - امیر یونانه بهزالدینك باسه قوماندانك مضورینه سوقی .  
 [ باش قوماندان میدان محاربه سنك مناسبی ، دلالت وشمولی ] .
- ۷ - بوسه وازمیرك اشغالی وآناتولیده دشمنك لاهم طردی .
- ۸ - مظفر اردولرك بوغازاره تورهمی .
- ۹ - مدانیه مذاکره سی و استانبولك صوك فحی .
- ۱۰ - بو مظفرینك تأمین ایلمدیکی نتایج .
- ۱۱ - آناتولیده یونانه مظالمی .
- ۱۲ - اوج مزاج قیاس . [ ملی قیامك باشلادیغی کون وطنك  
 منظره عمومی هسی . سهور معاهدنا هسی ایله حاصل اولان وضعیت ،  
 ولوزان معاهده سیله مملکتك آلدیغی شکی ] [ قیاسلی اوچ خریطه  
 اوزه رنده ] .
- ۱۳ - نتیجه .



— برنجی قونفهرانس —

۱ — مقدمه :

تورك ملتك ايمان ومفكوره قايناعى ، اك صميمى افاده سيله آتا اوجاقلرندن برى اولان آقره تورك اوجاغنده ، معارف وكالتنك ترتيب ايتديكى مهم وقيمتلى قونفرانسلر مياننده استقلال حربنه عاىد وظائفده بنده كزه توديع ايدلدى . هيچ شبهه يوق كه معارف وكيل محترمى نجاني بك افندى ، بويوكسك تشبثلريله مملكتده انقلاب تريه سى ايجون بك لايق ولازم برچيغير آچمش اولديلر . نجاني بك افندى نك خلق قونفرانسلىنى منتظم برتش-كيالاتله وطنك هر طرفنده تطبيقه كچمش اولمالرى ، بنده كزى ، بوقدىسى وظيفه يى استانبول دارلفنون سالوننده ده تكرار شرفنه مظهر قىلدى .

دوغرودن دوغرويه ملتك كندى اثرى اولان استقلال مجاهده سى ؛ توركى ، عصرلر دولدوران معظم ماضيسندن مستغنى قىلاجق وبالكز كندى سيله فخر وتسلى به كفايت ايده جك اولان باشلى باشنه برمنقبه دره . استقلال حربى ؛ بوكونكى نسله بوكونكى ويارينكى حركتى ايجون بردستور ، يارينكى نسله بتون عمرنجه بركتاب استقامتدر . استقلال حربى ؛ غرب عالمنك آرتق ابدىاً تولدى دى به جسد ينك باشنه ديكيلاكلرى بر زمانده هر وقتدن ده ا زنده ، هر درلو انكشاف وتعالى قابليت لريله مجهز

برملت اولديغىزى اثباته وسيله اولان مقدس برحادثه در . اگر تهلكه قارشوسنده دوغان اووحدت وایمان اولسه ایدی ، فی الحقیقه کنارنده دورديغىزى عدم چوقورینه دوشه جك وردها چيقاميه جقدق . فقط بوقابلیتی کوستره بيلمك ایچون تورك اولمق لازمدر . نته کیم ، حرب عمومینك ختامنده بزندن هرجهتدن چوق مساعدوضعیته اولان اوکونکی متفقلمیزك بوکونکی حالی کوز اوکنده در . استقلال حربی ؛ یالک : بزم ایچون دکل ، قویله ، ضعیفله قارشى حرکتمرنده تأنی واحتیاط توصیه ایتمی ، ضعیف واسیر ملتله ، رها و خلاص ایچون جرأت ، قوت وایمان تلقین ایله مسی دولایسینه جهان ایچون درس تشکیل ایدن وطنپرورلك اثریدر .

استقلال حربی ؛ بتون برعالمه دکن توركك ، نولومدن حیات ، فنادن بقا ، عدمدن وجود یاراتدیغی برخارقه در . اعتراف ایده رم که هر فردیمزك تکر تکر قهرمانی اولدیغی بو بویوك حادثه نی لایق اولدیغی قدسیت وعظمتنی ویره رك تثبیت وتقریر ایده مه مک قورقوسی ایچنده ایم . نه ده اولسه بویله شرفلی وقدسی بروظیفه نی ایفا فرصت ومساعده سنی بنده کزه بخش بیوران معارف وكالت جلیله سنه واركان حربیه عمومیه ریاست جلیله سنه شکر انلریمی عرض ایلرم . بنده کز ، الهه ایده بیلدیکم وثائقه کوره بووظیفه نی بوقدر یاپایلدم . صلاحیتدار ودها فضله صاحب معلومات اولانلر ، ملتک اوزمالی اولان بو حادثاتی اكمال واتمام ایتمك مجبوریتی آلتنده درلر .

اولجه استقلال حربی حقنده [ تورك استقلال حربی ] نامیله یازدیغم کتابک موندروسدن این اوکی محاذ به سنه قدر اولان اقسامنك ایکنجه

بر کتاب حالنده مفصلاً نشرینی صکره یه بر اقمشدم . قونفرانس لک طبعی .  
بونقصانی قسماً اکمال ایتمش اولدی .

استقلال حربی اکیال ایدن بیوک انقلابم زده ، عینی درجه ده  
مهم بر حادته عالمدر . بر برینه فاریشه رق ، بر برینی تماملایه رق . کل تشکیل  
ایدن تورک استقلال و انقلاب حرکتی کندندن اولکی حادثاتی کوچولتن  
ویکرمنجی عصرک تاریخنه مهم بر فصل قاتان سیاسی ، اجتماعی ، ملی  
بر حادته در . یاریکی نسله بونی وضوح ایله انتقال ایتدیره مزسه ک تاریخک  
آغیر مؤاخذه سندن کندمزی قورتاراماز .

تورک استقلال و انقلاب حرکتی یالکیز حسی بر حرکت دکدر .  
بالعکس ، قاینغی ، تورکک هیجان ، وجدان و ایمانی اولان بو حرکت  
هرشیدر . او یالکیز بر تاریخ دکل ، بزم ایچون فرانسه انقلاب کیرندن ،  
۱۸۷۰ سفرندن دها مفید ، نفس الامر او یغون ، بشری و انسانی  
ضرورتلره عائد ک قوتلی اساسلری سینه سنده صاقلایان ، یکی بر حقیقتدر .  
بوسبیله بزى مطلق بر اولومدن ، ک ابتدائی تلقینلردن قورتاران ،  
امینتله تجدد و اعتلا یولنه توجیه ایدن بیوک انقلابم زک تریبه و تلقینی  
مسئله سی حیاتی بر ماهیتی حائر در .

عالملریز ، صنعتکارلریز ، علاقهدارلریز ایچون دونک اضطراب  
و هیجانی یاننده کی شهامت و قدرتمزی ، بو کونک پک حقلی غرور و تسلیمتی ،  
یاریک احتیاج و وظیفه لرینی بر لحظه دوشونمک ، و خصوصده اساسلر قورومق  
ایچون کافی درجه ده منبع فیض و الهام اولمازمی ؟

خلاصه کندیلرینی بیوک اعتماد و اشتیاقه بکله دیکمز چو جقلریمزی  
یتیشدیره جک اولان مریدلر اردوسنه ک اقدام و اهم اولان انقلاب تریبه سی  
وظیفه سنی ایفا ایچون محتاج و منتظر اولدقلری و ساطی حاضر لامق ،

در حال ایفاسی ضروری اولان بور حمزدره . بناءً عليه ايلك مکتبلىرىمزدن دارلفنو نمزه قادار تدریسات پروغراملىرىمزدده تورك انقلابى حقنده کنیش فصللر آیره رق یكى نسلک تقویه سی اهمال اولنمه ملیدر .

محترم کوپر یلی زاده محمد فؤاد بك افندینك انقلاب تربیه سی حقنده یازدقلری چوق قیمتلی مقاله لرینی ، بو حقائقى پك واقفانه و عالمانه تشریح ایتمه سی اعتبار یله معروضاتمه علاوه ایتدم .

مهودت کربعم



## انقلاب تربیه‌سی

چکن سنه « تورک استقلال حربی » نامیلا یالکز عسکری دکل ملی تربیه اعتباریله ده چوق قیمتلی بر اثر نشر ایدون ارکان حرب بیکباشیلرندن جودت کریم بک معارف وکالتک تشبثی اوزرینه ابتدا (آنقره) ده ویردیکی قونفرانسلی اخیراً دارالفنون قونفرانس سالوننده ده تکرار ایتدی . خلقک چوق بویوک وصیمی برعلاقه ایله تعقیب ایتدیکی بو قونفرانسلیک ، انقلاب تربیه‌سی اعتباریله نه قدر مهم و مؤثر اولدیغنی سویله مک‌بیله زاندر . چونکه ، خطیک موجز و واضح افاده‌سنی عیناً قوللانهرق دیه‌بیلیرزکه : « دوغرودن دوغرویه ملتک کندی اثری اولان استقلال مجاهده‌سی ، تورکی ، عصرلر دولدیران معظم ماضیسندن مستغنی قیلاجق و یالکز کندیسيله فخر و تسلی‌یه کفایت ایده‌جک اولان باشلی باشنه بر منقبه‌در . استقلال حربی ، بو کونکی نسله بو کونکی و یارینکی حرکتی ایچون بر دستور ، یارینکی نسله بتون عمرنجه بر کتاب استقامتدر . »

حقیقه ، انقلابمیزک مختلف صفحه‌لرینی ، « موندروس » دن « لوزان » و « دینی سلطنت » شکلندن « عصری جمهوریت » اداره‌سنه قدر دقتله تعقیب ایدن برمشاهد ایچون ، بو انقلابک عظمت و شمولی قارشیسنده تورک ملتک حیات قابلیتینه و تورک حیات و قابلیتی بتون قوتیله تمثیل ایدن بویوک غازی‌یه حیران و مفتون قالماق امکانشدر .

ایشته جودت کریم بک قونفرانسلی؛ انقلابمیزک وسعت وعظمتنی  
 یالکیز دماغلره دکل ، روحلرده خطاب ایتمک صورتیله ، کنیش بر  
 خلق کتلهسنه آکلامقله انقلاب تربیهسنه اعظمی خدمت ایتمش اولدی.  
 بیوک انقلابلر یاپان ملتسلر ایچون ، انقلابدن صکره ، « انقلاب  
 تربیهسی » نه اعظمی اهمیت ویرلمک ایجاب ایدر . هله بزم انقلابمیزکی  
 مملکتی « قرون وسطائی » تلقیلردن قورتاران چوق درن و شموللی  
 برانقلابدن صکره ، بوتربیه و تلقین مسئلهسی بوسبوتون حیاتی برماهیت  
 آلیر . روسیاده دولاشدیغ زمان ، اوراده بو مسئلهیه نه قدر بیوک  
 اهمیت ویرلدیکنی و روس انقلابچیلرینک بوخصوصده نه بیوک مساعی  
 صرف ایتدکلرینی کورمشدم . هر طرفده وبالخاصه بیوک مرکز لرده آچیلان  
 مکمل « انقلاب موزهلری » بیوک غیرتلك محصولی ایدی . خلقک مختلف  
 طبقه لرینه منسوب انسانلر و بیکلر جه مکتب طلبهسی بوموزهلری کریورلر ،  
 روس انقلابنک مختلف صفحه لرینه دائر خطیلر طرفندن ویریلن  
 ایضاحاتی دیکله یورلردی . کتابلر ، غرافیکلر ، خریطهلر ، هیکللر ،  
 چوق صنعتکارانه یاپیلمش تابلولر ، خطیبک ایضاحاتی سامعلرک کوزی  
 اوکنده برقانداهان جانلاندیرمقده ایدی . چوق دفعه لر «سینه مافیلملری» ده  
 کرک بوموزهلرده ، کرک مملکتک الک هجرا گوشه لرنده بو «تلقین و تربیه»  
 ایشنه اعظمی موقفتله یاردم ایدیوردی .

خلقه انقلاب تربیهسی ویرمک ، یعنی ، انقلابک مفکوره لرینی  
 ایلك مکتب صره لرنده کی چوققلردن او قویوب یازمه بیلمه یین اختیار  
 کویولوره و درتکمیل اجتماعی طبقه لر آراسنه یایق ایچون قومشولرمیزک  
 صرف ایتدکلری بو مساعیه حیران اولماق امکالنسزدر . موزهلر ،  
 قونفرانسلر ، فیلملر ، الک یوکسک فکری سویه ده کی انسانلردن الک

بسیط کویلولره قدر مختلف سویه لرده خلقه خطاب ایدن آری آری  
زنکین نثریات ، بو خصوصده چوق قوتلی واسطه لدر . فقط بونلردن  
بشقه ، شاعرلر ، تیاترو مؤلفلری ، موسیقی شناسلر ، رساملرده  
صنعتلرینک سحر تلقینیه عینی غایه یه خادمدرلر . دینیه بیلیرکه بو خصوصده  
عادتا « معنوی رسفررلک » اعلان ایدلمشدر .

بو فعالیتی یوک بر تقدیر ایه کوردکن صو کرا ، دویدینم ایلک حس ،  
مملکت مزده ده بویه بر فعالیتک باشلامه سنی تمنی ایتمک اولمشدی . ایشته  
جودت کریم بکک قیمتی وجانی قونفرانس لری ، بوتمنیلریمزک - بر آز  
یاواش اولسه ده - تحقق ایتمک باشلادیغنی کوسترمک اعتباریه بزه چوق  
امید بخش اولدی . آرتق آ کلاشیللیور که معارف و کالتمز انقلاب  
مفکوره لر یی یالکیز مکتب صرالرنده کی کنج لره تلقین ایتمکله اکتفا  
ایتمه بچکدر . بو مفکوره لر ی کنیش خلق کتله لر ی آراسنه یایمق  
ایچون قونفرانس لردن ، کتابلردن ، فیلملردن ، خلاصه بتون فکر  
وصنعت واسطه لرندن استفاده ایدمکدر . تورکیه نک ، تورک ملتک  
استقبالی ، بو خلق صنفلرینک انقلاب مفکوره لر ی اطرافنده کمال  
حرارنله طو پلانمه سنی استلزام ایدیور . معلم و متفکر لر من ، صنعتکار لر ی  
بو حقیقی شبهه سز هر کسدن داها ای آ کلامش لدر . بناء علیه معارف و کالتنک  
باشلادیغنی بو بویوک ایشه اونلرک بتون قوتلریله اشتراک ایتهلری پک طبیعیدر .  
استقلال مجادلر لمرک زنکین و یوکسک خاطره لر یی بو کونکی  
و یارینکی نسللرک حافظه سنه ده قوتله نقش ایتمک ایچون بر « انقلاب  
موزه سی » تاسیسی لزومنی ده بو مناسبتله تکرار خاطر لاتیق ایسته رز .  
معارف و کالتی ، ارکان حربیه عمومیه ایله تشریک مساعی ایتمک صورتیه  
سرعت و سهولته بویه بر موزه تاسیسنه موفق اولابیلر قاعتنده یز .

انقلابمزمك مختلف صفحه‌لرینه عائد مختلف وثیقه‌لری ، خاطر دلری ، اشیایی ، غرافیکلری ، خریطه‌لری ، رسم‌لری ، بوکا عائد بوتون فکر و صنعت اثرلری احتوا ایدله‌جك اولان بویله بزموزمزنك « انقلاب تریبوسی » ایچون نه قدر قیمتی و جانلی بر عامل اولاجنی ایضاحدن مستقنیدر . بالخاصه رسمك و رساملرك بو خصوصده چوق بیوك یاردیمی اولاجقدر . چونكه مجرد فکرلره و ایضاحلره کافی درجه‌ده علاقه‌دار اولامایه‌جق ، اولنری لایقیله آکلایه‌می‌جق بیوك بر اکثریت ، شخصی شیلره دهه بیوك بر علاقه کوسترز . بر مورخك صحیفه‌لر دولدران ایضاحاتندن زیاده بر رسامك جانلی بر لوحه‌سی اونده دهه قوتلی بر ایز براقیر . « تریبوی » نقطه نظر دن بویله بر موزمزنك تأسیسی فوق‌العاده مفید اولاجقدر . تشکیل ایدیله‌جك بویله بر انقلاب موزمسنی ، عینی زمانده علم نقطه نظر ندن ده بیوك بر بوشلغی دولدر اچقدر . انقلابمزمك الكاسکی منشألر دن باشلایه‌رق بو کونه قدر تاریخمزمك مختلف صفحه‌لری حقنده علمی اصولره کوره تأسیس ایدیله‌جك زینکین بر کتبخانه و « آرشیو » سایه‌سنده ، انقلاب تاریخی حقنده تدقیقاتده بولونمق ایستین متبعلرك چالشمه‌سی امکانی‌دهه تأمین ایدلمش اولاجقدر . آلمانلر جهان حربی حقنده تدقیقات تاریخیه‌ده بولونمق مقصدیله معظم بر کتبخانه وجوده کتیره‌رك بو خصوصده کی بتون اثرلری و وثیقه‌لری بریره طوبلامش‌لردی . ایشته بزم انقلاب موزمزنك کتبخانه‌سی و حزینه اوراقی سایه‌سنده ده ملی تاریخمزمك بو چوق مهم دوری حقنده تدقیقاتده بولونمغه باشلانیر ، آز زمانده مهم نشریات وجوده کتیر یله‌بیلیر . اساساً ، انقلاب موزمسنك « تریبوی » وظیفه‌سنی قوت و موفقیتله ایفا ایدیلیمه‌سی ایچون مطلقا چوق صاعلام بر « علمی اساس » ه استناد

ایتمه‌سی ضروریدر. ملی حیاتمز ایچون ضروری بر احتیاج اولان ولزومی  
 هرکون دها قوتله دیولان بوانقلاب مؤسسہ‌سنی قورمق ایچون ماده  
 چوق بیوک برفدا کارلق اختیارینه لزوم اولنادینی نقطه‌سنده بالخاصه  
 اصرار ایدیورز . یترکه یایمق ایسته‌یلم ویایمه‌سنی بیلهلم .

کوبریلی زاده محمد فؤاد

## ۲ - استقلال عربیہ ندرم ابرہہ حادثات سیاسیہ :

استقلال حربی وقایعہ باشلامازدن اول اونی دوغوران حادثات سیاسیہ بی خلاصہ ایدلم .

معلومدرکہ، عصرلردن بری تورکیہ یه متوجه محاکار بر سیاست جریانی واردر . بوکا تکمیل جهان سوز برلکیله شرق مسئلهسی دیمشدر . واقعا مسائل تاریخیه موضوعلری ریاضیه قضیهلری کی قطعی وصریح افاده ایدلمش دکدر . مختلف مورخلر تاریخی بر موضوعی مختلف زمانلرده باشقه باشقه نقطه نظرلر حاکم ایدلرک بردرلو تعریف و تثبیت ایتشلردر . شرق مسئلهسی ده آشانی یوقازی بویله ایسهده بوخصوصده کی مختلف تحلیللرک نقاط اساسیه سنده مشابہت واردر . بونکله بالخاصه مشغول اولان مشهور مورخلرک تثبیتلرینه کانجه :

مورخ ( سن بوبوس ) کتابنده ، اون سکنزنجی عصر دن اعتباراً روسیه و آوستریا دولتلی ، عثمانلی ایمرطورلغنی استیلایه و خرسیتیان تبعهسنی قیام ایتدیرمکه چالیشدیلر . ۱۸۱۵ ده عثمانلی ایمرطورلغنی الآن تمامیت ملکیهسنی محافظه ایدیوردی . روسیه نك مهادی تهدیدی قارشوسنده دولت عثمانیه نك نه اولاجنی بر مسئله ایدی . ایشته بو مسئله یه بر زمان صوکره اسم طاقیلدی و ( شرق مسئلهسی ) دیندی دیور . ( صورمل ) ، شرق مسئلهسی نامنده کی کتابنده ، تورکلرک آوروپایه آیاق باصدینی اون دردنجی عصر اورتالردن اعتباراً شرق مسئلهسی تکون ایتمشدر دیبرک ساحه و صحنه بی دها کنیشه تیور .

(بورژوازی) کلمه ؛ او ، تورکلرک آوروپایه کچمسی ، استاتوبولی ضبط ایتمی شرق مسئله سنک یالکز بر پرده سیدر . شرق مسئله سی ، قرون وسطی جمعیتلرینک ، انکشاف خارجیسنده اساسی بر مسئله ایدی . بو ، باربار آسیا اقوامی ایله غربیلر آراسنده تخدمت ایدن مسائل سیاسیهدر دیهرک تاریخی و جغرافی حدودینی بسبتون توسیع ایدیور .

(دریور) ، شرق مسئله سنه بسبتون باشقه بر ماهیت ویریور و اهل اسلام ایله غیر مسلملرک غوغاسیدر دیهرک کندی قناعتجه نفس الامر ده او یغون بر توصیف یاپیور .

دریور ، بوتعریفیله دیمک ایسته یورکه ؛ شرق مسئله سی ، پادشاه محمدک استانبوله آباق باصمه سیله دکل ، پیغمبر محمدک دنیایه کلمه سیله حاصل اولمشدر .

فی الحقیقه قرون اولو و وسطی ده بعض عرق مجادلاتدن صرف نظر ایدر و بو کوندن کری به دوغری یوروپهرک حادثاتی تعقیب ایدر سهک کوریرزکه شرق مسئله سی ، قرون وسطی دن یعنی اسلامک ظهور ، انکشاف و توسعندن اعتباراً وجود بولمشدر .

اسلامیت ؛ یالکز عربستانک اقوام مختلفه سنی بر دین ایله توحید و بر لسانله تمثیل ایدرک بردوات تشکیل ایتمکله قلمادی . ظهورینک ده ایلك عصرنده عربستانک شرق و غربنده کی ایران و شرقی روما قیصرلکنک ممالکنی ده استیلا ایدرک توسعه باشلادی .

خالد بن ولید « ۶۳۴ » سنه میلادیسنده « اجنادین » ده قیصر هراقلیوسک برادری ته ئودورک قومانداسی آلتنده بولونان خرستیان اردوسنه قارشی اسلام تاریخلرنده کی « یرموک » میدان محاربه سنی قازانه رق

بونک بر قاج کیلو متره شمالنده کی « قدسه » کیردی و « ۶۳۷ » ده  
« حضرت عمر » مظفرانه بر صورتده قدسه داخل اولدی . ایشته  
بو بلهجه اسلام عالمیله خرستیان دنیاسی ده ایدنجی عصرده قدسده  
چارپیشمغه باشلادیلر . صوکره دن شرق مسئله سی نامنی آلان واک  
صوکره بتون مهاجمات قارشوسنده تورکک عصر لرجه یاپ یالکز مجادله یه  
مجبور بر ایلدینی حادثات ، امام المسلمینک قدسه غالب ومظفر کیردیکی  
کوندن باشلامشدر . بوندن صوکره اسلام عالمی ممالک رومی ضبط  
و استیلاده اوقدر سریع موفقیتلر کوستردی که ، بو استیلا قارشوسنده  
خرستیان تاملنک ایلك مدافعه خطنی تشکیل ایدن شرقی روما یعنی  
بیزانس ایمرطور لغندن آفریقامستملکاتی ، سوریه قطعه سی ، آناتولینک  
بر قسمنی ضبط ایتدیلر . کلیکیا یه کچوب طور و سه طیرماندیلر و حتی « ۶۶۹ »  
و « ۷۱۷ » نجی میلادسنه لرنده ایکی دفعه استانبولی بیله محاصره ایتدیلر .  
بو صولت قارشوسنده خرستیانلرده بالطبع دین و مدینتیرنی ، مملکت  
و سلطنتیرنی محافظه و مدافعه یه چالیشیورلردی که بو مهادی و شدید  
مجادلات آرتدقجه شرق مسئله سی ده گرفت بر شکل آلیور و کوک  
صالیوردی . عربلر زماننده بر قول ( بزانسه ) قدر دایاندینی کبی  
بر قولده آفریقایه کچرک سپته یه و اورادن آوروپایه آتلا یاراق  
اسپانیانک قسم اعظمه صاحب اولدی و پیره نه یی آشوب جنوبی  
فرانسه یه یایلدی . فقط بو ایکی قولدن بری استانبول سورلری  
اوکنده ایمرطور له تون و دیکری پو آتیده بیوک شارل طرفندن  
مغلوب و توقیف ایلدی . نهایت عباسیلر زماننده دو قوزنجی عصر  
صوکرینه دوغرو آرتق توقف و رجعته باشلایان اسلام عالمه جانلی ،  
قدرتلی یکی بر عنصر قاریشیور . تورکلر [ بز ] .



اجدادیمز، آز زمانده اسلامك حاكم و صاحبي اولاراق بدایتده رجعتی توقیفه و متعاقباً صولته باشلا دیلر و در حال آفریقاده کی قولى اداره لری آلتنه آلارق مدافعیه و صوك دورلره قدر مقاومته مقتدر اولدیلر. [معلومدرکه طرابلس دن موندروس متارکه نامه سیله ، مصر دن لوزان معاهده نامه سیله تماماً کفید ایتدك] . دیگر طرفدن غربدن واقع اولان اهل صلیب هجوملرینی دور دور ورق و بو جهه ده تعرضه کچرک ، بیزانس تختنی بیقدق و دهشتی افلاق ، بغداد ایچریلرینه و ویا نه قبولرینه کورتوردك . عینی زمانده دیگر بر تورک قولى آلتون اردو نامیه شالدن یوروپه رگ تکمیل روسیه نی چیکنه دی ، آوروپا ایچریلرینه دالدى . . قولده [ کورکانی تورکلری ] جنوبه توجه ایدرک بحر محیط هندی ساحلرینه قدر دایاندیلر و بو کون انکلیزلرک توارث ایتدیکی هند سلطنتک صاحبی اولدیلر .

[ ایشته بویله جه کو کدن آلدینی اشارتله شرقدن غربه کچرک دو قوزنجی عصرده صحنه یه چیقان اجدادیمز ، یدی عصر ایچنده کوك کورولتورینی آ کدیران ولوله و هیئتله جهانی صارصاراق یکیلیمین قوتلری یکدی ، تاج و تخت بیقدی . مغرور باشلی قراللری اوکنده ا کدی و اون آلتنجی عصری سراپا کندینه منحصر قیلدی ] .

[ ا کر عربلرک رجعتنک قوتله باشلادینی دو قوزنجی عصرده صحنه یه تورکلر چیقما سایدی ، بو کون عربلق و اسلاملق ، عربستان چوللرینک برکوشه سنده بسیط و کیتدکجه اریبوب غیب اولان کوچوک بر قبیلهدن عبارت قالمش بولونا جقدی . اسلاملق و عربلق بو کونکی موجودیتنی تورکلکک حمایه ، صحابت ، قدرت و شهامتنه مدیوندر . فقط کرک حرب عمومینک ایچنده و کرک صوکنده سوریه نی براقدیغمز زمانلرده عربلر ،

بونك دیني اهانته، ذلتله اوده بهرك ماهیتیرینی کوسترملردر. عربلرک، بو حقایق تاریخیه ایله فضیلتکار تورک ملتی علمینه ارتکاب ایتدکری او چیرکین حرکتلرینی قارشولاشدیردقلری وقت دائماً حجاب و عذاب وجدانی دویمالری ایجاب ایدر ] .

جهانی صارصان ، بو « اسلام - تورک » صولتی قارشوسنده « خرسیتیان - غرب طلمی » اندیشهیه دوشدی ، اهل صلیب اردولری آرتق مقامات مقدسهیی استرداد و محافظه ایچون دکل ییقان و نوزن بو قوتی دور دورمق ، مدنیت و دولتلرینی محافظه ایتمک ایچون برلشدیلر . نهایت اوله بر آن اولدی که بر طرفده یالکیز تورکلر ، دیگر طرفده بتون جهان !

خانملر و افندیلر ؛ بوراده مهم بر نقطهیه تماس ایدیورز . غرور و اهاالک ماترک حیاتنده کی تأثیری ، شخصلرک حیاته اولان تأثیرندن چوق فضلله و آجیدر . بو عظمت اجداد مزی مغرور ایتدی ، اوغرور اهااله سوق ایله دی . متمادی ظفرلرک نشئه سی و جمع ایدیلن ثروتک تأثیریه سفاهت باشلادی . غرب عالمیه صیق تماسمز نتیجه سنده او عالمک دها زیاده سییاتیله الفته دالیندی . بو کی تأثیرلرله تورکک دوغوم یئاغنده باغلانندی بکارت و وحدت دو کومی چوزولدی ، توقف باشلادی . بو توقف ییلغین و فرصتجو اوروپالییه وقت وردی . دها او زماندن باشلابان استلاف و انفاقلرله زمان زمان تعرضه کچدیله .

اولا، موسقوا بیوک کنازی اوچنچی یووان ایلمک دفعه اون بشنجی عصرده آلتون اردویه جزیه ویرمیهرك عصیان ایتدی . اوون آلتنجی عصر ایچنده بوتورک قولنی مغلوب ایدهرك روسلر حاکم موقعنه کچدی .

الآن روسیه ایچنده کیتدکجه اریین برر نقطه کی قالان قازان ، استرخان  
 . . . الخ کی تورک یووالری او کونک متروکاتنددر .

ایکنجی مهم رجعت ده هندستانده وقوع بولدی . چونکه روسلر  
 شمالدن موفقیته باشلادقلری زمان خرسیتیان دنیاسی ، اسلام عالمی آرقه دن  
 قوشاتمق ایچون هنده تعرض فکرینی قورمشدی . « ۱۴۹۲ » میلاد  
 سنه سنده آمریقایی کشف ایدن و انسانیته خدمت قصدیه حرکت  
 ایتدیکی ظن ایدیلن « کریستوف قولومب » بلکه دهها زیاده غربدن  
 یوروپوب هنده وارمق وبوصورتله تورکی واسلامی آرقه سنندن وورمق  
 و بشیکنده نهمک ایسته یوردی . بوکا ، او ، موفق اولامادی .  
 متعاقباً اون یدنجی عصرده هولاندالیلر ، فرانسیزلر وانگلزلر بوکشف  
 یولنده دوام ایده رک هندستان ساحلارنده یرلشدیلر ونهات انگلیزلر  
 اون سکزنجی عصرده رقیبیلرینی بورالردن کاملاً آتارق یالکیز  
 قالدیلر .

بدایتده بسیط ومرحمت دیلنن بر بازارکان کی بورالره یرلشن  
 انگلیزلر اون دو قوزنجی عصرده سلطنت کور کاتیه یی محو ایتدیلر  
 وصوک حکمدار بهادر شاهی توقیف ایده رک اولدیردیلر و ۱۸۵۷ ده  
 پک محتمم اولان بوسلطنتی یی قوب انقاضی اوزرینه بو کونکی ایمپراطورانی  
 قورارق میلیونلرجه انسانی او کوندنبری اسیر و اوجیر ایتدیلر .

روسلر شمالدن تورک حکومتلرینی محو ایده رک اون دو قوزنجی  
 عصر نهایتنده پامیر یایلاسنک شمال اتکلرینه کلدکلری وقت چورمه  
 یاپان انگلیزلرده آشاغیدن بو یایلانک جنوب یاماجلرینه وارمش  
 و تورک عالمی بو وجه ایله ایکی بیوک قوسله تماماً قوشاتمیش  
 بولونیورلردی .

بو چوپریمه یه ، معروض قالدینی متمادی تعرضلره ، خرستیان تبعه سنک قیام وعصیانلرینه ، غیر تورک مسلمان عناصردن بعضیلرینک خیانتلرینه رغماً یکرمنجی عصره قدر مرکز قولنی تشکیل ایدن تورکلر ، کندی منطقه سنی قهرمانجه مدافعه ده دوام ایدیورلردی . [ ایشته بو صوک و قوتلی جبهه یه یاپیلان متمادی و فاصله سز تعرضاته متعلق مسائل سیاسیهدرکه محدود معناسیله « شرق مسئله سنی » تشکیل ایدر ] .

فقط جوق کچمهدی . مرکز جبهه سننده انحطاط و رجعت باشلادی . چونکه حاکم مطلق اولان پادشاهلر زمان کچدکجه اداره ، سیاست و حرب یرینه استیلا ایتدکلری مملکتلردن آقوب کان ثروت ، جاریه و احسانلرله سرایلره قاپاندیلر . تاریخلرک قیدندن طاشان ذوق و صفا عالملرینه دالدیلر . بتون جهانک علیهلرینه قوردقلری اتفاقلره مقابل اونلر خبائت عالملری ، لاله دورلری قوردیلر . ذاتاً فتح ایدیلن تونلکه لره درین کوکلر صالامیان دولت اداره سی بو صورتله که وشهدی و اون یه دنجی عصردن اعتباراً دولت عثمانیه ضعیفلادی . برطرفدن خارجی مهاجمات ، دیکر طرفدن داخلی عصیانلر دولایسیله حدودلرکری چکیلیدی . قورووش برمیوه کبی عصاره سنی غائب ایتدی ، بوروشدی کیتدی .

بورایه قدر تعقیب ایتدی کمز وقوعات شرق مسئله سنک دینی ماهیتده دوامنی کوسترر . فقط بوندن صکره ماهیت دیکشور . تورکک و اسلامک رجعتی دولایسیله غرب و خرستیان قورتولمغه وایلروله مکه باشلادقجه کندی آرالرنده زمان ایله تصادفلر و تصادملا اولدی . رقابت باشلادی . عینی زمانده بز آرتق بو غیر قابل اجتناب حال

آلان متمادی حربله مشغول ایکن غربده اون سکزنجی عصر دن اعتباراً صنایع و بکونکی معناسیله سرمایه [ قاپتال ] تحث ایتدی . بخار قوتیه ایشلهین ماکنلر چیقدی . بونلرک اسکینسه نظر آفوق اعاده سرعتله وجوق مفدارده اعمال ایتدکاری اشیانک وجوده کتیر یله بیلیمسی ، چالیشان عملهنک ایشسر قالماسی و فابریقلره یاتیریلان سرمایه نك تمع ویرمسی ایچون بر طرفدن کیتلی مواد ابتدائیه دیکر طرفدن معمولاتک سوروله بیله چکی یرلره احتیاج حاصل اولدی . بورالر ایسه بو قبیل صنایعک تأسس ایتدیکی یقین ، اورتا و اوزاق شرق مملکتلری ایدی .

آرورپاده بیوک صنایع و سرمایه دارلق وجود بولورکن محلی کوچوک صنایعی کمربوب بیتدیکی کبی شرق مملکتلرنده ده عینی احما حرکته دوام ایدرک اورالری بوسبتون صنایعدن محروم بوتون اشیای معموله یی آرورپادن آنگه مجبور قیله بیلیردی ، یاخود شرقده احداث ایدیله چک بیوک صنایع ، آرورپا قاپتالیستلرینک ید انحصارنده قاله بیلیردی .

بوصورتله شرقلیلر آرورپالیرله یالکیز مواد ابتدائیه یتیشدیره و بوتون معمول اشیایی آرورپالیردن آنگه مجبور اولان ابتدائی عمله کتله لرندن عبارت قالاجقلردی . ایشته کندیلرینی سرمایه دارلرینک منافعی تأمین ایله مکلف بیلن آرورپا حکومتلری بو غایه و وارمق ایسته یورلردی .

بومقصدله شرقی ، سرمایه دارلرینک تحث استثمارینه آلمق ایچون آرورپا حکومتلری و برمدتنبری آمریکا حکومتی بو ئولکلره مسلط اولشلردر . تسلطه اوغرایان ملتله حیات و موجودیتلرینی قورومغه چالیشمقده اولدقلرندن و تسلط ایدنلر ایسه منحصر آکندی سرمایه دارلرینک منافعی تأمینه چالیشدقلرندن آراده برچوق رقابتلر ، نزاعلر ، محاربه لر ظهوره ککش و بویوزدن دولتله آراسنده و یکدیگری علمهنده بی حد

و حساب تصورلر ، مخابردلر ، مقاوله و معاهدلر وجود بولمشدر .  
 بوکا بناءً شرق مسئله سی اون سکیزنجی عصر دن بری دینی ماهیتنی غائب  
 ایدرک «اقتصادی برماهیت» کس ایتمشدر . بو صورتله عصر مزده سیاستک  
 عوامل اصلیه سنی مسائل اقتصادیه اساس و ضرورتلری تشکیل ایتمکده در .  
 بوتون بومهاجاتک مرکز ثقلتنک تورکیایه و تورکاره متوجه اولمشنک  
 سببی آرتق قولایجه و کنیدیلاکندن تظاهر ایدر .

بردفعه ، مملکتتمز بذاته مواد ابتداییه آنباریدر . عینی زمانده  
 بیوک صنایعمر اولدیغندن « بو حال دوام ایتدکجه » آوروپالیر ایچون  
 متمادی اخراج منبجی ز . ایکنجیسی ، آروپایه مواد ابتداییه یتیشدیره جک  
 و اونلرک معظم استحصالاتی استهلاک ایدر جک واسع ثولک لک لک مرند  
 بولنمقده ز . اوچنجیسی ، بزدن زیاده اونلرجه پک ایی معلوم اولان ملی  
 قابلیتتمز ، بالخاصه بوکونکی انبماهمز .

یارینی کورهن و اوکونی بوکوندن قازانمق ایچون چالیشان و دولابلر  
 قوران آوروپالیر البت استهلاک ثولک لک لک یوللرینی طبقا تمق ایسته مز لر .  
 بناءً علیه آوروپالیرک یکانه غایه سی طبیعهً شرقک محافظه و مدافعه  
 قلعه سی اولان تورکیایی معاصر مالز مه ایله مجهز بروضعیتده دکل ، وسطائی  
 برطوپراق بیغینی حالنده بر اتمقدر . اوقلعه نک شجیع و قهرمان محافظلری  
 اولان بز لری ، قابلیتتمزک و روح مزده کی فیضدار جوشغو نلغک سوق  
 ایتدیکی کاله یتیشمه سنه امکان بر اتمق دکل ، خرابه لرده ایکنه ین بیچاره لر  
 حالنده یا شاتمقدر . فقط [تورک یولنی طوتمشدر . هد فنه محقق ایره جکدر] .  
 واقعا بشر خلقتدن بری دور مامشدر ، دائمًا مجادله ایتمشدر .

فقط بوجادله مدنیتمک ترقیسی نسبتنده چوغالمش و چتینلشمشدر . فن  
 و صنایع قوشویور ، مجادله بونکله متناسباً آرتیور . بونک قارشوسنده

دیک و صاعلام قالا بیلیمک ایچون سرعتله وبلا استشنا عینی و سائطله مجهر اولمق لازمدر . عکسی تقدیرده بوکونکی شکل و معناده کی حقوق و استقلال بر خیالدن عبارت اولور . ذاتاً بر قاعده طبعیه در . هوا، خلیه هجوم ایدر . فن و صنعتده بویله در . ایشته صنایع و قاپیتال آرتدجه صرف و استهلاک منابعنک کفایتسنزکی اورو پالیبری بوسه بوتون رقابته دوشورمش و دونکی حرب عمومی نی وجوده کتیر مشدر .

حرب عمومی نیک سوائق اصلیه سنیده کذا اقتصادی ساحهده بولورز . آلمانیا بالخاصه صوک عصر ایچنده اقتصادی ساحهده شدتله توسع ای دییوردی . کیتدکجه آرتان بوتوسهعله انکلتزه کندی صنایع و تجاری تفوقنک، بالنتیجه کندی جهان حاکمیتنک تهدید ایدلمکده اولدیغنی کوریوردی . آلمانیا بالخاصه دکز آشیری منطقه لرده انکلتزه قارشی قورقونج بر رقیب اولمغه باشلامشدی .

اقتصاداً صحنهیه نسبتاً یکی آتیلن و آتیلدیغنی کوندنبری سرریع وقوی برانکشافله رقیلمینک اور کدیکنی آکلایان آلمانیا برکون تعرضه معروض قاله جغنی و سائقه منفعتله برلشه بیهلجه تک متعدد خصم لر قارشوسنده یالکیز قالارق تجاوزه اوغرایه جغنی حسابه قاتهرق داخلدهده پک قوتلی براردو وجوده کتیر مکی اهل ایتمه یوردی . المانیانک بویکی باشلی فعالیتی کون کچدکجه عینی نقطه اوزرنده المانیا ایله و یکدیگریله منفعتلری چاریدیشان روسیه ، فرانسه ، انکلتزه و ایٹالیانک حتی آمریقانک اندیشه سنی آرتیریوردی . بویوزدن بدایتلرده بونلردن هربری اقتصادی منافعی ارزوسی داخلنده تحکیم و هرهانکی بر تجاوز قارشوسنده موجودیت و حاکمیتی تأمین ایچون سیاسی ساحهده متمادی مجادله لرده و وقت وقت شکل و ماهیتی دیکشیرن ائتلاف و اتفاقلرده بولوندیله .

بوو اوده کی سیاست جریانلرینک محراقی ده بالخاصه ینه تورکیانک  
 تشکیل ایتمکده اولدیغنی کوریرز . چونکده ، فرانسه نك عصرلردنبری  
 سوریه ، غربی آناتولی ، کلیکیا واستانبولده کی اقتصادی ومالی مقصد  
 وفعالیتی بوخصوصده اختیار ایله دیکی فداکارلق ، روسیه نك بوغازلره  
 حاکم اولمق هوسی واسلاو عرقنه منسوب بالقان حکومتلری واسطه سیله  
 بالقانلرده وروم ایلده تعقیب ایلدیکی سیاست ، ایتالیا نلرک تورک  
 آفریقا سنده تعقیب ایتدیکی خط حرکت وآق دکز قیلملری اله کچیرمک  
 هوسی ، المانلرک متفقلری اولان آوستریا مجارستان واسطه سیله بالقانلرده  
 وروم ایلده اوینامقده اولدقلری رول وبالخاصه شرق قریبده آرتان  
 اقتصادی فعالیتلری بارز برشکلده چارپشمغه باشلامشدی . هله آلمانلرک  
 وجوده کتیردیکی آناتولی - بغداد دمیر یوللری انکلتره نی پک حساس  
 وضعیتیه سوقش والمانیا ایچون اک قوتلی بردشمن یامشدی . ایشته  
 کیتدکجه تکاثف ایدن بو اقتصادی و سیاسی جریان ، بودولتئری بالنتیجه  
 تورکیانک انقساننده وجاذب وارلقلرینه توارنده آکلاشمه یه قدر  
 سوق ایله مشدی . ۱۹۰۸ سنه سی تموزنده یاپیلن تورکیا انقلابی آوروپالیلره  
 بردن بردوش تأثیری یامش و بو انقلاب تورکیه حکومتنک تماماً پارچه لانه سنک  
 باشلانغیجیمی ، یوقسه ترصین وتقویه سیمی دی یهرک انتظاره سوق اتمش  
 وعینی زمانده تقسیم خصوصنده کی آرزو واندیشه لر یه ده انقلابک  
 ویره چکی طبیعی صارصیتیدن استفاده مقصدیله یکیدن جانلاندیرمشدی .  
 همیز پک ای بیلیزکه مشروطیت اداره سی آوروپالیلرک بو دوره  
 تردندن اصلا استفاده ایده مه دی . اوده سلطنتک مستبدانه اداره سی  
 کی جریانیه تابع اولدی . بالعکس داخلاً بر چوق اداره یولسزلقلری  
 ایچنده ایشی بر آزدها کچیکدیرمکدن بشقه بر شی یاپامادی . اک



مهايت مملكتك انحلاله سيرجى قالمق زواليلغنه دوشدى . مشروطيت انقلابك پك آرزومان صوركه بر كوپوك ماهيتنده اولديغنى كوره ن اوروपालير قرارك تطبيقاتنه كيريشه رك و بوسنه هر سكدن باشلايه رق طرابلس غرب حربى ، بالقان حربى و حرب عموميه قرارلرينك تحققنه دوغرى يوروديلر . آلمان مؤلفلرندن « قارل هه لفرنخ » بيوك حربك اولياتى دى يه يازديغى اثرنده كندولرى ايچون التزامكار اولقله برابر بو خصوصه چوق كوزل اساسلر تثبيت ايتمشدر .

ملتك تنكميل قابليت و فداكارلغلك خلاصه لرينى طوپلايه رق سرايلرينه قاپانوب عالم عيش ونوشه دالان پادشاهلر ، صوك اوچ عصردن برى وطنك ساسنده بريكن و قاراران بو سياست طوفانى قارشوسنده لاقيد قالديلر . جدى تدبيرلر آلاجق يرده توكل و اطاعت سياستى تعقيب ايده رك ، هر ضربه ده بر وطن پارچه مى ترك ايده رك ، دولتك نجيب و حياتى حقلرندن بر چوقلرينى فدا ايله يه رك بزى موندروس اوكنه قدر كتيرديلر و نهايت قانلرينى امه رك اسكلت حالنه كتيردكلرى ملتى يالكىزباشنه بو دهاش سياست طوفانى و غدار آروپا قارشوسنه براقوب چكلديلر .

بوراده كندولكنندن بر سؤال وارد اوليور . شو حالحه حرب عمومى يه نه يه و كيم ايچون كبردك ؟ . اوزون زماندنبرى تا مينايدلمش منفعتى بر اتفاق ايجابى ايدى ؟ بوكادار هنوز هيچ بر وثيقه چيقمه دى . او حالحه هنوز بالقان حربك اضطراب و فلاكتيله سنده له ين و بو دهشتلى آتسه قاريشمق ايچون بر قيعلجيمى بيله بولنمايان ملتى حرب عمومى يه سوروكله ملك بنم قناعتمجه آنى دوغان بر هوس و بر سرگذشت ايدى . حرب عمومى يه كيرمك لازمى ايدى ، دكللى ايدى . بوجهت

هنوز قطعیتہ تثبیت ایدیلہ بیللمش دکدر . بونی هر ارباب اختصاص و مراق آیری نقطه نظر دن محاکمه ایدرک آیری آیری حکمر ویرمکده در . قناعتجه مسلح بیطرفلق اک فائده لی برشکل اولوردی . مادام که کیریلدی هیچ اولمازسه ایلك قیشی آتلاتمق و کیردکن صکره وطنک قوای عمومیه سنی تدبیر و اندیشه ایله قوللانهرق اسراف اتمه مک ایجاب منطق و سیاست ایدی . حرب عمومیده کی عسکری و داخلی اداره ، عثمانلی سلطنتی اچون بویوک بر شائبه و تورک ملتی اچون بر خجعه در .

اردومن ، سوق الجیش و تعبیه قواعدینک تمامیه خارچنده و آلمانلرک کیف و ارزولری اچون بر قوقله کبی قوللانیمشدر . اداره داخلیه کلنجه ، بو خطالری حالاً هپمز چوق قوقلی خاطر لایورز . داخلده هر درلو خباثت ، غیر مشروع ادخار ثروت ، انواع سفاهت دوام ایدرکن جبهه لرده کی عسکر آج ، چیلاق براقلدی . دشمنلرک مبذول مهماتی قارشوسنده ضابطه آتدیردینی تک فشنکک ، طوپچی به تک مرمینک حسابی صورولدی . بر آن کلدی که ائتلاف اردولرینک نهایتسز احیا و تخریب وساطتی قارشوسنه تورک اردوسی یالکز ایمانیه جسدینی قویدی ، نهایت معنویات صارصیلدی و تدبجه ده چناق قلعه تابلوسنی چیزدن ، کوتده انکلیز اردولرینی اسیر ایدن قنالده آئی بیقایان ، شرقده روسلری رجعته مجبور قیلان اردولر بیقلدی . سوریه و عراق مغلوبتیه ایچ آناطولی به دوغری هزیمت باشلادی . بوسره ده آوستریا - مجارستان و بلغار اردولری بستبون بوزولمش ، آلمانلر بیوک ائتلاف تعرضلرینه دایانامیه رق چکیلیمکه باشلامش ، عینی زمانده آلمان ملتی صارصیللمش و متفقلر اچون آرتق وضعیت غائب ایدلشدی .

۳ — موندروس منارک نامہ سنک عقری و منارکہ مرادی :

بو وضعیت ایچندہ استانبولده کی قایینه ارکانی سوریه دن چکیه بیلن قوتلری تنسیق ایدرک ممکن اولان بر خطده مقاومتی تأمینہ چالیشمق، دیگر جبهه لردن یاپیله حق اقتصادله چناق قلعه یی تقویه ایتمک و تراکیاده بر جبهه قورمق صورتیله حربی ادامہ کی بعض تدبیرلر دوشونمک ایسته مشلر سده هیچ برنی یاپیله جک خالد اولماد قلرندن سانکه تورکیاده چالیشان یسانچی آلمان جنراللری ایمش کی مملکتی و ملتی مقدراتیله باش باشه بر اقوب، چکیلوب کیتدیله . رینه کچن عزت پاشا قایینه سندن یوک بر شی بکله نه مزدی . عینی زمانده دول اتلافیه نک، مغلوب ملتلری بسبتون که وشه تمک ایچون جهان افکار عمومیه سنه حاقیردقلری معهود ویلسون پرنسیپلری ده بر طرفدن مؤثر اولارق کوة العماره اسپری جنرال طاوسهندک دلاتیله ۳۱ تشرین ثانی ۳۳۴ ده موندروسده آغا ممنون زرهلایسنده بر طرفده بحریه و کیلی رؤف بکک ریاستنده رشاد حکمت وارکان حرب قائممقامی سعدها بکلردن مرکب عثمانلی هیئت، دیگر طرفده آمیرال غلطروپ اولمق اوزره صورتی شمعی اوقویه جف منارک نامہ امضالادی .

دولت علیه عثمانیه ایله دول اتلافیه بیننده منعقد منارک نامہ

انکلتره حکومتک متفقلریله بالاتلاف صلاحیتدار قیلدیغی انکلتره حکومتی بحرسفید دو نماسی باش قوماندانی فریق آمیرال سیر سومرتهت غووغ غلطوروب حضرتلری ایله حکومت سنیه جانبدن حائز صلاحیت بحریه ناظری دولتلو رؤف بک افندی حضرتلری خارجیه مستشاری

عطوفتلی رشاد حکمت بك افندی حضرتلری ، ارکان حربیه قائمه قاملرندن سعده بك افندی آرسنده قرارلاشدیریلوب عقد ایدیلن متارکه شرائطی :

ماده ۱ — بحر سیاهه مرور ایچون چناق قلعه و بحر سیاه بوغازلرینک کشادی و بحر سیاهه مرورک تأمین ، چناق قلعه و بحر سیاهه استحقاکاتنک متفقلر طرفندن اشغالی .

ماده ۲ — عثمانلی صلورنده کی بالجه طورپیل تارالاری ایله طورپیدو و قووان مواضعی و مواقع سائره کوسه تریله حک و بونلری طرامق و یارفع ایتمک ایچون طلب و قوعنده معاونت ایدیله جکدر .

ماده ۳ — قره دکزده موجود طورپیل موقعلری حقدده کی معلومات موجوده اعطا ایدیله جکدر .

ماده ۴ — ائتلاف حکوماتنه منسوب اسرای حربیه ایله ارمنی اسرا و موقوفینی استانبولده جمع ایدیله جک و بلاقید و شرط ائتلاف حکومتلرینه تسلیم ایدیله جکدر .

ماده ۵ — حدودلرک محافظه می و آشایس داخلینک ادامه سی ایچون لزوم کوریله جک قوای عسکرینه دن ماعداسنک درحال ترخیصی ( اشبو قوای عسکرینه نک مقداری و وضعیتلری ائتلاف حکوماتی طرفندن دولت علیه ایله مذاکره ایدلکدن سوکره تقرر ایتدیریله جکدر . )

ماده ۶ — عثمانلی قره صلورنده ضابطه و بوکا مماثل خصوصات ایچون استخدام ایدیله جک سفان صغیره مستثنای اولوق اوزره عثمانلی صلورنده و یا دولت علیه طرفندن اشغال ایدیلن صلورده بولنان

کافه سفان حربیه تسلیم اولنوب کوسـتریله جک عثمانلی لیمان ویا دیگر  
لیمانلرده موقوف بولنه جقدر .

ماده ۷ متفقر امنیتلری تهید ایده جک وضعیت ظهورنده  
هرهانی سوق الجیش نقطه سنی اشغال حقنی حاز بولنه جقدر .

ماده ۸ - الیوم عثمانلی اشغالی آلتنده بولنان بالجمله لیمان و تیمور  
محلرندن ائتلاف سفائی طرفندن استفاده ایدلمسی و ائتلافه حال حربده  
بولونانلره قارشى مسدود بولوندرلمسی . سفن عثمانیه ده تجارت واردونک  
ترخیصی خصوصلرنده شرائط مماثلهدن استفاده ایده جکلردر .

ماده ۹ -- ائتلافیون، عثمانلی ترسانه و لیمانلرنده کی بالعموم سفائن  
تعمیراتی وسائط تهیلده سنی استعمال ایده جکلردر .

ماده ۱۰ - طوروس تونلرینک متفقر طرفندن اشغالی .

ماده ۱۱ - ایرانک شمال غربی قسمنده کی قوای عثمانیه نک درحال  
حربدن اولکی حدود کریسنه جلبی خصوصنده اولجه اعطا ایدیلن  
امر اجرا ایدیله جکلردر . ماورای قفقاسک اولجه قوای عثمانیه طرفندن  
قسماً تخلیه سی امر ایدلدیکندن قسم متباقیسی متفقر طرفندن  
وضعیت محلیه تدقیق ایدیلهرک طلب اولنورسه تخلیه ایدیله جکلردر .

ماده ۱۲ - حکومت مخبراتی مستثنا اولق اوزره تلمسز تلغراف  
وقابلورک ائتلاف مأمورلری طرفندن مراقبه سی .

ماده ۱۳ - بحری ، عسکری و تجاری مواد و مالزمنه نک منع  
تخریبی .

ماده ۱۴ - مملکتک احتیاجاتی تطمین اولوندقندن صکره متباقی  
کور . مایع محروقات و بحری لوازمک ترکیا منابعندن مباحه سی ایچون  
تسهیلات ابرازی ( مواد مذکورهنک هیچ بری اخراج اولنمه جقدر )

ماده ۱۵ — باجملة خطوط حديدیه ائتلاف مراقبه ضابطلری مأمور ايديله جقدر . بونلر مياننده اليوم حكومت عثمانیه نك تحت مراقبه سنده بولونان ماورای قفقاس خطوط حديدیه سی اقسامی داخلدر . اشبو قفقاس خطوطی سربست وتام اولارق ائتلاف مأمورلرينك تحت اداره سنه وضع ايديله جقدر . اهالينك احتياجكك تطمينی نظر دفته آله جقدر . اشبو ماده ده باطومك اشغالی داخلدر حكومت عثمانیه باكونك اشغاله معترض بولنمه جقدر .

ماده ۱۶ — حجازده وعسیرده ، مينده ، سوریه ده وعراقده بولونان محافظ قطعات الك يقين ائتلاف قوماندانه تسليم اولنه جقدر . وکلیکیاده کی قوتلرك انتظامی محافظه ایچون مقتضی مقدارندن ماعداسی بشنجه ماده ده کی شرائطه توفیقاً تقرر ایتدیريله جك وجه ایله کروییه چکیله جقدر .

ماده ۱۷ — طرابلسده وبنغازیده بولونان عثمانلی ضابطلری الك يقين ایتالیان محافظه قطعاتنه تسليم اولنه جقدر . حكومت عثمانیه تسليم اسرینه اطاعت ایتمه دکلری تقدیرده مخبرات ومعاوتی قطع ایتمکی تعهد ایلر .

ماده ۱۸ — مصر اطه ده داخل اولدینی حالده طرابلس وبنغازیده اشغال ایدیلن لیمانلرك الك يقين ائتلاف محافظه قطعاتنه تسلیمی .

ماده ۱۹ — آلمان وآوستریا بحری ، بری ، سیویل مأمورین وتبعه سنك برآی ظرفنده واوزاق محلدرده بولونانلرك بر آیدن صکره ممکن اولان الك قیصه زمانده ممالک عثمانیه بی ترك ایتملری .

ماده ۲۰ — بشنجه ماده موجبجه ترخیص ایديله جك قوای عثمانیه عائد تجهیزات ، اسلحه ، جیخانه ووسائط نقلیه نك طرز استعمالنه دائر اعطا ایديله جك تعلیماته رعایت اولنه جقدر .

ماده ۲۱ — مؤتلفلرک منافعی صیانت ایچون اعاشه نظارتی نزدیکه ائتلاف ممثلری بولنه حق و کندیلرینه بو بایده لزوم کوریله جک کافه معلومات اعطا ایدیله جکدر .

ماده ۲۲ — عثمانلی اسرای حربیه سی ائتلاف دولتری نزدیکه محافظه ایدیله جکدر . سویل اسرای حربیه ایله اسنان عسکریه خارجنده اولانلرک تخلیه سی نظر دقته آله جقدر .

ماده ۲۳ — حکومت عثمانیه مرکزی حکومتلره بالجمله مناسباتی قطع ایده جکدر .

ماده ۲۴ — ولایات سته ده اغتشاش ظهورنده مذکور ولایتلرک هرهانکی برقسمنک اشغال حقی ائتلاف دولتری محافظه ایدرلر .

ماده ۲۵ — متفقلره حکومت عثمانیه آراسنده مخصاصات ۱۹۱۸ سنه سی تشرین اولنک اوتوز برنجی کونی وسطی ساعت محلی ایله وقت ظهرده تطبیق ایدیله جکدر .

انکلتره حکومت قرالیه سی سفان حربیه سفندن لینیده موندروس لیمانده لنگر انداز آغا ممنون زرهلیسنده ۱۹۱۸ سنه سی تشرین اولنک اوتوزنجی کونی نسختین اولارق امضا ایدلشدر .

سعدالد رساد حکمت مسیح رؤف آنورغالطوروب

ایشته بومواد واحکام ایله تورکیه استقلالنی تماماً غائب ایدیور وعاقبتنی دول ائتلافیه ننگ قرار وانصافنک تجلیاتنه ترک ایتش بولونیوردی . اساساً ، ظاهراً ملائم وانسانی کورینن معهود ویلسون پرنسیپلری کندی مخاصملری اولان مغلوب ملتلرک نیم اطمینانله برای تدقیق او ماده لره اکیلدکری صره ده اکسه لرندن قیلیچلانمق ایچون مذکور دولتلر طرفندن ترتیب ایدلش براغفالنامه ایدی . بونلر بالنتیجه آوروپا سیاست عنعنه کاریسینی داوما خجیل براقه حق بروثیقه تاریخیه در .

۴ - تورك استقمول مجاهده-سى نصل باشمبور :

افنديلر ؛

ايسته بوقاره كونلرك باشلانغچنده كوره نركوز ، ايشله بن بردماغ بليريور ، « مصطفي كمال » . او ، واقعا دها حرب عمومينك بدايتمنده و صكره مختلف جبهه لرده اوردولرني يوكسك سوق و اداره سييله پك بويوك خدمتار يامشدى . فقط ملتنه قارشى وظيفه اصليه سنك آنجق شيمدى باشلادىغنى قبول ايدبيوردى .

۱۹ / ايلول / ۳۴ كيجه سى سوريه جبهه سنده باشلايان انگليز تعرضى ، آلمانلرك پك فنا و خطالى اوله رق ترتيب و تعبيه و معندانه فكر لرله اداره ايتدكلرى عثمانلى اردوسنى پریشان ايتمش ، يالكز مصطفي كمال پاشا ، امرنده كى اردوسنى قورتارارق حلب و جوارينه قدر كتير مش بولونيوردى . تهلكه كى ايچندن كوره ن مشارالیه ، بدرجه يه قدر او كنه كچمك ايچون دها فلاكتك ايلك آننده پادشاهه ، عزت پاشانك رياستنده كندوسى ده حربيه ناظرى اولمق اوزره بر قاينه تشكيلي تكليف ايدبيوردى . بر آز صوكره عزت پاشا قاينه سى مصطفي كمال سز موقع اقتداره كلدى .

بوصيره ده عثمانلى اردوسى شو وضعيتده ايدى :

شرقده : قافقاس اسلام اردوسى آذربايجان حدودى داخلمده ، طقوزنجى اردو اخيلكلك ، كرى ، اردهان ، باطوم ، قارص منطقه لرنده عراقده : آلتنجى اردو موصل داخل اولمق اوزره [ خانغين - اصلاحيه - كركوك و امتدادى ] خطنده انگليزلرله تماسده .

سوريه جبهه سنده : ۲۰ / تشرين اول / ۱۳۴۱ ده حلب تخليه ايدلمش ، ايكنجى و يدنجى اردولردن مركب ييلديرم اردولرى غروبنى



قوماندانلغنی ، لیمان فون ساندرهس پاشادن دوراً مصطفی کمال پاشا درعهده ایتمش اولوب قرارگاهی آطنهده ، قطعاتی بغداد خطنک شمالنده ایدی .

معان ، حجاز ویمنده کی قوتلر اسیر عد ایدیله بیلردی .  
چناق قلعهده کی ودیکر مناطقهده کی قوتلر شایان اهمیت بر ماهیتده دکالر ایدی .

مصطفی کمال پاشا بو وضعیتده امرنده کی ۲ و ۷ نجی اردولرله موصل منطقه سنده کی آنتنجی اردودن استفاده ایدرک یکی بر تشکیل ایله بو فلاکت ایچنده تورک سسنی یوسلمتک تشبث و تکلیفلی ایچنده ایکن صدر اعظم و باش قوماندانلق ارکان حریبه ریسی اولان عزت پاشادن [ دول ائتلافیه الله عقد ایدیلن متارکه نامه شرائطی بروجه زیردر . معلومات حصولیه هر اردونک کندینه عاند خصوصاتی در حال تطبیقی الزمدر . بو بابد لوزوم کورولدکجه ایضاحات و تعلیمات وریله جکدر . ] امرینی آلمشدی .

متارکه نامه نک تدقیقندن ، دولت عثمانیه نک بونکله کندینی بلا قید و شرط دشمنلره تسلیم دکل ، مملکتی دشمن استیلاسی ایچون اوکا معاوتی ده وعد ایتدیکنی کورن مصطفی کمال پاشا حاضر تلی بو موادک اولدیغی کیبی تطبیق ایدلیکی تقدیرده مملکتک باشدن باشه استیلایه اوغرایه جغنی ، دشمنلرک هر دیدیکنه سمعنا واطعنا دینورسه تورکیه ده مسئولیلرک حاکم اولاجغنی بر کون عثمانلی قابینه سنی دشمانلرک تعینه قادر و اراجغنی اطرافه آکلا تمقله برابر ۳ / ۱۱ / ۳۳۴ ده متارکه موادینک تطبیقاتی ایچون مهم نقاطک تنویری عزت پاشادن استیضاح ایله دی . بالطبع نفوذ و صلاحیتی قالمایان بر مقامدن ایسته دیکی صراحتله

جواب آلمق قابل اولمادی . آرادہ کچن بر چوق مخبارادن صوکر  
بالخاصہ شو شيفره بی ده یازدیله .

آطنہ

استانبولده صدر اعظم عزت پاشا حضر تلیزینہ ۳۳۴/۱۱/۸

اسکندرون شهرینک انکلیزره تسلیمی حقندہ کی امر لری آندی .  
اسکندرون لیماندن و حلب شوسه سندن استفاده ایدہ بیله جک لری حقندہ  
اٹلا فیونک و قوعبولان ایلك مراجعتلرینہ طرفزدن سرد و بار د جواب  
ویرمش اولدینی حقندہ کی ذهاب دولت لری نیک سبب تولدی آ کلاشیلاماشدر .  
مختلف سبب و بہانہ لرله انکلیزر لک اسکندرونی اشغال ایچون وقوعبولان  
و صوک مراجعتلرینہ اورادہ کی قوماندانمز طرفندن ویردی کمز تعلیماتہ  
توفیقاً اعطا اولوبان جواب پک زیادہ نازکانه و حکومت سنیہ نک بزہ  
تبلیغ ایله دیکی متار کہ شرط نامہ سی مندرجاتہ و ذات دولت لری نیک او امرینہ  
تماماً مطابق اولدوغی غرو بجه و ثائثہ مستنداً ادما اولوونور . بو بابده  
سرت و بار د جواب آندیغی بریتانیا حکومتک مرخص لری طرفندن  
دخی سویله نمش اولدوغنہ دائر بر قید و اشارت یوقدر . بناء علیہ  
انکلیزر لک دہشتلی بولدیغکمز اک صوک جواب لری نیک اسبابی باشقہ یرلر دہ  
آرامق لازمدر . و بالتدریج بوتون مملکت مزی استیلایہ قدار و اراجق  
اولان بویله دہشتلی جواب لری نیک تکررینہ شہہ اولدیغندن عرض ایتدی کم  
اسبابک درین دوشونجه لرله نظر محاکمہ یه آلماسی لزوم نک عرضی  
وظیفہ عد ایدرم .

حلبده بولونان انکلیز قوماندانی، استفاده ایتلرینی طلب ایتدک لری

اسکندرون - حلب شوسه سنی تحت امنیتده بولوندی ره بیلیمک ایچون  
قطعا تمزک [کلیدس - پایاس] خط نک شمالنه آلماسنی انکلیز باش قوماندانلغ نک

استانبوله تکلیف ایتدیکنی و وقت ضیاعنه محل قلامق اوزره [حلب- اسکندرون] شوسه سنک شیمیدن کشفنه مساعده اولونماسی لزومی بیلدیرلشدر . ۶ نجی اردو قوماندانلغک ۷ / ۱۱ / ۱۳۳۴ راپوری ده منظور دولتری بیورلشدر . بوراپور محتویاتنه نظراً [ نصیبین - جزره - حلب ] شیمندوفرینی اشغاله اشارت اولان انکلیز اردوسی باش قوماندانلغک موصلک در عقب ترکی ، عکس تقدیرده جبراً کیره جکی حقنده کی تکلیفی نه صورتله تفسیر اولوزور .

کوریلدیورکه مسئله نک طرفزدن انکلیز مرخصلرینه قارشوی وقوع اولدیغی ظن اولنان برودته حملنه محل یوقدر . مطالعات مسروده دن مقصد عاجزانم شودرکه هر نه سببه بناء اولورسه اولسون انکلیزلرله عقد ایدیلن متارکه نامه نک امضا تحتنه کیرن شکل مضبوطی ، دولت علیه عثمانیه نک حیات و سلامتی کافل معنا و ماهیتده دکلدر . مواد مذکوره نک مهم و شامل مدلوللرینک بر آن اول تثبیتی لازمدره . یوقسه انکلیزلرک تکلیفنه بوکونه قدر اولدیغی طرزده معامله ده دوام ایدلیکی تقدیرده بوکون [ پایاس - کلیس ] خطنه قدر اولان اراضی بی ایستهمین انکلیزلرک یارین [ طوروسه ] قدر اولان کایکیا منطقه سنی ودها صوکره [ قونییه - ازمیر ] خطنک لزوم اشغالی تکلیفینک ، یکدیگرینی ولی ایده جکی وبالنتیجه اردومزک کندیلمی طرفندن سوق واداره سی حتی هیئت وکلای عثمانیه نک بریتانیا حکومتی طرفندن لزوم اتخابی کبی تکالیفینک قارشو . سنده ده قالمق مستبعد دکلدر . عجز وضعفمز درجه سنی پک این بیلیرم . بونیکه برابر دولتک یایمغه مجبور اولدیغی فداکارلغک درجه سنی ده تعیین وتمدید اتمک لازمکه جکی قناعتی محافظه ایدهرم . یوقسه المانیا ایله متفقاً سوکنه قدر حربه دوام اتمک حالنده ، بستیون منہزم اولندیغنه

نظراً انکلیز لک استحصال ایلدیه بیله جک لری نتیجه یی اونلره کندی معاومت مزله بخش ایتک تاریخده عثمانلیلق ایچون وبالخاصه حکومت حاضره من ایچون پک قاره صحیفه لر وجوده کتیرر . شاید حکومتجه انکلیز لره جدیت و صمیمیتنه اعتماد اولته بیله جک براتفاق خفی یایلمش و یا یایلمسی احتمالی قوی درجه ده بولنش ایسه بو خصوصک مجهولز قالمی بالطبع یا کلاش محاکماته سوق ایده بیله جکندن ممکنسه بو باده ایماء اولسون تنویر ایدلمک لکیمی رجا ایدرم . عاقبت وطنله اندیشه ناک اولمقدن متولد و صمیمی بولندیغنه شبهه ایدلمه مک لازمکن مطالعاتک مناقشه ماهیتنده تلقیسنه تمایل بیورولمه مسنی خاصه رجا ایدرم .

ییلدیرم اردولری غروبی قوماندانی

### مصطفی کمال

پاشا، خاطر اتنده بالذات اشارت بیوردقلری اوزره بو وثیقه تورک منور لرینی، وجدانی، فکری ملاحظه یه دعوت ایده جک ماهیتده در . بوندن بر آز سوکره عزت پاشا قابینه دن چکیلیور . مصطفی کمال پاشایه استانبولده بولنماسنک لزومی اولدیغنی احساس ایدیور . پاشا استانبوله کلدیکی زمان مجلس ده توفیق پاشا قابینه سنه رأی ویریله جکندن مجلسه قوشیور و مجلسی تنویر ایده رک عدم اعتماد رأی ویرلمه سنده و عزت پاشانک تکرار موقع اقتداره کچمه سنک تأمینده اصرار ایدیور . فقط موفق اولامیور . متعاقباً پادشاهله یاپدیغنی ملاقات نتیجه سنک ده عقیم قالدیغنی کورنجه شیشیلیده کی اوینه چکیلوب یکی پروغرامیله مشغول اولمغه باشلایور .

۵ — دول ائتلافیه طرفندره متارکه موارنك نظیمی :

برانکلیز رساله سنک یازدیغنه کوره ائتلاف دولتری حرب عمومیدن اول آرملنده تورکیانک انقسامنه قرار ویرمشلردی . فقط روسیه نك انحلال صورتیه آرلرندن چقماسنندن استفاده ایدن ودها قوی بولنان انکلیزلر اولجه ویرمش اولان بوقراری کندی لهلرینه قسماً تعدیل ایتشلردی .

تورکک جلادتی اوکنده وقتیه یأس و حجاب ایله دونن ائتلاف اردو ودونماسی مساعده ایدیلن چناق قلعه کچیدی اوکنده متارکه عقد ایدیله لی برهفته کچدیکی حالده تردد واندیشه ایله بکله یور وطورپیل خطلرینک تطهیریه مشغول اولیوردی . نهایت ۱۳ تشرین ثانی ۳۳۳ده ائتلاف دونانملری استانبولک وهر تورکک عرشه دایانان مامی آراسنده سلطنت سراینک اوکنه بیغیلدی . اوزمان بوقافه یه یونان دونماسنکده قاریشماسی عزت نفس ملیمیزی بوسبتون ایخیمش و تهلهکی نی دها اودقیقه ده تفهم ایش بولونیدیوردی . تورکک ایچنه صیران کوزیاشنه مقابل ، یرلی روم وارمنیلرک شاقراق استقبالیله استانبوله یرلشن ائتلاف عسکری واداره سی ، چولارده کونلرجه صوسز قلمش مخلوقاتک آنی تصادف ایتدکلری برصوباشنده کوستردکلری استعجال وشاشقینلغه بکیزر برطورله ایلك کوندن اظهار قصد وطنیت ایله دیلر .

آدلرینی کندولری طاقدقلری دول معظمه یه او یله کلمشدی که اوکنده آیلرجه خائب وخاسر قالدقلری چناق قلعه دن کچمکه ، ملتک اوزمانه قدر کعبه حرثی اولان استانبولی قره و دکزدن اشغال ایتمکه شرق مسئله سنک حلی قوه قریبه یه کلش و عصرلردن بری غایه ایدیندکلری تورکیا انقسام وانحلالی حاصل اولش دینکدی .

حالبوکه تورکیا ، نفاس ، جزائر ، مصر و عربستان ونهده تورکر  
اونلردی . عصر لجه أمک و ثروت صرف ایدهرک شرقی تدقیق و تحلیل  
ایتدکرینی ظن ایدهن غرب دولتری بزی آکلایه ماملردی . حر  
دوغان و دائماً حر قالان تورکک روحنک ذلت و اسارته تحملسزلکی  
حقیقتنه ایریشه مه ماملردی . معذور ایدیلر چونکه تورکک تقدیر ماهیتنه  
عقل بشر کفایت ایده مز .

متارکه عقدندن آلتی بچق آی سوکره ۱۵ / مایس / ۳۳۵ ده  
اردومز بانجبوریه شویله بروضعیت آلمشدی . [ قروکی - ۱ ] .  
بوتاریخه قدر کچن زمان ظرفنده متارکه نامه نك همان بتون موادی اک  
آجی شکلیه تطبیق ایدلمش وشو وضعیت حاصل اولمشدی . قره دکزه  
کچمک ایچون بوغازلر آچیلمش چناق قلعه و قره دکزه بوغازی استحکاماتی  
مؤتلفین قوتلرینه تسایم ایدلمش . عثمانلی صورلنده کی طور پیلر قالدیرمش ،  
سفاش حربیه مز و اسپرلری کندیلرینه تسلیم ایدلمش ، تیمور یوللرمز  
و مخاربه و سائتمز کندی مأمورلری طرفندن اشغال ایدلمش اسکی  
متفقلمزه عائد اشخاص مملکتدن کاملاً چیقارلمش و بو حکومترلره  
بالعموم مناسباتمز قطع اولنش ، حجاز ، عسیر ، یمن ده بولنان و اوزون  
زماندنبری آنا وطنله ارتباطسز قالدقلمی حالده تحملسوز محرومیتلر  
ایچنده شان ملیمزی محافظه ایتمش اولان قوتلریمز اک یقین ائتلاف قوماندانه ،  
ظرابلس غرب و بنغازیده الآن مجادله ایدهن ضابطلریمز ایتالیان  
قوماندانلرینه تسلیم ایدلمش . اردولریمز کلیکیا ، موصل ، آطنه ، مرعش ،  
اورفه حوالیسنی و قفقاسیایی تخلیه ایدهرک قروکیده کوستریلن وضعیته  
چکلمش ، اردو ترخیص ایدیلهرک موجودلر عادتاقادر و حالنه ایندیرلمش ،  
ترخیص دولایسیینه ده پو ایدیلن و اولجه احتیاطاً ده بولنان اسلحه

وجبخانه‌ی ضبط ایتمشر ، انگلیزر جنوبده موصل حوالیسنی ، اورفه و مرعشی [ اورفه و مرعشی بالاخره فرانسزرا اشغال ایتدیله ] شمالده صامسون ، مرزیفون و ازمیتی .

فرانسزرا جنوبده کنیکسیایی ، شمالده باندیرمه و زونغولداغی ، ایتالیا نلر قونیه ، سوکه و آنطالیه حوالیسنی ، آریجه فرانسزرا و انگلیز و ایتالیا نلر مشترکاً استانبولی اشغال ایتمشر و قرارگاه عمومیلرینی استانبولده تأسیس ایتمشردی . بوندن باشقه انگلیزر باطوم و تفلیسی اشغال ایدهرک ارمنی و کورجی حکومتلرینی قوردیلر . بوصولده شرقده برسد و جوده کتیر مکه چالیشدیله . بو وضعیت داخل مملکتدهده چوق فنا صار صینتیلر یاپدی . معنویات قیرلدی . هر طرفده شقاوت باشلادی . هله روم ، ارمنی و حتی یهودیلرک تربیه سزاسکی غیر قابل تحمل بر حال آمشدی . هر روم اوی مائیلی بیاضلی ، هر ارمنی دکانی طور ونجی و موررنکده کی بایراقلرله دونامش و یهودیلر بیله ازمیرده کی خاخاننه لرینه کندی بایراقلرینی طاقشدیله . خلاصه تورکیا هیج بر ملتک اوغرامادینی بر عاقبتیه اوغراماشدی . بونک اک قورقونجی حرب عمومیده کی بعض یولسزقلری خاطره سنده بیوتن منور طبقه نکهده ضابطانمزده دشمنلنی و بوصولده دشمنلرک آرزولرینی تسهیل ایتملری ایدی . حالبوکه بوفلاکتی دور دورده جق یکیدن آقاجق قانلردی . ضابطان هنوز نفس آلمادن بوقدسی وظیفه یه حاضر لانیکن بالخاصه منور کتله طرفندن معروض قالدقلری بوکی خصمانه حس و حرکتلر نه قدر حقسز و یا کلشدی . بو خصوصده او قدر ایلری وارانلر اولدی که از جمله جناب شهاب الدین آدی بر آدم قهرمان ضابطلریمزک قطعی بر استحقار حیالله بتون حرب عمومی سنه لری سرحدلرده یالچین قیلرده قارارتدینی مهموزلرینی و آپولتلرینی اننه دولایه رق اک عادی

بر دشمن کبی ستونلر دولوسی یازیلر یازدی . بره کت ویرسون بوفجیع  
خطادن اکثریت چابوق جایدی . انکلیرلربیلدیوردی که برماتی اقراضه  
اوغراتمق واونک جاذب وارلقلرینه توارث اینمک ایچون او وطنده  
هرشیدن اول دوچار ضعف ایدیله جک ایکی قوت واردر . بری ملتک  
روحو ، دیکری اردونک روحو بوسبیله اول امرده بو ایکی قوت  
وقدرت عنصرنی یوق ایتمک یولندن یورودیلر .

بر آز اول عرض ایتدیکم اوزره ائتلاف دولتلری مملکتی هر طرفدن  
اشغال واردوی وسائط تدافعیه دن تجرید ایدرکن قوتلرینک حاکم  
اولدینی یرلرده ناموسکار ولیاقتلی قوماندانلری بر روسیه ایله اله  
کچروب حبس ایدیورلر ورتبه سی نه اولورسه اولسون هر تورک ضابطنی  
کندی ضابطرینه سلام واحترامه مجبور طوتیورلردی . بومیانده ملتک  
روحنده تشمت حصوله کتیرمک ایچون حریت وائتلاف فرقه سی  
منسوبینی کوروکله دیلر . عزت نفسمزی قیرمق و بزنی بسبتون بیلدیرمق  
ایچون قادین ارکک ، اختیار کنج هر فردیمزه هر دور لوفالقرلی تطبیقه  
قالقیشدیلر . کندیلرینه استناد ایدن بو حزب واسطه سیله بر چوق  
وطنپرور ذواتی اتحاد و ترقیه منسوب ، تهجیر و نقییل ایله علاقه دار  
دییه تضییق و حبس ایتدیلر . بو صورتله ملتی تفرقه یه ونومیدی یه  
دوشوردیلر . دیکر طرفدن بو تدهیش سیاستی قارشوسنده مملکتک  
منور کچین بعض زواللیرینی ده ماندا وساره کبی کندی کندیمزی  
آلداتان و بیلمه دن اسارته راضی قیلان پروباغاندالری یامغه سوق ایتدیلر .  
حتی بونلردن بعضلری قصد اخاتله و بر قسمی سائقه جهل و غفلتله  
مع الاسف هرشی بیتمشدر دییه دول معظمه یه تسلیمیدن بشقه چاره  
قالمادینی توصیه لرینه قالقیشدیلر . عادتاً هر کس بر بردن چکنمکه باشلادی .



او قدر موفق اولدیلرکه هر شیدک نهایت بولدیغنی ظن ایدن و ملتله اک  
 ریاسز علاقه سی اولمه سی ایجاب ایدن پادشاه ( سلطان و حیدالدین )  
 یالکیز کندیسنک و توابعنک سفیانه حیاتی قورتارمق ایچون ذلتدن  
 ذلته قوشدی . ملتک مقدس مجاهده سنی دوغمه دن اولدیرمک ایچون  
 دشمنلردن زیاده چالیشدی . دینی شره آلت ایدره ک اسارت کر کدر  
 دی یه فتوالر ویردی . سراینده مجاهدلر ایچون اعدام قرارلری امضالادی .  
 یرلی خرسیتیانلر هر کون قافله لر . حالنده جههلر مزده کی دشمن اردولرینه  
 کوکالی کیدرکن حسسز شهزاده لری آناطولی یه التحاق ایدمک یرده  
 تصور ایدیله مز بیاغیقله سرایلرینی هربری برزدوق و صفاحفلی حالنده  
 ائتلاف ضابطانه آچدیلر . سلطانلر اونلره قدح صوندیلر . آناطولی  
 خلقی قادین ، چوجوق ، کنج و اختیار عشق استقلال ایله اولومه قوشارکن  
 بونلر سرایلرنده و ساحلخانه لرنده تخریب و امحا قوتلرینک ضابط  
 و قوماندانلرینک قوللرنده دانس ایتدیلر . حالبوکه انسان اولسه لردی  
 نه وظیفه لر حس ایدرلردی . ایشته تورک دولتنک ، اندلس دولت  
 امویه سنک اندراسی کی الیم برعاقبتله قارشولاشدینی دمده اونک پادشاه  
 و منسوبینی بودرک یه اینمشدی . ذاتاً قانلری بوزولمش ماهیتلری دیکشمش  
 بوچیلر سوروسندن بشقه برشی بکله نه مزدی . بونلره رغماً کندیلرینی  
 یالکیز وطندن طرد جزاسیله اکتفا ایتمکه فضیلت کوسترلمشدر .  
 باغری یانان تورک ملتی بونلری بردها حریمنه قبول ایتمک دکل بو وطنده  
 خیال و خاطرله رینی یاد و تخینه بیله مساعدده ایتیه جکدر . بز سلطنت  
 اداره سنک نه اولدیغنی ، خلافتک نه یه مال اولدیغنی عصرلردنبری چوق  
 ائی تجربه ایتدک و آرتق بیلوروز .

مملکتی اشغال حرکاتک اک مهملرندن بری ده از میرک یونان اردوسی طرفندن اشغالیدر. بر دولت قاینه سی رئیس دکل ، انکلیرلرک مقصد وارزولرینی اجرا ایچون ترتیب ایدلمش اولان قومیته رئیس مایتمنده بولسان داماد فریدک، موقع اقتداره کچدکن صوکره یکانه غایه سی دشمنلرک آرزولرینک سهولت وسرعتله حصولنه مانع اوله جق عناصری ایش باشندن چکمک اولدی . از جمله از میر والی وقوماندانی اولان نورالدین پاشایی دکیشدره رک قانسور عزت نامیله معروف برینی والیکه و متقاعدیندن علی نادر پاشایی ده قوماندانلغنه کتیرمشدی .

۱۴ / مایس / ۳۳۵ ده آمیرال ( وهپ ) پارس قونفرانسی قرارینه توفیقاً از میر قلاعنک قوای ائتلافیه طرفندن اشغال اولنه جغنی صدر اعظم فرید پاشایه بیلدیردی . عینی کونده ۲۴ ده از میرده بولنان آمیرال غالبوروبده از میر والی وقومانداننه عینی مآلده برنوطه ویردی . والی بونی استانبوله بیلدیره جکی جوانی ویردی وکیلرینه کیده رک غالبوروبی زیارت ایتدی و اثنای اشغاله بر حادثیه محل ویرلمه سنی رجا ایتدی . استانبوله اوزمان حربیه ناظری بولنان شا کر پاشادن بو اشغالک متارکه ایجاباتندن اولدینی جوانی آملشردی . عینی کون اوکله دن صوکره نفس از میرک ۱۵ / مایس / ۳۳۵ ده یونان اردوسی طرفندن اشغال ایدیله جکی بو اثناده تحذت ایده جک آسایش سزلیکی از میر لیماننده کی دول ائتلافیه دونماسنک بر طرف ایده جکی مآلنده ایکنجی نوطه ویردی . بو کون فرانسرلر فوچپی ، انکلیرلر کوسستن آطه سنی ( اوزون آطه ) ، یونانلیلر یکی قلعه یی اشغال ایله مشلردی . ۱۵ صباچی یونان قطعاتی اولجه ویریلن قرار از میر جواری اولدینی حالده ، پونطه دن وقوردونده قره مر جوارندن اولمق اوزره ایکی نقطه دن اخراجه باشلادیلر . یونان

قطعاتی، حکومت دأثره سنه وقیشه یه دوغری ایلرولر کن روملر طرفندن آتیلان برسلاحی بهانه ایده رک برچوق بی کناهی آتش وشهید ایتدیلر وهر درلو یولسزاقلمری ارتکاب ایده رک از میری تماماً اشغال ایله دیلر. از میره حیقان بو ایلك فرقه زافیریو قومانداسنده کی لاریسه فرقه سی ایدی. از میرک اشغالندن برایکی کون صو کره بریونان طاوری ده اورله یه کیده رک اورله بی اشغال ایله مشدی .

بوصورتله قطعاتک انحلالی ، بو منطقه ده ایلك آن ایچون مقاومت ایده جک بر قوت براقه مش و بو آنی خیانتک تأثیر یله اهالی ده نه یه اوغرا دیغنی بیله مه مش اولدیغندن یونانلیلر آز زمانده از میر ، اورله ، چشمه، سیدی کوی، تیره، اوده مش، مغنیسا ومنمنی اشغال ایله مشلردی. دها اول از میرک بر فلا کتله قارشولاشه جغنی اکلامغه باشلایان از میر خلقی اشغالدن برکون اول یقین بر تهلکه نک باشلری اوزرنده دولاشدیغنی حس ایدیور وهر کس قولاقدن قولاغه بر برینه نه فلاکت خبری دویدیغنی صور ییوردی . ولایت و قول اردو مقامی ساکت وهر وضعیتی خلقدن کیزله یه رک اداره امور و اسارتی ذلتله ، عجز و مسکنتله قبول ایتمک و ایتدیرمک ایچون ملتی آوتومغه چالیشیورلردی. بو ائنده اجنبی منابعندن ترشح ایدن خبرلر آرتق از میرک یونانلیلر طرفندن اشغالی بر امر واقع اولارق کوستریوردی . بو خبر ، هیجانله مضطرب بر حالده بولسان خلقک قلیلرنده فوران و غلیان شککنده تجلی ایدیور ، فقط هیچ کیمسه امیدسزلنک و تهلکه نک براقدینی قورقو و تردد ایچنده بر تشبه کچمکه جسارت ایده مه یوردی . ایلك حرکت از میر تورک اوجاغنده طوپلانان کنجلك کتاه سنده تظاهر ایتدی. اعدادی مکتبنده یاپیلن طوپلانمه لردن صکره خلق پروتستو

ماهیت‌نده تظاهرات یا بمق ایچون کیجه لین بهودی مشادغنی دنیلن محله طوپلانمغه دعوت ایدلمش واصل مقصد کیزلی طوتیلمشدی . مقصد شو ایدی : هر نه بهاسنه اولورسه اولسون از میر ، کندیسنی قان دوکه دن یونانلیغه تسلیم اتمه یه جکدی . بو حرکتک ایچنده الیوم معارف وکیلی و او ائشاده از میر کنجلیکنک ایچنده بارز بر موقعده بولنان مصطفی نجاتی بک ایله تورک اوجاغی کاتب عموموسی راغب نورالدین بک بولونیوردی . کیجه جبخانهک یغما ایتدیرلمش و خلقه تسلیم اولنهرق یارین ایچون مقاومت اساسلری حاضر لئغه تشبث اولنمشدی . بر طرفدرده دکزلی مبعوثی حیدر رشدی بکک چیقار مقده اولدینی آناتولی غزته سی مطبعه سنده ردو الحاق بیاننامه لری طبع ایتدیریلهرک خلقه توزیع ایتدیرلمش وبتون آناتولی یه ، یونانلیلر کوزل از میر میزی و مملکت میزی استیلا ایدیورلر ، از میر خلقی سلا حیلله مقاومت ایدیور ، وطنی سه وهن هر کس ایچون از میره دوغری قوشمق وظیفه در . از میر آناتولی یی و افریغی بکه یورشکلنده مفصل بیاننامه لر تلغرافلره هر طرفه چکیلیوردی . فی الحقیقه ایرتسی صباح دول معظمه یونانلیلره از میری اشغال ایتدیرمش فقط از میر خلقی ده او دقیقه دن اعتباراً قان دوکهرک و مجادله ایده رک بو وضعیت پر و تستو ایتشدر . بوندن صکره از میر اطرافنده عمومی حرکات باشلامشدر .

شایان تأسفدر ، یوزلرینی غاصب دولتلره چویره ن ، وجدانلرینی اولنره صاتان پادشاه و حکومتی بر دفعه اولسون ملتک بو وجدانی تمایلاتنه و اثر مردانکیسنه باقاپور و بو قدسی قوت و قدرتن عجبا استفاده ایده بیلمی یم دیمه یور ، بالعکس خائن بر تشکیلاتله ائتلاف دولتلرینک خدمتنده کی آیلقلی روم و ارمنیلر کی و طنی و ملتی اسارت زنجیریلله

صاردیرمغه یاردم ایدنیوردی . یونانلیلر ازمیردن صکره عینی صورتله آیوالغیده اشغال ایتک ایسته دیلر فقط او منطقهده بولنان ی ۱۲۷ قوماندانی حالاً آفیون قره حصار مبعوثی قائم مقام علی بک، بولندیغی منطقهیی والنده کی قوتی یونانلیلره تسلیمی ذل عدایده رک آتیشه مقابله ایتدی وبوصورتله دینه بیلورکه بو وضعیت غربده استقلال حربنک ایلك قیغیلجمی اولدی .

آیوالق وقعه سی خلاصه شویله باشلار : ۲۸/مایس/۳۳۵ ده بریونان صلیب احمر وبر نقلیه کمیسی آیوالق لیمانه کلدی . کوروشمک اوزره قائم مقامه ، موقع قومانداتی دعوت ایتدی . علی بک قائم مقام بکه تعلیمات لازمه یی ویردیکی کبی طابور قوماندانلرندن برینی ترفیق ایتدی . کندوسی کمی به کیتمه دی ونتیجه ده یالکز صلیب احمر هیئتک چیقمه سنه مساعده ایدلدی . کیجه قره یه چیقمه باشلایان صلیب احمر هیئتله برابر یونان قطعاتی ده چیقدی ومصادمه باشلادی . ۲۹/مایس/۳۳۵ زوالندن صوکره علی بک فائق ، دشمن قارشوسنده وشهره قاپوب قالمق تهلیکه سی اوکنده آیوالغی ترک ایده رک جنوب شرقیسنده کی صرتلره چکلدی . بالآخره بوجهه قوت بولارق اوزون زمان یونانلیلرک ایلروله سنه مانع اولدی . یونانلیلر آیوالغی ومنمنی آله کچر دکدن صوکره ۱۲ حزیرانده رشادیه ناحیه سی اوزرنده یورویهرک برغمه یی اشغال ایتدیلر و صومه استقامتنه ایلروله مکّه باشلادیلر . بوسرده قره به فنه نامنی طاشیان بیکیباشی خالد بک ده بومنتقه جبهه سنی طوتمشدی ازمیرک اشغالی خبری اوزرینه ۱۳۰ کشیلاک برمفرزه ایله باندیرمه دن بو منطقه یه یتیشن مومی ایله بو حوالیده کرک یونانلیلره و کرکسه از اووره قارشو مهم وظیفه لر ایفا ایتشدر . بومنته لرده کمال بک، درویش بک [حالا برنجی قول اردو قوماندانی درویش

پاشا] مفرزدری ده تعضو ایدهرک جهه اولدجه قوت بوناشدی . ایشته بو صورتله زمان کچدکجه غریبه ملی قوتلر تعضو ایدیوردی . اوصرده صومه جهه سنده کی مفرزدری میز آیوالق منطقه قوماندانلغنه تابع اولارق برغمه یه تعرض ایتدیلر . دشمنه مهم تلفات ویردیردیلر ورشادیه یه قدر تعقیب ایتدیلر . برآز صکره یونانلیلر بو آنی ضربه نك انتقامنی ، منمنده قضا قائمقامی کال بک ده داخل اولدینی حالده برچوق مأمورین واهالی نی شهید ایدهرک آلمغه قالقیشدیلر و یکی قوتلرله برغمه یی تکرار اشغال ایله دیلر . یونانلیلر بو منطقه ده برغمه دن صکره قینیغی ده اشغال ایدهرک قینیغله صوما آره سنده کی صرتلرده اوزون زمان ملی قوتلریمزله قارشى قارشى یه قالدیلر . یونانلیلر ، دیگر طرفدن ازمیردن شرق و شرق جنوبی یه ایلروله یهرک نیف ، اوده مش و آیدینیغی ده اشغال ایتدیلر .

بوراده ده ایلك تفنك ( ۵ / حزیران / ۳۵ ) ده اوده مش جوارنده یینه قوای ملیه مز طرفدن آتیلدی . یونانلیلرک بو ایلری حرکتی اوزرینه بو منطقه ده کی ۵۷ نجی فرقه چینه یه چکلدی وایلرولرده طوچجی بیکباشیسی حتی بک طرفدن اداره ایدیلن بر قسم قطعات و ملیس قوتلرله جهه تأسیس ایدلدی . یوروك علی نهفه و اوزمانه قدر شقاوتده بولونان دمیرجی نهفه ده حتی بک مفرزه سنه التحاق ایله مشلردر .

۲۷ / حزیران / ۳۵ ده ضابطان قومانداسنده کی بر قسم مفرزه ایله یوروك علی نهفه مفرزه سی آیدینه هجوم ایدهرک اوچ کونلك قانلی محاربه نتیجه سنده یونانلیلری آتهرق آیدینی استرداد ایتدیلر .

یونانلیلر چکلیلرکن آیدینی یاقدیلر . ملیس افرادک ضبط وربطسزلغی یوزندن آیدین تکرار آلدن چیقدی . بونک اوزرینه یونانلیلر ۶ / تموز / ده مندرسی کچهرک چینه یه دوغر و توسیع فعالیتله قالقیشدیلر سه ده

بر طرفدن قطعاً تمركز مقابله‌سی، دیگر طرفدن ای‌تالیانلرک مداخله‌سی ایله کری چکلمکه مجبور اولدیلر .

نیف استقامتنه ایلروله‌ین دشمنه قارشوده ۲۲ / حزران / ۳۵ ده صالحلی جبهه‌سی تأسس ایتشدیر . بو جبهه‌یی از میرک اشغالنده قاچان ژاندارمه یوزباشیسی ادیب بك معیننه طوپلادیغی بر قسم قوتله تأسیس ایتمش بالاآخره چرکس ادهمده کندی قوتلریله بو جبهه‌یی تقویه ایتشدیر . یونانلیلر بر قول ایله ده مغنیسان شاله دوغری حرکتله ، آقحصاری اشغال ایتدیلر و بالیکسر استقامت عمومیه‌سندن یورودیلر . بو جبهه هنوز بوش اولدیغندن بالیکسر منطقه‌سنده کی ۶۱ نجی فرقه‌نک ۱۸۸ نجی آلایندن بر طابور سوق ایدلدی . بونک اوزرینه یونانلیلر مغنیسا استقامتنه چکلدیلر . ۲۳ / حزران‌ده یونانلیلر آقحصاره برده‌انعرض ایتدیلر سه‌ده کیره‌ده‌دیلر . بو صورتله ۲۹ / مایس دن ۲۳ / حزرانه قدر کچن مدت ظرفنده غریبه‌ده ، یونانلیلره قارشی هر طرفده این کوتو بر مقاومت جبهه‌سی تشکی ایتمش بولونیورلردی . اوتاریخلرده غرب جبهه‌سی آتیده کی انقسام آلتنده ایدی .

آیوالقدن صومایه قدر قائم مقام علی بك قوتلری بولونیورلردی . بورادن مرمره‌جق کولنک جنوب غریبسنده کی بلن کویته قدر اولان عموم منطقه‌یه‌ده مرکزی بالیکسره اولان ۶۱ نجی فرقه قوماندانی میر آلای کاظم بك حالاً (مجلس رئیسی) قوماندا ایدیورلردی . بو منطقه‌نک باشلیجه آیوالق ، صوما ، آقحصار قسملری واردی .

بلن کویدن کلاسه قدر امتداد ایدن صالحلی جبهه‌سی ، مرکزی آفیونده اولان ۲۳ نجی فرقه قوماندانی قائم مقام عمر لطفی بك بالاآخره عاشر بك طرفندن اداره ایدیلیوردی .

کلاسدن، مندرسه قدر اولان آیدین جبهه سنهده مرکزی چینهده بولونان ٥٧نجی فرقه قوماندانی میر آلی شفیق بك قوماندایدیوردی. بالآخره غرب جبهه مز شمال و جنوب جبهه لری نامیله ایکیه آریلهرق برینه میر آلی کانظم و دیگرینه میر آلی رأفت بککر قوماندان ویرلیدلر. غربده بو صورتله ملی عضو باشلارکن جنوبده فرانسه لره و انگلیز لره قارشیده یریر ملی جبهه لر تشکیل ایدیوردی. عینی زمانده شرقده بو مناطقک ارمنستانه الحاقی جریانلرینه قارشیده تعضولر باشلامش، بالخاصه بو منطقهده کی اسلحه و جیخانه انگلیز لره ویرلمهش و بونلری تسلمه مأمور اولان انگلیزمأمور لری [آره لرنده بولنان لورد کورزونک آقرباسندن مستر راولسونده داخل اولدینی حالده] اسیر ایدلیدلر. بو قوتلر ظاهرأ ملی بر وضعیتده کوستریدیلوردی. فقط حقیقتده بونلری اداره ایدنلر ضابطان و آناتولیده کی قوماندانلر و بعض فداکار و حمیتلی ذوات ایدی.

## ٦ - بو زمانه ظرفنره استابور لره کی وضعیت :

عزت پاشانک استعفا سی اوزرینه توفیق پاشا قاینه سی کندیسنه اعتماد رأی ویره ن مجلس مبعوثانی قیامتش بو صورتله انگلیزلرک واسطه خبایش اولان پادشاه سختهده ایسته دیکی کی اویناتیلغه باشلامشدی. بو قاینهده فوزی پاشانک چوق بویوک خدمت لری اولمشدر. انگلیزلرک حاریل حاریل مهماتمزی طوپلاتدق لری بو آنلرده فوزی پاشا اتخا ذ ایتدیکی تدابیرله موصل جبهه سنهده کی قطعاً تمزدن طوپلانان اسلحه و جیخانه نی تره نه نقل ایتدیرمه یه رک داها امین کوستریدیکی دیار بکر - صامسون یولیه نقل ایتدیرمش و بونلر بو یولده قاله رق بالآخره



آناتولیده اک مهم رونی اوینامشدر. عینی زمانده کوتاهیده کی مهماتکده  
 آنقریه نقلی ده او زمان امر ایتمشده - مالیه جیلرک قولاقلری  
 جینلاسون - نقلیات حواله سی یوقدر دیه سوق ایدیله مه مش و بالآخره  
 بو مهم جیخانه انکلیرک اُلنه کچهرک دریجهدن دکنزه دوکولشدن . بو  
 صرهده فوزی پاشا استعفا ایچون چوق تضیق ایلدیسه ده کندولری  
 آنجق ایترسه کز عزل ایدر سیکز بن استعفا یی موجب بر حال  
 کورمه یورم دی یه خدمتمده اصرار ایدیوردی . او زمان علی احسان  
 و یعقوب شوقی پاشالر آناتولیده برر جهه قوماندانی ایدیلر . بالآخره  
 یعقوب شوقی پاشا استانبوله کلش و یرینه شرقه کاظم قره بکر پاشا  
 کیتمش ، علی احسان پاشاده استانبوله کلهرک میر آلا ی جودت بک ،  
 کنعان بک و ارکان حربیه بیکباشیمی خالد بک کی ایکی قیمتلی یاردجی  
 ایله دیار بکر منطقه سنده قامشدی . کندی آیاقلریله استانبوله کلن  
 یعقوب شوقی و احسان پاشالر بر آز صکره انکلیرلر طرفندن توقیف  
 ایدیلرک مالطیه کوندریلدیلر . نهایت توفیق پاشا قابینه سی زماننده  
 اوچ اردو تشکیل ایدیلرک برنجی به فوزی ، ایکنجی به مر سینیلی جمال  
 و اوچنجی به مصطفی کمال پاشالر تعیین ایدلمش و بصورتله فوزی پاشا  
 قابینه دن چیقارلمش اولیوردی . بالآخره بک خوشه کیتمین  
 توفیق پاشا قابینه سی یرینه فرید پاشا کچمش و آناتولیده کی بعض  
 قوماندان و ولایت مقاملرنده تبدل یاپارق وضعیت ی احضار ایتمش و از میر  
 فاجه سنه کوزل بر آلت اولمشدی .

— ایکنجی قونفرانس —

۱ — مصطفی کمال یانانک آناتولی بہ کجسی :

برنجی قونفرانسدہ عرض ایتدیکم اوزد استانبولده یکیدن تشکیل ایدیلن اوج اردودن شرقده کی اوچنجی اردویہ مصطفی کمال پاشا تعیین ایدلمشدی . مصطفی کمال پاشا صرف مملکتی قورتارمق املیلہ عزت پاشا قاینہ سنک موقعده قالمسنہ و کندوس سنک ده اوقاینہ یہ کیرمه سنہ موفق اولہ مه دقدن صوکرہ آناتولی یہ کچمک و اورادن چالیشمغه قرار ویرمشدی . فقط بونک ایچون بدایتده آناتولی یہ واسع بر صلاحیتہ کچمک و استانبولده آناتولیدہ کی فعالیتنی تسہیل ایدہ جک کوتلی و امین بر شبکہ قورمق لزومنه قائلدی . بو احضار اتدن صوکرہ مساعیسنک دہا اینی فیض ویرہ جکی قناعتنده ایدی . ایشته بونک تأمینلہ مشغول ایکن شرق منطقہ سنده اسلحہ و مهماتی انکلیزلرہ تسلیم ایتمه مک و سائرہ کبی انکلیزلری اوزدن وقو چوندیرن حادثات چیمغہ باشلادی ، عینی زمانده شرق ممالکنک ارمنستانہ موعود اولدینعی معلوم بولندیغندن اوحوالیدہ بوکامانع اولمق ایچون بعض موضعی تعضولده باشلامشدی . بونک برطرف ایدلمسی انکلیزلرہ مطلوب اولدیغندن فرید پاشا حکومتی تضیقہ باشلادیلر . اووقته قدر اتحاد ترقی ارکانہ مخالفت افکاریلہ طانیدق لری و اساساً او منطقہ نک اردو مفتشی اولان مصطفی کمال پاشایہ مراجعت ایدلدی . مصطفی کمال پاشا بدایتده بالالتزام مستغنی کوروندیلر نہایت عسکری و ملکی واسع صلاحیتہ و وظیفہ دار قلنہ رق ۱۶ مایس

۳۵ده از ميرك خفيج اشغال كونه نرنده استانبولدن صامسونه حركت ايتديلمه .  
و [ ۱۹ مایسده مصطفى كمال يالكنز صامسونه دكل ملتك تاريخنى قارارتان  
صوك كيرلى صحيفه لرده آياق باصمش اوليوردي ] .

مصطفى كمال واقعا صامسونه چيقديني زمان ملتك استقاللى ايچون  
لك مساعد بر فعاليت ساحه منه كيرمش بولونيوردي . عيني زمانده اويله  
تخمين ايديله بيليركه حياتنك اك هيجانلى وحساس دهنى ده ينه صامسونه  
چيقديني زمان يشامش اولاجقدر . او واقعا جوهرينى بيلديكى آصيل  
ملتيله موفق اولاجنى قناعتيله حركت ايديوردي . چونكه مصطفى كمالك  
وصف ميزى ، وطن اداره سنده سرگذشت پيشنده قوشمق دكل ، شعور ،  
منطق ، يوكسك بر نفوذ نظر ، عزم و اراده قدرتى در . فرض  
محال ، هر در لوسوء طالعيله عدم موفقيتنده مقدر اولسه يدي ؛ اك مشروع  
حقلى غصب ايديله رك اسير ايدملك ايسته ن بر ملت ايچون ؛ توكل ،  
اطاعت و ظهوراته تبعيله حركت دكل ، بالعكس استقاللى و مقدس  
غايه لرى اوغورينه جداله آيلمق ، صوكنه قدر چالشمق و اك نهايت  
اولومى ترجيح اتمك قدر شرفلى نه اوله بيايردى ؟

ايسته مصطفى كمال پاشا بوغايه ، بو عزم و بو ايمانله يورودى .

مصطفى كمال پاشانك آناطوليه كچديكندن صورته كى صفحانى  
باشليجه درت دوره يه آيريله بيلير : برنجيسى ؛ صامسوندن ارضروم  
قولغره سنك عقدينه قدر اولان زمان . ايكنجيسى ؛ ارضروم قولغره سندن  
سيواس قولغره سنك عقدينه قدر اولان زمان . اوچنجيسى ؛ سيواس  
قولغره سندن ۲۳ نيسانده آقره ده بيوك ملت مجلسنك كشادينه و حكومتك  
تأسسنه قدر كچن زمان . در دنجيسى ؛ ۲۳ نيساندى لوزان صالحيله  
وطنك و ملتك استقالل تامنك تامينى كونه قدر كچن زماندر .

برده بشننجی دوره واردرد؛ استقلال تامه ایرن تورکک، بردها عین تهلککله معروض قلماسی و معاصر بر ملت اولارق غرب مدینتک آزن ، بیقن صولت سیاستی قارشوسنده دائماً دیک قالماسنی تأمین ایچون اجتماعی انقلاب دوره سیدرکه؛ بو، قونفرانس موضوعمکز خارجنده دره . وآن هر بریمزک برر جزئی اولارق اکلانه چالیشدیغمز انقلاب حاضر دره .

برنجی دوره : مصطفی کمال پاشا صامسونده بولوندیغی مدت ظرفنده وضعیتی تدقیق ایله برابر آناتولیده کی ایجاب ایدن قوماندان و ذوات سائر ایله ده مخابره ده بولوندقدن سوکره یکریمی کوزده حوضه ده قالدی . بورادن آماسیه یه کچدی . اوراده انتظار ایدن آرقداش لریله کوروشدی و بعض مقررات اتخاذدن سوکره سیواسه و اورادن ارضرومه حرکت ایتدی . ارضرومده وضعیتی تدقیق ایدرک ده ا قطعی حرکت کچمک قرارینی ووردی و ۲۳ تموز ۳۵ ده ارضروم قونفره سنی آچهرق ملتک استقلال ایچون نشیت ایتدیکی وطنپرورانه قرارلرینی استانبوله وبتون دنیا یه رسماً تفهیم ایله مش اولدی . عینی زمانده تورکک صاغ و زنده اولدیغنی ، حقوقنه رعایتک لازمهدن بولوندیغنی اعلان ایلدی .

مصطفی کمال پاشا صامسونه چیقدیغی زمان ایلك دوشونجه سی مملکتتمزده آسایشک استقرارینه کندی وسائطله مقتدر بولوندیغمزی کوسترمک اولدی . اوزمان صامسون ولایتک وضعیت خصوصیه سی ده بوبنده اک سریع تدبیر اتخاذینی استلزام ایدیوردی . چونکه قره دکیز ساحلیله قسماً آماسیه و توقادک شمال قضالرینه قدر اوزانان اولدیجه کنیش ساحه ده . مقیم اولان عثمانلی روملرینک آتیه و استانبول قومیتلری ظرفندن اداره و تحریک اولونان پونتوس حکومتی تشکیلی آمالی ،

خیالخانه لری چیلانجه بورومشدی . اتخاذا اولنان تدابیر سایه سنده موفقیتلی نتایج استحصالی ایدلی . [ پونتوس مسئله سی سقاریه محاربه سندن صوکره دردنچی قونفرانسه ده تفصیل ایدله جکدر ] .  
 بصورتله روملرک تشبثلری انکشاف ایدمدی . فقط بوتدی بیر موضعی ایدی . هر کون حتمزلقلری آرتیران ائتلاف دولتارینه قارشو موجودیت ملیه مزى سیاسته اثبات ایتک و مقابل تجاوزلر قارشو سنده ملتک ناموس واستقلالنی بالئعمل مدافعه یه قادر بر تشکیلات وجوده کتیرمک لازمدی . مصطفی کمال پاشا بر طرفنده بونی نامینه دوغری یورووردی .

بوصرملرده مایس / ۳۳۵ ظرفنده عموم بلدیله ریسلرینه سعیدمنلا امضاسیله ، استانبولده انکلیز مجبوری جمعیتی تشکیلاتی و هر طرفنده بوجیهته اشتراکله انکاتره مظاهر تنک طلب ایدلمی لزومی حقه ده بر تلغراف گلشدی . ایشه بوکی اغفالیکار حرکتلر آرتدجه آناطولی خلقی آناطولیده دیوان یکی و کور سسه دوغرو یا قلاشیپوردی .  
 اوسس اولنره حایقیردی ! [ اورکمه میکز ، مستریخ اولک ، قورتوله جغز ، سلاحز وحدت ، عصیان و متانتدر ] . دیدی .

مایس ۳۳۵ نهایترنده استانبولده برشورای سلطنت قورولدی .  
 ۲۷ مایس ۳۳۵ ده [ تورکیا - هواس - زویتر ] نامنده ائتلاف دولتلرینک تأسیس ایتدکاری آزانس ، انعقاد ایدن شورای سلطنتده هیئت عمومیه نیک فکری نیک تورکیانک دول معظمه دن برینک مظاهرتی تأمین مرکزنده اولدیغنی نشر و تعمیم ایدیوردی . بو ، بوتون ملتده بویوک بر شهبه و تردد اولاندیرمشدی . بونک حقیقتی بیلدیرمه لری بو کی اشاعتک

تولید ابدہ جکی فضا تاثیر لری مصطفی کمال پاشا صدارتہ یازدی ، جواب آلہ مادی .

بوصرہ لردہ ائتلاف دولترینک یابد قلمری تضیق وظلم قارشو سندنہ کی ملی قیام نظر دقتی جالب بدرجہہ وارمشدی کہ افکار ملتی موقہ ابووشدیرمق املیہ اولہ جق ، فرید پاشانک ریاستی آلتندہ پارسہ بر ہیئت دعوت اولوندی . بوہیئتہ ملتک اعتمادی تعلق ایتمہ مشدی . مصطفی کمال ، کیدن بوہیئتک پروغرامنی استیضاح ایتدی . ایشہ بوسرہ دہ ( ۸ جزیران ۳۵ ) [ معیت عالیک زده کی استہ بو طردن بریلہ همان استانبولہ کایکیز ! ] دی یہ حریہ ناظری شوکت طور غود پاشان برتلغراف کلدی . پاشا ، معنا ویرہ مدیکی بو دعوتک ماہیت و اسبابنی صور دی .

کلن غریب معنالی و آلدادیجی جوابلر آراسندہ او زمان ارکان حربیہ عمومیہ ریسی اولان جواد پاشانک ۱۱ جزیران تاریخی شفرہ سندنہ [ قیمتلی برجترالک آنا طولی دہ سیاحتی افکار عمومیہ دہ انی بر تاثیر باقیمہ جنی جہتہ کمدولریخی انکلیز لک طاب ایتدیکی ] یلدیریلوردی . بونک اوزرینہ پاشا ، پادشاہہ بوپلان و خیانتلرک معناسنی آکلان دی . [ بندن البتہ ملتک بقا و موجودیتک دشمنی اولانلرہ قارشو مماشانتکارلق بکنہ مزدی . عودتدہ یامالطہ یہ کیدہ جکم و یا خودک خفینی حال عطا تہ محکوم بر اقلہ جنم . ] کر اجبار ایدیا برسہم مأموریتدن استعفا ایدرک کما کان آنا طولیدہ وسینہ ملتدہ قالہ جنم و دہا صریح خطوہ لرلہ ملت مظہر استقلال اولونجہ یہ قدر چالیشہ جنم [ جوانی ویردی . آرتق استانبولدن ہیچ برشی بکلہ مہمک لازمک دیکنہ قانع اولارق ، ملت و مملکتک حال و وضعیتنی درپیش و حقوننی محافظہ ایچون ہر دورلو

تأثیر و مراقبه دن آزاده بر هیئت ملیه نك وجودی الزم كوردی و بونك ایچون ایجاب ایدن لرله [ آناطولیده کی قوماندانلر ودها بعض بو او بكارك مروجی اولان ذوات عالیه ] مخابره ایدرك سیوا سده عمومی بر ملت قونفره سی عقیدنی قیرا لاشدیردی . اوصرده ولایات شرقیه مز خلقی ارضرو مدهده عینی مقصد آلتنده بر قونفره عقیده تشریح ایله مشدی . سیواس حاضرانی دوام ایدرکن مصطفی کمال پاشا آماسیهدن ارضرومه حرکت ایتدی .

۲۴ حزیران ۳۳۵ده داخلیه ناظری اولان علی کمالدن ولایانه کلن برتعمیمده [ حقشکستانه و غاصبانه اشغاللردن نه درجه متأثر اولورسه اولسون حکومت ، نه یونانستانه ونه ده کیمسه ایله بو ایشلرده حرب و ضربه طووشه ماز . پارس قونفرانسه کیدن هیئتک اجزای اصلیه وطنی قورتاراجق لری امیددی کوندن کونه آرتقمده در . اسباب دافعه حاضر لایانلری منع ایدیکز . حقیرنده انصاف مزجه داورانیکز . بونلر اسکی دشمنلریمزدر . ] دی به بر طاقم هذیان صاورولوریدی .

کذا ۲۷ حزیران ۳۵ده مصطفی کمال پاشا سیواسه کلدیکی زمان ینه علی کمال [ انکلیز ممثل فوق العاده لکنک طلبیه مصطفی کمال پاشا عزل ایدلدی . مشار الیهک استانبوله جلبی حربیه نظارتنه عائد وظیفه در . نظارتک سزه امر قطعیسی ، آرتق بومعزول ذاتله هیچ بر معامله رسمیه به کیریشمه مک وامور حکومته متعلق هیچ بر مطلوبی اسعاف ایتمه مکدر ] دیه ولایانه برتعمیم یامشدی .

پاشا ، بو خیانتکارانه تشبثات حقنده پادشاهه مراجعتده بولوندینی کبی آناطولیده ایجاب ایدن تعمیل لرله هر طرفی تنویر و وظیفه به دوامه دعوت ایدیوردی . بو صرده حربیه نظارتندنده بلافاصله در حال

استانبوله عودتی ایچون پک اغفالکار ماهیتده تلغرافلر آلبور . فقط آرتق جوابدن مستغنی کورویوردی . سیواسده قونفرانک عقدی ایچون ایجاب ایدن حاضرقلر دوام ایدرکن ارضرومه حرکت ایدن بویوک غازی ۴ تموز ۳۵ده ارزنجانده مابین هایون باش کتبلکندن [کندیسی ایچون انکلیزلرک چوق تضییق ایتدکارینی، حربیه نظارتنک عزل معاملهسی یاپماسنده پادشاهک راضی اولمادیغنی ، استعفا ایدرک ویا نظارتدن بر ایکی آی تبدیلهوا آلهرق استانبوله کلهلری وصلح تقرر ایدنجه یه قدر اختیار بویوره جقلری بر شهر ویا قصبهده استراحتلرینی ذات شاهاننک اک موافق صورت حل اولهرق تخطر بویوردقزینی بیلدیرن بر تلغراف ] آلدیلر . بونی ماما خاوندن عینی زمانده حربیه نظاری اولان فرید پشانک عینی مآلده کی تلغرافی تعقیب ایتدی . ارضرومه مواصلتلرنده تلغراف باشنده فرید پاشا ، هر حالده او حوالینی ترک ایدرک درحال استانبوله کلیکمز دییه اصرار ایتدی . بوندن صرکره متعدد وقضی اصرارلر اولدی . اک نهایت مصطفی کمال پاشا دامادفریده وپادشاهه خلاصه شمدی او قویاجغم جوابلری ویردرک کندیسنی فضولی مشغول ایدن بو لزومسز مخابرا نه نهایت ویردی .

فرید پاشایه یازیلان جواب خلاصه شودر :

۱ - دونسکی تلغرافکیزده پارس قونفرانسنی مقررانته انقیاددن غیری یاپله جق برشی کوریله مدیکی بیان بویورولویوردی . بو مقررات نهلردر . آژانسلرک اک صوک تبلیغاتی استقلال ملیمیزی ومقدراتمیزی پک امیدسز بر حالده کوسترییور . مثلاً ؛ پارس قونفرانسنی ، تراکیا ، پونتوس ، ازمیر وکلیکیا مسائلینی دولنک علیهنه اونارق تعیین ایتمش وولایات شرقیهده ارمونستان حاکمیتنی قبول وتأمید ایلمش ایسهده



بو مقرراته انقياد ايجون وكالت وصلاحيتي آلان و تقدير ايدن كيملردر .  
صدر اعظم پاشا حضرتلری ، وطن و ملتك حقوق مقدسه سنی احما  
ايدن بو فنا وضعيتلری منع وازاله ايجون نه كچی مثبت و مادی تأمیناتله  
وامیدله عودت ایدیورلر .

۲ — ذات شاهابه ، تکمیل حقائق دولت و ملتدن و دقایق حقوق  
خلافندن ، صمیانه بر لسان صداقتله تنویر بویورولمق . آمال و ارادات  
سذیه لرینی دائماً آمال حقیقیه ملته اماله ایلک لازمدر . درسعادته کی  
بعض ذواتدن و بالخاصه مع الأسف بر ایکی آی بیله پایدار اولامایان  
قاینه لرده ظاهر اولان غلط رؤیت ، ضعف قلب ، ملتک آمال  
عمومیه سنه معکوس و غیر مشروع فکرلرله وکالت و استعمال  
صلاحیت ایتک کچی تاریخک اک فجميع مسئولیتلردن قطعاً اوزاق  
قالمایدر .

۳ — شخصیت عاجزانه مه کانهجه ؛ پک یا ککش و خطالی تالقیر  
اولدیغنی کوریورم . بو کون وطن ده بر قدرت ملیه وارسه ، او جریان  
ایدن فلاکتلردن متنبه اولان ملتک قلب و دماغنده طوغمشدر .  
بخی بورادن چککمک و سائره کچی ترتیبات بالعکس پک یا ککش  
و خطرنا کدر .

بیم مصونیتیم حقنده ، خارجیه طرفندن انکلیزلردن تأمینات آلندیغنی  
بیان اولونیور . بوکا حیرت ایتدم . چونکه دولترلی و ملتلی نام  
و شرفنه اولارق امضالادقاری متارکه احکامنی ، محافظه یه بیله اصلا  
رعایت ایتمهن و آلابیلدیکنه تجاوزلرده بولونان و متعدد حیثیت شکن  
مثاللر احداث ایلهین انکلیزلرک بو تأمیناتنه اعتماد ایتک پک صاف دلک  
اولور . یالکیز تمامیله اعتماد بویورولسون که اگر مملکتک سلامتی

و خلاصی شخصک چکامسنه وابسته اولسهیدی بلا قید و شرط و نوع بثمره هیچ بر امید و امل ربطنه تنزل ایتمه رک نفسی قربان ایتمک قدر وجدانی و بسیط بر شی اوله مازدی . بناءً علیه آراده کی تفاوت عظیم ، حقیقی وضعیتک هنوز اورا جه تقدیر اولنه مامسنده در .

۴ — متارک نامه نک عقدندن بو گونه قدر حکومت مرکزیه نک مع الاسف بر برینی تقلیداً عاجز وضعیتر آلماسی و قوای ملیه دن ذره قدر اخذ قوت ایتمه سی نهایت دول اتلافیه نک مملکتتمزی بلا مانع استیلا امللرینی تسهیل آیه شددر . جنرال آللنی ایله الیوم باش ماینجی اولان یاور پاشانک بالذات واقع اولان محاوره سنه و پاشانک معروض قالدینی حقارت و آیریجه جنرال آللنی ایله حریه ناظر اسبقی عبدالله پاشانک ملاقاتنده جنرالک قوللانندیغی استقلال شکن لسانه بو مناسبتله جلب دقت ایلرم . شیمدی یه قدر استانبول قایینه لرینک تعقیب ایتدیکی حسن آمیز شدرکه آناتولینک غرب اقسامی و سرایلره و اریغیه قدر مقرر سلطتی فجیع بر شکده اشغاله و قوای ملیه یی تفریق و احیایه تصدی ایتدیرمش و شرقی آناتولی ایچونده عینی معامله قریبه یی احضاره باشلامشدر . بناءً علیه داخل اولدیغکز قایینه نک بوکا آلت و واسطه اولمامسی و وطنپرورلک ابراز ایتسی تمی اولونور . علاوه ایلرمکه اجتهاد و قناعت عاجزانه مده اصابت مطلقه اولدیغنه هیچ شبههم یوقدر . چونکه بو اجتهاد و قناعت هر طرفده وجدان ملینک انطباعاتنه اویغون کلکده در .

غربی آناتولی یی مزبوحانه بر صورتده قایدیران سیاسته بر کره دها جلب دقت ایلرم . بونی تاریخ ملی شهیر ایده جکدر . مادامکه بو کون حائز بولوندیغکز مقام ، وطن و ملتک سلامتی تأمینه کافل بر

قدرت بخش اوله مایور ، او حالده اسـ لافک آجدینی رخنه لری بو کرده وطن و ملتک اقسام شرقیه سنده توسیع ایچون سرفروایتمه کزمه هیچده لزوم و سبب یوقدر .

استقلانی ضایع ایدن مقام کیزک ترکی صورتیه تاریخک عیان اولان بر صحیفه بی اماندن بر شرف مدوح ایله صییر یلق هر حالده بتون ارباب ناموس و حمیت طرفندن انتظار اولونیوردی .

ایشته ملتک منجیبی ، بویوک خلاصکاری طرفندن فرید پاشایه ویریلن صوک جواب خلاصه بودر .

### پادشاهه ویریلن جوابک خلاصه سی

۹ / تموز / ۳۵

شمدی به قدر کرك ذات هاینلرینه و کرك حریبه نظارتیه واقع معروضاتمه وطن و ملتک معروض و کرفتار اولدینی عواقب الیمه بی تکمیل صفحات و حقیقتیه عرض ایتدم . بونی ایفا ایتکله مقدساتمک نفس عاجزانه مه تحمیل ایله دیکی ک یوکسک و اک وجدانی وظیفه لردن برینی یاپمش اولدم . آمال و تشبثاتمک انکلیزله قارشو حکومت سذیه لرینک نه کبی تضییق و الیم انحصار آلتنده بولوندر دینی و بولوندره جنی معلومدر . بونک دها فضله تشددینه هیچ بر صورتله راضی اوله مایه جغمندن یالکیز مأموریت عاجزانه مه دکل تکمیل مباحاتی وطن و ملتک نور فیض و نجانندن آلان پک چوق سودیکم مبارک حیات عسکریه مه وداع صورتیه بیان فداکاری ایلرم . نجیب ملتک ، حیاتمک صوک نقطه سنه قدر حارس و صادق بر فردی قاله جغمه اعتماد اولونسون .

مصطفی کمال

نهایت مصطفی کمال پاشا پادشاهاق دورینک توجیه ایتدیگی و تخلیفه یی بو صورتله رد ایتدی . و اونیفورمه سنی ماکنه باشنده صویوندی و هیچ بر صفت رسمیه یی حائز اولمدیغنی ، بر فرد کبی ملت صفیری آراسنه ، سوکنه قدر خلاص و استقلال مجاهدسی ایچون قاریشدیغنی بیلدیردی .

### ارضروم قونفره سی

بو قونفره طربزون ولایتی و جانیک سمنجانغیله ولایات شرقیه نامنی طاشیدیان ارضروم ، سیواس ، دیار بکر ، العزیز وان و بتلیس ولایتلری والویه ثلاثه مرخصلرندن مرکب اولمق اوزره ۲۳/تموز/۳۵ده عقد ایدلمش و میدانه کلن تعضوه [ شرقی آناطولو مدافعه حقوق جمعیتی ] نامی ویرلمشدر .

صرف مملکتی قورتارمق غایه سنی کوددن بو ملی جمعیتک هر دورلو فرقه جریانلرندن عاری اولماسی بالخاصه مقیددی . آناطولی حکومتنک خط حرکتک اس اساسی اولان بو قونفره مقرراتنک باشلیج، نقاطی خلاصه شونلردی :

۱ — ولایات شرقیه ، طربزون ولایتی و جانیک سمنجانغی غیر قابل انفکاک و جامعه عثمانیه نك بر رکنی اولمق اوزره بر کل تشکیل ایدر . هیچ بر سبب و بهانه ایله آیرلمق امکانی تصور ایدیله مهن بوکل سعادت و فلاکتده اشتراك تامی قبول ایدر .

۲ — هر درلو اشغال و مداخله یی ، روملق و ارمنیلک تشکیلی غایه سنه معطوف اوله رق تلتی ایده جکمزدن متحداً مدافعه و مقاومت اساسی قبول ایدلمشدر . بو مناطقه دهاشایان عناصر خرسیتیانیه نك قوانین

دولتیه مؤید حقوق مکتسبه لرینه رعایتکارز . مال، جان و عرض لرینک مصونیتی اساساً عنعنات ملیه مزدندر .

آنحق بونلرک بالذات ویابالواسطه کیزی ویآشکار موجودیت ملیه مزی محل بر وضعیت آلدقلری تقدیرده ویخود دول ائتلافیه نیک بو متصدله هر هانکی بر مداخله سی وقوعبولورسه عین ماهیتده تلقی ایدیله رک ملت بالجمله وسائط ماده و معنویه سی استحصال ایدرک مدافعه و مقابله ده بولونمغه کندوسنی صلاحیتدار عد ایده جک و فعال حرکتیه کچمکده قطعاً تردد ایتیه جکدر .

۳ — حکومت عثمانیه نیک انحلال تهلیکه سی قارشوسنده ولایات شرقیه ولایات سائر ایله متحداً ، اولامادینی تقدیرده ولایات شرقیه منفرداً مدافعه و مقاومت اساسی قبول ایدر .

۴ — حکومت عثمانیه تضییق زولی قارشوسنده بورالری ترک و اهان ایدرسه بو منطقه ده بر اداره موقته تشکیل ایدیله جکدر . بالعموم مأمورین ملکیه و عسکریه و هر شی ، بو اداره یه تابع اولاحق در .

۵ — اداره ده ، غایه حاکمیت ملیه اساسیدر .

دیگر مواد، هیئت تمثیلیه انتخابی . بوخصوصه یاپیلاجق تشکیلاتک تفصیلاتی وسائر دن عبارتدر .

ایشته ارضروم قونفره سی ، ملتک حیاتنه ، خلاصنه متعلق قرارلر ایچون اجتماع ایدرکن استانبولده کی فرید پاشا حکومتی بوذواتک کافه سی شقی تلنی ایده رک در حال در دستلریله استانبوله اعزاملرینی بتون مقامات ملکه و عسکریه یه تبلیغ ایدیوردی .

اینگلی دور : شرقده بوحرکات دوام ایدرکن غرب منطقه سیلهده  
 خابراته کیریشلمش اورادهده ملی وارلغک تأسیسه باشلامشدی .  
 بو صیرالده غربده برنجی قونفرانسنده عرض ایتدیکم اوزره باشلایان  
 حرکت قوت بولمش ومدافعه حقوق نامیله بر جمعیت تأسس ایتشدی .  
 غربده کی تعضوک ملی وسیاسی بر شکل آلماسنده وبوتشکیلاتک بتون  
 غرب ولایتلرینه تشمیلنده مجلس رئیسی کاظم پاشا حاضر تلیرینک ریاست  
 وقومانداسنده کی هیئت عامل اولمشدر . بو هیئت بالخاصه از میره دوغری  
 غزته سیله هر کون خلقی تشویقده وکنج آله مانلرک تقویه سنده چوق مؤثر  
 اولمشدر و کاظم پاشا ایله مشترکاً چالیشمشلدر . بوزلر ایچنده از میر  
 مبعوثی ومعارف وکیلی نجاتی ، واصف ، از میر مبعوثی جلال ومرحوم  
 صاروخان مبعوثی رشاد بکلرک بیوک خدمتلی سبق ایتمشدر .

### میراس قونفره سی

ارضرومدن سیواسه کلن مصطفی کمال پاشا بیوک قونفره حاضر -  
 لقلرینک اکیال ایدلمش اولدیغنی کوردی و ۴/ ایلول / ۳۳۵ ده سیواس  
 قونفره سنی عقد ایلدی . بو قونفره نك وضع ایتدیکی اساساتدنك مهیمی  
 چیزیلن یگی حدود ملی در . قونفره ، بونی سهولتله افاده ایچون برنجی  
 ماده سیله شویله جه تثبیت ایله مشدی : [ دولت عثمانیه نك متارکه نامه نك  
 امضالاندیغنی ۳۰ ثمرین ثانی / ۳۳۴ ده کی حدودی داخلنده قالان وهر  
 نقطه سنده کی اکثریتی اسلاملر تشکیل ایدن اقسام ممالک عثمانیه ،  
 یکدیگر ندن وجامعه عثمانیه دن غیر قابل انفکاک ونجزی برکلدر ] دیندی .  
 بو حدود شو ایدی : شرقده الویه ثلاثیه ده احتوا ایدرک کچور ،  
 غربده ادرنه یی ده احتوا ایدن بو کونکی حدودی تشکیل ایدیور ، جنوب  
 حدودی ایسه اسکندرون جنوبدن باشلار ، حلبه قاطمه آراسنده جرابلس

کو پرسیس نه منتهی اولان بر خط و بونک شرق پارچه سمنده ده موصل ولایتی ، سلیمانیه ، کرکوک حوالیسی احتوا ایدر . اوزمان بو حدود صرف عسکری بر ملاحظه ایله چیزیلش دکادی . عینی زمانده ملی بر حدوددی . دیگر مواد ، یالکز شرق ولایتلرینه منحصر آ عقد ایدیلن ارضروم قونقره سی موادینک تکمیل وطنه عائد اولاجق شکله توسیعندن عبارتدی . بو قونقره لر مقرراتی ارکان حربیه عمومیه ریاستی طرفندن نشر ایدیلن و طرف عاجزانه مدن یازیلان «تورک استقبال حربیه» نامنده کی اثرده تفصیلاتیه قید ایدلمشدر .

بو قونقره یه غربی آناطولیدن وروم ایلیدن ده اعضالر کلش و آرتق وطنک هیئت عمومیه سی ، آناطولیده ، وروم ایلیده یاشایان بتون ملتداش لک نقطه نظریخی تأیید ایله مش اولیوردی . بو قونقره نک مقرراتی تکمیل ملتک تشکیل ایتدیکی حقیقی جمهور واستخلاص حرکتک اداری ، مالی ، سیاسی ، عسکری اساس یوللرخی تثبیت ایدن مفکوروی بر کتاب ایدی .

سیواس قونقره سی اثناسنده داماد فرید پاشا ، اوزمان حربیه ناظری اولان شفیق پاشا و داخلیه ناظری عادل بک ارضروم قونقره سنده اولدیغی کبی ینه و بودفعه ده قوتلی برشکلده اظهار ماعتنه باشلامشردی . بو جهن دن اولمق اوزرد انکلیز بیکیباشیمی نوئل ایله بدرخانیلردن جلادت ، کامران و دیار بکرلی جمیل پاشا زاده اکرم ، استانبولدن آلدقلمری تعلیماته بر قسم مسلح کردلرله ملاطیه یه کلشله و اوراده العزیز والیسی علی غالبله برلشهرک بعض ترتیباته باشلامشردی . بونلرک مقصدی قونقره اثناسنده سیواسه هجوم ایدهرک قونقره ارکانی توقیف و اعدام ایتک ، علی غالبک جنبره حاضر اولان اراده سنیه بی اوراده نشر ایدهرک

بوخاستك سيواس والى وقوماندانى اولماسنى تأمين ايتمكدى. عىنى زمانده آنقروده والى بولونان محى الدين پاشاده چورومه كىتمش اوده ديك رطرفدن سيواسه هجوم ايدى جكدى. بو ترتيباتك استانبولدن اداره ايدلدى اله كچن بعض شيفره محلولرندن آكلاشيلمه شدى. اوزمان استانبوله مراجعت ايدلى. بر نتیجه حاصل اولسادى كورولونجه بالنعل تدبير آلدى وهان خرپوطده ۱۵ قوماندانى بيكباشى الياس بك برطابور، ايبى بطريه ايله وملاطيه ده كى سواری آلاينى سوق ايدلى. بو ترتيباتى خبر آلان على غالب ورفقاسى ۱۰ ايلول ۳۵ ده اورفه اوزرندن حلبه قاچدى. عونىسى داغلىدى وبوتشبت عقيم براقىلدى.

ارمنجهي دور: آرتق صراحة آكلاشيلمى كه فرید پاشا و عونىسى بوملك باشنده ائتلاف دولتلرندن دهها شنيع بر دشمندر. بناء عليه ۱۱ ايلول ۳۵ ده هیئت تمثیلیه طرفندن ملاطیه و قومه سندن بحث ایدیلهرك [قابینهك غیر مشروع اولدىنى، و مشروع رهیت رأس كاره كلنجه یه قدر استانبول ايله مخبرهينى قطع ايتدكارى] وحیدالدینه بیلدىرلدى. عىنى زمانده ۱۳ ايلول ۳۵ ده استانبول ايله هر درلو تاغراف و پوسته مخبراتك و موارداتك منع ايدلدىكى، بو حالك دواى منتجه قوانین موضوعه دائره سنده هر درلو مراجعتك هیئت تمثیلیه یه پایلاجنى بتون مقامات ملكیه و عسكریه یه اعلان اولندى. بو حال تام یكرمى اوچ كون دوام ايتدى. ملت بومدت ظرفنده مقاصد مقدسه سنى استحصاله كى وحدت و تساندىنى آثاريله، متانى ايله چوق يوكسك برطرزده اظهار و اثبات ايتدى. نتیجه ده فرید پاشا و عونىسى بو عزم و جلادت قارشو سنده ۲ آشرین اول ۳۵ ده استعفا ایدوب چكىلدىلر. ۳ آشرین اول ۳۵ ده على رضا پاشا قابینهسى كادى و مخبرات باشلادى. بو مخبراتك موضوعى



بالخاصه ؛ ظرفينك نقطه نظر نده آكلاشمسى و مجلس مبعوثانك يكي دن  
وسريعا اجتماعى خصوصنده ايدى .

على رضا پاشا قابينه سى هيئت تمثليه نك مطالبنى اساس اعتباريله قبول  
ايتمش و تفرعات حقنده داها اى آكلاشمق ايجون اوزمان بحريه ناظرى  
اولان صالح پاشايى آماسيايه كوندرمشدى . آماسياده صالح پاشا ايله هيئت  
تمثليه ارکانى اوچ كون اوچ كيجه دوام ايدن ملاقاتده قونغره لرك تشييت  
ايتديكى پرنسيپلر و تشكيلات نظامنامه سنك مواد مهمه سى مناقشه  
ايدن لرك مطابق قالدى .

عبنى زمانده يكي دن انتخابات اجراسيايه مجلسك اجتماعنده قرار  
ويرلدى . يالكي مجلسك زده ده اجتماع ايدده جكي مسأله سى حل ايديله مه مشدى .  
هيئت تمثليه مجلسك آناطولنده مناسب بر محله اجتماعنده مصر ايدى .  
صالح پاشا بالذات بو قواعنده اولمقده برابر بوكا آنجق استانبولده قابينه نك  
ويادشاهك رآينه عرض ايدن لركدن صوكره جواب ويره بيهاله جكنى  
بيلايردى .

۲ — استانبولده مجلسك بكي بره كشارى و ميثاقه مدينك تشييت راعملى :  
صالح پاشانك عودتدن صوكره استانبولده آناطولى آراسنده بو  
مناقشه اوزون مدت دوام ايتدى و نتيجده استانبولك اصراريله مجلسك  
استانبولده اجتماعنده قرار و يرلدى . استانبولده كيلر پك ياكش مطالعه  
ايله مجلسك استانبولدن باشقه يرده اجتماعى سياسته دوغرى بولمايورلردى .  
بالضرور او اصرار قارشوسنده آناطولى بوكا موافقت ايتمشدى .

۱ تشرين ثانى ۳۵ ده انتخاباته باشلانهرق كانون اولده استانبولده  
مجلسك اجتماعنده موفقيت حاصل اولدى . مجلس ، طوپلانلاندن صوكره  
اولجه ارضروم و سيواس قونغره لرنده تشييت ايديلن اساسات دائره سته

میثاق ملی بی کسب رسمیت ایتدییره رک بتون جهانانه اعلان ایتدی. آلتی ماده دن عبارت اولان بوملی میثاقک باشلیجه موادی شونلردی :

متارکته تک عقدنده مخاصم اردولر اشغالی آلتنده قالان وعرب اکثریتله مسکون اولان مناطق سربست رأی ایله مقدراتی تعیین ایده جک، متارکه عقد ایدلیکی زمان اشغالز آلتنده بولونان لایتجزی اقسام اقسام اصلیه وطندندر. اهالیسی ایلك سربست قالدینی آنده آنا وطنه التحاق ایتمش اولان الویه ثلثه تک لدی الایجاب تکرار سربستجه آرای عامه یه مراجعتی . غربی تراکیانک وضعیت ، سکمه سنک کال حریتله بیان ایده جکلری رأی ایله تعیین ایده جک، استانبول ومرمره تک حاکمیتی مصون قالمق شرطیله قره دکز وبوغازدن تجارت ومناقلاتک بزمله علاقه دار بزمله متفق دولترک ویره جکی قراره کوره اولسی ، اقلیتلرک حقوقی دیگر مملکتلرده اقلیتلره تطبیق ایدیلن شرایط دأرهنده مقید اولسی ، هردولت کبی بزومه حریت واستقلال کامله مزک اس الایسای حیات وبقامز طایلمسی ، سیاسی ، عدلی ، مالی انکشافه عأد قیوده مخالفت ، تحقق ایده جک دیونمزک بواساس داخلنده طائمه ماهیتنده ایدی . [ بونک اصلی ده « نورك استمبول عربی » نامزده کی اثرمه موجوددر ] .

ملتک اراده سنک بوصورتله کیتدکجه قوت بولسی ، بالخاصه انکلیزلی بسبتون قیزدیراراق بوتعضوی کوکندن ییقمق ایچون تدبیرلر اتخاذه سوق ایله مشدی .

۳ — غربیه جنرال میان خطنک تمبیتی :

تکرار غرب جبهه سنده کی وضعیته دونهلم .

تشرین ثانی ۱۹۱۹ ده جنرال میان غرب جبهه سنی دولاشه رق






اشارات مخصوصه

اجنبی دولت طرفه اشغال ایدینه ساحه




داخلی عساکره نظدری



بغداد


زهدکنز



آق کنز



ک




آ ق و ک















رشته‌های مخصوصه

- 
 فولاد زره کاشی
- 
 فرقه زره کاشی
- 
 پیاده آذربای
- 
 فرقه دولی
- 
 فولاد و دودری

# دکز



# آق دکز



پارسی کی صلح قونفرانسک تعلیماتہ توفیقاً تورک و یونان قطعاتی آراسندہ بر خط فاصل نثیت ایتشلردی [ بوحدود آیوالغک یددی میل شمال شرقیندن باشلار . احمدلی نک اوچ میل شرقیندن کچر وازمیرولایتی جنوب حدودیلہ برلشیر ] جنرال تورکلرک بو خطک اوچ کیلو مترہ شرقہ قادر چکیلہ جکلرینی و طرفینک بو خطی تجاوز ایدہ . میہ جکی قرارینی دہ تبلیغ ایتشدی . جنرال میلن ، بونکلہ دیمک ایستہ یوردی کہ تعیین ایتدیکم خطک اوچ کیلو مترہ شرقندہ بلا حرکت دورہ جقسکز و یونانلیلر بولوندقلری خط کروسندہ ایجہ حاضر لاندقن صکرہ هجوم ایدہ جکلر بوضورتلہ سزی غربک احماقارینہ مطاوعتہ مجبور ایدہ رز . علی رضا پاشا قاینہ سی بوکا معارضدی فقط قرارک عدم تطبیقہ مؤثر اولامدیغندن ۲۳/مارت/۳۶ کونی استعفاسنی ویردی . یرینہ آناتولینک ہر حالہ ارادہ ملیہ موافق برقاینہ کلی حتمندہ کی اصراری اوزرینہ صالح پاشا قاینہ سی کچدی . بوہر ایکی قاینہ دہ جواد و فوزی پاشلر بالخاصہ چوق چالشدیلر . فوزی پاشا بو دفعہ دہ بر چوق تہدیدلرہ واستعفا تکلیف لیرینہ متانتلہ مقابلہ ایدہ رک اصرار ایلہ بدایتہ استانبولدن وظیفہ وطنہ سنہ دوام ایدیوردی .

۴ — بورضیت نارسوسندہ آناؤولیدہ وضعیت سیاسیہ تک منافسی و اربلین قرار :

بوضردہ ہیئت تمثیلیہ اعضالری ومصطفی کمال پاشا آنقرہ یہ نقل ایتشدیلر . انکلیزلر تضیق لیرینی متادیا ایلرولہ تیورلر و مساعد صالح شرائطی تأمین ایدیلہ بیلرسی ایچون قوای ملیہ نک ہر حالہ اورتادن قالدیرلمسی خصوصندہ اصرار ایدیورلردی . بو وضعیت قارشوسندہ

آناطولی زمامدارانی وضعیتی اساسی بر صورتله محاکمه ایده رک قطعی  
 وشامل برقرار ویرمک ضرورتی حس ایتدی. بونده؛ ائتلاف دولترینک  
 متارکک عقدندن بوکونه قدر تطبیق ایتدکبری عسکری، سیاسی ظلم  
 و امحا تدبیرلری و مملکتی خارجاً و کاملاً صاردقندن صوکره داخلی  
 عصیانلرده ایچندن یقه رق، تورکیا صلحنی ایسته دکبری شکلده تثبیت  
 ودیکته ایتدیرمک قرارنده اولدقلمی، بلاخره حادثاتک عیناظهوری  
 وحمله کوروله رک تثبیت ایدلدی. بوندن صوکره آناطولی ایچون آلمسی  
 لازم کان آتیده کی تدابیرک اجراسنه قرار ویرلدی :

اصلی تورک استقلال حربی کتابنده یازیلی اولان بو مناقشات  
 تاریخیه نک نتیجه سنه باغلانان قرار شودر :

[ شرق جهه سنده رسمی ویا غیر رسمی سفربرک یا پاراق قفقاس  
 سدنی آر قه دن بیقاجق تحشیدانه باشلامق . یکی قفقاس حکومتلریله ،  
 بالخاصه ، آذربایجان ، داغستان کی اسلام حکومتلریله مستعجلاً تماسه  
 کله رک ائتلاف پلاننه فارشی قرار و وضعیتلری آ کلامق ، قفقاس  
 ملتلی بزه سدد اولمایه قرار ویردکبری حالده حرکات تعرضیه مزلی  
 توحید ایچون بولشه ویکرله آ کلاشمق ، داخللاً قوای ملیه نی صوک  
 درجه ده توسیع و تقویه ؛ اسلحه وجیخانه و مالز مه مزلی ویرمه مک ایچون  
 سلاح استعمال ایتک .

اک مهم وظیفه ایسه ائتلافک زمان قازانسنه میدان ویرمه مک  
 و آنی ماسکهنی آنوب مملکتک بتون عناصر مقاومتنی توحید ایده جک  
 وسیله اعطاسنه اجبار ایله مکدر. بونی آنجق وضعیتی بو صورتله محاکمه  
 ایددن قطعی قرار صاحبی بر حکومت یا پاییلور . ذاتاً شرق جهه سنده  
 قوت استحضاراتی و شدتله مقاومت کی بعض نقاط منحصرأ اولیه

بر حکومت سایه‌سازنده ممکن اولور. بویله بر حکومت حدودلره متعلق صالح شرائطمزی بو شرائطك قبولی تأخیره طاقتمز قانادیفنی رسماً اعلان ایله برابر خطه شرقیه‌یه متعلق یوقزیده کی تدابیره و مملکتک حین حاجتده آناتولیدن اداره‌سنی ممکن قیلاجق استحضاراته بالفعل توسل ایله دیکنی ده اظهار ایلر . بوکا قارشی استلافیلر قطعی نیتلری کویستمک مجبوریتنده درلر . اگر بونیت بزملمه مصادمه‌ینی قبول ضرورتنده تجلی ایدرسه بز بو مصادمه‌یه ایکی آی سوکره واقع اولاجغندن ده مساعد شرائط داخنده و استلاف منظومه‌سنگ حاضرلغنی ده اکل ایتمه‌مش بولوندیغنی زمانده داخل اوچغز .

مدافعه حقوق جمعیتی ایچون مستعجل بروظیفه، وضعیت سیاسی‌سنگ ایجاباتنه موافق تدابیری حکومتنه تام بر مطابقت افکار داخنده اتخاذ امکان اولوب اولمادیغنی بر آن اول کسدرمکدر . اگر بویله بر حکومت احداشنه امکان یوقسه - مع‌الاسف امیدبخش اولمغه سبب کورولمه‌ور - آلدانیاراق بو وضعیتی شیمیدین مشاهده و قبول ایتملی بز . بونک اوزرینه اتخاذ ایدمکمز تدبیر: هیئت تمثیله آرقداشلر مزی در حال استانبولدن چکمک در حال قفقاس ملتزینه مراجعت ایتمک و یوقزیده بیلدیریلن تدابیره غیر رسمی ، فقط فعال اولاراق تشبث ایتمکدر . بو خط حرکت داخنده داخلی و خارجی قطع مناسباتک نه وقت ونه صورتله حصوله کله چکی شیمیدین کسدریله مز . فقط ایشلر بر دفعه بو یوله کیردکن صوکره انقطاع مناسبات اوزاق کورولمه‌میدر ] .

فی الحقیقه بو احتمالات همان ، کاملاً واقع اولمشدر . تام بو صیرالرده استانبولدن آناتولی‌یه بر هیئت ناسحه کوندردیله . فقط کلنلرده آناتولیده قلدی و ردها دوئمه‌دی . بتون تدابیرک نتیجه‌سز قالدیفنی

کوره‌ن انکلیزر نه‌یاپاچق‌لرینی شاشیرمش بر وضعیتده نهایت ۱۶/مارت  
۳۳۶/ نصف‌الیندن سوکره استانبولی فعلاً اشغال ایله‌دیله .

۵ — ۱۶ مارت ۳۳۶ده استانبولک دشمنلر طرفندره بالفعل واردئ

اشغالی :

دها ، ۱۱/مارت دن اعتباراً استانبولده انکلیزرک مخبره خطوطنی  
تدقیق و تثبیت ایتلمی و سائر بعض اماره خبیع بر عاقبتک یاقین اولدیغنی  
احساس ایله یوردی . نهایت ۱۶ مارت کیجه‌سی کیجه‌دن بالعموم مخبرات  
خطنی قطع ایتدیله . دوائر رسمیه قطع‌لر اقامه ایتدیله و شهزاده  
باشنده ۲۰ نجی فرقه قرارگاهنی باصه‌رق افرادندن بر قسمنی شهید ایتدیله  
بو یله‌جه دهشت سالاراق استانبولی کاملاً اداره‌لری آلتنه آلدیله .  
بالتبع آناطولینک استانبولله ارتباطی آرتق منقطع ایدی . درحال ،  
مصطفی کمال پاشا وضعیتنی بر بیاننامه ایله بتون ملته آکلادی . لازم  
کان اخطار و ایقائظه بولوندی .

بو وضعیت اوزرینه ، صالح پاشا قاینه‌سی استعفا ایتمش ویرینه فرید  
پاشا قاینه‌سی کچمشدی . عینی زمانده مجلس ملی ده باصیلاراق قپاتیلیمش  
و برچوق ذوات توقیف و مالطیه سوق ایدلمشدی .

انکلیزر ۱۶/مارت ۳۶ صباخی استانبولی اشغال ایده‌رک شهزاده  
باشنده کی فرقه قرارگاهنی باصدق‌لری زمان اوت مندرلری اوزرنده  
معصومانه او یویان عزیز نفرلریمزدن بر قسمنی خونخوارجه شهید ایتدیله .  
بو ته‌دید حرکتیله بزه ، بواحاً حرکت‌مز قارشوسنده قپران‌دیکنز می ،  
بر آزاثر حرکت کوستردیکنز می هم‌کزی بو یله‌جه محو ایده‌جک‌ز دیمک  
ایسته‌دیله . بوشاشقین و غافل انسانلر؛ «تورکک» یاشامق یولی اوزرنده



مقدر اولان الك آجی اولوملری كوزینه آلدیردیغنی ؛ ئولمه سنی بیلمه یین ، سه ومه یین ملترك نائل استقلال واستخلاص اولامیه جقلری دستوری چیوقدن چیزدیکنی و بونی کندی ظلم و وحشت حرکتلریله کیتدیجه تقویه ایتدیکنی بیلمه یورلردی .

۶ — یارشا هر حکومتنک بور وضعیت فارسو سنده ضیانتظاره شه بملری :

بو آجی کونک فرداسنده فرید پاشانک صدراتی اوزرینه یازیلان خط هایونده بالخاصه شو قید واردی :

[ متارکه نك عقدندن بدأ ایله بالتدریج نقطه صلاحه تقرب ایدن وضعیت سیاسیه مزى ، ملیت نامی آلتنده ایقاع ایدیلن اغتاشات ، وخیم برحاله کتیرمش و بوکا قارشى شیمدی یه قدر اتحادینه چالیشیلان تدابیر معلمانه فائده سز قالمشدر . اخیراً تبارز ایدن وقایعه کوره بو حال عصیانک دوامی معاذالله تعالی دها وخیم احواله مصدر اولابیله جکسندن اغتاشات واقعه نك معلوم اولان مرتب و مشوقلری حقلرنده احکام قانونیه نك اجراسی و فقط مغفل اولاراق بو قیامه التحاق و اشتراك اتمش اولانلر حقنده عفو عمومی اعلانی ] .

داماد فرید پاشانک بیاننامه سنده ده [ برطاقم کسانک حرص منفعتله ملی تشکیلات عنوانی آلتنده میدانه کتیردکلری فتنه و فسادک دولتک وضعیت سیاسیه سنی بوزدیغنی ، دول معظمه نك توجهنی قیره رزق علمیه مزه جریانلر تولیدینه سببیت و یردیکنی ، متارکه موادینک تطبیقاتنک بویوزدن تشدد ایتدیکی ، از میرواستابول اشغاللرینک بویوزدن اولدیغنی ، بودوام ایدرسه آناتولینک باشدن باشه استیلایه اوغرایاجغنی ، وطنک کووده سی ایله باشنی یکدی کیردن آیره جقلری نی بناء علیه بوشورشنی یاپانلرک اعدام

ایدیله جی، بونلره او یانلردن برهفتهیه قدر عودت ایدنلرک عفو ایدیله جکنی .  
 وسائره کبی [ بریغین هذیان واردی . عینی زمانده در حال فتوالر  
 چیقارتیلدی و آناطولینک هر طرفه داغیتیلدی . دشمنلرک احکار  
 حرکتلرنی مشروع کوسترمک ایچون یاپیلن بوکبی دنائت همیز ایچون  
 چوق درین تدقیق و تحلیله دکر و عبرت آلنه جق بر حادته در .

افندیلر ؛ ایشته دشمنلر مملکتی ایچندن بیقیمق ایچون آز زمانده  
 بو قدر موفق اولدیلر . بالکیز بیلمه یورلردی که یوردک دوراندیش و متین  
 اولادلری قدسی بر عهد و پیمانله خلاص ایچون قسماً آناطولیده حاضر لانیور  
 و قسماً اشغال آلتنده کی مملکتلرده تعضوه باشلا یورلردی . جریان ایدن  
 تکمیل بو حادثاتدن جسارت آلازق کیتدکجه شاعتلرنی آرتیران دول  
 ائتلافیه بورایه قدر تفصیل ایدلدیکی اوزره ۱۵ مایس ۳۳۵ ده یونان  
 اردوسنی از میره چیقارمقله و ۱۶ مارت ۳۳۶ ده استانبولی فعلاً و رسماً  
 اشغال ایتمکله مقاصد لئیماله لرنی علناً اظهار ایتمش اولویورلردی . بو قصدک  
 شمول ودهشتنی آکلامق ایچون فرید پاشا حکومتنه امضا ایتدیریلن  
 ( سهور ) معاهد نامه سنک مطالعه سی کافی وشایان توصیه در .

۱۶ مارت حادثه اشغالی ائتلاف دولتلری ایچون بالخاصه شونقطه  
 نظردن حجاب ایله دولودر . دولتلرنی بو جرات و تصدیلرندن دولایی  
 موأخذه ایتمهین ملتلی ده الی نهاییه انسانیته قارشى محجوب و حقوق  
 موضوعه اوکنده مظنون اولملری کر کدر . چونکه اوکون [ تورک  
 مجلس مبعوثانی باصیلمش و مملتک و کیللری مالطیه سورولمشدر ] کعبه  
 استقلال مزه یاپیلان بوتجائوزه ناصل و زده دن حق آلدق لرنی هر وقت  
 صور ییورز .

## ۷ — ملنك قیامی :

دول اتلافیه نك خاصة انكلیز و فرانسه لرك استانبوله كیردكاری ایلك كوندن باشلایان ظم و احما حرکتی و دساس سیاحتی تورك مقدس حس و کیننده اوکا نظری هر حسابی اونوتدیراجق و آنجق یاشادینی کی بولمکه راضی قیلاجق امکان فوران یاراندی .

کندیلرینه شو نقطه دن چوق منته دارزکه بو کونکی تورك نسلنه غربك مضمربنی چوق کوزل کورتردیله . « بوسل ، ارکونلرک انبافنی بولونجه قدر باشانغه و مستقبل نسل قوت و وضوح ابد انفال ایتدیلمه هوق مجبوردر . »

حرب عمومینك سنه لجه سورهن اضطرابندن سوکره جدی بر صلحك تأمین مقصدیله امضاییدیان موندروس متارکه نامه سنك بوصورتیه فعلاً اخلاقی ، عموم وطنه و مقدس طاینان هر شیمزه و قوعبولان فجع تجاوزات قارشوسنده تکمیل حیات و موجودیتنی قطعی برتهلکه یه معروض کورهن ناموسکار وطن اولادلری تأمین استخلاص و استقلال ایچون کیمت و کیفیتنه باقاریاق یکی بر جداله آتیمقدن باشقه چاره قالمدیغنی آکلادی و بتون ملت حرکته کلدی . آشکارایدی که بردغه قیداسارته کیرلیدی غربك بوقاپانندن قورتولمق چوق زور و کچ اولوردی . بونی آکلامق ایچون هندستانه و دیگر مستملکاته باقق کافی ایدی . یالکیز بویله بر حرکته قیام ایچون ایشی اداره ایده جکره ملنك جوهر مادی و قابلیت معنویه سنی تقدیر لازمدی . بونی اولچمک ایچون یالکیز کتبخانه لرك جلدلرینی قاریش دیرمق و مملکتی نظری اولاراق طانیس اولمق کافی گلزدی . بوملنك افراد یله چوق یاقیندن روح و حیات

یولداشلنی یایمق و بوطوپراقلرک توزلری آراسنه قاریشوب کون وآینه سنه لرحه برابر معروض قالمق ایجاب ایدردی .

ایشته بوصورتله وطنک قابلیت وقوای حقیقه سنی لایقیله ئولچمش اولانلر ، اوزمان آق دکیز قییلرندن شرق صینورلرینه قدر تکمیل وطنده ملتک امید والهام ویرن وچوق نجیب حسلرک قایناشماسندن یریر حاصل اولان حرکات وطنپرورانه سنی تبشیر استخلاص عد ایتدیلر . مصطفی کمال پاشا ، منفرد وداغنیق قالان بوقدرت اسیلانیهی توحیدایله اونوی علمی و فنی برصورتده توجیه ایچون اولا ۲۳ تموز ۳۳۵ ده ارضروم قونقره سنی ، ۴ ایلول ۳۳۵ ده سیواس قونقره سنی کشادایله مجاهدهیه باشلادی ونهایت شرقدن غربه سبرایدن فیضلی برکونش کبی ، بودعوانک مدافعه سی فکرقطعیسیله متحرک اولان کتله ملتی صاحب صلاحیت برعضویت حقوقیه ایله سوق واداره ایچون فوق العاده صلاحیتی حازر اولمق اوزره ۲۳ نیسان ۳۳۵ ده آنقره ده بیوک ملت مجلسنی و حکومتنی قوردی . بوصورتله ۱۳ نجی عصرده مناقینی اکیمل ایده رک تاریخه کچدیکی کوندنبری صامت و سساکن قالمش اولان آنقره ، ۲۰ نجی عصرده آوروبانک بوغوجی وقاهره سیاستی اوکنده وارلغنی قورومق ایچون قیام ایتش اولان آناتولییه مرکز اتخاذا ایدیلرک ده اوزماندن یکی تورکیانک تملی آتیلمش اولدی .

درنجی دور :

۸ — نورکیا بیوک ملت مجلسنک صورت کشاری :

استانبول اشغال ایدلیکی زمان مصطفی کمال پاشا آنقره ده ایدیلر . اشغالدن اوچ کون سوکره یعنی ، ۱۹ مارت ۳۶ ده هیئت تمثیلیه

نامنه ولایاته یابدینی تعمیم موجبنجه هر طرفده یکیدن انتخابات باشلادی. باصیلان مجلس اعضالرنندن بعضیلری داخل اولدینی حالده عصمت بک هیئتی ده بوسرمده دوزجه - بولی طریقله آنقریه ککش بولنیوردی. عصمت بکک بو صورتله التحاقیله آناتولی ، انقلاب اعضاسنک الک یوکسک بر رکننی ده قازانمش اولیوردی ، انتخابات ایچون بعض یرلر الآن ترددده ایدی . آز زمانده بو کبی محللرده قناعتبخش تدایر آنندی و انتخابات یاپیلدی . انتخاب ایدیلنلر آنقرده طوپلانوردی . ۲۰ نیشان ۳۶ ده اکثریت حاصل اولمشدی . مصطفی کمال پاشانک فکری ، مجاسک بر آن اول کسادیله ملتی ایشیله ده یاقیندن علاقه دار قیلمق ودولت شکلی قورمقدی . نهایت ۲۳ نیشان ۳۶ ده آنقرده بر جمعه نمازندن سوکره اسکی مجلس بناسنده ایلك اجتماع یاپیلدی . بوسره لرده آناتولی یه کچمش بولونان فوزی پاشا حاضر تلی آطه بازاری ، کیوه منطقه سنه کلدیکی وقت بو مناطقهده عصیانلر باشلامش و فجیع بر وضعیت حاصل اولمشدی . کچدیکی یرلرده قطعاته ایجاب ایدن ترتیبات و تعلیماتی ویره رک ۲۷ نیشانده آنقریه کلدی .

بوصورتله شیمدی یه قدر استانبولده چالیشان بو یوکسک ومحترم شخصیتده دوغروندن دوغرویه آرتق آناتولینک حریمنده وظیفه سنه باشلامش اولیوردی . فوزی پاشا ، آنقریه کلدیکی زمان مجلسده بعض ذواتی متردد بولدی . بالخاصه قونیه مبعوثی عبدالرحیم چلبی و طرفدارانی استانبول ایله آ کلاشمه نك یکانه سلامت طریق اولدینی حقنده بر تقریر ویرمشلردی .

فوزی پاشا ، مصطفی کمال پاشا ایله کوروشدکن سوکره بو ذواته استانبولدن یکی ککش اولسی دولایسیمله استانبول وضعیتنی صلاحیتله

شرح ایتدی . واوراده آ کلاشه جق بر وارلق اولمادیغنی ، نه یاپارسه  
 آناطولیده کی تعضوک یاپایله جکنی وجیز بر لسانه آ کلاتدی . بوانی بر  
 تأثیر یاپدی ، تقریر کری ، آ لندی . وبوصورتله مجلس آرتق وظیفه سنه  
 باشلادی . اتفاق آرا ایله مجلسک آدینه [ تورکیا بیوک ملت مجلسی ]  
 وحکومتنه ده [ تورکیا بیوک ملت مجلسی حکومتی ] دیندی . وریاستنه  
 مصطفی کمال پاشا تعیین ایدلدی . مجلس هم تشریحی وهم اجرائی  
 صلاحیتی حائزدی . اول امرده حکومتک شکل اداره سی دوشونولدی  
 ونهایت بر هیئت وکیله تشکیلنه قرار ویرلدی . دها هیئت وکیله انتخابندن  
 اول مجلس ، استانبول حکومتک خارجه یاپاجنی معاهده لرك کأن لم یکن  
 اولدیغنی وبویله هیچ بر قوت طانیادیغنی اعلان ایتدی . او صیره ده  
 مملکتک بعض طرفلرنده عصیانلر باشلامش اولدیغندن الیوم مرعی  
 اولان خیانت وطنیه قانونی ده تنظیم ونشر ایدلدی . و ۳/ مایس/ ۳۶ ده  
 ذوات آتیه دن مرکب اولق اوزره ایلك هیئت وکیله تشکیل ایتدی .  
 بر تاریخ اولدیغنی ایچون ایلك هیئت وکیله نی تشکیل ایدن ذواتی  
 عرض ایدیورم :

قرمجه بك مفتیسى فهمى افندی	شرعیه و اوقاف وکالتی :
توقاد مبعوثی بکر سامی بك	خارجیه اموری وکالتی :
جامی بك	داخلیه اموری وکالتی :
فوزی پاشا	مدافعۀ ملیه وکالتی :
میر آلاى عصمت بك ( پاشا )	ارکان حربیۀ عمومیه وکالتی :
عدنان بك	حیییه و معاونت اجتماعیه وکالتی :
یوسف کمال بك	اقتصاد وکالتی :
جلال الدین عارف بك	عدلیه وکالتی :

نافعه وکالتی : اسماعیل فاضل پاشا  
 مالیه وکالتی : حقی بهیج بک  
 معارف وکالتی : رضا نور بک

### ۹ — آناطولی حکومتی ایلیک نصرین ابدوره دولت :

مجلس تشکیلی ایتدکن صوکره ، استانبول حکومتک متمادی پروپاگاندا و فتوالرینه مقابل مجاهدنک قدسیتی و سائره حقنده فتوالر چیقاردیغی کبی مجلسک قراریله رئیس مصطفی کمال پاشا طرفندن دول معظمه خارجیه ناظرلرینه تورکیا حقنده اجرا ایدیلان وایدملکده اولان حقسنزلقردن و بو حقسنزلقره قارشی مملکتک حقوقنک مدافعهسی ایچون تشکیلی ایدن بویوک ملت مجلسی حکومتک هیج بر فداکارلقدن چکنمهیه جکنندن باحث برر بیاننامه کوندرلدی. و بوندن صوکره روسیه بولشهویک حکومتی ایله ده مخبراته باشلاندى. تورکیا بویوک ملت مجلسی و حکومتی ایلیک تصدیق ایدن دولت بوکونکی دور تمز بولشهویک روسیه اولشدر. ملتک حقیقی ممثلارندن مرکب بو هیئت حقوقیه بو صورتله باشده پادشاه و حکومتی اولدیغی حالده بتون سوء قصد و فساد اربابنک ماسکلرینی بیرتدی ، و حرکتلرینک بطلانی افشا ایدهرک یکی بر تورکیانک موجودیتنی و اونک مقدراتی حقنده اعطای حکمه آنجق کندیسنک صلاحیتی بولوندیغی ، خارجده کی قوتلرک ساخته و حکمسز اولدیغی اعلان ایله دی. و هر مشکلاتی جسور و قوی آدیملرله چیکنه یوب لوزان معاهده نامه سنی احضار ایله اکمال وظیفه ایدهرک تاریخه قاریشوب کیتدی. و صورتله تشکیلی ایدن و جمهوریتک اعلانی اولان ۱ تشرین ثانی ۳۳۹ تاریخه قدر بو نام ایله اجرای حکومت ایدن تورکیا بویوک ملت

مجلسی و حکومتی ایلمک دفعه ۲۵ شباط ۳۷ ده برنجی این اوکندن  
صکره لوندره مذاکراتنه دعوت ایلمک صورتیه ضمناً و فعلاً قبول  
و تصدیق ایلمش اولویوردی . بالآخره فرانسه لوله عقدایدیلن آنقره  
ائتلافی ایسه بو تصدیق تأیید ایلمش ودها او تاریخلرده استانبول  
حکومتی ، معنأ و ماده هدم ایلمش و آنجق دول ائتلافیه جه ملته  
باشنه آلت شر و فساد اولاراق براقیلمش قره بلا حالنده قالمشدی .

اساساً استانبولک هر طرفنده حقارت ، تجاوز و ظلم چوقدن  
باشلامشدی . خلق رزالتی کورمه مک ایچون آنجق ضروری سبیلرله  
سوقاغه چیقیوردی . چوق کوزل و محشم استانبولک یوز بیکلرجه  
خلقی ، منوری ، جانلی برر ثولو حالنه کتیرلمشدی . بزم بو معنوی  
ومادی بوشلغمز و یوقلغمز اوزرنده دشمن بایراقلری ، حقارت  
وسونکولری یوکسلمشدی ، بوماهیت ایچنده اوکونلرده حالا برسلطنت  
ودولت آرایانلر نه قدر زواللی ایدیلر ! .

خاملر ، افندیلر ؛ بوراده آجی بر خاطره بی عرض ایتمه دن کچه میه حکم ،  
ازمیرک قجه جه بر باصقینه یونانلیلر طرفندن اشغالی متعاقب استانبولک  
یوکسک خلقی دارالفنونک بو سالوننده طوپلانمش و سرایلرنده بر اولو  
کبی طوران پادشاهلقدن امید قلمدینی ایچون وطنک سینهنده آچیلن  
بو اولدیریحی یاره لره چاره و تدبیر بولمق ایچون دردلشیووددی . اوکون  
بنده بوراده بولینیوردم . بر آره لوق بو علم کرسیسندن رضا توفیق آدی  
ساخته ، کاذب و اغفالکار بر فیلسوفک قیصیق و آدایتیحی سسی دیوولدی .  
بوخائن آدام ملتهک آتشی و ایمانلی هبیجانی قارشوسنده درین بر غفلته  
[ حرب عمومی ده هر شیئه مالک ایکن مغلوب اولدقدن صکره آرتق  
فعلی حرکت دول معظمه یه اطاعت مطلقه کر کدر . آنجق استیمان



وطلب مرحمت بو وطنه نه قازانديره بيليرسه اونكله اکتفا لازمدر ،  
 بن مملکتی سزك کبی قوری بر هیجانله دکل بیلهرک سورم [ دیه  
 بو قاینشان حسلری سوندورمهک ، بو وطنپرور خلقک روحنی قرارتمغه  
 چالیشیوردی . بو صیرهده ظن ایدرم ازمیردن هنوز کلمش اولان رفیق  
 شوکت بک اسمنده بر ذات اوله جق بردن یرندن فیرلادی و طوپ کبی  
 کورله دی ، ازمیر فاجعه سنی و بونک دلالتنی وضوحله حایقیردی . نهایت بو قبه یی  
 صارصان و طنپورولک هیجان و چیلغینانی آره سنده رضا توفیق حقارتله  
 کرسیدن آتیلدی . نتیجهده ماتم بایراق لریله استانبول خلقنی کونلرجه فاتح  
 و سلطان احمد میدانلرینه طوپلایان متینلرک قراری یرلدی .

او کون بو خانک کاذب علمنه استناداً هرشی بیتمشدر دیه اسارت  
 تلقینلری صاحبق ایسته دیکی بو کرسیدن ؛ چوق قیصه بر زمان صکره  
 یالکمز بزم ایچون دکل بتون اسیر و مظلوم ملت ایچون درس تشکیل  
 ایدن بو مسعود نتیجه یی ، عصرلری دولدیران حادثاتی اوچ سنه یه  
 صیقه شدیره رق تاریخه هدیه ایتدی کمز اشسز و بویوک انقلابی عرض  
 ایتمک تصادفی عاجزلری ایچون اک بیوک حظ و سعادتدر .

۱۰ — بو هادئانه صوکره استانبولک ، دشمنلرک راناطولاینک

وضعیتی :

هردرلو مشکلات و موانعه رغماً ملتده کی عشق و ایمانک ، اداره  
 ایدنلرده کی عزم و اراده نک بر سنهده وجوده کتیردیکی بو وضعیت  
 پادشاهی ، استانبول قاینه سنی و دول اتلافیه یی بوس بوتون قیزدیرمش  
 عین زمانده ایجه قورقوتمشدی .  
 بو وضعیت قارشوسنده دهاجدی و قطعی تدبیرلر آلمغه قالدیشدیله .

کیندکجه تقویه ایدیلن یونان اردوسنک غربدن یاپهجنی تضییقه مشترکاً حرکت ایچون احضارانه باشلادیلر. بومیانده استانبولده ۲ مایس ۳۳۶ده تشکیل ایدیلن آناتولی فوق العاده مفتش غمومیاکنه مشیر ذکی پاشانی تعیین ایتدیلر. بو ذات آناتولیده کی قوماندانلره استانبوله صداقتی تأمین ایچون برر بیاننامه یازارق کوندر دیسه ده هپسی رد ایدلدی. عینی زمانده استانبولده سلیمان شفیق پاشانک قومانداننده آناتولی ملیتپرورلرینی تشکیل ایچون برطاقم آج، سفیل ومنفعتپرست کیمسه لردن قوای انضباطیه تشکیلی دوام ایدرکن، دیگر طرفدن کیزلی پروپاگاندراله آناتولی خلفتی عصیانه تشویق فعالیتلری باشلادی. مملکتی مطلق براسارته کرفزار ایتمک ایچون دشمنلره برابر حتی اونلردن فضله چالیشان بو آلچنلر نه روح طاشیورلردی، تورک ملتی آراهنده نصل وجود بولملاردی بیلیمه ورم. بناء علیه بو کبی تشبثات خبیثه نتیجه سنده. آناتولی مختلف یاشلی دشمنلق ایچنده چارپیددی و بعضاً چوق بجرانلر کچیردی، بونلر شیمدی افاده ایدیله مز. بیلنمک ایچون او احوال و تماس ایچنده اولمق لازمدی. او کونک مشکلاتی قارشوسنده دیمدیک دوران تورکک و اونک بیوک منجیسی مصطفی کمالک مخیرالعتول مناتی، الهی عزم وغیرتی اوکنده اکیلیمک لازمدر.

استانبول بو تشبثلرنده ایچه موفق اولدی. غربده؛ بری ۲۵ تشرین اول ۳۳۵ دن ۳۰ تشرین ثانی ۳۳۵ قدر، دیکری؛ ۱۶ شباط ۳۳۶ دن ۲۱ نisan ۳۳۶ یه قدر اولمق اوزره باندرمه، بیغا، کونان، صوصغیرلق طرفلرنده ایکی دفعه آنزاووری مهم قوتلرله عصیان ایتدیردیلر. دوزجه، بولی، مدرنی، بوزقیر، قونیه منطقه لرنده متعدد عصیانلر اولدی. مرکز منطقه سنده؛ ملاطیه حادثه سندن بشقه

زیله، یوزغاد، سیواس منطقه لرنده چیان اوغلارینک، آینه چی اوغلارینک ده اشتراکیله ارضروملی پوسته چی ناظم قومانداسنده کی خایفه اردوسی عصیانی، پونتوس مسئله سی وجود بولدی. شرقده؛ بایوردده پیغمبرک ادعاسیله اورتایه آتیلان شیخ اشرف وقعه سی، الجزیره جبهه سنده، علی بطی و ملی عشرتک متعدد عصیانلری اولدی.

بونلر ۳۳۵ دن باشلا یارق ۳۳۷ بدایتنه قدر حکومتی اگ زیاده مشغول ایدن حادثا ندندی. فقط آلمان چوق جدی تدبیرلره هپسی سوندورلدی. کرک آنا تولیده بلیرن قوتلرک شدتی و کرکسه حقیقنک کیتدجه تظاهری فارشوسنده بر آن کلدی که بوتون ملت تک بر کتیه حالی آلدی.

استانبول حکومتنک بر چوق غیرتله وجوده کتیردکلری قوای انضباطیه ده اوزمان غرب جبهه سی قوماندانی بولسان علی فؤاد پاشا امرنده کی قطع اتدن بر قسمی و بر طاقم ملی مفرزه لرله ایزمیتده تارومار ایدلدی. بوضورتله خیانت و دنائت اربابنک صوک قوزلری ده هوایه اویناتیلمش اولدی. بو صره ده یونانیلر میلن خطنده دوریورلردی. جنوب منطقه سنده کانهجه؛ انکلیرلرک چکیلمه سی اوزرینه آتیه، مرعش، عینتاب و اورفه حواله سی فرانسزلر اشغال ایله مشلردی. بو مناطق خلقنک حمیت و غلبانی و ایش باشنه کچنلرک تدبیر و فدا کارلقیه بو حوالی ده دخی ملی جبهه لر تأسس ایتمش و محاربات باشلامشدی. جریان ایدن اوزون و چتین محاربات نتیجه سنده اورفه، مرعش، خاچین تخلیه ایتدیریلهرک فرانسزلر آتیه و عینتاب جوارینه چکیلمه که مجبور ایدلدیله. وضعیتیه تهلمه کی کورهن و صیقیشان فرانسزلرله ۲۱ مایس ۳۳۶ دن اعتباراً یکریمی کون مدتله متارکه یابیلدی. بونک باشلیجه احکامی

شو ایدی : [پوزانطی و سسیس ده بولونان فرانمز قطعاتی سلاح و مالزمه سیله آطنه - مرسین شمندوفر خصنه قدر چکیله جک ، عینتاب شهری تخلیه ایدیله جک ، فرانمز لر قصبه خارجنده کی اردوگاه لرینه چکیله جکلر . متارک نك ایلک اون کونی ظرفنده بونلر ا کال ایدیله جک و طرفین اسراسی اعاده ایدیله جک . ]

فقط فرانمز لر ده ایلک کوندن اعتباراً متارکه احکامنه عدم رعایته باشلادقلری کبی ال آلتندن بعض تحریرکاته ده باشلامش اولدقلرندن تکرار محاصماته کچیلدی .. پک ابتدائی وسائطله مجهز اولمه سنه رغماً عشق استقلالی اک بویوک مسندی اولان خلق و باشلرنده کی ذوات فرانمز لری برمدت دها خیر پالادیسده فائق و مجهز قوتلر قارشوسنده مع الاسف عینتاب محاصره یه دوشدی . بوندن سوکره جنوبده آطنه منطقه - نده بعض مصادمات و بالخاصه غازی عینتابده چوق چتین محاربات دوام ایتمشدر .

بدایتده مرعش و عینتاب تشکیلاتی وجوده کتیرن ، یوروک سایم بک ، طوغان بک کبی قیمتی آرقداشلریله چالیشان قیلنچ علی بکدر . مصطفی کمال باشادن آلدینی تعلیماته حرکت ایدن مومی الیه بوحوالییه کلدیکی زمان واقعا خلقک همیتندن دوغمش بعض منفرد تشکلر واردی . فقط مضبوط و منتظم بر تشکیلاته مستند دکلدی . بو قوتلری ثمره دار قیلمق ایچون در حال فعالیتیه کیریشیلهرک و مضر اشخاص بورالردن اوزاقلاشدیریلهرق قوای ملیه نك اساسی قورولدی . مرعش و عینتابدن مرخصلر انتخاب ایدیله رک تشکی ایدن قونغروده بورالرده فرانمز لره قارشو یاییله جق حرکت حقننده قرارلر ویرلدی . بو کبی حرکات فرانمز لری اندیشه یه دوشور دیکندن دشمنلر مرعش و عینتاب

حوالیسنده کی قوتلرینی متدایاً تقویهیه وعینی زمانده ملی تعضوی ییقمق ایچون تهدیدلر وظلملر یامغه باشلادیلر . فرانسلرک بو طرز حرکتی هر طرفه پروتستو ایدلمکله برابر بوندن مثبت بر نتیجه حقیقه دیغندن دهها زیاده فعلی حرکتی وفرصت دوشدکجه اشغال مفرزه لرینه تعرضلر یاییله رق مقابلهء بالمثله کچیلدی .

فرانسز قوماندانی جنرال ( کرهت ) کندولری ایچون تهلمکدنک کیتدکجه بویومکده اولدیغنی کوردیکندن ۲۰ کانون ثانی ۳۳۶ ده قرارگاهنی عینتابدن مرعشه نقل ایتدی . ودر حال فعالیتیه کچهرک ارمنی محلاتنی تحکیمه باشلادی . ارمنیلری کلیسارنه وسائر محلالره بریکدیره رک ممکن مرتبه طویلی بولوندیرمق تدبیرینی آلدی . بونلر تهلمکده بی بوس بوتون احساس ایدیوردی . جنرال ( کرهت ) مرعشه کلدکدن صکره شو بیاننامه بی نشر ایتشدی :

[ سوریه وکلیکیاده فرانسز جمهوریتنک فوق العاده قومیسری وشرق اردوسی باش قومانداننک امریله عینتاب ، مرعش ، اورفه سنجاقلرنده کی فرانسز قوتلرینک قومانداسنی درعهده ایتدم . فرانسز حکومتی ، ذات شاهانه ایله بالائتلاف حال حاضرده نفوذ حمایه کاریسنی سوریه وکلیکیا اراضیء شرقیه سی اداره سنه تشمیل ایدیور . بلا تفریق جنس ومذهب بوتون اهالی ؛ قوت وقدرتی ، غالبیتی ایله تعیین ایدن سلاحلر منک حمایه سی آلمنده در . مذاهبه ، املاک خصوصیه وحکومت عثمانیه نک قوانیننه حرمت ایده جک وایتدیره جکیز . اوزون حرب سنه لرندن صکره صلح ، سعی وعمل دوره سی حلول ایتشدر . ناموسلو اولانلر فرانسز طرفنی التزام ایتسونلر ] .

( جنرال کرهت )

بونی متعاقب جنرال کرده شو بیاننامه بی ده نشر ایتدی :

[ نچون طاشید یعنی بیله تحقیقه لزوم اورمکسزین اوزرنده بر روولور چیقان بر آدم بلاسؤال قورشونه دیزیله جکدر . بر قارغشلق ظهورنده تلف اولاجق ویایاره لنه جق بر فرانسهزه مقابل یرلیدن ایکی آدم قورشونه دیزیله جک بونلر قرعه ایله انتخاب ایدیله جک ... الخ ] بوکا مقابل اهالیده ترتیبات و تشکیلاتی ایلروله تیور و تدابیر لازمه نی انخاذا ایله یوردی . بوسرده جنرال کردت مرعش قصبه سی ایچنده کی تشکیلاتنر رؤسا سندن بعضیلرینی زردینه جلب ایدهرک بر چوق حقارتدن صکره توقیف ایتدی . بونک اوزرینه خلق مسلحاً قیام ایله دی . فرانسه زرده ذاتاً اولجه ترتیبات آلمش اولدقلرندن شهری طوبه طوتدیلر و بویله مدهش بر محاربه باشلامسی اوزرینه طرفزدن فرانسه زرده در حال آتش کسمه لری ویکرمی درت ساعت ظرفنده شهری تخلیه ایتملری مألنده بر اولتیماتوم یرلدی . فرانسه زلر بالعکس محاربه یه و منمادیابورایی تقویه یه چالشدیلر . بوسورتله مرعشده چوق قانلی محاربه اولدی . فقط نتیجه ده تورک عزمی اوکنده فرانسه زلر مغلوباً بورادن جنوبه فراره مجبور قیلندی .

خاچینده ده چوق وطنپرورانه حرکت نتیجه سنده فرانسه زلرک تحریکاتیه حرکت ایدن ارمنیلر قسماً احما ایدیلهرک وضعیت اصلاح ایدلمشدی . جنوبه چکیان فرانسه زلرله اصلاحیه و عینتابده قانلی محاربات باشلادی . بو محارباته عائد نتایج ده صکره تفصیل ایدیله جکدر . اورفده ده ایلك آندن اعتباراً مهم تشکیلات یاپیلهرق محترم اورفه لیلرک ایمانی ، طاش ، صوباکی ابتدائی وسائطدن مرکب تسلیحاتی قارشوسنده ، حرب عمومینک معظم ظفرلرینک غرور و خاطر اتی طاشیان فرانسه زلر

آز زمان ظرفندہ حلب و جنوب استقامتنہ قوغولدیلمر . اور فحو الیمی  
دها ایلمک زمانلرده کاملاً تطہیر ایدلمش اولدی .

آظنہ دن اور فہیہ قدر اولان مناطقدہ کی تشکیلاتی اداره ایدنلر  
میانندہ برچوق قیمتی و سمیتی ذوات و ارسہدہ ہپسنی تثبیت ایدہ مہدم .  
استقلال حربندہ جنوب جہہلریمزک شانلہ شرفلہ دولو برر قلعه سی اولان  
مرعش ، عینتاب ، اور فہ حادثاتک تفصیاتی دہا زیادہ بونی ایچندن  
یشایانلرہ براقیرم .

۳۳۶ سنہ سی بووضعیت دوام ایدرکن انکایزلرک آلتی اولان فرید  
باشا قابینہ سی بر طرفدن بر صلح معاہدہ سی امضالامق ایچون متہادیا  
چالیشیوردی . حالبوکہ آناطولی سیر طبعیعیسی طوتمشدی . استانبول  
حکومتی بونی قبول ایتسہدہ ایتسہدہ آناطولی ایچون حائز قیمت  
دکلدی . بونی بیلنلر ، تورک ملتنی امضا ایدیہ جک مصالحو نامہ یہ بلاقید  
و شرط اطاعتلہ اسارتہ کرفتار ایتدیرمکہ موفقیت ایچون آناطولیدہ کی  
ملی تمضوی تماماً ییقمغہ اوغراشییورلردی .

۱۱ — یونانیلرک غرہمہ میں خطنندہ عمومی تعرضہ کچہلری :

بوکا عائد تدابیر میانندہ یونان اردوسنی ۲۲ / حزیزان / ۳۶ دہ  
میلن خطنندن عمومی تعرضہ کچیردیلمر . اوزمان بو جہہدہ آیوالنگ  
ہمان شہالندن بلن کوینہ قدر اولان منطقہدہ ۶۱ نجی فرقہ ، بورادن  
کلاسہ قدر اولان منطقہدہ ۲۳ نجی فرقہ ، کلاسدن مندرسہ قدر  
اولان منطقہدہ ۵۷ نجی فرقہلر بولونیور ایدیسہدہ بو فرقہلرمزک  
قوتلری پک جزئی ایدی . بو منطقہلردہ کی قوای ملیہیہ کانتجہ بونلردہ  
آنجق چتہ محاربهلری یابا بیایرلردی ، بونلردن منتظم و عصری بر

اردویه قارشی حقیقی محاربه قدرت و قابلیت بکانه مزدی . ذاتانه جیخانه  
 واردی ونه سائر لوازمات حربیه . یونانیلر ایسه بوتاریخه قدر قوتلرینی  
 آتی فرقه یه ابلاغ ایشلر و چوق ایی حاضر لاشلردی . یونانیلر ۳  
 فرقه قدر قوتله ایکی قولدن آقحصار و صوما استقامتمنده ، ۲ فرقه ایله  
 صالحی استقامتمنده ، برفرقه ایله ده آیدین جبهه سندن تعرضه کچدیلر .  
 بووضع قارشوسنده جبهه لر امکان نسبتنده تقویه ایدلشلر سه ده  
 دشمن تعرضنی توقیف ایده جک قطعی بر نتیجه بکلیه جک ماهیتی  
 بالطبع آلاماشلردی . مع مافیهر طر فده قوت نسبتنده اعظمی مقاومت  
 و مقابل تعرضله دشمنلره مشکلات ویریلدیوردی و بعض یرلرده رجعته  
 ییله مجبور ایدلکاری اولیوردی .

دشمنک شمال قوی تدریجاً ایلروله یه رک ۳۰ حزیران ۳۶ ده  
 بالیکمره کیردی . ۲ تموزده یونان سواریلری دها زیاده ایلروله یه رک  
 کرماستی ، قره جه بکی اشغال ایتدی . بو جبهه ده کی قطعاً اولو آباد  
 کوپرینسی تخریب ایدرک بروسه استقامتمنده کچیلدیلر . بو قوتلری ، قوماندانی  
 میر آلائی کاظم بک افندی بروسه ده جمع و تنظیمه باشلادی . نهایت  
 بو جبهه ده کی قطعاً کیریدن ده تقویه ایدیلرک اقسام اصلیه سیله اسکیشهرده  
 و این اوکی منطقه سنده طوپلانش و اینری اقسامیله دشمنله تماسده  
 قالمشلردی . یونانیلر بروسه یی ده اشغال ایدرک بروسه شرقنده  
 ( دیموز - آق صو ) خطنده برنجی این اوکی محاربه سنه ندر قالدیلر .  
 بو حرکت ائناسنده انکلیزلر ۲۵ حزیران ۳۶ ده ۳۰۰ کشیلک بحریه  
 مفرزه سنی ، اوچ بویوک دریدنوط و بعض کوچک سفائن حربیه حمایه سنده  
 مدانییه ، ۲ تموز ۳۶ بر قسم قوتلرینی باندیرمه یه اخراج ایدرک قطعاً تمزی  
 یاندن و کرسندن تهدید ایله یونانیلرک حرکاتی تسهیل ایله مشلردر .



صالحی استقامتند شرقه ایلرله یونان قولی ده ۲۴ حزران ده  
 آلاهری آلدی وعشاق غربنده کی صرتلرده قالدی . بالاخره ۲۹  
 آغستوسده تعرضه کچهرک عشاقی ده ضبط ایتدی و دو ملی پیکار صرتلری  
 المزده قالمق اوزره بومنطقه ده ده حال سکونت باشلامشدی . بالاخره  
 کدوس استقامتند طوپلانا بیلن منتظم و ملی قوتلرله بر تعرضه توجه  
 ایدلدی ایسه ده قطعی نتیجه آله مادی .

جنوبدن حرکت ایدن یونان قولی، قارشوسنده کی قوتلریمزی ایتهرک  
 نازللی یه قدر ایلروله مش و بر قسم قوتله ده سلچوقدن اوزانه رق ایتالیان  
 حدودینی کچمش وقوش آطه سنک ۶ کیلو متره قدر شمالنه وارمشدی .  
 فقط ایتالیانلرله واقع اولان مصادمه نتیجه سنده هر ایکی طرف ده  
 بوخطده توقف ایتمش قالمشدر .

ایشته بو صورتله غربده انکلیرلرک اثر ترتیبی اولاروق باشلایان بو تعرضه  
 ۲۲ حزرانندن ۲۹ آغستوسه قدر تقریباً ۴۰ کونلک برمدت نظر فنده  
 ( میلن ) خطندن بروسه وعشاقه قدر یورومش و مملکتک اقسام  
 غربیه سندن مهم و کنیش بر قسمی دها المزدن چیقارمشدق . بو آتی  
 ضربه نك تاثیری تشکل ایتک اوزره بولونان قوتلری همان همان انحلال  
 ایتدیرمشدی . بر طرفدن شومدهش هجوم دوام ایدرکن دیگر طرفدن  
 داخلی عصیانلرک صدمه سیله آقره حکومتک نه بویوک بحرانلر  
 کچیردیکی تقدیر ایدیله بیلیر .

یونانلیر بومو فوقیتی الده ایتدکن صوکره بزی دها زیاده تضییق  
 ایچون ۲۰ تموز ۳۶ ده تکفور طاغنه برفرقه ایله اخراج یاپاراق ادرنه  
 استقامتند یورومک باشلادی . آناطولیده ملی تعرضه باشلارکن استانبولک  
 وضعیتی دولایسیله تمامه منفرد قالمش اولان تراکیاده بعض تشکیلات

وجوده گلشدی . فرانسزلر ترا کیانک یونانیلر طرفدن اشغالنی منفعتلرینه مغایر کوردکلرندن بدایتده ادرنه قول اردو قوماندانی جعفر طیار بک [ پاشا ] بو وضعیتدن استفاده یه قالفیشهرق، بلکه مظاهرت کورورم امید یله استانبول حکومتیله تماس ایتمک اوزره استانبوله کلدی ایسه ده بو امید بوشه چیقدیغی کبی نتیجه ده ادرنه یه دو ترکن داماد فرید تیره ندن ایندی رهرک توقیف ایتمک ایسته دی . فقط برابرنده بولونان فرانسز جنرالنک مداخله سی عوتنی تأمین ایتمشدی . بو حادثه دن صکره بورالرک تشکیلات وعضولری ده ا زیاده ایلوله مشه ده بصیرت و تدبیرده کی نقصاناق یوزندن عسکری وملی بتون بو قوتلر وعضولر یونانیلرک برآز اول عرض اولنان بوتش-بشتری قارشوسنده قولایجه وچارچابوق انحلال ایتدی . جعفر طیار پاشا اسیر اولدی و ترا کیاده دوشمن اننه کچدی .

غریبه و جنوبده بو حادثات اولورکن شرقرده ده ارمنیلر فعالیتنی ارتیرمغه باشلامشدی . بوراده کی قوتلر و وضعیت ارضیه ده ا زیاده امید بخش اولدیغندن بو منطقه ده کی تهلیکلرک بیومه دن بر طرف ایلمسی تشبته کچیلدی . ۹۰ - حزیران ۲۶ ده یالکیز ولایات شرقیه یه منحصر اولق اوزره سفر برلک اعلان ایدلدی و ۱۵ - حزیران دن اعتباراً ۱۵ نجی قول اردو قوماندانلغی ، شرق جبهه سی قوماندانلغنه تحول ایتدی .

۱۸ - حزیران - ۲۶ ده ارمنیلر بوجه یه تعرض ایتمشله بو صورته بوتار یخدن اعتباراً ایلاک تفنک باطلا مش و مملکت غریبه یونانیلر و ایतालیا نلر ، جنوبده فرانسزلر و انگلیزلر ، شرقرده ارمنیلر ، شمالده ساحل لریمزده پونتوس جیلر وینه انگلیز و فرانسز اولق اوزره دائر آمدار براتش چنبری ایچنده قلمش و داخله ده پادشاهک اثر خیاتی اولارق یریر علولنمش عسایرله قاورولق وضعیتنه دوشورولمشدی . ارمنیلره قارشو تعرض

ایچون اول امرده روسلرله اكلاشمغه قرار ویرلدی . وحرکت بونك نتیجه سنه بر اقیلیدی . بونتیجه نك تحققی اوزرینه ۲۷ - نشرین ثانی ۳۶ ده كاظم قردبكر پاشا قومانداسنده کی شرق اردومن تعرضه كچه رك صاری قامیش ضبط ایدلدی . عینی زمانده ۹ ، ۱۲ و مرتب فرقه لرله ۲۰ - كانون اول - ۳۶ ده قارص استقامتمنده یورونه رك ۳۰ - كانون اول ده قارص و ۳ - كانون ثانیده گومری ضبط ایدلدی . چوق سریم برضربه ایله ارمنی اردوسی كاملاً انحلال ایتدیریله رك ۱۲ - كانون ثانیده ارمنیلرله متارکه عقد ایدیلدی بوجه ده اوزمان ایچون چوق قیمتلی اولان بر چوق مهمات ألیمزه كچدی و حال حربه نهایت ویرلدی . عینی زمانده غربده معكوس وضعیتلر تحث ایدرکن شرقده النان بومشبت نتیجه چوق اینی بر تاثیر یاپدی .

## ۱۲ - دور معاهده نامدنك استانبول حكومتی طرفندره قبولی :

یونانلیرك غربده دوام ایدن موفقیتانی تام زماننك حلولی عد ایدن انكلیزلر و فرید پاشا حكومتی درحال ۳۰ - تموز - ۳۶ ده هادی پاشا ، رضا توفیق و رشاد خالص بکلردن مرکب برهیئت پارسه كونده ره رك اوروپالیرك تنظیم ایتمش اولدقلری (سهور) معاهده نامه سنی بلا اعتراض ۱۰ - اگستوس - ۳۶ ده امضالادیلر و توركلكك فرمان اعدامنی بلا حجاب اللرینه الارق استانبوله دوندیلر (بومعاهده نك باشلیجه احكامی ایکی نومرولو خریطه ده در) .

بوندن باشقه اردو موجودنی تقیید و قاپیتولاسیونلر تشدید ایدلمك وسارّه کبی ده بر چوق حقوق تقییداتی حاوی بولونیوردی . [شوشایان تشکر در که بومعاهده نك عقدی عمومی بر یأس تولید ایده جك یرده

بالعكس بيوك برانتباه ویرمش وهرکمی هرچه باد آباد اولونجه یه قادار  
 مجادله یه سوق ایتشدی . نته کیم نتیجه ده ملتک عزم و جهل دن نرسه  
 سیوریلتمسه و بیلمسه اولاره ضمیر بو معاهده بی یارمالاری و آندی ،  
 برینه لوزانه معاهده سفی قوردی دبو کونکی ملی و ارفی بشارتی .

---

## — اوچنچی قونفرانس —

### ۱ — اردو بی تقریر و تشکیل ضرورتی :

۲۳ نیسانده مجلس آنقرده آجیلقدن و حکومت شعباتی تاسس ایتدکن سوکرا آرتق وجدان عامدن دوغمش حقوقی ، اجتماعی ، معاصر اساسلر اوزرینه قورولمش و حاکمیت ملیه یی مفکوره ایدیش یکی بردولت وجوده کلشدی . خارجنده کی بوتون بر عالمک کندوسنه دشمن اولدینی بویکی دولت آنجق تمثیل ایله دیکی تورک ملتک قدرت و قابلیتلرینی حسن اداره و تصرف صورتیه اونک خلاصی و تمامیتنی تأمین ضرورتنده ایدی بودولت تأسس ایتدیکی زمان برنجی قونفرانسدن بری عرض ایتدیکم تفصیلاتله تعین ایدن وضعیتده ایدی . یعنی سهور معاهده نامه سی احکامنه بزی اطاعت ایتدیره رک اسیر و اجیر وضعیتنه صوقق ایچون ائتلاف اردولریله هر طرفدن صیقی و قوتلی صورتده صارلمش ، بیقلان عثمانلی سلطنتک خرابه سی اوزرنده آجی آجی اوتن بر بایقوش وضعیتده کی استانبول حکومتک جنایت و اهانتیله قارشولاشمش ، عینی روحدده کی بر چوق خیانت اربابنکده قیاملریله ایچندن یر یر طوتوشمشدی .

ایشته بو وضعیتده بولونان وعاصی برچته ماهیتنده کوستریلن بویکی دولت ایچون اوصره ده وضعیت سیاسییه موضوع بحث بیله اولامازدی . بو قاپولری آچق ، قدرتمز اوکنده اونلری ایستر ایسته مز مناسبات

سیاسیه به مجبور ایتمک ایچون تک واسطه وارایدی . اوده قوای حربیه .  
 بو حقیقته قاشولاشان حکومت بر طرفدن داخلی اختلافاتی در حال  
 حل ایدرک وحدت کامله حصوله کتیرمکی ومدادی ، معنوی وار لغتی  
 صرف ایدرک اک طبیعی حققریمزی دشمنلره جبراً وقهرأ قبول  
 ایتدیره جک ماهیتده بر اردو تشکیلنی غایه ایدیندی .

طالبوکه بوسره ده آناتولیده قالان اردو اقسامنک وضعیتنی شویله  
 ایدی . متارک نامه نك عقیده عراق وسوریه دن والویه ثلثه دن چکیله رك  
 میثاق ملی حدودی داخلنه کیرمش اولان اردونك ترخیصی باشلامش  
 وبالخاصه متارک احکامی موجبنه موجود لر قادر و حائنه کتیرلمش وقالان  
 اسلحه ومهمات ده ده پورله یرلشدیرلشدی . احتیاط ضابطانك ترخیصی  
 دولایسیله اساساً نقصان اولان ضابط احتیاجی بسبتون آرتمش دی .  
 پك اسکی زماندنبری دوام ایدن خطا نتیجه سی اردویه عائد تکمیل  
 مؤسسات واساسلی اسلحه ومهمات ولوازمات سائر ده پورلی کاملاً  
 استانبولده قالمش ، لغو ایدیلن قطعاتك ضابطانی ، اسارتدن عودت  
 وسائر مختلف صورتلرله قطع لرندن آیریلان ضابطانك قسم اعظمی کذا  
 استانبولده طوپلانمش قالمش دی . مملکتی بحرأ وبرأ احاطه ایدن دول  
 ائتلافیه استانبولده لاشی مشابه سنده بر قسم عسکر بولونمسه مساعده  
 ایتمش ، دیگر بالعموم مالزمنی واسلحه یی ضبط ایدرک محافظه سی آلتنه  
 آلمش دی . آناتولییه هر درلو نقلیات وسیاحتی تقیید ایتمش وقونترولنه  
 تابع طوتمش دی . بوندن بشقه آناتولی داخلنده قسماً اسلحه ومهماتی  
 اللرینه کچیرمشلر و آناتولی ده هیچ بر قوتك اعضوبینه میدان بر اقایاجق  
 شکله تدبیر آلمش لر دی . دیگر جهتدن اساساً سنه لرحه سورهن  
 بر محاربه نك مغلوبیتیه مغموم ومعلول ایکن ، صوک حادثه لرله ده بسبتون

متأثر بر حالت روحیه ایچنه دانش بولونان اردو ، امر و قومانداده کی قارغشه لقلرکده انضمامیه حال انحلاله کاشدی .

دشمنلرک بردن صولتی اوزرینه ایشته بو قوتلر بدرجهیه قدر طوبلانارق بعض نقطه لرده آزچوق تأمین موجودیت ایده بیلمش و بر طرفدن ده تفصیلاتی کچن قونفره رانس لرده ایضاح ایلدیکی اوزره قسم قسم وجوده کلن ملی مفرزله ره مقاومت احکامنک تأمیننه چالیشیلوردی .

حالبوکه عصری وسائطه مجهز یکرمنجی عصر اهل صلیبنک قارشوسنده ملیس قوتلرله دکل عینی تجهیزات ایله ، عینی قواعد حربیه ایله حرکت ایده بیله جک اردولره احتیاج واردی .

فقط بویله بر قوتی الندن هرشدیی آلمش اولان آناتولیده هر جبهه ده بردن تأسیسه امکان یوقدی . بونی اهدن مهمه دوغری منتظم بر صره ایله یایمق لازمدی .

اوزمان سیاسی عسکری ملاحظه ایله شرق جبهه سی دها مهم کورولدی . ذاتاً شرق جبهه سنده کی قوتلر او منطقه نك وضعیت خصوصیه سی اعتباریه قابل استناد ماهیتی محافظه ای دیوردی . بناء علیه بدایتده غربده یونانلرله و جنوبده فرانسلرله قارشی تدافی وضعیت تعقیب اولنه جغندن بوجه لرده بر قسم قطعات عسکریه و کیتدجه قوت بولان قوای ملیه براقیلارق ممکن مرتبه دشمنلرک دها فضله ایلروله مه سنه مانع اولغ و بو امنیت آلتنده بو منطقه لر کریسنده عسکری تشکیلاتک تزید و تقویه سنه چالیشیلدی و بدایت امرده دها زیاده شرقه اهمیت ویرلدی . زیرا بوراده الده ایدیله جک موفقیت عسکریه ، مملکتک آرقاسنده شیرنچه حالنده قالان ارمنی اردو و حکومتی انهدام ایتدیره جکی

کپی انگلیز لړك شرقه قورمق ایسته دکلری دوزاغی بوزاجق، بولشه ویکرله  
تأسیس مناسبی تعجیل ایدجک، داخلی و خارجی سیاستم زده بزه  
چوق مساعد ساحلر آچاقدی. فی الحقیقه آناتولی ده همان موضعی  
سفر بړك یاپلهرق شرق حوالیسنی ضبط ایتمک مقصدیله علیهمزه  
حرکتہ کچمش اولان ارمنستانه تعرض ایدلدی.

ارمنی اردوسی آز زمانده محو و پریشان ایدیلرک کمری به قدر  
یوروندی. و آرپه چایندن حدود کسیلرک تکمیل اسلحه و مهماتی  
المزه کچدی. ذاتاً بونکه شمیدیک بوجهده یاپلهجق ایش بیتلمش  
اولیوردی. بو سریع موفقیت ملتک امن و اعتمادنی آرتیردیگی کپی  
دشمنلرده سرت و تأثیرلی برضربه اولمشدی. وجود و یردکری و حمایتی  
تکفل ایتدکری ارمنی حکومتک بو عاقبتنه سیرجی قالمقدن بشقه برشی  
یاپامایان دول معظمه نک قفقاس حکومتلری اوزرنده کی تأثیر صفره اینمش  
و بوصولته حصوله کتیرمک ایسته دکلری قفقاس سدی ابدیاً ییقلمش  
اولدی. عینی زمانده بولشه ویکرله ده چابوق و قولاق برلشمک  
امکانی حاصل اولدی. دنیانک خصومتی قارشوسنده کندی عزم  
و ایمانندن باشقه استناد ایدجک برشی اولمایان آناتولی، کندی  
بویوک بر تهلیکیه قایدیرمه مق شرطیله بو مظاهرته چوق محتاجدی.  
بو حرکتله بونلرک هپسی تأمین ایدلشدی. آرتق شرقده خصمسر،  
معنویاتی یوکلمش، مادی احتیاجلری مهما امکان تأمین ایدلمش بر  
اردو واردی. شرقده بو اولورکن غربده ضعیف قوتلریمز قارشوسنده  
ایلروله یرک روسه و عشاق شرقنه واران یونانلیلرک حرکاتی طبیعی  
بولق ضروری ایدی. چونکه هر طرفده مؤثر تدابیر اتخادی غیر  
قابلدی بو حالده بیله بو جههده کی ملی و نظامی قوتلریمز نقصانیتنه



رغمًا فداکارانه مقاومتلری و مقابل تعرضلری و قوماندا هیئتک عزم و اراده‌سی سایه‌سنده دشمنی ممکن مرتبه توقیف ایلیه بیلورلردی . شرق جبهه‌سنده کی مسائلک حلندن سوکره ایکنجی مهم هدف داخلی عصیانلرک کلیاً قلعی ایدی . بوده تأمین ایدلدی . بالطبع بو خصوصده صرف ایدیلن زمان و مساعی جبهه‌لرده کی دشمنلرک لهنه اولیوردی . چونکه بو اشتغالات اردونک تعضوی علیهنه ایدی . اوندن سوکره اوجنجه هدف غربده و جنوبده بزی مقصده ایصال ایده جک شکله اردویی تقویه ایتکدی . بوکا یوروندی . ملی تشکیلات بر دفعه غیر علمی و غیر فنی بر ماهیتده ایدی . بوندن بشقه ، بولونقلری و چکدکاری یرلرده آهالینک خوشنودسزلغنی موجب اولاجق بعض حادثات محلی و یرییورلردی . بو بالطبع یکی تشکل ایدن حکومتک منفعتی علیهنه ایدی . بورالرده کیتدجه ، مالزمه و اسلحه تأمین ایدلدجه ، ضابطان احتیاجی اکمال اولوندجه ملی قوتلر قالدیریلهرق اوردویه قلب ایدیلوردی .

بو خصوصده چکیلن مشکلاتک اک بویوکی ضابط نقصانی ، اسلحه و مهمات تدارکی ایدی .

اسلحه و مهمات شوپله اکمال ایدیلوردی . ارمنی اردوسنک مغلوبیتی اوزرینه شرقده اله کچن مهماتدن او جبهه احتاجندن فضلہسی غربه آندی کی مهم بر مقداردی . روسلرله تأسس ایدن دوستلوق نتیجه‌سی بالخاصه اورادن مهم مقدارده طوپ ، تفک و جبخانه آندی . بونی بالخاصه و اهمیتله قید ایدرم .

بویوک همترلره آناطولیده تأسیس ایدیلن اعمالآخانلرده بعض نقصانلر اکمال ایدلدی . بو صنعتکارلرمنزی جاندن تقدیر ایتک لازمدیر .

واغون دمیرلرندن انکلرلرک آلدینی طوب قنارینی یابارق طوپلر مزی ایشلتدیله ، سرمیلری دکیشدیره رک المزدہ کی سلاحلره اویدردیله ، بوزوق مالزمه نی اصلاح ایدرک قابل استفادہ بر حالہ کتیردیله . مشکلاتنه رغماً بول پاره ایله آروپادندہ بعض مباحات بایبله بیلدی . یالکز بومیانده بویوک خیانتلر اولیوردی ، نه چاره صویه دوشن بیلانہ صاریلیر دیرلر . بعض آروپالیلر مهم مقدارده مهمات تأمین ایدہ جکلرینی وعد ایدرک بیکلرجه لیرامزی باغلا یورلر وزی ۵ : ۶ آی اویلا دقندن صوکره هیچ برشی ویرمیور وبوصورتله مهم وقتلریمزی بیهوده کیرتمش اولیورلردی . بو خصوصده اک مهم منابع ینه استانبول اولیوردی . چونکه اورادہ کی دہ پولرده وقطعات یدندہ قالان اسلحه ومهمات اردومزک اچجه احتیاجاتنه کفایت ایدہ جک مقدارده ایدی .

استانبولده ایکی مهم تشکیلاتمز واردی . باشنده چوق فداکار ذوات بولونیوردی . بوتشکیلاته استانبولک بر چوق قیمتلی ذواتی ده داخلدی . بونلر ، بویوک تواضع ایچنده وجداً استحقاق حیات ایدرک ، دول ائتلافیه نک چوق شدتلی قوتترولی آلتندہ استانبولدن کایتلی مهمات قاجیره رق اردونک سرعت تشککنه اک بویوک یاردملری یاپدیله . بوذوات بیك درلو تدیرلره توسل ایدرک وحتى دول ائتلافیه نوبتجیلرینی بعضاً اطماع ایله تحت محافظه لرندہ کی دہ پولری بوشالتدیله قایق وموطورلرله وبعضاً واپورلره یوکلہ یه رک آناطولی یه شامیدیلر ، بوندن بشقه اسلحه ومهماتہ آناطولینک بول پاره ویردیکنی دویان بعض چاقجیلرده اچجه اسلحه وجببخانه کتیردیله . کرک روسیه دن کلن وکرکسه استانبولدن قاجیریلن بو مهمات ، قیمتلی وفدا کار بحریه لیلریمزک قهرمانلخی سایه سندہ دول ائتلافیه دونامالرینک تعقیباتندن قورتولمق ایچون کوچک تکمیلر ایچندہ

قره دکنزك جو شغون دا لغه لریله مجادله ایدیله رك کیجه لری ویاساحلی تعقیباً  
 صامسونه واینه بولی یه نقل ایدیلر، بواسکله ردن ده اوزون قره نقلیاتیه  
 قاغنی و مکاریلرله آنقریه کلیر و اورادن جبهه یه سوق ایدیلر دی. محشم  
 برماضی یه صاحب اولان بحریه لیریمز هر سماحه ده کندولرینه ویریلن  
 وظیفه لری بیوک فداکارلقلرله ایفا ایتشلر در .

ضابط نقصاننه کلینجه ؛ بدایتده استانبولده قبانوب فالان ضابطاندن  
 قسم اعظمی هر محرومیتی کوزه آلدیره رق وهنوز هر شینک مشکوک  
 اولدینی دورده آنحق موفق اولق عزمیله اکثریسی خسته عالهلرینی  
 برقاشیق چور باسز، مینی مینی یاورولرینی بر آویج آتسز ، خلاصه  
 حامیسز لکک بتون معناسیله براقوب بلدکه برده اونه مه مک احتمالرینی ده  
 حسابه قاتاراق فوج فوج مجاهدۀ استقلاله قاریشدی لر . بو میانده بر  
 جوق سیویل ذواتده واردی .

دیگر طرفدن آنا تولیده اردونک پک قیمتلی عضوی اولان احتیاط  
 ضابطلری سلاح آلتنه آندی و آنقرده بر تعلیمکاه قوریلاراق بوراده  
 مستعجلاً ضابط وکیللری یتشدرلدی . بو احتیاج ده بدرجه یه قدر  
 بوصورتله تأمین ایدلدی .

ایشته بو بیوک فعالیت نتیجه سننده مرکز ، جنوب و غرب  
 منطقه لر نده تدریجاً اردو تقویه ایدیله رك قوای ملیه قالدیلدی و معاصر  
 بر اردو یکیدن و یوقمزلق ایچنده وجوده کتیلدی . اک صوک باشلیجه  
 بر قوت اولاراق یالکز چرکس ادهم قوای ملیه سی قالمشدی که اونکده  
 برنجی این اوکی محاربه سنندن سوکره جزاسی ویرلدی . یالکز دول ائتلافیه نك  
 صیقی تضییق و تعقیبی یوزندن بوایش آنحق اوچ سنده اکمال ایدیله بیلدی .  
 فقط بوصورتله وجوده کتیریلن اردو ، صامسون و حوالیسنده کی

پونتوس جیلری و داخلده کی عصیان اوجاقلرینی کو کندن قازیدی .  
 قره دکز و مرمره سواحلی دشمندن تطهیر ایتدی . بهادر خلقنک  
 وجوده کتیردیکی غازی عینتاب مدافعه مشهوره سنه یاردمله فرانمزلی  
 عقد استلافه مجبور ایدرک آتله و عینتاب حواله سنک تخلیه سنی تأمین  
 ایله دی . وهنوز اکل دوره سننده یونانلیلری هر ایکی سننده مغلوب  
 ایدن برنجی و ایکنجی ابن اوکی محاربه لرینی و یردی . هیچ حاضر لانا ماش  
 بر موضعه نصف درجه سننده فضله اولان یونانلیله قارشی صحرا حربنده  
 مدافعه ده جهان اردولرینه درس تشکیل ایدن سقاریه میدان محاربه سنی  
 قازاندی . بصورتله تورک اردوسی اوچ سننده یکیدن یریلرک ، غربک  
 تکمیل مظاهرتی آرقه سنه آلان تقریباً ۲۰۰,۰۰۰ کشیلک یونان  
 اردوسی بر حمله ده آزه جک قدرت فوق العاده اکتساب ایتمش اولدی .  
 برنجی ابن اوکی محاربه سی اثناسنده ضعیف بر قاچ پیاده فرقه سنک  
 جبخانه سنی اکل ایچون آنجق درت بش صندوق پیاده مر میسی تدارک  
 ایله بیان آنادولو اردوسی ۲۶ اغستوس ۳۳۸ حرکات تعرضیه سنه  
 باشلارکن قوتی چوق اینی تثبیت ایتدیکی خصمنه هر حالده فائق بر راده  
 کلشدی . ایشته بوسایه ده درک [تورک ملتی ، کمال امنیتله جهان خصوصته  
 تکلیف اسارتی زد ایتمش حق و طلب لرینی چبر آوقهر آ قبول ایتدیرمشدر] .  
 محاربه لری عرض ایدرکن بو خصوصه کی اجرا آتده دها زیاده  
 تفصیل ایدیه جکدر .

مبدأدن اعتباراً ابتدا ایتدن مکملیته دوغرو بر جوق دورلر چکیردن  
 اردومز ، صوک زمانلرده عصری بر شکلده فرقه قول اردو و اردو  
 حالده کاب بولاراق مساکک و فنک طلب ایتدیکی نتیجه یه واصل اولدی .  
 اک صوک اولاراق باشلیجه اوچ جبهه یه تقسیم ایدلدی .

بری : برپاده قول اردوسی ، برسواری فرقه‌سی و اوچ سواری  
 عشرت فرقه‌سندن مرکب شرق جهه‌سی ایدی . منطقه‌سی وان جنوبندن  
 قره دکز ساحلنه قدر دوام ایدیوردی . قوماندانی کاظم قره بکر پاشا  
 ایدی . دیکری ؛ ایکی پیاده فرقه‌سی و بر سواری فرقه‌سندن و بعض  
 مستقل قطعاتدن مرکب الجزیره جهه‌سی ایدی . منطقه‌سی فراتدن  
 ایران حدودینه قدردی وانکلیرله قارشی ایدی . قوماندانی جواد پاشا  
 ایدی . اوچنجیسی ؛ ایکی اردو و قول اردو حالنده کی قوجه ایلی غروبی  
 ایله برسواری قول اردوسندن و بعض مستقل قطعه‌لردن مرکب غرب  
 جهه‌سی ایدی . عصمت پاشانک قومانداسنده بولنان و یونانلیله قارشی  
 اولان و نتیجه‌ده هر شیشی حل ایدن بوجهه حقنده آتیده دها زیاده  
 تفصیلات عرض ایده حکم .

برده آظنه منطقه‌سی قوماندانلی و اردی . بو منطقه‌ده غازی عینتابک  
 سقوطندن اول مرعش و عینتاب منطقه‌لرنده مستقل بر قول اردو  
 و آظنه‌ده مستقل بر قوماندانلق و اردی . فرانسرله ائتلافدنصوکره  
 بورادن ایکنجی قول اردو غرب جهه‌سنه آلنه‌رق بو منطقه‌نک هیئت  
 عمومی‌سی ؛ آظنه قوماندانلغنه ویرلمشدی . بوندن باشقه قره دکز ساحل  
 طوپیجی قوماندانلی ، آنقره قوماندانلی و اردی . مرکز منطقه‌سندنه کی  
 مرکز اردوسی‌ده نهایت وظیفه‌سنی بتیره رکلغو ایدلمش ویرینه صامسونده  
 مستقل برفره براقلمشدی ، آیرجه دوغریدن دوغری به ارکان حربیه  
 عمومی‌یه مربوط بعض مستقل تشکیلات‌ده و اردی . آسایش داخلیه  
 و سائر خصوصات‌ده اخذ عسکر هیئت‌لرینه ویرلمشدی ایشته کری  
 حدودلری وطن ایچروسنه دوغری اوزایان و اهمیت و تهلهکه نسبتنده

ایجابی قدر قوتله توزین ایدلمش اولان بو تشکیلات سایه‌سنده مملکت  
اک ائی برصورتده تحکیم ایدلمش اولدی .

## ۲ — آناتولی اردو سنک امر و قوماندنا سٹطھی :

بو تشکیلاتک باشنده بری ارکان حربیه عمومیه وکالتی ، دیکری  
مدافعه ملیه وکالتی اولمق اوزره ایکی مقام واردی . هر ایکی وکیلده  
مجلسده کی عسکر مبعوثلر طرفدن انتخاب ایدیلیدی . مدافعه ملیه وکیلی  
متعدد دفعه لر دیکشمش ایسه ده دهاز یازده اختصاص ایشی اولان ارکان  
حربیه عمومیه وکالتنی بدایتده بیک محرومیت ایچنده عصمت بک [پاشا]  
قوردی . عصمت پاشا ۳۳۷ ده غرب جهه سی قوماندانی اولدقن سوکره  
بو وکالتی نهایته قدر علم و فضیله مملکتی کندینه مفتقر قیلان فوزی پاشا  
اداره ایتشاردر .

ارکان حربیه عمومیه وکالتی عیناً دیکر وکالتلر کی ایدی . فرقی  
آیری بودجه سی اولمایشنده در . هر سنه کندی دائرة مرکزیه سنه عاقد  
قادر و سنی یاپار ویکونی مدافعه ملیه بودجه سنه علاوه ایدیلرک بودجه یی  
مجلسده مدافعه ملیه وکیلی مدافعه ایدردی . ایجابنده ارکان حربیه عمومیه  
وکیلی اسباب موجب بیانیه مداخله ایدردی . یالکمز تخصیصات مستوره  
اولاراق استخبارات پروپاگاندا و سائر مدافعه وطنه عاقد خصوصاته  
صرف ایدلمک اوزره سنوی بر تخصیصاتی واردی ، که بویاره دوغرودن  
دوغروه و مناسب کوردیکی شکلده ارکان حربیه عمومیه وکیلنک امریله  
صرف اولونورنی . پک جزئی بر مبلغدن عبارت اولان بویاره بوتون  
مجاهده اثناسنده ملتک حمیتنک انضمامیله ، بشقه دولتلرده ملیونلرله  
استحصال ایدیلهمه یین چوق قیمتی ثمره لر ویرمشر .

سقاریه محاربه سنک بدایتنده ، مستقل اولان بو وکالتلرک باشنه بویوک

ملت مجلسنك ياپدینی بر قانونله برده باش قوماندانلق مقامی احداث ایدلدی . وبو علوی وظیفه‌ینی ده مصطفی کمال پاشا حضرتلری درعهده . بویوره رق هم رئیس دولت وهم ملتک باش قوماندانی اولدیلر . ارکان حربیه عمومیه و مدافعه ملیه دوغریدن دوغرویه امرنده . برر شعبه‌سی اولدیغندن باش قوماندانلق آریجه بر قادروسی یوقدی . یالکز بو وکالتلرله ارتباطده بولونمق ایچون برقاچ یاور وارتباط ارکان حربی واردی .

مصطفی کمال پاشا حضرتلری باش قوماندان اولدقدن صوکره مهم اولان خصوصات عسکریه‌نک ، مخبراتله وقت کچیرمه‌یه‌رک سریعا حلی ایچین کندی ریاستلری آلتنده ، باش وکیل ، ارکان حربیه عمومیه ، مدافعه ملیه و مالیه وکیللرندن مرکب برده انجمن عسکری تشکیل ایله مشلردی . بو هیئت ایجاب ایتدیکی وقت درحال اجتماع ایدر و اک صلاحیتدارذواتک حضوريله قرارلرینی ویروب همانجر آته کچرلردی . بو سایه‌ده اک مهم و مستعجل ایشلر لایق اولدینی سرعتله انتاج ایدیلردی . چوق محدود وتماميله کنج وفعال اشخاصله چالیشان بو تشکیلات همان اکثریا کیجه‌لی کوندوزلی چالیشمق صورتيله بو خارقه آسا نتیجه‌یه واصل اولابیلمشدر .

۳ — برنجی ایله اوکی محاربه‌سی برسرکس ادهمک عصبانی : آرتق شرق وداخلی ایشلر بیتوب‌ده دیگر جهه‌لرده ظفره وارمق ایچین اردو تشکیلاتی تعضوه باشلادینی صره‌ده وقوعبولان ایلک محاربه برنجی این اوکیدر . بو صره‌ده یونانلیر شو وضعیتده ایدیلر :

روسه منطقه‌سنده : ازمیر فرقه‌سی ؛ یالوه ، بازار کوی و بورچین

منطقه‌سنده :

آطه‌لر فرقه‌سی ؛ بروسه ، آق‌سو ، دیمبوز و کستنده ،  
 ۳نجی فرقه ؛ بروسه‌ده

مغنیسا فرقه‌سی ؛ بغه‌جک وازمیتده (قوای انضباطیه‌نک ۳۳۶ده  
 تنکیلندن و یونانلیلرک بروسه‌یی اشغالندن سوکره ازمیت حوالیسنی  
 انکلیزلر ترک ایدرک بر فرقه ایله یونانلیلر تسلیم آلمشردی . )  
 بو منطقه‌ده بر آلائی ویا لولا قدرده سواریلری واردی . ۳-۴  
 فرقه‌لق دیگر بر یونان غروبی‌ده عشاق منطقه‌سنده ایدی .

اردومزک وضعیتنه کلنجه ؛ یونانلیلر اولجه عشاقی ضبط ایتدکن  
 سوکره ۳۳۶ سنه‌سی کدوس استقامتنده بر تعرض یامشدرق . موفق  
 اولامادق . بو دفعه بر ده‌ها تأید ایتدی ، که میللس قوتله بو ایش  
 باشه چیقما یا جق . ۱۰ تشرین ثانی ۳۳۶ده هیئت وکیله قراریله بو جبهه  
 غرب جبهه‌سی و جنوب جبهه‌سی نامیله ایکی به آیرلشدی . غرب جبهه‌سنک  
 حدودی کوتاهیه داخل اولق اوزره شمالی ایدی . امرنده ۲۴ ، ۱۱  
 و ۶۱نجی فرقه‌لر واردی . کوتاهیه خارج اولق اوزره آطنه‌یه قدر  
 اولان قسم جنوب جبهه‌سی ایدی . امرنده ۸ ، ۲۳ ، ۵۷ و ۴۱نجی  
 فرقه‌لره قونیه حوالی‌سنده یکی شکل ایتدکه اولان ایکی سواری  
 غروبی واردی .

بونلردن باشقه بو جبهه‌لر ایچون قسماً قابل استفاده اولق اوزره  
 ارکان حربیه عمومیه‌نک امرنده آنقره‌ده کی شهید ناظم بکک قوماندا  
 ایتدیکی ۴نجی فرقه ایله آنقره ، یوزغاد و جوروم حوالی‌سنده حال  
 تشکله کی برنجی فرقه واردی . بو صورتله قوای ملیه کاملاً لغو  
 ایدیله‌رک منتظم تشکیلاته قلب ایدیله‌جکدی . اوصره‌ده بالخاصه کوتاهیه  
 منطقه‌سنده بولونان و امرنده اوزمان چوق مهم قوتلر اولان چرکس



ادهم بوندن ممنون اولمادی . و غرب جبهه سی قوماندانلغنک تشکیلات  
 وضبط وربط حقنده ویردیکی امرلره اطاعت ایتمه دی . بالعکس برنجی  
 قوه سیاره قوماندانلغی عنوانی عموم قوه سیاره قوماندانلغی حالنده  
 محافظه ده اصرار ایتمدی . بو خصوصه مخبرات جریان ایدرکن بوتون  
 قوتلرینی طوپلایارق کدوس و کوتاهییه منطقه سنده بر وضعیت آلدی .  
 و بویوک ملت مجلسنی تهدیده باشلادی . بو صروده مجلسه مبعوث  
 اولارق بولونان قرده شی رشیده آنقره دن قاجارق ادهمه التحاق  
 ایتمدی . و نهایت عصیان ایتمدی . بونلرک فعالیتی پک شموللی ایدی .  
 موفق اولسه لر دی مملکت یکیدن بر فلا کته معروض قاله جقدی .  
 حکومت آنقره ده و مجلسه تدابیر اتخاذ ایتمدیکی زمان یونانلیلر ده  
 بر حرکت کورولمه دیکندن جبهه ده دخی ترتیبات آلدی . غرب جبهه سندن  
 ۶۱ فرقه و یونانلیلر قارشینده بروسه منطقه سنده بولونان اون برنجی  
 فرقه ایکی آلابیله کوتاهییه کوندرلدی . اگر ادهم بو قوتلرله محاربه یه  
 طوتوشورسه آرقه سنندن جنوب جبهه سی قوتلری یوروبه رک محو  
 ایدیله جکدی . یوق ، جنوب جبهه سنه توجه ایدرسه عینی حرکتی  
 غرب جبهه سی یاباقق ، ایکی آرادن آنقره یه یورورسه آنقره ده کی  
 قوتلرله مقابله ایدیلیرکن غرب و جنوب جبهه لری آرقه سنندن اورا جقدی .  
 و هر حالده احساسی ایچون تدبیر آلمشدی .

نهایت ادهم فعلی حرکت کچدیکندن کوتاهییه سوق ایدیلن قوتلر  
 ۳ ، ۴ کانون ثانی ده ادهمله کوتاهییه منطقه سنده مصادمه یه باشلامشردی .  
 ایشته بو وضعیت ایچنده یونانلیلر ۶ کانون ثانی ۳۲۷ صباحی فتحه دن  
 یکیشهر استقامتمنده ایلریله یه رک زوالدن یارم ساعت صو کرا یکیشهری  
 اشغال ایتمدی . آ کلاشیلدی ، که یونانلیلر ادهم ایله مشترکاً حرکت

ایدیورلر. اوزمان یونانلیلر قارشیسندنه ساحلدن بروسه یه قدر ۲۴ نجی فرقه و ۱۱ نجی فرقه دن برآلای واردی . بو وضعیتده اسکیشهر استقامت عمومیه سی استهداف ایدن یونان تعرضی دهاز یاده مهم کورولدی وشوقرار ویرلدی :

غرب جهه سی کوتاهیه ده ادهمی اویلامق ایچین خفیف قوت براقه جق ( ۶۱ نجی فرقه ایکی آلایله ) بوفر قه نك برآلایی و ۱۱ نجی فرقه همان این اوکنه کله رك جهه ده کی ۲۴ نجی فرقه ایله برابر یونانلیلری قارشولایاجق . جنوب جهه سی ده ( بدایتده ) دشمنك عشاقدن واقع اولاجق برحرکتنی توقیف و آفیون استقامتی ستر ایده جك . آنقره ده کی ۴ نجی فرقه و برنجی فرقه قرار کاهیله سوقی ممکن اولان برآلای ده آنقره دن کذا ( این اوکی ) نه تحریک ایدیله جك . ایشته ( این اوکی ) محاربه سی باشلادینی زمان وضعیت عسکریه بو مرکزده ایدی .

داخلی وضعیتده کلنجه : عصیانلر اطفا ایدلمشسه ده هنوز آسایش داخلیه ده کافی استقرار یوق ، صامسون وحوالیسنده پونتوسجیلرک قیامی شدتلنمش ، بولشه ویک جریانلرینک عکس العملرله آز چوق فکری تموجات وقوعبولمقده واستانبول حکومتی متادیاً اوغراشمقده ایدی .

۲۴ نجی فرقه دشمنی ممکن مرتبه مشغول ایده رك این اوکی موضعنه چکیلدی ویونانلیلرده بر قول ایله ( یکیشهر - بیله جك ) بر قول ایله ( اینه کول - بازار جق ) یوللریله اولمق اوزره ایکی قولدن و جمعاً ایکی بیچ فرقه پیاده ، بر قسم سواری دن مرکب قوتله ایلریله یرک ۸ کانون ثانی ده بازار جق صرتلری اشغال ایتدیلر . ایشته بو صورتله

( آهو داغلی ) نك تپلرندن بریلان کی آقوب آنادولینك حریمنه صوقولق ایستهین یونان اردوسی ۹ کانون ثانی ده اوکله دن صوکره بوتون قوتیله این اوکی موضعنه واصل اولمش و صولجنا حمزه تعرضه باشلامشدی . بوکون ۲۴ نجی فرقه صاعده ۴ نجی فرقه اورته ده ، ۱۱ نجی فرقه صولده اولق اوزره بزده جهه یی طومش غرب جهه سی قوماندانلی قرار کاهی ده کوتاهیله دن این اوکته گلشدی .

بونلردن باشقه ایکنجی سواری فرقه سی ایله ایکی پیاده آلاینی ده بوجهه ایچین یولده در . صوگ کون بونلردن یالکز بر آلای محاربه یه اشتراك ایتدی .

این اوکته چارپیشان قوتلرک تقریبی مقداری شورد :

یونانلیلر ؛ ۲۰,۰۰۰ پیاده ، ۱۵۰ قدر آغیر ماکنه لی توفک و بر چوق حقیف ماکنه لی توفک و یوزی متجاوز طوب ، برقم سواری . بزم ، ۶,۰۰۰ قدر توفک ۵۰ قدر آغیر ماکنه لی توفک ، ۲۸ طوب دن عبارت دی که هر خصوصه اردومزک اوچ مثلی واریدی .

۱۰ کانون ثانی ۳۳۷ صباحی یونانلیلر بوتون جهه ده تعرضه باشلادیلر . اولاً صاغجنا حمزه کی ۲۴ نجی فرقه نك جهه ده و صاووجی بك ، کوندوز بك منطقه سنده کی آلاینی بریا کلشقله جهه سنی بر اقدی و دشمن بورای طوتدی . فرقه کریده کی صرتلره چکیله رك آقشامه قدر جهه ایله ارتباطنی غائب ایتدی . دشمن بوموقیتی اوزرینه مرکز وصول جناحدن ده تعرض ایده رك بعض نقطه لری اله کچیردی .

صاغ جناحمزی چویردیکی ظنیله سربستجه پورا کوی استقامتنده ایلریله ین دشمن ؛ دها کریده ۲۴ نجی فرقه نك مقاومته چارپینجه شاشیردی . فقط ، فرقه ، جهه یه بویکی وضعیتی بیلدیرمه دیکندن

عصمت پاشایی و بالتیجه ارکان حربیه عمومی آقشامه قدر چوق  
هیجانده براقدی . مع مافیه ؛ محاربه بالخاصه مرکز وصول جناحده  
چوق شدتلی اولدی و کیجه اولدینی وقت دشمن بی تاب ایدی . مع مافیه  
بزمده وضعیتمز صاارصیلمش اولدیغندن ایرتمی کون دها مساعد  
وضعیتده - شاید دشمن تعرض ایدرسه - قارشولامق ایچین کریده  
( بش قردهش داعی - رمزیه - اوتلی بالی ) خطنه چکیلیمکه قرار  
ویرمشدک . ۱۱ کانون ثانی ده بوخطده طورمه نك بالخاصه برمقابل تعرضمز  
اولورسه فلا کته منجر اولاجغنی آکلایان دشمن ده کیجه دن یوزلرجه  
مقتول ایله دولدیردینی محاربه میدانی ترک ایدره ک رجعتنه باشلادی . بونی  
همان حس ایدن غرب اردومن درحال دشمنی تعقیبه کچدی ، و بروسه  
جوارنده کی اسکی موضعلرینه صوقدی و برچوق اسلحه و مهمات آله  
کچردی . این اوکی محاربه سی دوام ایدرکن یونانلیلرک عشاق غروبی  
بدایتده برآز فعالیت کوستررکی اولدی ایسه ده بالآخره موضعلرینه  
سیکوب قالدیلر . بوندن استفاده ایدن ارکان حربیه عمومی کوتاهیه  
منطقه سنی جنوب جبهه سی امرینه ویردی . و جنوب جبهه سی قوماندانلنی  
۸ نجی پیاده فرقه سی و برسواری فرقه سیله ادھمک اوزرینه حرکت  
ایتدی .

این اوکی محاربه سی اولورکن ادھمده ۶۱ نجی فرقیه تعرض  
ایده رک فرقیه کوتاهیه شهرینک کنارلرینه قدر رجعته مجبور ایتشدی .  
۱۱ کانون ثانی ده جنوب جبهه سی قوتلری یتیشه رک ۱۳ کانون ثانی یه قدر  
محاربه یه دوام ایتدی و ۱۲ کانون ثانی ده دشمنی رجعته مجبور ایدره رک  
شدتلی صورتده تعقیب ایتدی . ادھم ۵۰۰ سلاح ، ۴ طوپ و ۴  
ماکنه لی توفک براقه رق برقسم عونہ سیله صندرنی و مرمره کولی

استقامتند چکیلوب یونان خطلرینه التجا صورتیه جانی قورتارا بیلدی . ذاتاً داها اول دینارواسپارطه منطقه سنده عصیان ایدن ده میرجی نه فده تادیب ایدلمشدی . بوسورتله چرکس ادهم خاخی ده تنکیل ایدلدی وملتک دعواى مقدسنگ مدافعه سی و تآمینى کاملاً و امنیت بخش بر تشکیلاته تودیع ایدلمش اولدی . اکر جنوب جبهه سی قوماندانلی کوتاهیه منطقه سنده بر آز دها جرأتلی بولونه رق جبهه دن حرکت ایده جک رده قسم کلیسی ایله آلتون طاش استقامتندن وعصائک کر یسنه توجه ایلسه یدی دهاپارلاق نتیجه آله بیلیردی و بونتیجه به انتظار ایدیلورودی .

ادهمک قوتلری : تقریباً

۱۸۰۰ سواری

۲۰۰ پیاده

۱۲ ماکنه لی توفک

۴ طوپدی

برنجی این اوکی محاربه سی ائناسنده غرب اردومنز هنوز حال تشکلده بولونمق دولایسیله ضابطی نقصان ، تعلم و تربیه سی نقصان ، اسلحه و تجهیزاتى نقصان ، مهماتی ، قول و قطاری یوق ، خلاصه ؛ سراپا احتیاج ایچنده پویان سبکبار برمفرزه حالنده ایدی . بوکارغماً غرب جبهه سی قوماندانی عصمت پاشا حضر تلرینک شایان امثال منانت و یوکسک سوق و اداره سی و قطعاً تمزک مفظور قابلیت و فضائل سایه سنده فائق و ایجه حاضر لائمش بردشمنه اوریلان بویلیک ضربه ایرکچ موفق اولاجغمزی تبشیر ایدن برحادثه اولمشدر .

صوک آقشام مهماتسزلق ایچنده قیورانان غرب جبهه سی قوماندانی

بلافاصله مراجعت ایدیوردی . حالبوکه جههیه کوندریله جک جبخانه مز یوقدی . آنجق اوتده بری ده بولدی ره بیلدی کمز بر قاچ صندوق پیاده جبخانه سنی تره نله تحریک ایتدک . فوزی پاشا جههده کی قهرمانلرک معنویاتی یوکسلمتک و مقصومت غیرتلینی بوکا انتظاراً بر مدت داها آرتدی رمق ایچون « سزه برترن جبخانه کوندردم کلنجهیه قدر امکان مقاومتی تأمین ایدی کمز » تلغرافی امضا ایدرکن حیانتک اک آجی واضطرابلی دقیقه لرینی یشایوردی .

خانملر افندیلر؛ او کون دنیانک استهزایله، ملتک قدسی برهیجانله و قلب کوزیله باقدینی وهرشیء اونلرک سیکیرلرینه ترک ایتدیکی برنجی این اوکی قهرمانلری ، ملی تاریخمزه اشلری کچه مهیه جک بختیارلردر . شیمدی مترس تپنک عظمتلی کولکدسی آلتنده کی ایصسر ائتکلرده تواضع تام ایچنده یانان بو عزیز شهیدلری ملتک او کونکی اندیشه و هیجانی خاطر لایاراق منت و احترامله یاد ایتسی بروجیه در .

۱۰ کانون ثانی ۳۷ کونی این اوکی صر تلرند تورک ملتک مقدراتی تعین ایدیوردی . مقدراتی دیدم ؛ چونکه اگر یونانلیلر قزانسه ایدی ، اردومزی جهه سندن اوره رق آنقره استقامتنده آتارکن عشاق قوتلری ده طیبی جنوب جهه مزی طوناجق و بوسره ده ادهمده آرهدن کیره رک یونانلیلر قارشیسندن چکیلن قوتلر مزی آرقه لرندن اوره رق آنقره یه کله جک ویک دورلو کوتولک یاباقدی . بو حال پادشاه و طرفدارلرینک برقم معصوم خلقک روحنه آقیتدق لری زهرلره آناطولیده یریر وجوده کتیرمکه موفق اولدق لری وهنوز سوندوروله بیلمش اولان آتش عصیانی تکرار آله ولندی ره بیلیدی .

عینی زمانده مرکز اردوسی منطه‌سنده اهمیت کسب ایتمکه باش-ایلیان پونتوس حرکتی اوکی زور آله‌بیله‌جک برماهیت آلابیلردی .  
 بوسره‌ده مملکتی هر طرفندن صارمش اولان دیکردشمن قوتلری ده طبیعتیه تعرضه کچرلردی، بالنتیجه هنوز ایجه قوت بولامش اولان یکی تورکیه دولتی بیقیلیر وبلکه سهور اوزمان سهور اولا بیلیردی . اشته بوتون بو محتمل تهله‌کله‌ری برنجی این اوکی ظفری دوغمه‌دن اولدیرمش وهنوز رشیم حالنده کی آنادولواداره‌سنگ انکشافنه زمین تشکیل ایتمش ومقدراتمک تملی آتمشدر . اوکون این اوگنده چارپیشانلر بو بویوک ادراک ایله استحقار حیات ایدنلردر. محترم باش قوماندانمک سویله دکلهری اوزره اوکون عصمت پاشا این اوکنده یالکیز یونان اردوسی دکل ملتک طالع معکوسنی‌ده مغلوب ایتدی .

بونتیجه ؛ داخلأ حکومتک موقع و وضعیتنی و خلقک معنویاتی بدرجه دها قوتلندبردی . وضعیت خارجییه کلنجه ؛ یواش یواش دعوازمک حق وقوتنه طوعاً وکرهاً ایمان مجبوریتندن قالان آوروپا افکارینی برآز دها مساعد داورانمق مجبوریتنده برافش وشمذیلک سهور معاهده نامه‌سنده تعدیلات تمایلنه قدر واردیره‌مشدی . بوسورتله ۲۵ شباط ۳۳۷ ده لوندره‌ده واقع اولان اجتماعه استانبولدن اولدینی کبی آنادولودن ده برهیئتک اشتراکی تحت امکانه آلمشدر . بو هیئت آنقره‌دن حرکت ایتدی. لوندره‌ده ایلك اجتماعنده آنقره هیئتی علیه‌نه کوزل او یون اوینامق ایسته‌ین لوسیدجورجک خطابنه قارشو؛ استانبول هیئتی رئیسینی توفیق پاشا « تورکیا نامنه بیان مطالعه حتی ملتک اعتمادینی حائر اولان آنادولو هیئتکدر . سوزی بکرسامی بکه ترک ایدیورم » دیهرک ملتته قارشو ایفاسنه مجبور اولدینی دینی بر درجه‌یه قدر ایفا

ایله-س و بوصولته حقیقی افاده ایتشد. ایشته آناتولی حکومتک  
 ائتلاخیل طرفدن تصدیقی بودعوتله باشلار. بالطبع هیچ بر نتیجه  
 حاصل اولمادی. هیئت تخمینمز وجهله کیتدیکی کبی دوندی.

#### ۴ — اوز بوردمز اردهانه رآرنوبک آنارطه الحاقی :

برنجی این اوکئی متعاقب ۳۳۷ شباطی ظرفنده مرقده یکی ومهم  
 حادثات باشلامشدی. روس سوویت حکومتی بوتاریخه قدر قفقاسیهده  
 تعقیب ایتدیکی سیاستده قسماً موفق اولاراق ارمنستانی و آذربایجانده  
 بولشهویکلکی تأسیس ایتش، یالکیز کورجستان قالمشدی. ایشته بو  
 تاریخده روسلر آن قفقاسیهده غرب دولترینک انترقیه لرینه آت  
 اولان کورجستانده تعرض ایتدی. وایلك حملهده تفلیس جوارینه قدر  
 واردی. کورجیلر بر آرالق تفلیس جوارنده طوپلادقلری قوتلرله  
 روسلری رجته مجبور ایتدیلسهده نتیجهده مغلوب اولدیلر و اورادهده  
 بولشهویک ادارهسی تأسیس ایتدی. بو ائشاده تورکیاده شرقده نقصان  
 قلان واکالی ایچین زمان بکله دیکی حقیقی اتخاذا ایتدیکی عسکری و سیاسی  
 تدابیر سایه سنده اکمال ایتدی. بو خصوصده کی مخبرات ۲۰ شباط  
 ۳۳۷ ده آنقره یه یکی کلمش اولان کورجستان آنقره ممثلی موسومدیوانی  
 ایله اولمشدر. بو ذات پک طالعه سز ایتش. داها محافل سیاسیهمزله  
 تماسلرینی اکمال ایتهدن مملکتک انحلال سر یعنه آنقره ده سیرجی کبی  
 باقق ضرورتنده قالدی و حق یه رینی بولدی. روسلرک حرکاتی انکشاف  
 ایدر ایتمز حکومتده رسماً طلبلرینی تبلیغه باشلادی. مدیوانی دائماً  
 حکومتدن جواب بکله دیکی وسارّه کبی او یالاماسیاستنی تعقیب ایدیوردی  
 حالبوکه او یالاناجق هیچ وقتمز یوقدی نهایت ۲۳ شباط ۱۹۲۱ تاریخده



خارجیه و کیلی مختار بک موسیو مدیوانی یه آتیده صورتی یازیلی اولان نوطه بی ویردی :

« دون ذات عالیترینه تقدیم شرفیه مباحی اولدیغ نوطه ده بوکون کورجستان جمهوریتنک آردهان و آرتیون قضالینغی محتوی اولان اردهان سنجاغنک طرفزدن تکرار اشغالنه موافقتی متضمن حکومت متبوعه کردن بر حواب آلمادیغ تقدیرده کیفیت اعاده نک موقع تطبیقه وضعی حمایه و تأمین ایچین لازم اولان تدابیر عسکریه بی اتخاذ مجبوریتنده قالا جغمزی بیلدیرمشدم . کیجه یاریسی اولدیغی حالده الآن مطلوب جواب موافقتی آلامادیغمدن شرق جهه مز باش قومانداننک مارالذکر مناطقک آنا وطنه عودتنی تأمین حقنده تعلیمات آلدیغی ذات عالیترینه بیلدیرمک مجبوریتنده ایم . بو مناسبتله ذات عالیترینه طلبمزک نه قدر محق و ملتبرک بالذات تعیین مقدراتی پرنسپینه نه درجه موافق اولدیغی خاطر لاتمق ایسته رم . بو خصوصده بالخاصه ، طلبمزک قطعاً کندی حقوق و منافعه نه تجاوز اولمه یوب بالعکس ۱۸۷۸ سنه سندنبری چارلقه آرامزده آچیق قالمش اولان بر حسابک تسویه سندن انکلیرلرجه وجوده کتیرلمش اولان غیرطبیعی بروضیتک تصحیحدن باشقه برشیء اولمادیغی کورجی ملتنک بیلیمسی ایچین قیده لزوم کوریوروم . انکلتره حکومتی ، ۳۰ تشرین اول ۱۹۱۸ تاریخلی متارکه دن سوکره اشغال ایتدیکی اشبو مناطق هان تماماً مسلمان و تورکلرله مسکون اولدیغی حالده بلاخره تخلیه ایدرکن حکومتکنزه هدیه ایتمک صورتیله کورجستان ایله تورکیه آراسنده بر زمین اختلاف آچق ایسته مشدی . اتخاذ ایتدیکمز قراره توفیقاً صورت حرکتمزک اسبابی بوجه آتیدر :

اولاً ؛ موضوع بحث اولان اراضی طرفزدن آیاستفانوس معاهده .

نامه سیله چار روسیه سنه ترك ایدلمش و برلین معاهده نامه سی ده بونی تایید ایله مشدی. آیاستفانوس معاهده نامه سنك ۱۹ نجی ماده سی بروجه آیدر:

« حشمتلو روسیه ایمراطوری طرفندن باب عالی دن طلب و باب عالیجه ده تسویه سی تعهد اولونان تضمینات حربیه و ضرر و زیان بروجه آتی آقسامدن عبارتدر .

[ بو جمله بی بر میلیار درت یوز اون میلیون روبله طوتان اوزون حسابات تعقیب ایدر و بعده مذکور ماده بروجه آتی دوام ایدر ]

تورکیه نك بولوندیغی مشکلات مالیه بی نظر دفته آلان روسیه ایمراطوری ذات شاهانه نك آرزولرینه ده موافق اولاراق فقره سابقه ده تعداد ایدیلن مبلغك بویوك بر قسمنه مقابل بروجه آتی اراضینك کندیسنه ترکنه موافقت ایدر .

( ۱ ) طولچه سنجاغنی . . . الخ . . .

ب ( آردهان ، قارص ، باطوم ، بایزید و سانفولاقسه قدر اولان اراضی .

ث ( بونلر روسیه حکومتنه بر میلیار یوز میلیون روبله یه مقابل ترك ایدلمشدر .

برلین معاهده نامه سی معلوم عالیبری آردهان ، قارص و باطومك تركنی تصدیق و تأیید ایده رك بایزیدی تورکیه یه اعاده ایله دی. ایشته بویله عجیب برپازارلق ایله غالب چار بر میلیار یوز میلیون روبله لك مخیل بر بروج مقابلنده بر میلیونی متجاوز نفوسی مغلوب سلطاندن جبراً آیردی .

روس اردوسنك شین آور حرب و مجادله سنه رغماً جسور و متین قالمش و عادی بر متاع کبی ساتون آلمش اولان بو مناطق اهالیسی قان آغلایاراق قوتك بوغلبه سنی قبول ایله چار بویوندور و غنه بویون ا کدی .

ثانياً ؛ بواھالی اکثریتہ تورک و مسلماندر . مسلمان عناصر لہندہ  
حرفکیرلک اسنادی شہہسز ممکن اولمیان ۱۹۱۷ روس ایستاتیسقلری  
بروجہ آتی مقداری کوسترمکدہدر :

۷۰۰,۰۰۰ مسلمان

۲۰۰,۰۰۰ ارمنی

۴۰,۰۰۰ روم

۳۰,۰۰۰ روس

۱۵,۰۰۰ کورجی

ثالثاً ؛ (۱۹۱۸) دہ سوویت روس حکومتی چار حکومتی طرفندن  
یاپیلمش اولان بوتجاوزی تعمیر ایتدکن صوکرہ اشبومناطق اھالیسی  
کالتھالکھ وخواھشلہ آنا وطنہ عودت ایچین رأی ویردی .

رابعاً ؛ انکلترہ حکومتی اشبو مملکتلری تخلیہ وقرون قدیمہ  
مستبدلری کبی ارمنی وکورجی حکومتلرینہ ہدیہ اولاراق تودیع ایتدی  
بو اثنادہ اشبو مناطق اھالیسنک بو تبدل حقندہ کی فکرلرینی آلمق  
ھیچ کیمسہنک خاطرینہ کلہدی . انکلترہ نک بو مسئلہدہ کندیس ایچین  
پک قیمتلی اولان ، اجرای حکم ایچین پارچہ لامق دستورینہ توفیق حرکت  
ایتدیکی شہہدن وارستہدر .

اوزماندنبری تورکیہ ایلہ کورجی وارمنی حکومتلری آراسندہ کی  
مناسباتی اشکال و تشویش ایدن لایعد اعتراضات بروجہ بالامعروضاتمک  
الکابی دلیلیدر .

خامساً ؛ یکی تبعہ سنک کندی حاکمیتی آلتندہ یاشامقدن متولد  
نفرت واستکراھنی بیلن کورجی حکومتی بونلرہ قارشوی صوکرہ درجہ  
شدتله حرکت ایتمک بمجوریت دائمہسی آلتندہ بولنیوردی .

ایجابی حالنده مارالذکر مناطق آهالیسنک آنا وطنه قارشی موجود  
تمایلات صداقتکارینی بوغمق ایچین مراجعت مجبوریتنده قالدینی  
معاملات زجریه لیسته سنی کندیسنه تودیع ایده بیلیرز . بو وسیله ایله  
احترامات فائده . . . . .

اساساً شرق اردومزده تعلیمات ویرلمش و حرکتیه کچیلمشدی .  
مدیوانی ، ۲۳ شباط ۱۹۲۱ ساعت ۱۲،۳۰ ده تفلیدن آلدینی  
وطلبمزه موافقتی حاوی تلغرافی حکومتیه تبلیغ ایتدی . بونده ۲۳ دن  
اعتباراً بو حوالینک تخلیه سنه باشلاناجنی بیلدیریلوردی . حالبوکه  
۲۲ شباطده حرکتیه کچن قطعاتمز ۲۳ شباط ۳۳۷ صباحی قارده شلرینک  
سهوینجی کوز یاشریله تورک بایراغنی اردهانه و متعاقباً آرتوینه دیکمش  
بولنیوردی .

۵ - غازی عینتابک فاجعه سقوطی :  
برنجی این اوکندن صوکره ایکنجی مهم حادثهده غازی عینتابک  
فاجعه سقوطی اولمشدر .

غازی عینتاب محاربه سی ؛ ۱/۴/۳۳۶ ده باشلامش و ۸ شباط  
۳۳۷ ده فرانسزلرک شهری اشغالیله نهایت بولمشدر . بدایتده پوزاتی ،  
خاچین ، مرعش ، اورفیه قدر ایلیله مش اولان فرانسزلر ، میلینس  
قوتلری و متعاقباً بونلرله مشترکاً اردو قوتلری ایله جریان ایدن اوزون  
محاربات نتیجه سنده هر طرفده کاملاً آتلمش ویا لکتر آطنه و عینتاب  
جوارنده قالمشدردی .

بالآخره عینتابده کی قوتلرینی تقویه ایده رک شهری محاصره ایتدیلر .  
بوصره ده عینتاب مدافعه مشهوره سنی وجوده کتیرنلر تقریباً برطابور  
پیاده ، بر بلوک ماکنه لی توفک ، بر بطریه جبل طوپی ایله چوجوق

وقادینلری ده داخل اولدینی حالده قهرمان عینتاب خالقیدر . ملیت  
 واستقلال عشقی قلب و وجداننه ایجه سیندیرمش اولان و آنا وطنه  
 ارتباطنک کسیرینه اولومنی ترجیح ایدن بوکزیده خلق کتله سی بوحر کتلیریه  
 بتون جهانه قهر مانلق درسی ویزدیله . معصوم خلقک، دنائت وحقسزقلرینی  
 اخطار ماهیتده اولان بو حقی غلیانی مع التأسف دشمنلره غیر انسانی  
 حرکتلرینی تبدیله واونلری حق و منطقه ارجاعه کاول اولامادی .  
 مدافعلر آره صره یابدقلری محروملرده ، دشمنلری ، یرلشدکاری ارمنی  
 محلاتندن و آمریقان کلایاسندن طرد ایدرک دها مساعد وضعیتلر  
 الده ایتشلردی . فقط؛ خصمک بول مالزومه سی وفائق قوتلری قارشیسنده  
 تکرار اسلام محلاتنه چکلدیله واورالرده طوپراق دیوارلرک اویوقلرنده  
 تام اون آی فرانسلری عجز ایچنده قیوراندیردیله . صوک زمانلره  
 دوغرو فرانسلر قوتلری ایچی فرقه پیاده ویر آلائی سواری یه بالغ  
 اولدینی کی آیرجه متعدد ارمنی طابورلری کتیره رک شمهری کاملاً  
 ساردیلر و مجاهدلرک هر طرفدن ارتباطنی کسدیلر . وهر کون طوب ،  
 ماکنه لی توفک و طیاره آتشلری آلتنده انواع تخریبات یابدیلر .

تولری بررخته خانه یه قلب ایدیلن خلق وعسکر داخلده کابتدائی  
 شکلده بومبا و مر میلرله دشمنک بو عصری وسائطنه بلا فتور مقابله  
 ایتدی . فقط ؛ کون کچدکجه آچلق تاثیرینی کوسترمکه باشلادی .

بوصرده مرعش وحوالیسنده یکی تشکل ایدن ایکنجی قول اردو  
 بش وطقوزنجی فرقه لرله محاصره خطنی یارارق ایجری یه لازمکن  
 معاوننده بولونمق ایچین جوق اوغراشدیرلدی . فقط ؛ قطعاتک  
 موجودلرینک و تعلیم و تربیه سنک نقصان اولدیشی ، وسائط و مالزومه سنک  
 مفقودیتی منطقه نک اوزاتلغی دولایسییه سریعاً تقویه امکانی اولماییشی

بوزندن بعض موضعی موفقیتر الـه ایدیلیمورسده قطعی بر نتیجه آلمغه امکان ویرمه یوردی .

مجاهد لرك صوك مراجعتلری بالخاصه چوق آجیقلی ایدی .  
 ۳۳۷ شباط کیجه سی قول اردو سـوقی ممکن اولان قوتلرله چوق شدتلی بر هجوم دها یاپدی . فقط ؛ بوده دشمنه ضایعات ویردیرمکدن و ۵۰۰ قدر مدافعله بر قسم خلقک موقه آجیلان کدیگدن خارجه چیقمسندن باشقه بر شیئی تأمین ایده مهدی . دشمن تکرار مقابل تعرضله قطعتمزی آندی . ایشته بصورتله بالضرور بر مدت ایچین مقدراتنه ترك ایدیلن عینتاب صرف آچلق تأثیرله ۸ شـباط ۳۷ ده بعض شرائط تحمنده مع الاثف سقوطه مجبور اولدی . وبو حادثهده بر آووج عسکر وخلقک کریچین معمول اولره آچدقلری مازغاللردن یاغدیدقلری عزم وایمان آتشی قارشیسندنه عصری بر اردو ایله اون آیدر عجز ایچنده قیورانان دشمنلره شرفبخش اولدی . حکومت بوانتقامنی آلمق ایچین آطنه منطقه سنده کی دشمنه بر تعرض حاضر لایوردی . فقط ؛ بوسردهه ایکنجی این اوکی محاربه سنک ظهوری بونی تأخیر ایتدی . بالاخره ایکنجی این اوکی ظفری بونی کندیلکنندن تأمین ایتدی . ایکنجی این اوکنی متعاقب فرانسرلره یاپیلان آنقره ائتلافی موجبنجه بورالر قورتاریلدی ، وحکومتک ایچنی یاقان ، بر صیزی تشکیل ایدن بو اضطرابده برطرف ایدلدی .

## ۶ — ایکنجی ایه اوکی محاربه سی :

برنجی این اوکی محاربه سندن صورکا آرتق بزم ایچون باشلیجه حائر اهمیت اولان غرب جبهه سی اولمشدی . چونکه یونانیلر یکیدن

بویوک حضر لقلره دوام ای دییوردی . و آلتان خبرلرده بونی تایید ای دییوردی . حکومت برنجی این اوکندن سوکره فرانمز لردن انتقام آلمق و عینی زمانده بونلری آظنه دن طرد ایده رک مملکتک وضعیت اقتصادی سنی دهها مساعد شکه صوقق ایچون مر سینی آله کچیرمک مقصدیله حاضر لانیوردی . یونانلیلرک بوفعالیتی اوزرینه بزده مساعیمزی تشدید ایتدک ، چونکه بو حاضر لغمزله عینی زمانده یونانلیلری ده قارشولامش اولویوردق . ایشته بو وضعیت ایچنده ایکنجی این اوکی و دواملی پیکار محاربه لری اولدی .

یونان اردوسی اوزمان بری بروسه دیکری عشاقده اولمق اوزره ایکی غروب حالده ایدی . بروسه غروبی ؛ برفرقه از میت و کملیکده ، اوچ فرقه ( ۳ ، ۷ ، ۱۲ ) و برقسم سواری دن مرکب اوچنجی قول اردولری بروسه منطقه سنده ایدی .

عشاق غروبی ؛ درت فرقه و برقسم سواری دن مرکب بر غروب عشاق منطقه سنده ایدی .

### اردومز :

غرب بهر سسی ؛ ۳نجی سواری فرقه سسی و بر سواری لواسیله [ از نیق کولی - آق صو - کشیش داغی ] خطنده دشمنله تماسده بعض پیاده اقسامیله بونلره استناد اولمق اوزره [ یکیشهر - اینه کول ] خطنده .

( ۱ ، ۱۱ ، ۳۴ ، و ۶۱ )نجی پیاده فرقه لریله این اوکی موضعنده ( صاوچی بک - متره س تپه - چفتلک - آق پیکار ) خطنده ، قوجه ایلی حوالی سنده ؛ و اوزمان لفکه ، کیوه منطقه سنده ارکان حربیه عمومییه مربوط جمعاً برفرقه لق قوت واردی .

جنوب جبهہ سی ؛ کوتاہیہ دن آٹنہ یہ قدر منطقہ سی واردی . ۱  
 و ۲ نجی سواری فرقه لیلہ دردنجی سواری لواسندن مرکب قوتیہ  
 دولی پیکار منطقہ سندہ و دشمنہ تمامہ ، ۴ ، ۸ ، ۵۷ و ۲۳ نجی  
 فرقه لیلہ آفیون حوالی سندہ ، ۱۴ نجی فرقه سیلہ و برایکی آلائی قوتہ کی  
 آٹنہ تشکیلات مخصوصہ سیلہ برابر آٹنہ حوالی سندہ فرانسرلہ قارشی  
 بولنقہ در . جنوب جبهہ سنک نسبتاً دہا فضلہ قوتلی اولسی فرانسرلہ  
 قارشی برتعرض ایچون حضرلقنددر . بولردن باشقہ غرب جبهہ سی  
 ایچون قابل استفادہ آنقرہ دہ منتظم و قوتلی مجلس محافظ طابوری و مرکز  
 اردوسی منطقہ سندہ کی ۵ و ۱۵ نجی فرقلہ واردی . مارت اواسطنہ  
 یونانلیلرک ہر حالہ تعرض ایده جکاری حتمہ خبرلر آندی . ونہایت  
 ۲۳ - مارت - ۳۳۷ صباچندن اعتبار آدشمن بروسہ و عشاق منطقہ لرندن  
 تعرضہ باشلادی . ۲۵ شباطدہ لوندرہ یہ دعوت ایدیان و ۱۲ مارتدہ  
 مذاکرہ ختامہ ایردرک بلانتیجہ عودت ایدن مرخصلریمز ہنوز یولده  
 ایکن یونانلیلرک بو تعرضی آوروپالیلرک حسن نیتدن چوق اوزاق  
 اولدولریغی و بزی غفلتہ دوشورمک فکریلہ حرکت ایتدکلریغی غایت  
 صریح کوسترمکدہ در .

روسہ دن لیلرولہ بن دشمن اوچ فرقه پیادہ و برقم سواری ایدی  
 خفیف قوتلرلہ صولجناجزہ یورودی . اقسام اصایہ سیلہ [ اینہ کول  
 بازارچق ] ، [ یکیشہر - سیلہ جک ] یوللریلہ دہا زیادہ مرکز و صانعناجزہ  
 توجہ ایتدی . ستر قطعاً تمزدشمنی اشغال ایده رک موضع اصلیہ چکیلدیلر  
 دشمن بوحوالیغی ضبط ایلہ ۲۷ - مارت - ۹۲۷ صباچندن اعتباراً  
 تکمیل جبهہ دہ تماس حاصل اولدی . این اورکی موضعمز ، قوجہ ایلی



غروبی ۱ و ۶۱ نجی فرقه‌لر صاعده، ۲۴ نجی فرقه اورته‌ده، ۱۱ نجی فرقه صولده اولمق اوزره طوتولمشدی .

این اوکنک اهمیتی ده‌ا و قنیه‌له تقدیرایدلدیکندن جنوب‌جهه‌سندن ۲۴ نجی فرقه کتیریلرک صولجناحه ویریلدی و برنجی سواری فرقه‌سی جهه احتیاطنه آلدی . آروجه ده‌ا بدایتلرده آماسیه‌دن جلب ایدیلن بشنجی قفقاس فرقه‌سی ده بر آلایه یقشمش اولدیغندن بوقوت و مجلس محافظ طاوری آنقره‌دن ینه غرب جهه‌سی امرینه سوق ایدلدی . ده‌ا صوکره کوتاهییه و آفیون منطقه‌سنده کی وضعیتدن استفاده ایدیلرک ۲۳ و ۸ نجی فرقه‌لرده جلب ایدلدی . بوزلردن یالکز ۲۳ نجی فرقه صوک کون جهه کریسنده حاضر ایدی .

آرتق بوجه‌ده یاپیلماسی لازم کلن ایجابات فیه‌یه توسل ایدلمش و قابل تصرف صوک قوتلر بورایه سوق ایدلمشدی .

۲۸ صباحی دشمن بوتون جهه‌ده تعرضه کچدی . ده‌ا زیاده‌ایکی فرقه ایله صاغ جناحیزی و برفرجه ایله صول جناحیزی تضییق ایدیور و جهه‌ده اشغال محاربه‌لری یاپوردی . بالخاصه صاغ جناحدن تضییق ایدیوردی . صاوحی بک غربنده کی قانلی صیرتی ضبط ایتدیسه‌ده قوجه ایلی، ۱ و ۶۱ نجی فرقه‌لرک مقابل تعرضلریله همان آتیلدی . اوکلهدن صکره پک کشیف طویچی آتشی متعاقب ایکی فرقه ایله بر ده‌ا تعرض ایتدی . وساعت درتده بورالرینه دشمن ائنه کچدی . بر ساعت صوکره سونکو هجومیله تکرار ضبط ایتدک .

بومنوال اوزره بومنطقه‌ده هجوم و مقابل هجوملرله مواضع طرفینه

انتقال ایدوب دورویوردی .

فقط بالخاصه ۱ و ۶۱ نجی فرقه‌لر مرکز کمال بساتله دشمنک هر

ضربه‌سنی مقابل ضربه‌لله قارشولامه‌سی یونانلی‌لری شاشیرتمشدی .  
قوجه ایلی قوماندانی خالد ، برنجی فرقه قوماندانی کمال‌الدین سامی ،  
۶۱ نجی فرقه قوماندانی عزالدین بک‌لر بومنطقه‌ده شایان تجیل مهارت  
وفدا کارلق کوسترمش‌لردز .

دشمنک صاغ جناح‌مزده بو قدر شدید داورانمسی اردویی شمال یانندن  
وروره رق جنوبه ، داغ‌لره آتمق واسکی شهر یولنی طیقایه رق محو ایتمک  
غایه‌سنه مطوفدی .

آقشامه دوغرو صول جناح‌مزده تعرضنی شدت‌لندیردی . فقط  
هر طرفده کاملاً طرد ایدلدی . یالک‌ز صول جناح‌مزده ترصد ته‌یی‌لنه  
کچیردی ، که مهم برنقطه ایدی .

۳۰ کونی علی الصبح محاربه یینه باشلادی . خاسه اوکله دن سوکره  
چوق شدت‌لندیدی . دشمن صاغ جناح‌مزده اوچ شهیدلر ته‌مننی ضبط  
ایتدی . فقط مقابل تعرضله در حال آتیلدی . بو کون صول جناح‌مزده کی  
تضییق آرتمشدی .

اوچ کوندر موضعی قهرمانجه مدافعه ایدن ۱۱ نجی فرقه قاتق  
دشمن قارشیسنده صول جناحنی جبهه‌یه عمود اولمق اوزره فنا برشکلده  
کری‌یه دوغرو قیرمغه مجبور اولدی . بور وضعیت قارشیسنده دشمن  
قوالجه صیرت‌لرینی طومش وبر قسم قوتی ایله جبهه کریسنه دوغرو  
صوقولمغه باشلامشدی که بویوزدن تکمیل جبهه حساس بر وضعیته  
دوشمش بولونوبوردی .

چونکه اوچ کوندر دوام ایدن فاصله‌سز تعرض‌لری وجناح‌لردن  
واقع احاطه‌لری قارشولایه بیلیمک ایچون تکمیل احتیاط‌لر صرف ایدلمشدی .  
بو بوله بر آنده دشمنک بر جناح‌مزای آتمه‌سی و کری‌یه دوغرو صارقاسی

وضعیتی نازک شدی و بالخاصه او جهه یه یقین اولان عصمت پاشا قرارگاهنی تهاکه لی وضعیته دوشوره شدی. عصمت پاشا حضر تلی ایلیک تدبیر اولارق قرارگاهنی این اوکندن چقور حصاره نقل ایتدیلر. چونکه آرتق اورادن محاربه نی سکونته اداره ایتمک ممکن دکدی. عصمت پاشا عینی زمانده بوراده وضعیتی طوته حق موضعی تدبیرلری ده آلدی. بو وضعیتی فوزی پاشا و مصطفی کمال پاشا شمدیکی ارکان حریه عمومیه دأره سنک حرکات شعبه سندن آدیم، آدیم تعقیب ایدیورلردی. ولایم کلن تدبیرلری آلیورلردی. عصمت پاشادن اک صوک [ دشمن قنذیللی یه دوغرو ایلرله یور قرارگاهنی چقور حصاره نقل ایدیورم ] راپوری آلدق دن صوکره مخابره نک بر قاق ساعت کس یلمش اولسی دوغری می چوق هیجان و اندیشه ویرم شدی. فقط آلمان تدابیر دشمنک انکشاف ایتمک اوزره بولونان حرکتی هان دور دوردی. ایشه اک کوچوک رتبه لیدن اک بیوک قوماندانه قدر بوتون ضابطانک وطنک حیات و ممات دمی تلقی ایتدک لری بو آنده کوسه تردک لری قطعی استحقار حیات و یوکسک عزم و ایمان و تعبیه ساحه سنده کی قابلیت و درایت، قوماندا مقامات عالیه سنک نصب نظر ایتدیکی نتیجه نی لایقیه تأمین ایتمش اولدی. و خصمک غیرت و تشبثلرینک ویردیکی طاتلی امید یزیر وزیر ایتدی.

بالخاصه طوپجیلر، هر درلو اندیشه احتیاطی بر اقرق و قسماً آچیغه چیقهرق اعظمی فعالیت و فداکارلقه احما و توقیف آتشلرله استحصال موفقیته اک بویوک عامل اولدیلر.

بو صیرده بشنجی قفقاس فرقه سی قوماندانی جمیل جاهد نک بر آلا ییاده و محافظ طا بوریله جهه یه یتیشم شدی. بو قوت، صول جناحزی

احاطه ایتمک ایستین دشمن قوتلرینی دها یاندن احاطه ایدمک شکلمه  
سوق ایدیلهرک دشمن توقیف وبالاخره چکیلمکه مجبور ایدلدی .  
بو سایهده دشمنک ایکی جناحدن غرب اردومزی چویرمک ورجعتنه  
میدان ویرمیهرک امحا ایتمک تشبئی صویه دوشدی .

۳۱ مارتده دشمن صوگ بر غیرتله یینه تعرض ایتدی ؛ فقط  
هرطرفده دیگر کونلردن دها قولای بر شکلمه قیریلدی . وبوندن  
بشقه بوکون بعض نقطه لرده بر مقابل تعرضه کچهرک اراضی قزاشدق ،  
اسیر ، تفنک وجبجخانه آمشدق ، ۳۱ مارتده اردومز آرتق دشمنه  
فائق بر حال اکتساب ایتشدی .

چونیکه او ، یدی سسکیز کوندر دوام ایدن محارباتده تورک عزم  
وجلادتی اوکنده عظیم ضایعاته اوغرامش و صوگ نفری جبهه یه صوقدینی  
و آرتق مانوره قدرتدن کلیاً محروم قالدینی حالده بوتون جبههده بزی  
بالکیز تبدیل موضعه مجبور ایدن بعض نقاطی اله کچیرمکدن بشقه  
اساسلی برشی اله ایدمه مشدی . واقعا بزده ۳۱ کونه قدر صوگ  
نفرمزی جبهه یه ویرمشدک . فقط اوکون آشاغیدن بر فرقه من دها جبهه یه  
یتیشدی . بر سواری فرقه سی ده یینه آشاغیدن صول جناح مزه وارمش  
ودشمن کریلرینه مؤثر اولمغه باشلامشدی . بناء علیه ۳۱ مارت کونی  
زوالدن صوکره اردومز فائقیتی قازانه رق هر طرفده تعرضه کچدی .  
بو وضعیت قارشیسینده دشمن قورتوله بیلیمکی بر موفقیت عد ایتش  
وبو غیرته دوشمشدر .

ایکنجی این اوکی محاربه سنک نه قدر شدتلی اولدیغنی ایضاحدن  
عاجزم بالخاصه صانمخاحده عادتاً بوغوشمه حالنده جریان ایتمشدر .  
یونانلیر ؛ آناطولینک نجات اردوسنی محوایچون عقورانه چیرپینیرکن

اردومز جداً واقفانه تدبير آلمش واصلت مليه مزه خاص قدرت و جلادته  
 خصمی آريته رك ۳۱ - مارت - ۳۳۷ آقشامندن اعتباراً انهمزاملی بر  
 رجعته مجبور قيلمش و تاريخه ايكننجی اين اوکی ظفري يازديرمشدر .

محترم افنديلر؛ چوق خوش برتصادفدر . شو ساعتده اوكونلرك  
 تامين ايتديكي حاكيت هواسی واستقلال ذوق وسعادتى ايچنده خاطره سنى  
 ياد ايتديكمز ايكننجی اين اوکی ظفري بوندن آلتى سنه اول ۳۳۷ سنه سى  
 مارتك ۳۱نجی كونی اولان بوكونك بوساعتنده اين اوکی صيرتارنده  
 اكان ايديليوردی . سزله شمدي معروضاتده بولونوركن ايچنده يشاديفم  
 اوكونلرك هيچانيه مهيجم . [ بوقونفرائس ايللك دقعہ ۳۱ - مارت  
 ۹۲۷ آقشامى ساعت اونيدى بچقده آنقره تورك اوجاغنده ویرلمشدى ] .

۱ - نيسان صباحی غرب جبهه سى قوماندانى عصمت پاشانك  
 مترس تپه دن ارکان حربیه عموميه ريئسى فوزى پاشايه يازدقلىر تلغراف  
 ومشارالیهك ويردكارى جوانى عرض ايدييورم :

### اربابه صريه عموميه رياسته

مترس تپه دن

۱ / نيسان / ۳۳۷

صكرده مترس تپه دن كورديكيم وضعيت : كوندوز بك

شالنده صباحدن برى ثبات ايدن ودمدار اولمسی محتمل بر دشمن  
 مفرزه سى صانجناح غروبك تعرضيله غير منتظم چكيليور . قطعائمز  
 يقيندن تعقيب ايدييورلر . حمديه استقامتمنده تماس وفعاليت يوق . بوز

اویوک یانیور دشمن بیکلرجه مفتولرله دولدیردینی محاربه میدانینی  
مظفر سلاحرمزہ ترک ایتشدیر .

غرب جبهه سی قوماندانی

عصمت

مدرس تیره غرب جبهه سی قوماندانلغه

آنقره :

۱ / نیسان / ۳۳۷

دشمنلر مرکز احکار سیاستلرینی موقع تطبیقه قویمق ایچون آنا  
وطنمزہ صالدیدقلری یونان اردوسیله یدی کوندنبری پک قانلی دوام  
ایدن ایکنجی این اوکی محاربه سنده عزیمکار قوماندان کز آلتنده قهرمان  
وعزیز اردومزک قازاندینی قطعی مظفریتدن دولایی ملتزمک اُک بویوک  
شکرانه ترجمان اولارق سزى وشانلی عسکرلر مزى تبریک ایدر بویوکسک  
آلتکزدن اوپریم افندم .

ارکان حربیه عمومیه رئیس

فوزی

دشمن رجعتدهده ایلری حر کتنده اولدینی کبی باشلیجه [ بیله جک -  
یکیشهر - بروسه ] [ بوزاویوک - اینه کول - بروسه ] اولمق اوزره ایکی یول  
تعقیب ایتدی . صانجناحدن سبکبار قطعاتیه قوجه ایلی قوتلریمز یکیشهر  
استقامتدهده وسواری فرقلر مزله بشنجی قفقاس فرقه سی قطعاتندن  
برقسمیده جنوب جبهه سی قوماندانک امرنده اولمق اوزره ۱ نیسان دن  
اعتباراً صولجناحدن مزید وادیس بونجه دشمنی تعقیبه کچدیله . بو قطعات

یول بویجه یاندن ، دشمن رجعت قوللری خیربالایه رق بروسه جوارینه قدر تعقیب ایتدیله . برچوق اسیر آلدیلر ، وکلیملی غنائم الله ایتدیله . جبهه ایلیریسنده چکیله مه یوب فالان دشمن قطعاتی ده مظفر سونو کولر مزه تودیع نفس ایتدیله . بالخاصه اوچنچی سواری فرقه مز دشمنی چوق خیربالادی . بوفره زوالده دشمنله برابرینه کوله کیدی و سوراق محاربه لریله دشمنی برباد ایتدی . آنجق اسلحه و تجهیزاتی آتهرق قاچان برقم دشمن قورتوله بیلدی . بو حرکت اثناسنده اینه کول اهالمی بویوک فداکارلق کوسه تردی . اینه کول چو جق وقادینلری هنوز بر طرفدن دشمن سونو کوسی آلتنده بولندقلری حالدده قصبه به کیرن قطعتمزی قارشولامش و یا جنسکنه این سواریلر مزك آتلیری طوتارکن بعضیلری شهید اولمشلردر . این اوکنده کی دشمن قولی بوخیج عاقبه دوشورلدکن صوکره اردو همان جنوبه توجه ایتدی . شمالده بو حرکت دوام ایدرکن عشاقده کی دشمن غروبی ده شرقه آفیون استقامتنه حرکت ایدرک آفیونی ضبط ایتمش و چای - بولوادین خطنه قدر ایلیله مشدی . شمال وضعیتی اوزرینه بوقول ۳ نیسانده رجعت ایدرک ۷ نیسانده آفیونی تخلیه ایتدی .

بدایده بو دشمنك دوغرو حرکت ایدرک عشاق - کوتاهیه استقامتنده حرکتی تخمین ایدلمشدی . دشمن بونی یاپمادی . خطا اولهرق آفیونی ضبط ایتدی . و شرقه دوغرو نتیجه قطعیه ساحه سندن اوزایه رق سرگذشته دالدی . ارکان حربیه عمومیه بونی فرصت عد ایدرک دشمن قارشیسنده ۵۷ و ۴۱ نجی فرقه لردن مرکب ۱۲ نجی قول اردوسنی براقهرق دیکر بوتون قوتلری این اوکنه چکمشدی . این اوکنده وظیفه بیتدکن صوکره درحال قابل نقل اولان برنجی

وايكنجى سووارى فرقه لريله ۱۱، ۴، ۸، ۲۴ نجى وبشنجى قافقاس فرقه لرینی جنوب جبهه سی قوماندانی ایله کوتاهییه - عشاق استقامت عمومیه سنده دشمنك جنوب قولنی ده مغلوب ایتمک توجیه ایلدی . قوتلر منر اصلخانلره واصل اولدق لری زمان رجعت ایدن دشمن قوللرینی حمایه ایدن بر قسم دشمنه چاودی . ۸ نیسانده بوراده اصلخانلر محاربه سی نامیله شدتلی بر محاربه اولدی . متعاقباً دشمن بورادن بر آز دها کریده کی دولمی پیکار موضعنه رجعت اییدی . کریدن آلدینی قوتلرله بوراده طوتوندی ، قالدی . محاربه قطع ایلدی . وبصورته جنوب قولنده بر درجه به قدر جزاسی و برلمش اولدی . اگر جنوب جبهه سی قوماندانلری بر آز دها قناعت منر و جرأتلی اولسهیدی وقوتلرینی وضعیته کوره ایی اداره ایتمهیدی دشمنك بو غروبی اوزمان دها زیاده فحیح بر عاقبه دوشوروله بیلیدی . بو محاربه بالطبع آناتولی حکومتنك وضعیتی بر درجه دها تقویه اییدی . وبوندیجه اك زیاده چوق بویوك امیدله یونانیلری اوزرمزه صالدران ائتلاف دولت لرینه تاثیر اییدی .

ظفرک صوکنده مصطفی کمال پاشا حضرتلری جبهه ده کی قوماندانلره شو تاغرافی ویردی :

آنقره :

۱۱/نیسان/۳۳۷

این اوکی میدان محاربه سنده سلاحلر منرک قزان دینی پارلاق ظفری دولمی پیکار میدان محاربه سنده کی ایکنجی پارلاق ظفر اتمام اییدی . جنایت وخیانتنك ایلك جزالری چکمه که باشلابان یونانستانه قارشى



آناطولینک اسکی غزا افقلری اوستنده عقاب آتشدن ایکی قناد آچیلدی.  
 اجداد طوپراقلرنده ایکی اوزون سنه دنبری مفسد و مغفل برمتارکه  
 ایله سلاحلرندن تجرید و اولومه محکوم ایدیلن ملتیز علینه فاصله سز  
 بریانغین و قتال سیاستی تعقیب ایدن، اک معمور مملکتارمیزی خرابه یه  
 چورهن، دشمنک باشی بوش براقلمش حیدود سورولری یوزلرنی  
 کری دوندیله. اردومن کورولتیلرنی آکدیران برولوله وهیبتله  
 صحنه تاریخه یکیدن چیقدی. بشقه لرینک ظنرندن دوغوش و باشقه لرینک  
 ظفربله بیومش طفیلی دشمنی آناطوپراقلرمزدن بسبتون طردایدجهک  
 مشیت مظفرانه کزک یولارینه کوزلرم دیکلمش، سزه واستادانه سوق  
 واداره کز آلتنده روح اجدادی مغرور ایدن بزته ماناقله چارپیشان  
 بوتون قوماندا و سلاح آرقداشلرمزه مسعود و مفتخر تبریکلرمیزی  
 کوندر بیورم.

مصطفی کمال



## — دردنجی قونفهرانس —

خاملر ، افندیلر ؛

بو کونکی قونفهرانسک همان هیئت عمومی سی وکله جک قونفهرانسک بر قسیمی یونانلیلرله جریان ایدن محارباته عائد اولاجقدر. اساساً استقلال حربنده کی حادثات تاریخیه نك قسم اعظمی ده بو تشکیل ایدر . چونکه ، ۲۳ نيسانده مرکزی آنقره ده اولق اوزره تأسس ایدن آناتولی حکومتی مصالحانه بر طریق ایله احقاق حق ایچون چوق چالیشدی ، هر تدبیره توسل ایلدی ، فقط دول ائتلافیه دیدیلرکه ؛ [ بونلر عاصی بر چته در . بونلره بوکبی مطالب دکل مطاوعت تامه یاراشیر . ضمناً وفعلاً افاده ایلدیلرکه ، سزی دائرة اطاعته آلق ایچون قوتله وامنیتله احضار ایتدی کمز یونان اردوسنی مأمور ایتدک . و مکافاة ادعا ایتدی کمز اک عزیز حقلر کزدن مهم بر قسیمی ده اونلره وعد ایلدک . ] اوزمان بونک قاب شیسینده آنجق قوتلی اولدقجه و یونان اردوسنی قطعی بر مغلوبیته اوغرا تماغجه وصول مقصدک غیر ممکن اولدیغنی تقدیر ایدن حکومت احضاراته باشلادی .

اونلر بو احضاراتک تکملنه میدان ویرمه مک ایچون تمادیا تعرض ایتدی . بز مقاومت ایتدک و تاکه تعرض فابلیتلیخی سقاریده قیردیق . و سوکره بز تعرض ایتدک اونلر مقاومتیه یلتندی . بو صورتله ۲۳ نيسان ۳۳۶ دن ۱۶ ایلول ۳۳۸ تاریخنه قدر بلا فاصله محاربه اولدی .

بوکا بناء استقلال مجاہدہ مزك بوندن صوكره كى حادثاتی اکثریتہ محارباتلہ كچدی۔ نتہ كم يالكر ۳۳۷ سنه سى برنجى وایكنجى این او كى، كوتاهیه - اسكیشهر وسقاریه كجی درت مهم میدان محاربه سى وقوعه ككشدر . اوزمان هنوز وجود بولان اردو مزك هر درلو وسائطسزلكنه رعمآ بویوك فداكار لقلره هر كون بر ظفردن ديكرینه قوشمسی سایه سنده ایسته بوكونجی مظفر ومعاصر یكی توركیه میدانه كله بیلدی.

### ۱ - آطه بازاری وازمیت هوالبسنگ استرادی :

متار ككك عقدندن بر آرز صوكره انكلیزر ازمیتی اشغال ایله مشلر وتل اور كولیجی ازمیت جوارینه قوره رق عسکر لریجی رلشدر مشلردی . متعاقباً بو مفسدت قایناغندن صالیویردكلى زهرلی جریانلره آطه بازاری ، دوزجه ، بولی حوالیسنده متمادیا عصیانلر چیقارتدقلى كجی ۳۳۶ ده استانبولده تشكيل ایتدكلى قواى انضباطیه بی ده ازمیته چیقاره رق یونانلیلره مشترکاً آناتولی قوتلریجی محوایتمك ایسته مشلردی . فقط قیصه بر محاربه بی متعاقب قواى انضباطیه محوایدلمش وانقاضی بر واپوره دولدره رق استانبوله نقله مجبور ایدلمشدی . وسائطمزك وقوتمزك كفایتسزلكی اوزمان بوحوالی بی كاملاً استرداده امكان ویرمه مش وینه انكلیزر النده بر اقمشدی . بوسره لرده بروسه وعشاقه قدر ایلریله مش اولان یونانلیلر بو حادثه دن صوكره برفرقه ایله ازمیتی انكلیزر لدن تسلیم ایتمشلر وصپانجه ، آطه بازارینی ده ضبط ایدهر ك سقاریه یه قدر ككشدردی . اوزمانه قدر آناتولینك استانبول ایله ارتباطی، یكانه طریق اولان اینه بولی یه انحصار ایتمشدی . بو یول هم اوزاق وهم غیر كافی ایدی .

بوندن بشقه بورانك یونانلیلر النده بولونمسی اردو مزك وضعیتی

اعتباریله یاننده ومستقبل حرکاتر ایچون کریسنده بر چییان تشکیل ایدیوردی . ایشه کرك استانبول ارتباطك دها امین وسهیل بروضیته صوقولسی وركسه متعاقب حرکات عسکریه ایچون درکار اولان لزوم وفواندینه بناء بوحوالینك دشمندن تطهیرینه قرارویریلدی . بوحرکت ایچون دشمنك هنوز ایکنجی این اوکی مغلوبیتنك صدمه سیله متأثر اولدیغی زمان اك مساعدت وقت عد ایلدی . یونانلیلرك ، مرکز ثقتی ازیمتده اولمق اوزره بوحوالیده بر فرقه لری واردی که تقریباً ۷۵ قدر ماکنه لی تفك ، ۲۵ قدر طوپ و سکزیک قدر پیاده دن مرکب دی بوحرکات ایچون بزم تخصیص ایتدی کمز قوتلری یله جك و کیوه منطقه سنده کی مرتب فرقه ، دوزجه حوالی سنده کی سواری آلابی ، بر آلابی قدر مایس قوت و بعض چته لردن عبارتدی که جمماً ۱۹۶ ضابط ۳۹۵۶ نفر ۳۳۵۵ توفك ، ۴ آغیر و ۱۸ حیف ماکنه لی تفك و ۳ طوپ دن عبارتدی . بو قوتلرك وبومنطقه نك قوماندانی حالاً مجلس رئیسی اولان کاظم پاشا حضر تلی ایدی . بوحرکتك اجرا سنده سقاریا بوروک بر مانعدی . کچید ایچون ابتدائی شکلده جوار کوی واورمانلردن استفاده ایدیله رك صال و سائره کبی بهض وسائط تدارك ایلدی . و ۲۰ حزیران ۳۳۷ ده حرکتیه باشلانندی .  $\frac{۲}{۱۱}$  کیجه سی مفرزه لر من اوچ نقطه دن بو وسائطه سقاریایی آگمزین کچدی لر و بر باصقین حرکتیه دها اوکجه آطه بازارینی ضبط ایتدی لر . عینی زمانده دیگر بر قول ده صپانجه یی ضبط ایتدی . قوتلر من بوندن صوکره مرکز ثقت جنوبده اولمق اوزره صپانجه کولی طرفیندن دشمنی تعقیب ایده رك ۲۲ / حزیران / ۳۳۷ ده ازیمتک ۲۰ کیلومتره مسافه سنه قدر یا قلاشدی لر .

۲۳ حزیرانده بر قسم قوت ازیمتیه دوغرو یورورکن مرتب فرقه ده

آشاییدن یوروپه رکه از میت کور فزی جنوب ساحلنده کی سیمین  
 وباش اسکله لری استقامتمنده ایلیله دیلر . ۲۴ جزیرانده دشمن از میت  
 جوارینه طوپلادیغی قوتلرله بر مقابلی تعرضه کچدیسه ده پوسکورتیلدی .  
 ۲۶ و ۲۷ جزیران کونلری تعرضمزدوام ایتدی . نهایت  $\frac{۲۷}{۲۸}$  ده دشمن  
 قوتلر منک تضییقی قارشیسمنده ده فضله قلامه رق کیلرینه پینوب  
 رجعته مجبور ایدلدی . وبرق سیمی ده کور فزک جنوب ساحلنی تعقیباً  
 کیلرک حمایه سنده زور قورتولابیلدی . بوسورتله ۲۸/جزیران/۳۳۷ ده  
 بوحوالی استرداد ایدلدی . و بردها بورایه دشمن کیره مدی . بوحر کتده کی  
 موفقیت دشمنک غافل یاقالانمسنده وحرکتک باصقین طرزنده اولماسنده ،  
 تعرض و تعقیبک شدتله اجر اسنده در . بویوزدن دشمنک بورای تقویه سنه  
 و قوتلرینی حسن استعمال ایتمه سنه میدان براقیلاماش در . ایشته بوتارینجدن  
 اعتباراً اینه بولی یولنه انضماماً ، نعلو خان اوزرندن برده بویکی استانبول  
 یولی آچیلمش اولدی .

یونانلیلر قچارکن اچجه ظلم یاپدیله و بعض کویلری یاقدیله از میتی ده  
 یاقغه تشبث ایتدیله رسده اردونک تضییقی قارشیسمنده موفق اولامدیله .

۲ - زونفورمان هوالبسک فرانسز لردنه و آنطالیه نکه ایتالیا لردنه

استردادى :

تورکیه یی آره لرنده تقسیمه قالدیشان دول ائتلافیه ، منطقه لرینه  
 تصاحب ایچون حاریل ، حاریل اشغال عملیه سنه دوام ایدر لرکن  
 فرانسز لر زونفورلادیغی و ایتالیا نلر آنطالیه حوالیسینی اشغال ایله مشلردی .  
 حتی ایتالیا نلر بدایتده قونیه یه قدرده کلشلردی . چوق مهم اولان بویکی  
 منطقه نکه قورتارلمه سی اصل ایدی . فقط دونانمالرینک حمایه لرنده

قوتلی اولارق طوتدقلری بورانك استردادی ایچون مساعد زمانی بکله مک لازمدی .

اگر بویله یامه سههیدق قوتلری میزلی اسراف ایتمش و قولایجه الده ایتمدی کمز بعض مهم موفقیتی استحصالد کجیکمش اولوردق . نته کیم شرقده ارمنی اردوسنی پریشان ایتمک ، داخلی عصیانلری قلع ایله قوتلی بر حکومت وجوده کتیرمک ، جنوبده بعض حوالی بی استرداد ایدهرک فرانسزلی دها جنوبه آتمق ، قره دکز سواحلی انکیزلردن تطهیر ایتمک ، برنجی ، ایکنجی این اوکی و ازهیت مظفریتنی احراز ایله مک کجی تشکلندبری هرکون یکی بر موفقیت آدیمله ایلریله این حکومت و ملت واصل اولدینی شوننایچ و تعقیب ایلدیکی کیاسته خصملرینه قدرت و قوتی قبول ایتدیرمش و یواش ، یواش حرکتلرینک بی سود اولدینی آ کلاتمه باشلامشدی . بو وضعیت ایچنده حقیقی کورمکه باشلابان ائتلاف دولترلردن بعضیلری ینه منفعلری ایجابی خوش کورونمکه تمایل ایتملردی .

ایشته بوندن استفاده ایدن حکومت همان زونفولداق و آنطالیه یه قارشی کوچک مفرزلهر ترتیب ایدهرک اثر حرکت کوستردی . عینی زمانده بو حرکتی اساسلی احضارات ماهیتنده کوستره رک پروپاگاندا یاپدی . بونلر فعال مقاومتک تولید ایدهجکی محاذیردن چکیندی لر . تخصیص ایتدی کمز جزئی قوت ، واتخاذ ایدلین تدابیر قارشیشنده  $\frac{2}{3}$  / جزیران / ۳۳۷ کیجه سی فرانسزلی زونفولداغی و  $\frac{5}{10}$  / تموز / ۳۳۷ کیجه سی ایتالیانلر آنطالیه بی بر اقرق چکیدیلر . بو موفقیت ده دشمنلرک معنویاتنه تاثیر ایدن ایکنجی این اوکی ظفر مزک بویوک رولی اولمشدر . یوقسه بونلری دونامالرینک حمایه لرندده اساسلی بر صورتده یرلشمش اولدقلری

موضعه لرندن باخاربه طرد او کونکی شرائط ایچنده زور اولوردی .  
 و آنجق دها صوکره اساسلی قوتلرله یاپیلا بیلردی . ایشته ایکنجی  
 این اوکی ظفرینک بویوک نتیجه لرندن بری ده بو اولمشدر .

### ۳ - کوتاهیہ اسکبشرر محاربه سی :

ایکنجی این اوکندن صوکره دشمن ینه برغر و پله بروسه و عشاق  
 منطقه لرینه چکلمشدی . بزده محاربه نك نتیجه طبعیه سی اولمق اوزره  
 جنوب جبهه سی دها قوتلی اولارق ینه ایکی غروبه آیرلمش بولونیوردق .  
 اشبو انقسام قوا ، تثبیت ایدیلن سوق واداره شکلی ، اوردومزک  
 تعرض قابلیتنی اکتساب ایدنجیه قادار دوشمنک یکی بر تعرضی واقع  
 اولورسه طرز مدافعه حقهنده جنوب جبهه سی قوماندانی رأفت پاشا  
 پك مخالف فکر و مطالعه ده ایدی . بونک اوزرینه مصطفی کمال ، فوزی  
 پاشا و عصمت پاشا حضرتلری ایشی بالذات محلنده حل ایتک ایچون  
 آ آیونده حرکت ایتدیلر . اوزمان جنوب جبهه سی قررکاهی آیونده  
 ترنده اقامت ایدیوردی . جبهه ده یاپیلان تدقیقات و جریان ایدن  
 مذاکرات نتیجه سنده ، که حزیران ۳۳۷ بدایتلرنده ایدی . صوکره دن  
 وقوعاتکده تصدیق بله ثابت اولدیغی اوزره وضعیتک ایجاب ایتدیردیکی  
 و ارکان حربیه نك اصرار ایتدیکی پلانه و ترتیباته مخالفتندن رأفت پاشا  
 وازکجه دیکنندن ، بالصرور جنوب جبهه سی لغو ایدلدی . این اوکی - کوتاهیہ  
 و آفیون منطقه سی و بوراده کی قوتلر غرب جبهه سی قوماندانلغنه ربط  
 ایدلدی و عصمت پاشا حضرتلرینک امرلرینه ویرلدی . ارکان حربیه  
 عمومیه ، اردومز دشمنی قطعاً محو ایله غایه ملینک استحصاله قادر  
 ر حاله ، کلدکجه نقصان قوتله و قطعی بر نتیجه ویرمیه جک ، آنجق

موضعی موفقیتلر آلدہ ایتکه قاله جق تعرضلرک علمنده ایدی ، بونک ایچون اردونک بو غایهیه دوغری اکلانه یکیدن اهمیت ویرلدی .

بو صروده یایلمن باشلجه تدابیر شونلردی :

( ۱ ) قول اردو صلاحیت و وضعیتنده مختلف فرقهلردن مرکب غروب قوماندانلقلری تشکیل ایدلدی .

( ۲ ) قوجه ایلی منطقه سنده کی منفرد قطعات توحید ایدیلهرک اوراده ۱۷نجی فرقه یایلدی .

( ۳ ) غرب جبهه سنده کی منفرد آایلر طوپلانهرق (۷)نجی فرقه و آطنه ملیس آایلریله بعض مفرزلردن مرتب بر فرقه تشکیل اولوندی .

( ۴ ) مرکز اردوسی منطقه سنده ایش خفیله مشدی . اورادن

(۱۴)نجی سواری فرقه سی قره دن جلب ایدلدی ، صامسونده کی

(۱۵)نجی فرقه قسماً قره دن و قسماً دکزدن نقل ایدلدی . طربزونده کی

(۳)نجی قفقاس فرقه سی ده کذا دکزدن موطورلرله ، قایلرله و قسماً

واپورله نقل ایدلدی . عینی زمانده آطنه و عینتاب منطقه سی ، ایکنجی

درجده حائز اهمیت بولوندیغندن بوراده کی ایکنجی قول اردونک یینه

غرب جبهه سنه نقلی ایچون أمر ویرلدی . فرقه لریمزک تشکیلاتی توسیع

ایدلدی . واکمال افرادی ، ویریلهرک تعلیم و تربیه یه باشلاندى . بوسورتله

تعرض قابلیتنی اکتساب ایچون الکیصه زمانده اعظمی غیرت کوستریلهرک

مهم بر آدیم آتیلدی .

بو صروده یونانلیلر بر تعرض یپارسه مدافعه ایددجکمز محاربه

خطنی تشیب و تحکیمه باشلاندى .

او خط شودر :

این اوکنده - [ صاوچی بک - متره سته - چفتلاک - آقپیکار -



قندیلای [خطی]. بومنطقه ده ۱، ۱۱، ۲۳، و ۶۱ نجی پیاده فرقه لریله  
 ۳ نجی سواری فرقه سی و بر سواری لواسندن مرکب برنجی غروب واردی.  
 کوتاهیه منطقه سنده: [کوتاهیه جنوب غربی سنده کی قارلق تپه دن  
 باشلا یه رق کوینک ویران- قوچاق چالی- آق چال- قولاق سز- حسن چال-  
 نصوح چال] خطی. بومنطقه ده ۴، ۲۴ و ۱۶ نجی فرقه لره برنجی سواری  
 فرقه سندن مرکب اوچنجی غروب، ۵، ۸، ۷ و ۸ نجی پیاده و ایکنجی سواری  
 فرقه لردن مرکب دردنجی غروب واردی. آیریجه آفیون منطقه سنده  
 (۵۷) نجی و مرتب فرقه لره بر سواری لواسندن مرکب ۱۲ نجی غروب،  
 قوجه ایلیده اون یدنجی فرقه و بعض مفرز قطعاتدن مرکب مرتب  
 قول اردو و صندوقی منطقه سنده (۶) نجی فرقه واردی.

بوندن بشقه ۱۵ و ۳ نجی پیاده و (۱۴) نجی سواری فرقه لردن  
 مرکب اولق اوزره اسکی شهرده بر احتیاط غروبی بولونیوردی.  
 آطنه دن کلن ایکنجی قول اردوده بولیده ایدی.

یونانلیلر: ۱۰، ۱۱، ۳، ۷ نجی فرقه لر و جمعاً بر فرقه قوتنده کی  
 مستقل آایلریله بروسه حوالی سنده؛ ۲، ۴، ۹، ۱۳، ۱، ۵،  
 ۱۲ نجی پیاده و بر سواری فرقه سندن مرکب ایکی قول اردو ایله ده  
 عشاق و دکیزی منطقه سنده ایدی.

بو وضعیتده طرفین قوتلری:

تفنك	آغیر ماکنه لی	طوب
۷۲,۰۰۰	۹۰۴	۲۸۴
۵۵,۹۹۲	۴۲۱	۱۶۱
۱۵,۰۰۸	۴۸۳	۱۲۳

ایشته بو وضعیتنه کان اردومز سواری فرقه لرینی ایلری سورهرک دوشمننه تماسی مخافظه ایدیور و پیاده لرینی کریلرده طوپی طوتهرق تحکیمات ، تعلیم و تربیه ایله مشغول بولونیوردی . اک بویوک مشکلات مخابره وسائطنک اکالنده ، ارزاق وجیخانه قولارینک تشکیلنده ایدی . بونک هر ایکسی ده نفاصندی . حالبوکه سوق و اداره مقامات عالیه سنک قرارلرینی موفقیتنه تطبیق ایچون بو ایکی عنصر چوق اهمیتلیدر . مخابره وضعیتنی اوزماننکه وسائطه کوره تنظیمدن باشقه چاره یوقدی . چونکه او وسائطی اوکون داخلدن اکال غیر ممکندی .

قوللره کانجه : بونلری اکالده زمان مسئله سی ایدی . دشمن ده اول تعرض ایدیوررسه دییه بوش دورمقدنسه او زمان شوپله بر تدبیر یاپیلدی . هر فرقه منطقه سنده کی اهالی وسائطنی تثبیت و تشکیل ایده جک و ایجابنده بونلری جلب ایده رک اداره مصلحت ایله جکدی . بالطبع اک چوق انضباط و انتظام آلتنده بولونماسی ایجاب ایدهن بو تشکیلات بالضرور بویله یاپیله جقدی .

جیخانه نک لزومی اولان برحله بردقیقه کچ کله سی بعضاً بر محاربه نی غائب ایتدیرر ، عسکرک برکیجه آچ قالمسی ، ایرتسی کونکی محاربه ده اوقطعه نک قیمتنی در حال اکسیلتیر . فقط بزم ایچون کوتاهییه - اسکیشهر محاربه سنده قوللرمزنی بو طرزده تشکیله ضرورت واردی . چونکه دشمن اکاله میدان بر اقامش و بزی آرزو ایتدیکمز بر زمانده محاربه نی قبوله مجبور قیلمشدی . مع مافییه بونلر ایچنده چوق فداکارانه خدمت ایده نلر اولدی .

اوزمان بنده کز یدنجی فرقه ارکان حربیه سنده ایدم . فرقه مز آلا یوننده کی کویلرده ایدی . بزه تخصیص ایدیلهن منطقه ده ۳۰۰ قاغنی آرابه سی تثبیت ایتدک . و بونلری محاربه ائناسنده در حال تنظیم ایده بیلمک

ایچون بر تجربه دعوتی یادیق. ۲۵۰ آراهه تبدیغات ایفاسندن ۲۴ ساعت ظرفنده کاملاً کلدی. قولاری تشکیل ایتدک. باشلرینه نفر، کوچوک ضابط و ضابطلرینی تعیین ایدهرک تنظیم ایتدک. بعضلرینک اوکوزلری اولما. دیغندن آراهه لرینه اینکلرینی قوشمشلردی. بونلر بر قسمی اختیار (ارککلر) اولق اوزره قسم اعظمی قادین و چوققلردی. آلا یوند دوزلرکنده اجتماع ایدهن بو قافلهیه فرقه قوماندانی، تفتیش ایدرکن تورک توکل و اطاعتی، عسکر جلادت و مهابتی ایله اوزون اوکندیهرلری اللرنده سهوکیلی اوکوزلرینک باشنده دوران بو قادینلره، ارککلرینک نیچون کله دیکنی صوردی و بوزحمتلی ایشده چوق یوروله جقلرینی حتی تحمل ایدهمیه رک بزیده ضرره صوقه جقلرینی سهویله دی. بو محترم آنالر و همشیره لر شو جوانی ویردیله: [ عسکرلکی قصد ایدهرک ارککلریمز خدمتده در. امریکزه بز کلدک بویله برکونده بزه بو قدر جق ایش دوشمه سونمی. تک یوردیمز قور تولسونده بز یوروله لم اوله لم] دیدیلر. حالبوکه بونلرک ایچمه سی خرابه لرنده کیمسه سز چوققلرینی قوموشوسنه ترک ایتمشلردی. نته کیم محاربه باشلادی. و بر قسمی سقاریه یه قادر اردو ایله حرکت ایتدیله. حتی ایچلرنده دوغور انلر اولدی. طبیعی بونلری صحیه بولولکلریمزده اک آبی برشکلده قورودق. بو عزیز مملکت آنالرینی ووراده حرمتله یاد ایدهرم. اساساً تورکک بوتون تاریخنده ارککلک یاننده قادینکده بر حصه خدمت و منفخرتی واردر.

جههده بو غیرت دوام ایدرکن کریلرده اینه بولی آنقره یوللرندهده بو خلق صرتنده جبهخانه طاشیدی.

ایشته بزى بوتون برجهان خصوصتک اطرافره کیردیکی آتیش چنبری ایچندن مظفر و مغرور چیقاران ملتک بو عزمی، بو وحدتی و بو

فداکارانی ایدی . بز بویله حاضر لانیکن ایکی دفعه در ، اوغرادقلری  
 هزیمتله ولی نعمتلی نظرنده خجیل دوشن و موعود منفعتلرک عدم  
 تأمیندن قورقان یونانلیلرده یکی تعرض ایچون حمالی برشکلده حاضر لانیور-  
 لردی . آناتولی یه یکیدن بعض فرقلر کتیردیلر . و بر چوق اکمال  
 افرادیله اردولری تقویه ایتدیلر . بو اکمال افرادیکنک مهم بر قسمنی  
 مع الایسف طوپراقلریمیزده حالا حق حیات ایسته مکدن حجاب ایتمین  
 یرلی روملر و قسماً ارمنیلر تشکیل ایدیوردی . و صوکراده بونلر  
 اسیر اولدقجه متین و مردقالسه لردی باری! . کندیلرینی یونانلیلرک جبراً  
 محاربه یه سوق ایتدیکنی و بزه هر درلو خدمتی یا باجقلرینی ، تک حیاتلرینه  
 طوقونولما سنی رجا ایده رک آیاقلریمیزه قپانیرلردی .

ایکنجی این اوکندن تموز ۳۳۷ بدایتنه قادر جبهه ده کشف قولی  
 مصادماتندن بشقه برشی اولما مشدی . یالکز بو تاریخلرده تموزک  
 هفته سنده یونانلیلرک تعرض ایده جکلرینه دائر قوتلی خبرلر آلمغه  
 باشلامشدرق . عینی زمانده دشمن طیاره لری ده فعالیته کچمش وجهه  
 کریسنده کی اهالی یه و اردو کاهلره هر کون طومار طومار بیاننامه آتمغه  
 باشلامشدردی . بو بیاننامه لرک قسم اعظمی اردو افرادی ضابطلری  
 علیه و خلقی حکومت علیه عصبانه تشویق ایده جک فتوالر و چرکس  
 ادھمک قرده شی رشید طرفندن یازلمش شیلردی .

فقط بزم طوتدیغمز یول حقیقت یولی ایدی . کرک افراد و کرکسه  
 ملت تهلیکی آرتق کوزیله کورمش و وجدانیله حس ایتمشدی . مع مافیله  
 بز بویاننامه و فتوالر آتیلدقجه کیزله مک دکل بالعکس افرادی طوپلایور  
 و برابرجه ماده ماده او قویهرق تشریح ایدیوردق .

یونانلیلر ۸/تموز/۳۷ ده ایکی فرقه قادر قوتله بروسه جوارندن

ایلری حرکتہ کچہرک ۱۳/ تموزده اطرانوس چانی کچدیلمر و طاوشانلی استقامتندہ یورودیلمر . بوقوتلمر ۱۵/ تموزده کوتاہیہ شمال غربیسندن [ کچنچہ کوپری - اورہن - کوش کوی ] خطنہ کلدیلمر . دشمنک بویلمری حرکتی اوزرینہ غرب جہہسی ، احتیاطندہ کی قوتلردن ۱۴ نجی سواری فرقهسی و ۱۵ نجی پیادہ فرقهسندن بشنجی غروبی تشکیل ایدیلہرک بو دشمنی قارشہ-ولامق اوزرہ کوتاہیہ شمالنہ کوندردی . بلاآخرہ بوغروبہ مجلس محافظ طاבורی ، ۱۹ نجی سواری آلایی و اوچنجی سواری فرقهسیدہ ویرلدی . ۱۵/ تموزده دشمن بوقوتلمریمزہ تعرض ایتدی ایسہدہ طرد ایدلدی .

۱۰/ تموزده دشمنک دیکر ایکی فرقهسیدہ بروسدن این اوکی استقامتندہ ایلری حرکتہ کچدی . بووضعیت اوزرینہ غرب جہہسی ، الندہ احتیاط اولہرق بولونان ۳ نجی قفقاس فرقهسنی ۱۱/ تموزده این اوکنہ سورمشدی بو دشمنلہ ۱۴ آقشامی قرہ کوی جوارندہ تماس حاصل اولمشدی .

دشمنک این اوکنہ حرکتی اثناسندہ قوجہ ایلی غروبزیاندن تأثیردہ بولوندی . ۱۷/ تموز تاریخنہ قادار کرک این اوکی و کرکسہ کوتاہیہ شمالندہ بشقہ مهم برحادثہ اولمادی . جنوبدہ دشمن کذا ۱۰ تموزدہ بر فرقه ایلہ عشاق - کدوس یولیلہ حرکت ایتدی . بودشمن ۱۶/ تموزہ قادار [ حاجی کوی - کوشکویران ] خطنہ قادار ایلرولدی وخفیف مصادمہلر اولدی . دہا جنوبدہ اوچ یونان فرقهسی چکورلر - دوکر استقامتندہ ایلرولدی و ایکی یونان فرقهسیدہ بونک جنوبندہ تپر اوغلان کدیکی وکور اوغلی قلعهسی استقامتنہ یورودی . برفرقہسیدہ آفیونہ دوغرو

ایلروله یوردی . بو وضعیت دشمنك ده از یاده موضع مزك صول جناحنی اسقاط و اردومزی صول جناحدن احاطه ایدرهك بر چویرمه حرکتی ایله خط رجمنته دوشمك و محو ایتمك غایه سنه معطوفدی .

بونك اوزرینه اون ایکنجی غروپ آفیونده مرتب فرقه نی براقه رق دیگر قوتلریله تپراوغلان - کوراوغلی قلعه سی خطنی طوتدی . بو غروپ بالاخره ۷ و ۸ نجی فرقه لرله تقویه ایدلدی . ۱۳ و ۱۴ / تموزده بو خطده چوق قانلی محاربه لر اولدی بالخاصه میر آ لای ممتازبك قوماندانلار سنده کی ۵۷ نجی فرقه دشمنك بلا فاصله ایکی فرقه سنك هجومه مقاومت ایتدی . و ۱۴ آقشامی بو غروپ امرینه ۳ نجی قفقاس و ۱۴ نجی سواری فرقه لر ی ویرلایسه ده بو قوتلر التحاق ایتمدن اون ایکنجی غروپ دشمنی کافی درجه ده اورسه لایکندن ده افضله تلفاتدن توفی ایدرهك مجبوراً شمال شرقی یه دوغری چکلدی .

دشمن بوندن سوکره بورایه تعرض ایدن قوتلرندن برفرقه و اولجه توجیه ایتدیکی اوچ فرقه که جمعاً درت فرقه ایله دردننجی غروپ بزمه یعنی چکورلر - دوکر یولی داخل اولق اوزره نصوح چاله قادار اولان موضعه تعرضه کچدی . و تپه ر اوغلان کدیکنه تعرض ایدن فرقه لردن برینی صول جناح آچیغنده شمال شرقی یه دوغری احاطه یه مأمور ایتدی . عینی زمانده بر قسم سواری و بر قسم پیاده ایله اون ایکنجی غروبی تضیق و تعقیبه باشلادی .

۱۶ تموزده کوتاهییه منطفه سنده تکمیل جهه ده تماس حاصل اولمش و شدتلی بر محاربه باشلامشدی . بو کون استقلال حربنك بدایتندن بری چوق قیمتی خدمتلی اولان ۴ نجی فرقه قوماندانی ناظم بکی شهید ویردک . ۱۷ تموزده اردومزك اسکیشهر غربی وسیدغازی خطنه

چکيلمه سینه قرار ویرلدی . ۱۸ - ۱۹ کیجه سی ، قطعاًمز بو خطه  
 طوپلانمه باشلادی . فقط دشمنك درت قول ایله اسکیشهر استقامتمنده  
 ودمیر یولی طرفینندن حرکتی کورولدیکنندن بو خطه ده دورلیه رق  
 ۱۹ تموزده ده اکریده [ بوز طاعی - سویش کوی - سلطان تپه -  
 صاری صونغورلی - تحته لی بابا - ایلغاز بوغازی - قوندوز چایی ] خطنده  
 عیاربه ویرلمسی تقرر ایتدی .

بوکا نظراً وبریلن امر موجبنجه غروب لر بو خطه کی منطقه لرینی  
 ۱۹ تموزده آلمغه باشلادیلر . بوسورتله اسکیشهر وسیدغازی طرفزدن  
 ترك ایدلمش اولیوردی .

۲۰ تموزده سیدغازی استقامتمنده ایلولین ایکی دشمن فرقه سینه  
 اون ایکنجی غروبمز تعرض ایده رك رجعته مجبور ایتدی . وبر قسم  
 اسیر و غنائم آلدی . فقط بالآخره دشمن فائق قوتله بو غروبیمزه  
 تکرار تعرض ایتدیکنندن قطعاًمز ده اکریده کی صرتله آلمشدی .  
 دشمن هنوز یورغون وایکی فرقه سی بوکون ایجه زده لشمش اولدیغندن  
 ایجه طوپلانمه دن بولوندیغمز خطن دشمنه بر تعرض یایمق قراری  
 ویرلدی .

صاغدن اعتباراً ۱ ، ۳ ، ۴ نجی غروب لر بو تعرضی یپاجقار ،  
 اون ایکنجی غروب قیصه تعرضلرله جبهه سنده کی دشمنی توقیف  
 واردونك جناحنی حایه ایده جك ، ده اکریده سیدغازی منطقه سنده کی  
 سواری غروبی ده دشمن کریلرنده ویا نلرنده فعالیتده بولنه جقدی .

۲۱ تموز اوکله دن اول تعرض باشلادی . بدایتده موفق اولدق .  
 واسکیشهره دوغری دشمنی سورهرك اینروله دك فقط دشمن کریدن  
 یتیشن قوتلر ایله تقویه بولارق آقشاهه دوغری تعرضه کچدی . بو

قوت قارشوسنده قطعاً تمز کری به آ لندی. بو کونکی محاربه یه یونانلیلرک طقوز فرقه سی اشتراک ایتشدی. بزده اعظمی قوت جمعیله تعرض ایتدکسه ده ینه بویوک بر موازنه سزک موجوددی. آقشامه دوغری دشمنک بالخاصه سید غازی اوزرندن صول جناحزی احاطه ایده رک ایلرولمسی اردومزی بو خطده تهلکلی بر وضعیته صوقه جقدی. ذاتاً دشمنی کافی درجه خیرپالامشددق. بناء علیه  $\frac{21}{24}$  ده اردو، پوماقلا - آپو - حمیدی - چیفته لر خطنه آ لندی.

دشمنک واسع مقیاسده بر احاطه و استیلا پلانی تعقیب ایتدکه اولسنه وقوت اعتباریله اردولر آرسنده بویوک بر موازنه سزک بولماسنه نظراً بو خطده بر ایکی کون ظرفنده قطعی بر محاربه ویره جک تفوق استحصال امکانی یوقدی. اردومزک تنظیمی ودها امین بر شکلده بر محاربه ویریله سی ایچون دشمنه بر قاچ کون ایچون تمامی قطع ایده جک بر خطه چکیلمک لازمدی. او خطده سقاریه کریسی ایدی. غرب جبهه سی قوماندانلغی ارکان حربیة عمومیه ایله کوروشدی و نتیجه ده سقاریه یه چکیلمک قرار ویرلدی. و ۲۲ تموز صبحی [ پوماقلا - آپو - چیفته لر ] خطنه واصل اولان اردومز بو امری آ لارق دورمادن سقاریه یه یورودی. تموزک بایلیدیجی صیجاق کونلرنده اردومز یولمز لغه و صوسزلغه رغماً رجعتی ا کمال ایتمش و ۲۶ تموز ۳۳۷ ده سقاریه شرقنده کی موضعه لرینه یرلشمش بولونیدوردی. یونان اردوسی تعقیب ایده مدی واسکی شهر - سید غازی غریبنده [ تاندر - دوزتپه - بارداجی ] خطنده قالدی.

۲۷ تموزده کوتاهیله ده قرال قسطنطینک ریاستی آ لئنده تشکیل ایدیلن مجلس حربده یونان اردوسنک آغستوس واسطنده سقاریا استقامتنده حرکتنه قرار ویردیلر.



بوحاربانده ایلک موضعلردن اعتباراً دشمنی خطوه بخطوه زده لهین قطعاًتمز ، تشکیلاتنده کی عظیم نقصانه و دشمنک فائقیتنه رغماً ، بالخاصه ۲۱ تموز ۳۳۷ ده اسکیشهر شرفنده و ترهن خطی طرفندن یابدینی تعرضلله بدایتده دشمنی اسکیشهر جوارینه قادر سورهرک بر چوق ضایعاته اوغراتمش ووصولناح قطعاًتمز موفقیتله مقابله ایدهرک دشمنک بواستقامتنده یایمق ایسته دیکی واسع احاطه تشبثاتی تعویقه و بو صورتله دشمنک تفوق قارشوسنده محاربه یی قطع ایله ۲۶ تموز ۳۳۷ یه قادر سقاریه شرفنده کاملاً طوبلانمغه موفق اولمشدر .

یونان اردوسی ایسه قطعاًتمزک متمادی ومعنदानه مقاومتی قارشوسنده یوزغون دوشمش و کری خدماتنک تنظیمی ایچون بالجبوریه یکرمی کون قادر حرکاته فاصله ویرمشدر .

بوندنصکره دشمنک سقاریه موضعه تعرض ایچون ایلری حرکتنه ابتدارینه قادر طرفین استحضاراتنه دوام ایتدی . یالکیز کشف قولی مصادمه لری اولدی . شو صورتله (کوتاهیه - اسکیشهر - سقاریا) محاربه سنک برنجی صفحه سی ختام بولمش اولدی .

هنوز غایه سنک مبدأنده اولدیغنی بیلن ، دشمنک بو حرکتنک کندی حاضر لغنی اشکال ماهیتندن ایلری کچه میه جکنی قبول ایدن اردومز ؛ خارق العاده سرعت و اقتدارله سقاریا کریسنده کندوسنی یکی برحادثه نک موفقیتله قارشولانمغه سنه حاضر لانیکن یونانلیلر هر شیئی یتمش و بوندن صوکره سنی بر مشیت عسکر ییدن عبارت قالمش کبی کوستریبور و هنوز قازانیلمش بر نتیجه عسکر یه اولمادیغنی حالده دنیایی سفسطه لری ایله ولوله یه ویرمک ایسته یورلردی .

اشغال ایتدکاری مناطقه کی خلقی اسپر حرب عدایتمش اولاجق که

اسرامقدارینی اون بیکره چیقارمشدی. آله کچیردیکنی اعلان ایتدیکی  
غناثمده حقیقته او یغون دکلدی . یالکیز بیلیم نه ایچون کیزله دکلری  
برحقیقت واردی . اوده ایقاع ایله دکلری وحشت !.

دها آلتون طاش اووه سندن اعتباراً کچدیکی یرلرده بر جوق  
کویلری یاقق ، معصوم خلقی سونکوله مک، اللرینی باغلایه روقوزلری  
اوکنده حائله لرینک ناموسنی پامال ایتک کبی آنجق یونانلیلره خاص  
اولان بر دنائتله آوروپا انسانیت ومدنیتی [ کندی ادعاری وجه ایله ]  
نشر و تعمیم ایده ایده بر قیزیل آفت کبی ایبروله یورلردی . حقیقت  
بو ایکن یونان آسیای صغرا اردوسی ارکان حربیه رئیس ثانیمی جنرال  
استراتیقوس سقاریه محاربه سی حقنده یازدیغی رساله نک مقدمه سنده  
[ یونان حرکات عسکریه سنک ایتدارنده علی العموم مملکت سکنه سی  
اردویی خالصانه و خلاصکار صفتیله استقبال ایدیور و مملکت محتاج  
اولدیغی سکون و آسایشک تأمین ایچون سریع بر صلحک اعاده سی.  
لزومنی اظهار ایدیوردی . بو وقایع یک نظرده غریب و اینانلیلمایه جق  
بردرجده ایسه ده یونان اردوسنک مساوات وعدالته وهر یرده تطبیق  
ایتدیکی اداره سیاسیه سنه استناد ایدیوردی . سکنه نک محاربه لر  
دولایسیله اولان آغیر یورغونقلقری نظر اعتباره آله روق یونان اردوسنک  
ایلری حرقاتی ممکن اولدیغی قادر آهالی یه بار اولمایاجق صورته دقت  
و اعتنا ایله اجرا ایدلمکده اولدیغندن و معروض قالدقلری چیرکین  
اشککنجه لره قارشى خلاصکارلق ، مال وجانه امنیت ابراز اولونمش  
بولوندیغندن ، اردو حسیات منتدارانه ایله سلام واستقبال ایدیوردی . ]  
دیور .

حقیقت خلافنه انسانیتی آلداتمق تشبثنه تنزل ایدن بوجنرالی،

لكله مك ایسته دیگی او خلق برسنه سو کره آناطولینك حریمده یونان اردوسنی بوغمله تکذیب ایتمشدر. عینی زمانده استراتیوقوسك، که رسمی بر آدامدر، نه بویوک بر تنزله دوشدیکینی شیمدی عرض ایده جکم راپوردخی اثبات ایده جکدر. بوراپوریونان اردوسنك، انسایتسکارانه «!» حرکتمدن سو کره اسکیشهر شرقنده توقف ایتدیگی ائاده دوکر استقامت عمومیه سنده دشمنك کریلرینه آقین یاقمه مأمور ایدیلن، ایکنجی سواری فرقه مزك عودتنده ویردیگی رسمی راپورددر.

### شجی غروب قومانانلقه

#### عزیزیه

۴ آغستوس ۳۳۸

۱ — فرقه نك دوکر استقامتمنده اجرا ایله دیگی باصقین ائاسنده دشمن طرفندن یاقیلان کویلرله یاپیلان مظالم حقنده بوجه آتی معلوماتك قید وتوثیق ایدلدیکنی عرض ایلمرم.

آ — دوکر، اکر ت، لکن، دمیرلی، بک کوی، سیپسین، قازلی کول، صاریجه اووه، کویلری دشمن طرفندن یاقیلمشدر. کنیشلر، اُفتد، آی دمیر، چال کویی، اولوجق، المالی، کورئیل، اریکیلی، دامله لی، قرقه، آق این، کمیچ، کسنلر، صندوق اوزی، لطفیه، کوی نبی، باش اوردن، طاشلق، آشانچی سکود کویلرینك دها اولجه یاقیلدیگی کورلمشدر.

ب — اکر تده ودوکرده پک شنیع تجاوزلر وقوع بولمشدر. بالخاصه اکر تده اکرکار، قادینلردن تفریق ایدیلهرک یونان عسکرلری بوقادینلرله

اوچ کون اوچ کیجه سربست براقيلمش لدر . دوکرده ده قسماً بويله  
يايلمشدر . اسمنی تخنظر ایده مدیکم برکویده آلتش یاشنده کی برقادینک  
عرضه تسلط ایدلمش اولدیغنی دمیرلی کویندن مزبوریهی بالذات طانیان  
برکویلی افاده ایتمشدر .

۶ — سپسین کوینده بریونان نفرینک اولدیرلیدیکی بهانه ایدیلرک  
۲۸ کشی قورشونه دیزلمش وکویه آتش ویرلمشدر .

۵ : مجروحاً اسیر اولان افرادیمزی سونکوله دکلرینی ، صاعلام  
اسیرلیمزی ده بربرینه باغلایهرق یاقدقلرینی بالذات کورهن کویلیر افاده  
ایتمکدهدر . میدان حربده قالان مجروحلریمزک بلاآخره اولدیرلدرکری ،  
کندی سونکولرینی قارنلرینه صاپلادقلری کودیلمن شهیدلر مزله ثابت  
اولمشدر .

(۲) برنجی مادهده عرض ایدلیدیکی اوزره دشمنک کریلرنده کی  
کویلرک قسم اعظمی یانمش و قالانلرک مواد اعاشه سی دخی دشمن طرفندن  
آلتمشدر . ایوم بو منطقه خلقی سفالت و آچلقدن بویوک بر مضایقه  
ایچندهدر . تکرار ایدیلرک آقینلرده بوخصوصک نظر دفته آلتمشنی  
و قطعاتک مواد اعاشه لرینی برلکده کتورمسی لزومنی اهمیتله عرض  
ایدهرم . عکسی تقدیرده قطعات اداره لرینه کافی مواد اعاشه بولامایاچق  
وزواللی خلقه بار اولاجقدر .

۱. سواری فرقه سی ق

ابراهیم ثروت

ایشته جنرالک خلاصکار اردوسنک عدالتی خلقه بار اولمیهچق  
صورتده دقت و اعتنائیلر حرکتی! بو خلقک اوردویی ناصل سلاملایهجنی  
قولایجه آکلاشیلور . مع مافیله بوآه قلمدی . بو محاربه اردونک وملتک

معنویاتی صارصمدی بالعکس دها بویوک متانته خدمت زمانی کلدیکنی و آناتولینک اورتہ سندنہ یونانلیلرک محاسی فرصتی حاصل اولدیغنی افہام ایله دی .

#### ۴ — سفاریہ محاربہ سی

سقاریہ میدان محاربہ سنک جریان ایتدیکی منطقہ ، سقاریہ نہریلہ بونہرہ قاریشان انکوری صوی وایلیجه درملری آره سندنہ کی ساحہ در . کندوسنی محاط اولان بودرملردن اعتباراً داخلہ دوغری گاہ یوکسلن وکاه آچالان بو اراضی طبیعتاً متعدد خطوط مدافعہ یی حائز متعاقب موضعلری جامعدر . صورت عمومیه دہ برقوسدن عبارت اولان بوموضع خطوط داخلیدن استفادہ صورتیلہ مدافعینک احتیاط قوتلرینی ایجاب ایدن نقاطہ سرعتلہ یتشدیرملرینی ممکن قیلار . بالعکس بورایہ تعرض ایده جک دشمن ایچون بو مساعده یی تنقیص ایلر . اوکنده سقاریہ نہری ، صاغ جناحنده عارضہ لی و مشکل الحرکہ ، جنوبندہ ایسہ جهان بکلی اووایی کی نسبتاً جولسی براراضینک بولونیشی بوموضعی طبیعتاً تقویہ ایدهن و دشمن ایچون مشکلات ایقاع ایله یی اوچ بویوک مانعدی اردومزی آنقرہ کی اک مهم براس الحرکہ سنہ قیصہ ووجه ییہ عموداً داخل اولان برشمندوفرلہ باغلایان بوموضع یونان اردوسنی بالعکس اس الحرکہ سندن اوزاقلاشدیرییور ، خطوط مناقلہ و مواصلہ سنی تمید اییدیوردی . سقاریا موضعی یونانلیلرک ادعا ایتدکری کی اولجہ احضار ایدلمش دکلدی . اردومز بورایہ انتقال ایتدیکی زمان بوموضہ تک قازمه اورولمش دکلدی . آنجق قطعاً تمز ۲۵ / تموز ۳۳۷ دہ منطقہ لرینہ یرلشد کدنصکرہ جہہ قوماندانلغنک تعیین و تثبیت ایتدیکی خطوطی تحکیمہ باشلامشدی .

بناءً عليه دشمن تعرضه كجدیکی زمان آنجق بلك كوپرى و قاوونجی  
كوپرىسی شرقنده وداها جنوبده بعض ، مناطقه ضعیف پیاده سپرلی  
وجوده کتیر یله بیداشدی . اساساً یونانلیئر کنیش بر احاطه به تشبث  
ایتدکلرندن سیار وسیال بر مدافعه یایمق ضرورتی واردی . آنجق تماس  
حاصل اولدق دینصرکه قطعاً تیز آربه نك سکونت بولدینی آنلرده اشغال  
ایله دکاری موضعلری تحکیم و تقویه ایله مشلردر . بولرده بالطبع بسیط  
ضعیف صحرا موضعلرندن عبارتدی . یونانلیئر آنجق ایلك چارپدقلری  
خط ایله اوکندن کری دوندیرلدکلری صوك خطده بزی قسماً سپرده  
کوره بیللمشلردر . طرفینك تعرض و مقابل تعرضلیله تقریباً اک درین  
یرنده عمقاً (۲۰) کیلو متره لك بر ساحه ده متادی مدوجذرلرله دوام  
ایدهن محاربه همان کاملاً آچقده و عادتاً بر بوغوشمه شککنده جریان  
ایتمشدر . یونانلیئرک مغلوبیتلرینی ستر ایچون غیر قابل مرور و تسخیر  
کوستردکلری بو مواضع لیه ژ، نامور قلعه لری قادارده مستحکم دکلدی یا! که  
اونلر بیلله سقو ط ایتدی . البت بر اردو محاربه ویره جکی موضعه ده  
ق، لرینی قاووشدیروب بکله مز، قوت و وسائطی و موجود زمان نسبتنده  
بر طوپراق جقور اولسون قزاجقدر . ایشته بزم تحکیماتم مع الأسف  
بوندن عبارتدی . یونانلیئر بو قدرینی ده تخمین ایتمه دیلرسه اوغرادقلری  
انکسار خیاله حق ویریلیر . کندیلرینی عجز ایچنده براقان، مغلوب ایدن  
بودکلدی . اردومزک سوق و اداره و تعیبه مهارتی و تقوی، قطعاً تمزک  
قدرت و قابلیتی، ثبات و متاتی ایدی . مع مافیله یدکلری قهار ضربهلرک  
چوق تازه خاطرهلرله موازنهلری قارشمش بو آدملرک، مغلوبیتلرینه  
جدی بر معکس بوله بیللمک ایچون ، حقیقتی تحریف ایتمکدن ، بوکبی  
سفسطهلره مراجعتدن باشقه چاره لری وارمیدی ؟ .

۲۵/ تموز/ ۳۳۶۶ دن بموضعده محاربه نك باشلا دینی ۲۲/ آغستوس/ ۳۳۷۷ .  
 تاریخنه قادار کچن سکونت دورندن اردومن اعظمی استفاده ایتدی .  
 اول امرده مجلسده چیقان بر قانونله باش قوماندانلق مقامی احداث  
 ایدلدی . و بو وظیفه ۵/ اغستوس/ ۳۳۷۷ ده بیوک غازیمره توجیه  
 بیورلدی . بو کوندن اعتباراً مصطفی کمال پاشا حضر تتری بالذات  
 اردونك امر و قومانداسنی ده درعهده بیورمش اولدی لر . اولاملته  
 واردویه اولمق اوزره برر بیاننامه نشر ایتدی لر . بویاننامه ده بالخاصه  
 [ یونان اردوسنك آناتولینك حریمنده بوغولسی زمانی کلدیکنی  
 وبتون ملتک قوای معنویه و قدرت ماده سنی صرف ایدره ک و طنرور لکک  
 اعظمی حدینی کوسترمسنی بیلدی ردیلر ] . در حال یکیدن برچوق اسنان  
 اربابی سلاح آلتنه آلنهرق جبهیه سوق ایدلدی . بو قیصه مدت  
 ظرفنده تعلیم و تربیه یه اهتمام ایدلدی . مهمامکن بالعموم احتیاجات  
 تأمین و تزید ایدلدی . بوندن باشقه سقاریاده نتیجه قطعیه استحصال  
 ایدیله جکندن بو محاربه یه یتیشمه سی ممکن اولان بوتون قوتلر مز تحریک  
 ایدلدی . بوتدایر میاننده قوجه ایلی منطقه سنده ضعیف اشغال مفرزه لری  
 براقیله رق ۱۷ نجی فرقه ، غروب قرار کاهی و قطعات مربوطه سی اردو  
 صاغ جناحنه آلدی . داها کوتاهییه - اسکیشهر محاربه سی ائناسنده  
 یولده بولونان ۲ نجی قول اردو ۵ و ۹ نجی فرقه لریله ۲۰ تموز دن  
 اعتباراً آقشهرده طوپلانغه باشلامشدی . بوقوت ده اردو صول جناحنه  
 آلدی . مرکز اردوسی منطقه سندن جلب ایدیلن ۱۸ نجی فرقه ، ۴۷  
 و ۴۸ نجی آایلر ۱۲ آغستوسده سنجا ق کوبینه یتشدیرلدی . جبهه دن  
 کری یه دوغری منزل خدماتی تنظیم ایدلدی . آنقرده خسته خانه لر  
 احضار ایدلدی . خلاصه بوقیصه مدتده یاپیلماسی ممکن اولان هر شی

فنی صورتده یاپیلدی. بوتدایبره میاننده استقلال محکمه لرینک وظیفه لرینه ده  
وسعت ویرلمشدی .

یونانلیله کلنجه ؛ اونلرجه احراز ایدیلن نتیجه بویوک بر ظفر  
ایدی . مغلوبیت قطعیه اوغراندقلرینی ظن و تخمین ایتدکلی اردومزی  
یکی بر ضربه ایله کاملاً محو ایده رک آنقره یی اشغال ایده جککر، داخلی  
و خارجی سیاستده کی حسن جریانی زیر وزیر ایله جککر ، بالنتیجه  
قونیه یی ده اله کچیره رک آناتولینک همان نصفی اشغال ایده جککر و بوندن  
صوکره مقاومتده اصرار دخی ایدلسه اردومزی اک مهم منابع  
و وسائظدن محروم ایدلمش بر چته حالنده براقه رق سهور معاهده سنی  
دها آغیر برشکلده تعدیل ایله قبول ایتدیرمک سهوداسنه دوشمه شلردی .  
بونتیجه یه وارمق ایچون حرکات عسکرینه نک تمادیسنه قطعی بر  
مجبوریت کوریورلردی . نته کیم استراتیقوس اثرنده ، بویله بر حرکتک  
عینی زمانده منافع ملیله ری اقتضاسندن اولدینی و بونک ملی بر وظیفه  
بولندیغنی علاوه ایدیور . نته کیم بوسره لرده کوتاهیله ده طوپلانان مجلس  
عالی عسکریلری ده بو کی ملاحظاته استقامت آنقره اولمق اوزره  
کندی کندیلرینه قهرمانانه تعرض قرارلری ویرمشلر و خلیا پرستانه  
پلانلر تنظیم ایتمشلردی ..

یونانلیلر بوتوقف اثناسنده اکل نواقصه چالیشیرکن منزلیری ده  
تنظیم ایتدیلر . اوزمانه قدر آقیون - ازمیر خطنه استناد ایدهن  
بوارتباطی مدانیه - روسه - اسکیشهر یولنه نقل ایتدیلر ، اورادن  
صوکرده بکک آخوره قدر تعمیر ایتدکلی تره ن خطندن استفاده  
صورتیله تأمین ایله دیلر . و ۱۴ آغستوس ده قوای اصلیه لریله ایلری  
حرکتک کچدیلر .



بو محاربه ده قوتلریمزك یكونی تقریباً (۵۵) بیک تفنک (۲۴۱) ما کنه لی تفنک (۱۶۴) طوب ایدی . یونانلیلر بزدن طوب اعتبارله برمثلی، ما کنه لی تفنک اعتبارله ایکی اوچ مثلی، پیاده تفنکی اعتبارله نصف درجه سنده فضله ایدی لر .

بزم قوام اصلیه من سقاریه شرفنده ایدی . یالکیز ایلروده ستر قطعاًتمز واردی . یونانلیلر جدی محاربه نی ایلری قطعاًتمزك بولندیغی [میخالچیق- صاری کوی- سیوریحصار] خط عمومیسنده ویره حکمزی ظن ایدیورلردی نه کیم بدایتده بوتربیتاله یورودیلر .

شایان قیددرکه غرب جهه سی قوماندانلغی یکر می کوندنبری دوام ایدهن دشمنک تمه ادیاً طیاره کشفلرینه واستخبارات شبکه لرینک فعالیتنه رغماً حقیقی مقصد و ترتیباتی ایجه کیزله مش و خص- منی کافی درجه ده اغفان ایله مشدی . یونانلیلر آنجق [میخالچیق- صاری کوی- سیوریحصار] خطنه واردقدن سوکره حقیقی آ کلامش لر واوندنصکره یکی ترتیباله سقاریه ده دوغری یورومش لر در . بز طیبعی بطاٹدن زمان اعتبارله استفاده ایدیوردق یونانلیلرک حرکاتی قارشیسنده ستر قطعاًتمز دشمنی اوایلایه رق و کشف ایدهرک موضع اصلی یه چکلدی لر . ۲۲/اغستوس کونی جهه ده صورت عمومیه ده تماس حاصل اولدی . ۱۱/اغستوسدن بری فعالیتنه کچن دشمنک تقریباً یوز کیلومتره لک برساحه ده ۱۱ کوندنبری فورطنه یه طوتیلمش برکمی کبی بوجالایوب طورمسی بدایتده یاپدینی پلانده تعدیلات اجراسنه مجبورقالدیغی وفضله متانی اولدیغی فکرینی ویرمشدی . ۱۵/اغستوسدن اعتباراً باش قوماندانلق وارکان حریه عمومیه ده جهه یه کیتمش و غرب جهه سی قرارگاهیله برابر قرارگاهلرینی ماللی استاسیونی جنوب غریبسنده کی آلا کوز کوینده قورمشلردی .

فوزی پاشا آیک یکر میسند نبری جهه ده قطعاتک ترتیباته نظارت ایدیور. و خط مدافعه بی تدقیق و ایجاب ایدن تعدیلاتی تکلیف ایدیوردی ۲۲/ آغستوسده باش قوماندان مصطفی کمال پاشا آلا کوزدن ایلری خطرده کی فوزی پاشایه [ دشمنک هنوز تعرضه کجه مسنک حاضر لقله اوغراشدیغنه دلالت ایتدیکنی ، پورصوق شمالنده و کریلرده بر اقدینی قوتلرینی صول جناحز علینه قولانق ایچون بکله دیکنی فوزی پاشانک ده دوشونجه لرینی او کر نمک ایسته دکلرینی تلفونله سویله دیلر . ] فوزی پاشا ویردیکی جوابده [ دشمنک فعالیتیه بکمکده کوستردیکی غیر طبیعی تأخر هر حالده حرکتیه باشلادیغی زمان تعمیم ایله دیکنی پلانده تعدیلات یایغنه مجبور اولوشندن متولد اولسه کر کدر . دشمنک ایلک سوق الجیش پلاننک عقامته اوغرا دیغنه احتمال ویریه بیلیر . وقتیه قوتلریمزی ضعیف تخمین ایتسی موفقیتلی بر تعرض ایچون قوای حاضره سنک عدم کفایتی آکلایه رق تخمین دولتلی وجه ایله کریدن و صاغدن یکی قوتلر جلبنه مجبور اولسی ، اقلیم و صو خصوصنده اوغرا دینی مشکلات دشمنی بو تانی به مجبور ایتمش اولدی . بوکا قارشی صاعنجانمزده موجود سواریلرک بر مقدار پیاده ایله تقویه ایدیلرک سقاریه غربنده میخالججق - صاری کوی استقامتمنده فعالیتیه کچیرلمه سنی برحی درجه ده مهم کوریورم . بو سایه ده سقاریه غربنده ممکن مرتبه اوزاقدن دشمنله تماس حاصل ایدلش اولاجقدرکه بو آچیلق بزم ایچون مراتب قول اردو قطعاتی ده کریده طوبلامقلمزه و نتیجه قطعیه ساحه سنده صوک نفرمزه قدر ، بوتون قوتدن استفاده ایتمکلمزه امکان تأمین ایتمش اولور . بنابرین بو مقصدله سقاریه غربنده کمال سرعتله فعالیتیه کچیلمه سنی پک لزوملی کوردیکمی عرض ایلرم ] . دیدی . فقط بو تشبشدن اول دشمنک انکشافی کورولدی .

۲۳/ اغستوسده دشمن ايکي فرقه سي ايله بکک کوپري منطقه سنده و يدي فرقه سيله مرکيز و صولجانحزه دوغري بش کوپريدن صواتلي کوينه قدر اولان ساحده آچيلمش ایدی .

بزده ۲۳ آقشامی شو وضعیتده ایدک . ۱ نجی سواری فرقه مز میخالچیق کوپریسی و جوارلرنده . ۱۷ ، ۱ و ۴۱ نجی فرقه لردن مرکب مرتب قول اردو تره ن خطی شالنده سقاریه بویونده . ۱۱ نجی فرقه و ۴۸ نجی آلایدن مرکب ۱۲ نجی غروب تره ن خطی جنوبنده قاوونجی کوپریسنه قدر اولان ساحده سقاریه بوینده . ۶۱ و ۵ نجی قفقاس فرقه لردن مرکب ۴ نجی غروب بورادن صپانجه دره سنه قدر اولان منطقه ده اک مهم قسمده ۸ ، ۱۵ ، ۵۷ و ۷ نجی فرقه لردن مرکب اوچنجی غروب ايکي فرقه سي احتیاطده اولمق اوزره بونک سولنده . برنجی غروب ده ۲۴ نجی فرقه و الای ۴۷ ايله قالتاقلي منطقه سنده ده ا صولده احتیاطده ایدی .

سواری غروبمز ۲ ، ۳ ، ۱۴ نجی فرقه لر و ۳ نجی سواری لواسيله صولجانح آچيغنده ایدی .

دشمنک مقصدی کوتاهیه - اسکیشهر محاربه سنده اولدیغی اوزره اردومزی کنیش بر احاطه چنبری ایچنه آلمق و صولجانحندن اوره رق شماله آتمق ، خط رجعتنی کسمک و جنوبدن اک قیصه بولدن آنقره یه وارمقدی . دشمن حرکاتی ایلک کوندن اعتباراً آدیم آدیم تعقیب ایدن اردومز، پلاننی ایجه آ کلامش و هر کیجه یکی ترتیباتله دشمنی قارشولامش ، اک نهایت ايکي طرفده اوزایه اوزایه صوک حدی بولمش و بو صورتله دشمنک احاطه پلاننی صویه دوشورلمش و ایشی بر قوس اوزرنده جهه محاربه سی شکلنه دوکديرمشدر .

۲۴ / اگستوسده محاربه باشلادی . بو آقشام آرتق هر شی توضیح  
ایتمش و طرفین تکمیل قوتلریله قارشولاشمشدی . دشمن اردوسنک  
بکک کوپری جوارندن باشلایهرق جنوبه دوغری سقاریه نهری  
امتدادنجه و سقاریه جنوب دیرسکندن شرقه دوغری کوک صودره سی  
بوغجه قوتلی ، شان جامعنه قدر تقریباً ۹۰ کیلومتره ک برقوس اوزرنده  
مرکز ثقلی مرکز و صانغنا حده اولق اوزره حرکات تعرضیه سی  
انکشاف ایله مش و اردومزده امنیت و اصابتله بونک قارشوسنده  
حاضر لائمش بولنیوردی . دشمن بو کونه قدر شو مهم فائده نی استحصال  
ایله مشدی . اوده مرکز و صانغنا حده کی اردوسنک مناقلاتی بکک  
آخوردن صوکره سوریحصار اوزرندن یاپارق قسماً چولدن قورتیلمش  
ایدی . ۲۵ اگستوسده دشمن بوتون شدتی ایله تعرضه کچدی .  
محاربه بالخاصه بکک کوپری و ۴ نجی ، ۱ نجی غروپلر جه سنده  
چوق قانلی اولدی . بعض مواضع متعدد دفعه لر طرفین انه کچوردی .  
بو کونک چوق قانلی و چتین جریان ایدن مجادلاتی دشمن ایچون  
یک آجی اولدی . دونه قدر طادنا بلامقاومت سربسته جه یورون دشمن  
و کوتاهیه دن بری اوزون رجعتله قیمت حریبه سنی ایچه غائب ایتدیکنی  
ظن ایتدکلری خصملری قارشوسنده آنقره یه قدر بویله جه زحمت مزجه  
ایلرولیه بیله جکلرینی امید ایدیورلردی . فقط ، ۲۵ آقشامی فجیع  
برانکسار خیاله دوشمشلردی .

۲۶ اگستوسده محاربه عینی شدتله دوام ایتدی . دشمن بالخاصه  
۴ و ۳ نجی غروپلر جه سنده یوکلنه نیوردی . چونکه بوراسی خپانه  
جوارنده کی چال داغنه دوغری اوزانان سلسله لری تشکیل ایدیوردی  
بورایی بر دفعه اله کچیردیمی اردومزی یارمش اولاجقدی . بو کون

جبهه مزده بعض مهم صارصینتیلر اولمشدی . فقط قوماندا مقامات عالیله سی وضعیتی تدقیق ایتدیله . آنجق آدیم آدیم یاپیله جق مدافعه صورتیله نتیجه نك استحصالندن قویاً امید وار اولدیله و بو شه کلده محاربه بی ادامه یه قرار ویردیله .

۲۸ آغستوسده کذا محاربه پک قانلی ایدی . بالخاصه برنجی و دردنچی غروپلر جبهه سنده حاصل اولمشدی .

بو کونکی محاربه ده صولجانا حمزه برنجی غروپ بر آز فضلجه کریله مشدی . بو وضعیتی امنیتسز کورن جبهه ده کی قوماندانلرک بر قسمی بر آز کری چکیله رک ده اامین بر خط اشغال ایدله سی آرزوسنی اظهار ایله ملری اوزرینه باش قوماندانلق نامنه ارکان حربیه عمومیه ریسی قطعاته شو امری ویردی [ باش قوماندانلغک صوک امرلریله ده تصریح اولندیغی وجه ایله بوتون جبهه مزده صوک نفره قدر خطوه بخطوه مدافعه یه قرار ویرلشدر . بو قرارک استحصال ظفری کافل اولدیغنه قناعت تامه موجوددر . خطلری مزده حصوله کله جک یاریقلره قارشی داخلی جناحلرک قیرلمسی و یاریق قسمک کریدن قیادلمسی و مساعدا اولان محلله مقابل تعرضلره جبهه نك تصحیحی اساساتی دائره سنده امر مدافعه یه کمال متانت و سکونتله دوام اولنسی لازمدر . ]

۳۰ و ۳۱ آغستوسده دشمن احاطه بی یابامدیغندن آرتق جبهه نك مهم نقطه لرینه قوت تکشیف ایده رک اورالری یارمغه تشبث ایلبوردی . نهایت چال داغنی ضبط ایتدی . فقط قطعاتمز فتور کتیرمدی . دشمن بو معظم داغک حاکم یرلرنده ایدی . قطعاتمز ایتکلرده طوتوندی . دشمنی ایرو لته دی .

۳۱ / آگستوسدن اعتباراً دشمن تعرضلرنده کی شدت آرتق بستیون قیرلمشدی . دشمنک چال کبی مهم بر یری ضبط ایتدیکی حالده بو موفقیتتی توسیع ایدمه ییشی بوکا بر دلیل ایدی . اردومزی احما ایچون تعقیب و تطبیق ایتدیکی پلانک امکانشلرغنی آ کلامشدی . و آرتق جبهه مز اوکنده معناسز تشبثلرله بو جالامغه باشلامشدی .

بو موفقیت ونتیجه یی تأمین ایدن اسبابدن برنجیسی اردومزک دها بدایتدن اعتباراً دشمنک مقصد و حرکتی صحت و اصابتله تعقیب و تقدیر ایدرک تحشیدنی ماهرانه یاپماسی وایشی داوما جبهه محاربه سی حالته منجر قیلیمسی ایکنجیسی ده قطعاتمزک مانوه لایله حرکت ایدن حساس بر ماکنه قابلیتینی کوسترمسی و تعبیه ساحه سننده کی مهارتلی اولمشدر . حاکم تپلره و سپرله باغلانمیه رق کنیش بر سطح مدافعه اوزرنده آدیم آدیم یاپیلن آریمه مدافعه سی ایسه کذا موفقیتمزک اس اساسی ایدی . بوندنصکره شو اصولی طوتدق . مقابل تعرضلردن صرف نظرله بر موضعه دشمنک تعرضنی ایجه قیرمق و اوندنصکره ایجاب ایدهرسه کیریده دیکر بر خطه چکلمک و بو صورتله دشمنک قدرتی کاملاً قیروب بالآخره بزیرانمدهن مقابل تعرضه چکلمک .

۶ / ایلولده آرتق حرکاتده کی شدت بستیون قیرلیدی . دشمن اردوسی بو تاریخندن اعتباراً فارشومزده عصاره سنی غائب ایدن بر میوه کبی پورسومش بر حالده قالدی و قطعاتمز موضعی مقابل تعرضلره باشلادی .

۸ / ایلولدن اعتباراً اولاصولجناحدن اولمق اوزره قوتلرینی چکلمکه باشلادی .

۱۰ / ایلولده صانغناحده پولاطلی منطقه سنده کی مرتب قول اردو ۱۵ ، ۲۳ ، و ۵۷ نجی فرقه لرله تقویه ایدیله رک بکک کوپری استقامت عمومی سنده تعرضه کچیرلدی . ۱۱ / ایلولده بوتعرضه ینه دوام ایدلدی . عینی زمانده مرکزده وصولناحده ده تعرضلر من باشلادی . وسواری غرو بمز دشمن کیریلرینه توجیه ایدلدی .

۱۲ / ایلولده سقاریه یه حاکم دعا تپه ، قارتال تپه و بیش تپه لر ضبط ایدیله رک دشمن کاملاً پریشان بر حالده سقاریه غربنه آتیلدی .

بو چوق مهم اولان صانغناح تعرضی پولادلی شمال شرقی سنده کی بصری تپه دن باش قوماندان عصمت و فوزی پاشا لر بالذات اداره ایدیورلردی . ۱۲ / ۹ / ۳۷ آقشامی فوزی پاشا غرب جبهه سی قوماندانی عصمت پاشا دن آلدینی صوک راپور اوزرینه خارجیه وکالتنه صورتی شیمدی او قویه جغم تلغرافی چکدی .

ارکان حربیه عمومی ایله خارجیه وکالتی یکدیگری نی اتمام ایدن و دائماً صقی ارتباطده بولماسی لازمکلن ایکی مهم دولت مؤسسه سیدر .

بصری کوی شرق شمالی سنده کی

قره پیکاردن : ۱۲ / ۹ / ۳۷

### خارجیه وکالتنه

کچن تموزده ( کوتاهییه - اسکیشهر ) محارباتنده دشمنک اظهار ایدن تفوق عددی سینه قارشو اردومز کیردن جلب ایدلمکده اولان احتیاط قوتلریله برلشهرک دهها مساعد بر موضعه قطعی محارباتی قبول

ایتمک مقصدیله موفقیتلی بر رجعت حرکتی یاپاراق سقاریا منطقه سنه چکلمشدی . تموز محارباتک یونانلیلر ایچون بر آزدها اراضی قازانمقدن بشقه بر نتیجه تامین ایتمه سی واردومزی احیایه معطوف تصور لرینک تماماً عقیم قالماسی حسیله یونانلیلرک یکیدن تعرضه باشلا یه جقلری محقق کوریلوردی .

فی الحقیقه یکر می کونلک بر فاصله دن سو کره یونانلیلر یکیدن وجوده کتیره بیلدکلری بوتون قوتلریله ایلری حرکتیه باشلا دیلر و بدایتدن اعتباراً اردومزی صول جناحدن احاطه ایده رک احوالاتک تصور یله ایلروله دیلر ۲۳ / اغتوسدن اعتباراً باشلایان و انتخاب ایتدی کمز مواضع مدافعه ده بلا فاصله اوج هفته دوام ایدن محاربه لرده دشمنک عظیم فدا کارلقلر اختیار ایده رک اجرا ایتدی کی متوالی تعرضلر قطعاً تمزک قهرمانانه و مهارتکارانه متحرک مدافعه سی قارشیسنده کاملاً قیرلدی . اردومزک صول جناحدن احاطه مقصدیله شرقه دوغری اوزانان و اوزاندنجه قارشوسنده جناحزی دکل جبهه مزنی بولان و بالعکس کندی جناحلری تحت تهدیدیمزده قالان دشمن بویوک برانکسار خیاله اوغراددی . واحاطه امکانی قالمادیغنی کورونجه جبهه مزدن یارمغه تشبث ایتدی . بوتشبلرینک کافه سی عقامته محکوم اولدی . تام بوسره ده اردومز مصمم پلاننه توفیقاً دشمنک صول جناحنه قارشو متقابل تعرضه کچدی . دشمن پک مهلک اولان بو تعرضمه قارشو بویوک فدا کارلقلر اختیار ایده رک مقاومتیه حتی مقابل تعرضلرایله کندیسنی بو مهلک وضعیتدن تخلیصه اوغراشدی . فقط تعرضمز بوتون جبهه یه تشمیل ایدلمش و سواریلریمز دوشمنک یان و کریلرینه توجه ایله رجعتی پریشانلغه قاب ایله مشدر . استحصال ایدیلن



نتیجه چوق مهمدر . آناطولینک یونان اردوسی ایچون بر مزار  
اولاجنی حقنده کی قناعتمزک تحقق ایله مکده اولدیغنی عرض ایلرم .  
ارکان حربیه عمومیه رئیس

### فوزی

بوندنصکره دشمن سقاریه غربنده رجعت ایدرکن سواریلرمن  
یان وکریلرینه حتی ایچرولرینه کیره رک ایجه پریشانلق ویردرمشلردر.  
فقط اولجده عرض ایتدیکم اوزره اسلحه ووسائطک نقصان  
اولسی وبالخاصه اردویی یوروته جک جبخانه وارزاق قوللرینک بولنمایشی،  
خلاصه نام برسفربرک یاپیله همق یوزندن صوک تعرضده ویریلن درس  
بوراده لایقوله ویریه مدی . یوقسه یونان اردوسی آفیون ودوملی پیکارده کی  
عاقبه دهابرسنه اول سقاریه ده معروض بر ایلمش اولاجقدی .

سقاریا هزیمتنک یونان اردو وملتنده حاصل ایله دیکی بهت وحیرته  
جنرال استراتیقوس شو صورتله ترجمان اولیور ویدیورکه [ محاربه ناک  
یوقدر واسع مقیاسده وطول مدت دوام ایده بیلمه سی ایچون عجا او  
مواقع نصل تحکیم ایدلمشدی . وتورکار بو مواقعک مدافعه سی ایچون  
نه قدر قوت تعبیه ایتلمشردی؟ . یونان اردوسنک قهار ضربه لری! ایسه  
دوشمن قوتلرینی انحلاله اوغراتوب مغلوبیتنک اعترافنه نهدن کفایت  
ایتمه شدی؟ ] کورولیورکه جنرال شاشیرمش، چونکه بوسوزلر بوزولمش  
بر روحک محصولیدر . نهوت غوردیوملری اوکنده یدکلری بو ضربه  
یونانیدلرک قیامته قدر چوزوب آکلایامیه جقلری برکور دوکوم اولمشدر  
واونلری دنیا طور دجه، استراتیقوس کبی، بوسوالی زمان زمان نفسلرینه  
ایراده مجبور ایده جکدر . یالکز یونانلیرلی بو مجهولیتدن قورتارمق  
ایچون بر درلو علناً اعتراف ایده مدکلری بر حقیقتی بیلدیرمک

لازمدرکه بو کفایتسزک ، تورکک بنیه‌سندده مکنوز بولنان قدرت  
وعزمندن ، یوکسک وطنپرورلکنندن واردومزک لیاقت ومهارت  
عسکریه‌سندندر .

مخاربه‌نک جریانى مدتیجه اکمال ، اعاشه وحییه خدماتی صورت  
عمومیه‌ده چوق ایی جریان ایتشددر . عسکره مخاربه ائسانسده منتظماً  
صیجاق یمک ویرلمشدر .

اک بویوک مشکلات طیاره‌سزلکده ایدی . مع مافیله فضله‌جه  
مستعمل ایی طیاره‌ایله ، آمریقان بزیه‌وپتانس محلولیله قنادلری ابتدائی  
شکلده تعمیر ایدیلهرک ، کونده ایی حتی اوچ دفعه اوچوش یاپیلش  
وبوصورتله دوشمن اردوسنک حرکات و وضعیتی اولدقجه ایی تعقیب  
ایدیله ییلمشدر . بو قیمتلی وعزیز طیاره‌جیلریمزدن بری بیکباشی فاضل  
بکدی ، که حربدن صوکره بروظیفه اوچوشی ائسانسده طیاره‌سیله دوشهرک  
شهید اولدی . کرک این اوکی اوکلرنده وکرکه سقاریه‌ده طیاره‌جیلریمزک  
کوستردیکی فداکارلق شایان تقدیردر . بومظفریمزده کی عوامل اصلیه‌دن  
بری ده قطعانک کوستردیکی حرکت قابلیتیدر . مخاربه‌نک دوامی مدتیجه  
بتون قطعات ارکان حربیه‌لرک خریطه اوزرندن اولچوب ویردیکی  
وظیفه‌لره ساعتنده یتیشمشلر وامره آماده اولدقلرینی بیلدیرمشلردر .  
مقدس حقلمز اوکنده مسئولیلری ایجه صارصان بوظفرک معناسی  
قیصه‌جه شویله افاده ایدیله بیلیر :

سقاریه ؛ ارز و خالص تورکک رهبرانک ، سیمینک محمدمسی ابد  
غریبک ظلم و مریت برده‌سه بورومسه رهسئنک چاریشمشیدر .  
سقاریه ؛ اولدیرمک ایسته‌من معصوم فقط بوتون برعالمه دکن تورک  
ملتیه کندوسنک خارجنده کی تکمیل برجهان خصومتک چارپیشمشیدر .  
طرفینک بوتون قوای مادیه و معنویه‌لری ایله قارشولاشدق‌لی سقاریه

میدان محاربه‌سی ، یکریمی بر کون و بلا فاصله کمال شدتله دوام ایتمی اعتباریله تاریخ عسکریده تدقیق و تحلیله لایق مهم بر فصل وتورک اردو وملت ایچون بر شاه اثر ظفر در .

اردو؛ سقاریه محاربه‌سی تیجه‌سنگ ملتک حیات و خاطره‌سینه مثبت ویا منفی بر حکیم قطعی اولاجغنی بیلکبیلده بورومسه و مظفر جیه‌مشموره بو ادراکک ایملک صنفوره بورومسه قطعه ضابطیدر .

سقاریه حق ظفری ، دوغریدن دوغری‌به- بالجهله تدابیر وقراره ساحه‌امکان و تطبیق آچان و دشمنک فاصله‌سز هجوملرینه وسائط لازمه‌دن محروم قطعه‌سیله ده‌وریلز بر قلعه کی قارشو قویان - ضابطک واونک صادق و مطیع یولداشی اولان نفرکدر .

باشلی باشه بر جهره اولاره نورک نضربه هر وظیفه‌ده اولومی کفرینه صرزه‌جانه ایدرکک باشلی باشه بر قیمت اولاره نورک ضابطنره وجوده کلن بوارد قاروشومنده دو شمندر ، بقه - مقرر بکله بورلردی ؟ سقاریه ، تورک اردوسنکک کنج نفرندن باش قوماندانه قدر بوتون افرادینک امن و محبت ، عشق وایمانله قایناشه‌رق وکوزلری قیایوب قلبریله باقارق ، دشمنه ، بوجود کی صالدر دقلری بر معرکه‌در . چوق تمنی ایدیلیرکه بوملت او اثرینک آده‌سنی یقینده سقاریه وادیلرینک هر طرفدن کوریلن یوکسک برتبه‌یه قوندورسون .

۱۲/۱۳ ایلول کیجه‌سی سقاریه‌ده صوک کیجه‌در . اردو بو کیجه سقاریه‌نک قیزیل‌ته‌لرنده کی شهیدلکلردن سمایه یوکسلن نور ایچنده تفنکنی چاتمیش ، توکل و تواضع ایله ۲۱ کونلک یورغو نلغنی دیکلرکن ملت اک درونی تحسس و شکرانلرله هر طرفدن اردوسنی تبریک ایدیور و باغیرینه باصوردی . .

## ۵ — غازی عیفتات راطنه هوا بسنك استر راری :

تورکيا بويوك ملت مجلسی و حکومتك سر موفقیتی؛ اجرا ایله دیکی حرکات عسکریه بی واصل اولوق ایسته دیکی غایه سیاسی ایله ابی تألیف ایتمی و تأمین ایله دیکی فرصت و امکاندن سیاست اعظمی منفعتلر تأمیننه چالیشمه سیدر . بونك مهم تجلیلرندن بری ده فرانسرلرله عقد ای دیلن آنقره ائتلافنامه سیدر . دینه بیلیرکه بوائتلافنامه ایلك سیاسی موفقیتدر . بوسایه ده مملکتك آقسام جنوبیه سنك موفقیته استخلاصی تأمین ای دلش واردونك تعرض قابلیتك تریدوا کالی ایچون مهم و مساعد منابع آچیلمش ، متفقلرک آهنگ سیاسیسنده اساسلی صارصینتیلر حصوله کتیرلش و آوروپا عالم سیاستنده ملی تورکیه بر دفعه دها کندیسنی مدافعه ایتمش اولدی . ایشته ایکنجی قونفرانسه ده عرض ای تدیکم اوزره حکومتك ایلك تشکلنده قبانان سیاسی قپولر آنجق قوتك تأثیریه آرتق کندولکنندن آچیلمغه باشلامشدی .

برنجی این اوکندن سوکره لوندره یه کیدن هیئتمزه ائتلاف ایچون ده اوزمان فرانسزلر مراجعت ایتمشدی . فقط اوزمانکی تکلیفلری آغیر اولدیغندن درحال رد ای دلشدی .

سقاریه دن سوکره فرانسزلر مساعد شرائطله تکرار یناشدیلر و موسیو فرانقلن بویون ریاستنده کی برهیئتی آنقره یه کوندره رك ۲۴ ایلول ۳۷ ده مذاکراته باشلاندى و ۲۰ تشرین اول ۳۷ ده ائتلافنامه عقد اولندی . مذکور ائتلافنامه موجبنجه ۲۵ کانون اول ۳۷ ده غازی عینتاب و ۴ کانون ثانی ۳۸ ده آطنه وحوالیسی تورکیایه اعاده ای دلدی و بو کونجکی جنوب حدودی چیزلدى . وبالنتیجه بو قیمتدار ساحه ده المزه کچمش ، مرسین یولی آچیلمش اولدی .

بومنتطقه ، صوك تعرضمزده اردومزك اكلى ومملكتمك وضعيت  
اقتصاديه وتجاريه سنك انكشافى ايچون چوق تاثير يامشدر .

### ۶ — پونتوس مسئلهسى :

بوتاريخلر آراتق پونتوس مسئلهسى ده تماميه حل ايدلمشدى. بوراده  
بومسئله نك ماهيتندن وصورت المحامنندن ده مختصراً بحث ايدم جكم :

۱۸۴۰ سنه سنندن برى قره دكز حوضه سننده ريزه دن استانبوله  
قدر اسكى يونانلياغك احياسى مقصديه چالیشان بروم كتلهسى واردر.  
ايلك پونتوس اجتماعكاهنى آمريقا روم مهاجرلرندن راهب (قله ماپيوس)  
اينه بولیده ، اليوم خلقك مناستر تعمير ايتدكارى بر تپه ده قورمشدر .

زمان زمان منفرد اشقيا چته لرى شككنده اجراى شقاوت ايدن  
بوكتله نك فدايى لرى حرب عمومیده سياسى برشككده مساعى يه باشلامش  
وچارلق روسيه سى طرفندن توزيع ايديان سلاح ، جبخانه ، بومبا  
وما كنه لى توفندكارله صامسون ، چهارشنبه ، باقره واربعه روم كويلرى  
عادتا برسلاح ده پوسى حالى آلمشدى . متاركدن صوكره بتون روملر  
يونانليق آمال مليه سيله هر طرفه شماردينى كپى ( آتنكى اتريا ) جمعيتى  
پروپاغاندا جيلرى ومرزيفون آمريقان مؤسسائى طرفندن معنائيشديريان  
واجنبى حكومتلك سلاحلريله ماده تقويه ايديان بو حوالیده كى روم  
كتله سى ده عثمانلى حاكيمتندن چيقارق مستقل برپونتوس حكومتى تشكيل  
ايمك امليله داغلهر چكيله رك عمومى برقيام حاضرلامشدر ، آماسيه  
وصامسون حواليسى روم متره پوليدى ( يدرمانوسك ) تحت اداره سنده  
منتظم بر پروغرام تحتنده اجراى فعالته كچمشدر در .

صامسونده كى روم قوميه جيلرينك رئيسى وپونتوس آمانك اك

شدتلی مروجی رژی فابریقه سی دیرکتوری (طوقومانیدیس) بر طرفندده آناخولی ایچرولرنده کی روملرله مخبرات تاسیسنه توسل ایدیوردی .

اجنبی پارمانی : انکلیزلر شرقده اهالیء اسلامییه بی وباخصوص کردلی اوزمان اغتاله موفق اولامایجه پونتوس تشکیانه مظاهرات وعدیله وصامسون حوالیسنده کی روملق نفوسنی تکثیرایتمک غایه سله روسیه ده کی روم وارمنیلری باطومده جمع وتورک قفقاس اردولرندن آلنوب باطومده دپو ایلیان سلاخلرله تسلیح ایدهرک سواحلزمه اخراجه دوام ایدیورلردی . صوخومده عثمانلی ساحلارنده چته جیلک ایتمک اوزره (خردلامبوس) اسمنده بروم باشنه برقاچ بیک روم طوپلامش وباطومده کیلرده بوکالتحق ایتمش لردی؛ عینی زمانده مملکت مزده کی روملر ده صامسون انکلیز ممثلی یوزباشی (سولتەر) طرفندن سلاح وجبخانه داغیتیلوردی .

اعاشه واداره لری : بوخرستیان کتله لری (مهاجر) اعاشه سی ماسکسی آلتنده انکلیز و آمریقایلر طرفندن اعاشه والباس ایلدیکی کبی یونان حکومتی ده نقدوارزاق خصوصنده معاونتدن کیری دورمیوردی . حتی آمریقان ویونان صلیب احمرلری میاننده کان ضابطان هیئتترینک بونلر آراسنده تشکیلات یاپدقلری، تعلم و تربیه ایله مشغول اولدقلری و مستقبل پونتوس حکومتک تملی قورمه مامور اولدقلری آکلشیلوردی . اوزمان آناطولیده کی ضعف ، بونلری بوسبوتون تشجیع وقوتلنملری تمهیل ایدیوردی . تمامیه سیاسی رفکرله حرکت ایدن بوزمره انکلیزلر طرفندن عادی برشقاوت ماهیتمده کوسترلمکده ایدی . ۴مارت ۳۵ ده استابولده پونتوس نامیه برغزته شرسنه باشلاندى وبوغزته

باش مقاله سنده طربزون ولایتنده روم جمهوریتک تأسیسنه چالیشمق مقصدیه انتشارایتدیکنی اعلان ایلوردی . یونانستانک بوم استقلالنه تصادف ایدن ۷ نیسان ۳۵ ده هر طرفده وبالخاصه صامسونده نمایشر یاپیلدی ویهر مانوسک کستاخانه حرکتی روملرک افکار و آمالی عنایت درجه سنه چیقاردی . مع مافیہ تشکیل ایدیان چتله فرصته انتظاراً تام برقیام یاپامش ؛ هنوز علی العاده شقاوت ماهیتنده چالیشیورلردی وکایسارلرده طوبلاناراق تشکیلات و تجهیزاتلرینی تقویه ایدیورلردی . بطریقخانهده بر طرفدن فعالیتنه دوام ایدیوردی . ۲۳ اشمین اول ۳۵ ده شرقی تراکیا و پونتوس ایچون تشکیلات و تحریکات مرکزی اوله رق ( استانبول ) قبول ایدلمش و فعالیتنه باشلانمشدر . ونیزه لوس استانبول مسئله سنک وقت آخره تعایقیه بونک رینه پونتوس - بحر سیاه سواحلی حکومتک تشکیلی قناعتی اظهار ایتمش و بطریقخانهده بویولدن تعلیمات ویرمشدی . عینی زمانده یونان حکومتی طرفندن استانبولده یونان خفی ضابطه سی تشکیله مأمور ایدیلن میرآلای ( ایکسکساندروس زیمراغاکی ) طرفندن پونتوس ژانداره سنی تنسیق ایتک اوزره ایفل نام یونان طور بیدوسیمه آریجه بر ضابط غروپی اعزام ایدلمشدی . تورکیاده بوخفی وعلنی تشکیلات جریان ایدرکن باطومده ۱۸ کانون اول ۳۵ ده پونتوس روم حکومتی اسمیه بر حکومت تشکیلات و تشکیلات یاپمغه باشلامشدی . ( ۱۹ تموزده ) ینه باطومده قره دکز ، قفقاس ، جنوبی روسیه روملری طرفندن پونتوس مسئله سی حقدنه بر قونغره عقد ایدلمش و مخطره اعضادن بری واسطه سیمه روم بطریقکلکنه ویرلمشدر . منفرد شقاوت و تعهلری شککنده تظاهر ایدن و خفیاً تشکیلاتلرینی اکمال ایدن پونتوس جیلر ۳۳۶ نهایترینه دوغرو فعالیتلرینی آرتیراراق

مقصد لرینی تمامیله علنیته چیقارمشلر و بزى جدی تدابیر اتخاذه تمامیله  
 محالرینه توسل مجبور تنده بر اقلشردر .

پونتوس جیلرک قیام تشکیلاتی شویله ایدی :

- (۱) بر طاقم رؤسا معینده کی مساح و محارب قوتلر .
  - (۲) بونلرک اعاشه لرینه خدمت ایدن مستحصل پونتوس اهایمی .
  - (۳) اداره ، ضابطه هیئتلری .
  - (۴) شهرلردن و کویلردن ارزاق تأمیننه مأمور نقلیه قوللری .
- هر چه باشینک حکمران اولدینی منطقه بصورتله آیراشدی .
- بدایتده ۶۰۰۰ ؛ ۷۰۰۰ مسلح محارب بر قوت اولان پونتوس جیلر  
 کیتدکجه قوت بوله رق جمعاً (۲۵,۰۰۰) راده سنه وارمشدی . بونلر ،  
 اوفق جزو ناملر حالنده مختلف محالرده تحصن ایتمکده و مفرزه لریمزه  
 قارشی متحداً حرکت ایتمکده ایدیلر . بونلرک غایه سی صامسون -  
 طرزون ساحلارنده کی تورکلری احا و بورارده یونانلیلنی احیا ایله  
 معظم بر پونتوس حکومتی تشکیل ایتمکدی . طوتدقاری خط حرکت  
 خونخوار بر سورونک محصله اجرا آتندن عبارتدی، یعنی یاقق، ییقمق،  
 قتل ایتمک و اعتساف یایمق .

فقط مقدراتی کندی ایلله اداره یه عزم ایدن تورک ملتی دها  
 مصطفی کمال پاشانک صامسونه ایلك آباق باصدینی کون بوایشی اولچمش  
 و تدبیر اتخاذه باشلامشدی .

مبارکدنک عقبینده صامسون و حوالیسندنه بو قبیل حرکات باشلادیغندن  
 ژاندارمه نك عدم کفایه سنه بناء شرق جهه مندن اون بشنجی فرقه ایله  
 یومنطقه تقویه ایداشدی .

۳۳۵ و ۳۳۶ ده صامسون و آماسیه لواری داخلنده شقاوتک



آرتماسی اوزرینه اوچنجی قول اردو ، بتون مسیاعیسنی بومنطقه ده امنیت و آسایشک تأمین خوصونه حصر ایتشدی . طرزون و کوشخانه حوالیسنده کی روم چتله رینک فعالیتنی ازاله یی ده شر قده کی اون بشنجی قول اردو درعهده ایتشدی .

۳۳۶ ده اوچنجی قول اردو ۸ طابور پیاده ، ۶ سواری بلوکی ، ۲۴ ماکه لی تفنک ، ۴ طوپله اون بشنجی قول اردو ده ازمیرده اولدینی کی طرزونده ده بریونان اخراجنی نظر دقته آله رق طرزونده کی ۳ نجی فرقه سیله تدبیر آلدیلر . متعاقباً اوچنجی قول اردو یرینه ۹ کانون اول ۳۶ ده مرکز اردوسی تشکیل ایدیلرک بو وظیفه نی او آلدی . ۱۲ تشرین ثانی ۳۷ تاریخنه قدر اوچنجی قول اردو و مرکز اردوسی داخلی عصیانلری اطفا ایتمش و پونتوس جیلرک قطعی محوینی قیش موسمنه برافشدی . قیشک حلولیه فعالیتنه کچن مرکز اردوسی ۳۳۷ بدایتندن ۱۳ تشرین ثانی ۳۷ تاریخنه قدر تقریباً ۱۱ آیاق زمان ظرفنده بونلرک تحصنکا هلرینی تخریب ، اموال و ارزاقنی اغتنام و سر کر - ده لرلیله برابر قسم اعظامنی احما ایتدی . بومدت ظرفنده ۱۱۷ تحصنکاه یاقیلمش و ۳۸۷۷ مقتول و یردیرلمش . بوکا مقابل ۲۱۰ عسکر ، ۷۰۴ اهلیدن شهید واقع اولمش و ۴۳۹ تورک کوی اشقی طرفندن یاقیلمشدر . پونتوس فکر و حرکتک کیتدکجه آله وله ندیکنی کورن ارکان حربیه عمومیه ۲۹ کانون اول ۳۷ ده بوایشه دها زیاده اهمیت و یرمشدر . عصاتک الک زیاده تکالیف ایتدیکی لادیق - چهارشنبه ، زیله منطقه سننده قوتلریمز تنکشیف ایدلیدیکی کی تادیباتک سرعتله انتاجی ایچون ۱۵۰۰ کشیلک بر قوتک دها فعالیتنه کتیرلمسنه قرار ویرلدی . بونک ایچون غرب جهه سنه مرتب بقایا افرادده بورایه

تخصیص ایدلدی و مجموع قوتمز ۱۷۹۰۰ نفره بالغ اولدی . آرتیق پونتوس-جیلرک تماماً احصای تدابیری اتخاذ ایدلمشدی . ۶ شباط ۳۳۹ ده بونلر کاملاً محو ایدلمش و پونتوس خولیاسی قره داکزه دوکومش و بونغولمشدی ! اجراءات ساحهسی [ فاتسه - اونیه - ترمه - چهارشنبه - صامسون - بافره - وزیرکوپری - حوضه - لادیق - آماسیه - نیکسار - قوچحصار - طربزون وحوالیسی ] ایدی .

پونتوس مسئلهسی بوضورتله خلاصه واکمل ایدرکن ، بومسئله نك ایلک دفعه ماهیت اصلیهسی میدانه قویان و عاملرینك تجزیه سنده ، مملکتک بنیهسی کیرمچک اولان بومفکورونك تماماً قلعنده چوق شدتلی و مصیب قرارلریله اجرای معدلت ایله ین او منطقه استقلال محکمهسی هیئتک مهم تاثیر و خدمتی قید ایتمک وظیفه در .

---

— بشنجی قونفرانس —

استقلال حربنه عائد بوصول قونفرانسه استقلال مجاهده مزی شرفیه ، شان ایله قپایان و استقلال ملیمزی قطعیتله تأمین ایدن ایلك وصول تعرضمزی عرض ایده جکم .

محترم افندیلر : بوندن بش هفته اول ایلك قونفرانسه سزه مملکتک وملتک معروض قالدینی الیم و فحیح عاقبتی عرض ایدرکن بش هفته صوکره بوکون، تورکک بتون بر جهان خصومتی ده ووروب نزه رک احقاق حق ایتدیکی حادثه بی عرض ایتمک سرور و شرفیه مباهی بولمقدهیم .

فهدکتر فارشوسنده ملی ایمانک درغوردیفی مصطفی کمال ، شهیدلر ادکنده مصطفی کمالک باراندیفی ملی لهجه و قدرت بربرینه قاربشرو ، فی الحقیقه بسره هفته ، بسره کوره حتی بسره ساعت دیرجک قدر قبصه بر زمانه اولومده هیات ، فناده بقا ، عزمده وجود یارانمدر . ایته رالبعث بعد الطوت سربنک اعظمی ده بونده عبارتدر .

۱ — ۳۳۸ آغسترس صرکات تعرضه سی نهل ماضر لانی :

یونانلیلر ۳۳۷ سنه سی آغستوسنده سقاریه میدان محاربه سننده مغلوب ایدلکدن صوکره ، سواری و پیاده دن مرکب تعقیب قوللریمک تضییق قارشوسنده اسکیشهر — آفیون خطنه قدر رجعته مجبور ایدلش

واتسرين اول ۳۳۷ ظرفنده سقاريه نهرينك شمال قولندن اعتبارآ  
 [چالجه باشي - آلبو كوي - سيد غازي - شرقي آفيون قره حصار]  
 خط عموميه سنده توقف ايتمش و آفيوندن غرب جنوبيه دوغري  
 مندرس بويجه ده ايكنجى درجه ده كي قوتلريله اوزاشدى . اردومزده  
 بودشمن جبهه سي قارشوسنه گلش و وضعيت آاشدى .

بومغلوبديتك صارصينتيسيله اوزون زمان ديكانمكه ، اكال و تقويه به  
 محتاج اولان يونان اردوسندن ۳۳۸ سئمه سي ايلك بهارينه قدر يكي  
 بر تشبث بلكه نه مزدى . بناء عليه اردومزك ترتيبات واحضاراتنده  
 كنيش بر ساحة امنيت و سربستى واردى .

سقاريه محاربه سي ، يونانليرك آناطوليده اعظمى قوت و غيرتله  
 ياپدقلى صوك تعرض تجربه سي ايدى . اوغرادقلى اليم عاقبت اونلردن  
 بو تجربه يي تكرر ايتمك جرأت و قدرتي ايجه سلب ايتمشدى . اونلر  
 بو ضربه نك تاثيرندن قورولنجه يه قدر اردومزه احضاراتى اكال  
 فرصت و امكانى و يرمشدى . بنا برين سقاريه محاربه سي ، يونانليرك  
 تدافى وضعيته كچه لرى و بزم و بوك تعرض حاضرلقلرينه ابدالمنز  
 دولاييسيله استقلال حزينك دونك نقطه سيدر . ايشته ده بو تاريخندن  
 باشلايان و آغستوس ۳۳۸ ده كاله ايرهن حاضر لغمز عيني زمانده مختلف  
 وجهه دن و فوق البشر بر عزم ايله منتظم برپلان داخلنده ايلروله مشدر .  
 باش قوماندانلغك غايه سي ، دشمنى ساده جه كرى به آتاجق بر حركت  
 دكل ، سنه لردنبرى غربى آناطولى يي خرابه حالته كتيردن ، عصرلردن  
 برى مسعود و مغرور باشايان ، تورك يووالرينى ماتمخانه به چه و يرن يونان  
 اوردوسنى ملتك بوكونه قدر صرف ايتديكى فداكارلغك محصولى  
 اولان اردوسى ايله بر جمله ده و طوتدينى خط ايله آق دكيز آراسنده

محو ایتک وبالقوه حقمزى استحصال ایلهمك اولایغندن ، چوق  
 تهلکلی اولماسنه رغماً هر درلو تدابیر آلهرق خصمی الك حساس  
 نقطه سندن اورمق قراری ویرلدی . مملکتک چکدیکی اضطرابات  
 هر کون برآز دها تخفیف ایتک ودشمنلری متمادی بر تضیق آلتنده  
 بولوندیرمق ایستین حکومتز ، سقاریه دن سوکره ۳۳۷ سنه سی  
 قیشی ظرفنده آفیون غربندن صدقلی - عشاق استقامت عمومیه سنده  
 بر تعرض توجیه ایده رک آفیون دوکومنی چوزمک ودشمنی بری از میر  
 استقامتمنده ، دیکری شمالده بروسه استقامتمنه دوغرو اولمق اوزره  
 دها او زمان ایکی غرویه آیرمق وبوقیشی دها فنا شرائط آلتنده  
 کچیرتمک ایچون احضارات یاپیلمه سنی امر ایتدی . فقط تدقیقات  
 ساحه سنده کورلدی که بو تدبیر ناقص اولاجقدر . اردومزک او ائنده  
 وضعیتی دولایسیله قطعی بر نتیجه ویرمیه جک اولان بو حرکت استحصالات  
 عسکریه مزک مهم بر قسمی بلکه استهلاک ایده جک وبویوک هجوملریمزک  
 زمانی تأخیر ایده بیله جکدر . اونکچون حرکتک او زمان اجرا سندن  
 صرف نظر ایدیله رک دها اساسلی احضاراته کرمی ویرلای . بو احضارات  
 صورت عمومیه ده شونلردر :

تشکیلات : وضعیت سیاسی و عسکریه نک مساعده سندن استفاده  
 ایلمسی ممکن اولان بتون قوتلر بو جبهه یه کتیریله رک ۱۹ پیاده ،  
 ۵ سواری فرقه سی و بعض مستقل آلائی وطابورلردن تشکیلات  
 وجوده کتیریلدی وبونلردن جمعاً بش پیاده قول اردوسندن مرکب  
 ایکی اردو ، اوچ فرقه لی بر سواری قول اردوسی ، ایکی مستقل  
 سواری فرقه سی و بر قوجه ایلی غروپی تشکیلی ایدیله رک جمله سی  
 ضرب جبهه سی قوماندانی عصمت پاشا حضرتلرینک امرلرینه تودیع

قیلنمشدی . اردولردن برینک قوماندانی یعقوب شوقی پاشا ایدی .  
دیگر اردو قوماندانی علی احسان پاشانک، وظیفه‌سنه ختام ویرلدیکیندن،  
یرینه ، تعرضدن برآز اول آچیقده بولنان سابق مرکز اردوسی  
قوماندانی نورالدین پاشا تعیین ایدلمشدی . سواری قول اردوسی  
قوماندانی ده فخرالدین پاشا ایدی .

اکمال : ضابط ؛ اردونک روحیدر . بمحاربه ایچون کوچوک  
رتبلی ضابطانه چوق احتیاج واردی . خاصه کیشیه جک صولک تعرض  
ایچون بو خصوصک اهمیتله نظر اعتباره آلتماهی ایجاب ایدیوردی .  
استانبولدن پیدربی جلب ایدیلن و آنقره تعایمه کاهنک بر قاج دورده  
یتیشدیردیکی ظابطان بو احتیاجی قسماً تأمین ایتمشدی . مملکتک هر  
طرفنده حرب عمومیدن هنوز چیقمش تجربه و معلومات عسکریه لری  
زند . برچوق احتیاط ضابطی آرقاداشلریمز واردی . بونلری دعوت  
ایتدک . کریلرده و دیگر جبهه لرده آنجق ضروری خدمات ایچون  
ضابط براقیله رق متباقیسنی کاملاً بو جبهه یه کوندرک . بو صورتله  
ضابط احتیاجی اکمال ایدلدی . افراد ؛ جبهه ده اعاشه و صحی  
خصوصات چوق ایی تنظیم ایدیلهرک موجود حاضرک محافظه سنه صولک درجه  
چالیشلدینی کبی او زمانه قدر تأجیل اولونان افرادویکی دن ۱۷،۱۶،۱۵  
تولدیلر سرعتله سلاح آلتنه آندیلر . داخلده ژاندارمه یه قوه المظهر  
اوله رق قولالانیلان قطعات و ساحل ترصدمه فرزه لری و دوأرومؤسساده کی  
افرادک قسم اعظمی کذا غرب جبهه سنه سوق اولندی . او درجه ده که  
ارکان حربیه عمومیه و مدافعه ملیه نک محافظ قطعاتندن بیله استفاده  
ایدلدی . بو صورتله افراد مسئله سی ده حل ایدلمش اولدی .  
اسلحه و جبخانه ؛ بو تعرض نتیجه قطعی یی استحصال مقصدیله

پایه جفندن بوبوك و متعدد میدان محاربدری و یرمك احتمالی دوشونیلهرك حاضرلق چوق واسع طوتیلپوردی . یالكیز اسلحه و جبخانه و سائره کبی منابعی ، داخل وطنده مفقود اولان خصوصاتده اعظمی مشکلات چکیلیوردی . و احتیاجات تشکیلات مخصوصه مز سایه سنده قسماً استانبولدن جلب ایدیلدور و قسماً روس و فرانسزلردن مبیایه اولونیور ، قسماً ده داخلدن و دیگر جهه لریمزدن اقتصاد ایدیلهرك تأمین اولونیوردی . آنجق خارجه کی مساعی چوق بطی جریان ایدیور و آز نتیجه ویریوردی . چونکه دوست کورونلر مشکلات چیقارمقده و ایشی تأخیر و تعویق ایله مکده کندولرنجه منفعت کوزه تیورلردی . بوبك ایچون ده ا زیاده داخلده چالیشمق ضرورتی واردی . دیگر خصوصاتده اولدیغی کبی بونده ده مملکتک مناطق سائره سندن اعظمی مقدارده تصرف پایلهرق عادتاً اون قصاطوره شورادن ، بش تفك بورادن شکانده برسنه ظرفنده یوروجی و چوق مشکل مساعی ایله بوده مطلوب درجه یه وارمشدی .

اك چوق نقصان قالان ماكنه لی تفك ایدی او تارنخده دشمنك ۳۲۰۰ خفیف و بیکی متجاوز آغیر ماكنه تفنکنه مقابل بزم بشیوز قدر آغیر ، یدیوز قدر خفیف ماكنه لی تفنکمز واردی . صوك زمانلرده خارجدن ۱۵۰۰ خفیف تفك اله کچیردک و داخلندن ده تدارك ایدهرک بوفرقی مهما ممکن آزالندق .

وسائط مخبره ؛ اردونك وسائط مخبره می تلفون ، تلغراف و تلیمز تلغراف ایدی . بونلردن بشقه آتلی مخبره قطعه لری فلامه و سائره کبی تالی وسائطده واردی . آلایدن اعتباراً یوقاری یه دوغری هر قلمه نك خدروسی موجبنه مخبره وسائطی اکمال ایدلشدی . هر قول اردو ،

اردو، غرب جبهه سی وباش قوماندانلق قرارگاهنه برر تلسز تلغراف ویرلدی. حتی بعض مهم ومستقل فرقه لره بیه .

طیاره ؛ طیاره مز بول اولمامقله برابر احتیاجمه کافئ ایدی. خاطر عالیرنده درکه سقاریه محاربه سنده آنجق ایکی چوروك طیاره مز بولندیغنی وبولنرك هر کون یما تاراق، تعمیر ایدیلهرك اوچورلدیغنی عرض ایشدم. حالبوکه صوك تعرضك عرفه-نده اون بشه یقین طیاره یه مالک بولونیوردق. صحیه اموری ؛ بدایتده مالزمه صحیه نقصانی مهمدی. اردو تکمله دوغری یورودکجه بواحتیاجده زائل اولدی. استانبولدن التحاق ایدن موظف و آناتولیدن جلب اولنان مکلف اطبا ایله دوقتور احتیاجی قسماً تأمین ایدلمشدی. بلوکلردن اعتباراً قطعاتک صحیه تشکیلاتی تنظیم اولندیغنی کبی قول اردولرك وضعیت واحتیاجنه کوره سیار خسته خانه لر ولزوم کوریلان محللرده منزل خسته خانه لری وجوده کتیرلدی. اردوده آجیلن قورصلرده صحیه افرادینک معلوماتی تزیید اولوندی. بتون منسوبین صحیه نك غیرت واهتمامی سایه سنده صحیه تشکیلاتی چوق ایی برطرزده وجود بولمشدر.

هلال احمدده صحیه ونقلیه اوتوموبیل قوللری تشکیل ایدرك و برچوق ادویه وسائر مالزمه صحیه تأمین ایله یهرك اعظمی یاردمی کوسترمشدر. غرب اردولریمزک امور صحیه سنی، بیوک یوقسزلقلره رغماً، تشکیل وتنظیمه موفق اولارق، وجوده کان بوتشکیلاتی نفس الامرء الكاویفون صورتده سوق و اداره ایدن طیب میر آلائی کمال، میر آلائی احمد خلوصی بکلره سلیمان امین پاشایی بوراده بالخاصه ذکر ایلرم. استقلال حربنه تقدم ایدن حربلرده کی امور صحیه یه چوق فائق برطرزده سوق مجروحین یاپیشمش واقفانه وعزمکارانه مجادلر سایه سنده اردو ومناطق



حربیه ده کی خلق امراض ساریه دن مصون قیلنمشدر، بوجادله او قدر ایلری کتیرلشدر که بعضاً فداکار دو قورلریز طرفینک ایلری خطلری آراسنده کی کویلره قدر کوندریلهرک اورالردهه خلقک تطهیرات فنیه سی و آشیلری یاپدیرلشدر .

وسائط نقلیه ؛ اردونک یکانه وسائطی حرب عمومیدن قالمش مستعمل و جزئی مقدارده کی اوتوموبیل استئنا ایدیلرسه آت و قاغی آرابه لریله مرکب و دوه قوللریندن عبارتدی . بیوک بر اردونک یومی احتیاجاتی واکمال ایشلری دوشونولورسه ، اوزمانیکی وضعیته کوره مملکتک تکمیل منابعنه مراجعت ایدلیکی حالده بیله مقداری اون بیکارگی کچن بو وسائطله اردو ، آنجق صوک منزل نقطه سندن ایکی کون ایلرویه کیده بیاردی . صوک زمانلرده مرسسین طریقله بهری ۱،۵ طونلق ۱۵۰ برلیه اوطوموبیلی تأمین ایتدک اılmazده، برآز واردی، بو یوز میزی کوللیردی . بوندن باشقه شوتدایبرده آنندی، پلانمزده دشمنی دهها زیاده از میر استقامتنه آتهرق بو یول اوزرنده بوغمت ایسته یوردق . واقعا دشمن سقاریه دن چکیایرکن یاپدیغی کبی آفیون - از میر خطنی ده پارچه، پارچه ایده بیلیردی . بو گامقابل آقشهر - ا کردیر کولی ارتباطی یاپلیدی . ا کردیرده یومیه ۴۰۰ طون نقل ایده بیله جک وسائط بحریه احضار ایدلیدی . و ا کردیر - د کزلی تردن خطنک قابیتی ۴۰۰ طونه چیقاریله جق تدایر آنندی . بناء علیه اردو بوترتیباتله یاندن اعاشه ایدیله بیله جکدی .

تعلیم و تربیه ؛ بر قاچ منطقه استئنا ایدیایرسه تکمیل جهبه ده موضع حربنده اولدیغی کبی صبیقی بر محاربه تمامی یوقدی . اکثر نقطه طرفین موضعلری یکدی کیرندن ۱ : ۲ کیلومتره قدر ، بعض آقسامده دهها زیاده اوزاتدی . بو سایه ده جهبه یه کافی امنیت قطعاتی براقهرق

بتون اردوئی کری ده طوپلایوب تعلیم و تربیه ای دیوردق . بو بر سنه ظرفنده بسیتدن مرکبه دوغری حمالی بر صورتده چایشلمش واک صوک زمانلرده آرتق فرقه ، قول اردو مانوره لری و کیجه تطبیقاتلری یاپیلهرق و قونفهرانس لره ، آچیلن قورصلره اردونک عملی و علمی معلوماتی تزید ایدلمش ، تعرض قدرت و قابلیت شایان امن و اعتماد بر حاله کتیرلمشدر .

عینی زمانده کریلرده پیاده ، طوپچی ، سواری و ماکنه لی تفنک ده پو قطمه لری تشکیل ایدیلهرک بورالرده عجمی افراد یتشدیرلمشدر .

ارکان حربیه عمومیه نك نشریات شعبه سی واسطه سیله برچوق نافع آثار و تعلیمنامه لر طبع و تکثیر ایتدیریلهرک و یونان لیرک اصول محاربه سنه دائر ایدیلن تجارب و بونلره قارشی اصول محاربه حتمده خلاصه لر نشر ایتدیریلهرک اردویه داغیتیلوردی .

استخبارات تشکیلاتی ؛ بر اردونک احضارنده اک مهم اساس ، دشمنک قوت و ترتیباتی مقصد و نیتنی بیلمک اردومن حتمده ایدیه جکی معلوماتک یا کلش اولسنی تأمین ایتمکدر . بوکا چوق اهمیت ویرلدی . اوزمان ارکان حرب بیکباشیمی اولان شگری عالی بکک تنظیم ایتدیکی بوتشکیلات چوق اینی نتیجه لر ویرمشدر .

ودی به بیلمک که اردومن ایلک دفعه اولارق علمی و یوکسک برشکلده استخبارات وظیفه سی ایشله ته بیلمشدر . بسایه ده دشمن اردوسنک هرکونکی وضعیتی حتی قرار و دوشونجه لرینی تعیب ایده بیلیوردق . ارکان حربیه عمومیه ائنده بر طرفده کندی اردومنک ، دیگر طرفده دشمن اردوسنک وضعیت ، قوت و نظام حربی کوسه ترهن قیاسلی و متقابل جدوللر اوزرنده چایشیوردی .

بوخصوصه تعقيب ايديلن اساسك برى دشمنى دائماً و اك دوغرو اولارق بيلمك ، ديكرى دشمنى بزم حقمزده دائماً و اك ياكلس معلوماتله دولدير مق . بونده چوق كوزل موفق اولدق . نتيجهده تورك اردوسنك تخمين و تقديرنده هيچ آلدانماديني و يونانليلك لازم اولدينى درجه شفاهه دوشورلديكى تحق ايتمشدر .

بوراده بالخاصه بر نقطه يني نظر دقت عاليلينه وضع ايتمه مه مساعده بيوركز ؛ بوكون مترقى ملت افرادى كنديلرينى شخصاً دولت لرينك كيزلى تشكيلاتنك بر جزئى فرض ايدر لر و هر يرده ايشتمكارى هر شيشى در حال اك يقين دولت مقامنه بيلدير لر . بو صورتله اك بويوك خدمتى ياپار لر . انكليزلر بوكا بالخاصه دقت ايدر لر . بناءً عليه هر تورك كرك داخل وطنده و كر كسه خارجه كورديكى ، حس ايتديكى ، دويديني هر شيشى حكومهته بيلدير مكله كنديني مكف عد ايتم ليدر ، بزم بوكا جمهوريتمز دها قطعيدر .

تعرض ايچون بوتداير دوام ايدر كن دها كمال بولم دن ، کوتاهيه - اسكيشهر محاربه سنده اولدينى كبي ، شايد دشمن تعرضه كچرسه بوحر كتي امنيته قارشولايه جق تدابيرده آلتدوردى . بو جمله دن اولارق جبهه دن كرى يه دوغرى متعدد موضع لر تثبيت و تحكيم ايدلمشدى . ايشته اردومن دول معظمه نك بتون مظاهرت ، معاونت و حمايه سنه مظهر اولان يونان اردوسى قارشوسنده بو صورتله چايشه رق ، بيك محروميت ايچنده وهر تدبيره توسل ايدرك عادتاً ايكنه ايله قويو قازارجه سنه قوتنه هر كون بر قطره دها علاوه ايتمك صورتياه چايشمش و موفق اولمشدر . بوتفصيلاتدن مقصدم ، استقلال مجاهده سنك باشلا ديني زمان اردونك برنجى قوتنه رانسنده عرض ايتديكم وضعيتى ايله اوچ سنه

صوکرہ بوتون وسائط فنیہ سی وتشکیلاتیہ واصل اولدینی نتیجہ بی  
کوسترمکدر .

ازدو بوصورتله احضار ایدیلیرکن ۳۳۸ سنہ سی تموزی بدایتلرندہ  
یونانلیلرک آناتولیدن تراکیاہ بعض آایلر نقل ایدہرک استانبولی  
اشغال ایچون چتالجه حدودندہ تحشیدات یایدینی ، قوجاہیلی حوالیدینی  
اشغال ایتک اوزرہ بروسہ منطقہ سندنہ حاضرلغہ کچدیکی ، جہہدن  
عمومی تعرضہ بولنہ جنی ، آتہدہ انعقاد ایدن مجلس عالی مقررانیہ  
سہور خطنہ چکیکلہ جککاری کبی مختلف مقصد وحرکتلر افادہ ایدن  
متضاد خبرلر آلمتقدہ ایدی . بونلردن بعضلری یکدیگرینی تأیید ایدہرک  
ماہیتدہ اولدیغندن ہر احتمالہ قارشى دشمن حرکتی جدیدتہ تعقیب  
ایدیلوبوردی . باش قوماندانلقہ غرب جہہ سی قوماندانلی آراسندنہ  
جریان ایدن مذاکرات ویریلن قرار نتیجہ سندنہ غرب اردولری قوماندانی  
عصمت پاشا حضری ، دشمنک یاپایلہ جکی مختلف حرکتی خلاصہ ایدہرک  
بونلرک ہانکیسی واقع اولورسہ اولسون ہر برینہ قارشى مقصد اصلی بی  
اخلال ایتہمک شرطیلہ صورت حرکت حقندہ اردولرینہ امر ویردی  
مع مافیہ تعرض کونہ قدر بواحتالاتک ہیچ بری واقع اولمادی .  
فی الحقیقہ استانبولی اشغال ایچون تراکیادہ بعض حاضر لقلردہ  
بولوندیلر بونک ایچون آناتولیدندہ بعض قوتلری او طرفہ کچیردیلر .  
یونانلیلرک اشغال ایتدکاری مواضع بالخاصہ اسمکیشہر شمال شرقی سندنہ کی  
چالجه باشی سوزغندن سرای کوی قارشوسنہ قدر اولان منطقہ اہمیتی  
نسبتندہ متعدد خطلردن عبارت اولمق اوزرہ تحکیم ایدلمش ، وبراچ  
صیرہ تل اورکولریلہ تجہیز ایدلمش ، مختلف ترتیب لغملر ؛ وسائرہ کبی  
موانع فرعیہ ایلہدہ ترصین ایدلمش دی . اک مهم تحکیماتی آفیونک شرق ،

جنوب و جنوب غربیسنده ایدی . بورارده کی موضعلرده متعدد تل اور کولرله چوریلش ، منتظم صورتده طویجی موضعلری وارتباط یولری یاپیلهرق پک قوتلی بر حاله کتیرلمشدی . بوندن بشقه کریلردهه متعدد احتیاط موضعلری یاپمشدی .

یونانلیلر بومواضع مستخصرهیه بیوک براعتاد بسله بورلردی . نته کیم تعرضمک ایجه یاقلاشدیغی زمانلرده استانبولی اشغال مقصدیله آناطولیدن ترا کیایه نقل ایتدکلی بعض قوتلر حقنده جریان ایدن مناقشاندیه یونان زمامدارانی موضعلرینک تورکار طرفندن غیر قابل تسخیر اولدیغنی وبوامنیت سایه سنده تراکیایه داها فضله قوت نقلنه امکان بولوندیغنی بیان ایدیورلردی . حتی بومواضعده تدقیقاتده بولونان برانکلیز ارکان حرب ضابطی بیله اکر [ تورکار بومواقعی درت بش آیده اسقاط ایده بیلیرلرسه برکونده اسقاط ایتدکلیغی ادا ایده بیلیرلر ] . دیمشدی . فقط بو انکلیز ضابطنک غیر قابل اسقاط اولهرق کوسترمکه یلته ندیکی بومواضعی بز حقیقته بر ایکی کونده اسقاط ایتشدک . وبو صورتله برقاج آیده استحصالی ممکن اولان نتیجه یی بر ایکی کونده تأمین ایتدک ایشه اردومزک تعرضه حاضر لاندیغنی جهه چوق قوتلی طوتیلمش ، بودرجه ایی احضار وتقویه ایدلمش بر موضعدی .

## ۲ - تعرضه مقبضی منطقه سنک تبیتی :

تعرض قراری ویرلدکن صوکر ایش بومنطقه نک تعین و تبیتی ایدی . واقعا بوکنیش جهه ده تعرض ایچون چوق مساعد ساحلر واردی . فقط بورالردن یاپیله جق حرکت دشمنی ساده جه جهه سنندن ایتمکه واردومزی پک چوق مشغول ایتدکن صوکر محدود نتیجه لر آلمقله بر اقبایلردی . آفیون منطقه سنندن یاپیله جک تعرض ایسه

حقیقتده اولدیغی اوزره تاممله باشقه بر ماهیتی احتوا ایدیوردی .  
 بردغه آفیون یاقینلرینه قادار دوام ایدن واردونک ا کمال احتیاجانه  
 کفایت ایدن تره ن خطی ایسته دیکمز شکلده تحشده مساعد بروضیت  
 ویریوردی . اراضینک حالی تحشدمزی کیزله مکّه و قطعاًتمزی دشمن  
 مواضعنک پک یاقینلرنده احضاره مساعد اولدیغی کبی تعرضی مطلوب  
 شکلده احضار وحمایه ایچون طوپیجی وترصد موضعلرنی حائر بولونیوردی  
 مع مافیله بوراده ده تعرض ایچون ایکی شکل واردی :

بری آفیون شرقندن ، دیکری جنوبندن .  
 شرقدن یاپیله جق تعرض دیکرلری کبی آنجق بر جبهه تضییق  
 اوله بیلوردی .

جنوبدن یاپیله جق تعرض ایسه دشمنی ، جناحی کریسندن وورارق  
 آفیون دوکومونی چوزمش و دشمن جبهه سنی احاطه لی بر جبهه یارماسی  
 شکلنده اک قوتلی جناحندن یارارق از میر مواصله سنی یاقیندن کسمش  
 و تکمیل جبهه سنی بر نقطه دن اورولان ضربه ایله صارصمش اولوردی  
 واقعا بوقسم دشمن جبهه سنک اک قوتلی و محکم آقسامی و یونان باش  
 قوماندانلنی ای حرکت ایده بیلدیکی تقدیرده ، تعرضنک امنیته قارشیلانماسنه  
 مساعد شکلده ایدی . عدم موفقیت حالنده ایسه اردومز ایچون براز  
 تهلیکلی بر حرکت اوله بیلوردی . بونکله برابر دشمن جبهه سنک اک  
 مهم واک حساس یری ایدی . و یزه اک کنیش موفقیتلر وعد ایدن  
 وضعت واردی . شو حالده موجود تهلیکلری تعدیل ایده جک تدبیرلر  
 آلتیق شرطیله بوقراری ویرمک از هر جهت شایان ترجیح ایدی .

عین زمانده ایلك ضربه نك تأمین ایده جکی موفقیتک عزیمکار بر تعقیب  
 ایله توحیدینک ایکنجی ملحمه یه مانع اوله جنی دستوری تطبیق ایچون

بوراسی الك مساعد بر ساحه ایدی بونکچوندرکه ، باش قوماندانلق  
وغرب جبههسی قوماندانلقی آره سنده جریان ایدن مذاکرات نتیجه سنده  
صورت عمومیده بو منطقه دن تعرض تقرر ایتدیلمشدی .

بعض قوماندانلرینه حسن نیتله دوشونهرک بوقراری چوق جرأتلی  
وچوق تهلکلی کوروپورلردی . عدم موفقیت حالنده اردومزک وضعیت  
وعاقبتک وخامت پیدا ایده چکی وتکرار بومرتبهیه واصل اولمق ایچون  
چوق زمان و مصرف اختیارینی موجب اوله جنی مطالعه سنی ایلری  
سوره رک نتیجه محدودده اولسه داها احتیاطکار حرکت اولونماسنی  
و تعرضک جبهه دن یا پیلما سنده اصرار ایدیورلردی .

فقط ؛ [ حربی تک برضربه ایله بیتیره بیلیمه نک بر باش قوماندانلقک  
اک یوکسک اوصافندن اولدیغنی تقدیر بویوران و اونی بتون عظمت  
وشمولیله تطبیق واجرا قدرتمند بولونان باش قوماندانمز و اونک ذی قدرت  
ایکی فکر و مساعی یولدانی اولان فوزی و عصمت پاشالر هر درلو  
اندیشه احتیاطی براقه رق و بتون معکوس احتمالاته قارشنی هر درلو  
فنی تدبیری قوت و امنیتله آله رق بو صورتله تعرضه قرار ویردیلر ] .  
تموز او اسطنده ارکان حربیه عمومیه رئیس فوزی پاشالیله برای  
تفتیش آنقره دن جبههیه حرکت ایتشدک ، مشارالیه پورصوقدن سرای  
کویه قدر تکمیل جبهه نی دولاشه رق تدقیقات لازمه ده بولوندی . افراد  
و ضابطانله تماسه کلدی و برچوق یرلرده جبهه یقیننده کی خلقله حسب حالده  
بولونه رق معنویاتی تمیه ایتدی . بالخاصه اوزمان تعرض حقیقی منطقه سنده  
بولونان سکزنجی و آلتنجی فرقلر قوماندانلری کاظم و نظمی پاشالرله  
کایلری خطرله قدر کیده رک بو اراضی نی اینجه دن اینجه تدقیق ایتدی .  
صورت عمومیده اردونک احوال صحیه ومعنویه سنک قدرت و قیمتک

چوق يوكسك اولديغنى يقينندن بر داها كوردى . فرقه ، قول اردو ، اردو وجهه قرارگاهلرينه اوغرايه رق بتون قوماندانلرله شفاهى مذاكره لره ياپدى . و بعض مهم خصوصات نوط ايدلدى . اون بش كون سوكره بر بايرام صباحى [ خسرو پاشا خاننده ] اوچنچى فرقه قرارگاهنده فرقه قوماندانى كاظم بكه ( حالاً ارکان حربيه عموميه رئيس ثانيسى كاظم پاشا ) ضابطان و افرادله بايراملاشهرق آنقره يه عودت ايدرکن اردويى ماده و معناً تماماً حاضر لائمش و دشمنى غفلت و رخاوت ايچنده بولدقلرندن چوق مستريح و ضعيتده ايديلر . يونانليرك سقاريه دن صكره تخريب ايتديكى و كوچوك پارچهلردن عبارت اسكى رايبرله مستعجلاً تعمير ايتديكمز امنيتسز برده مير بولى اوزررنده ، ساعتده اعظمى اون بش كيلومتر و سرعتله بايان بو تيره ن سياهننده فوزى پاشانك يقين بر استقباله عائد امبرليخى نوط و خريطهلرله بو اساسلى تامين ايدرکن ايچمزده يشايان امنيتله ، ده ا اودقيقه ده استقباله عائد تمثيلر من و حسلر من قايناشيوردى .

مشاراليه آنقره يه مواصلترنده باش قوماندان پاشا حضر تلرينه ايضاحات لازمه ده بولونديلر . بونك اوزرينه باش قوماندان حاضر لغك بسبتون كماله كلى ايچون مستعجلاً بايلمايى لازمكـن خصوصاتى ايجاب ايدنلره امر ايتدى .

۲۵ آغستوس آقشامى طرفين وضعيتلى شويله ايدى :

( ۱۲ ) پياده و بر سووارى فرقه سيله ۹ : ۱۰ مستقل آلايدن مركب اولان دشمن بر فرقه و ايكى مستقل آلايله بروسه منطقه سنده ، اوچ فرقه لى بر قول اردو ايله اسكيشهر شرقنده كى منطقه ده جهه ده ، درت فرقه لى بر قول اردو و بر مستقل آلايله آفون شرق ، جنوب



و جنوب غربی سندھ کی منطقہ جہادہ و بر پیادہ و بر سواری فرقہ سیلہ عشاق - چوریل منطقہ لرنده ، اوچ فرقہ لی بر قول اردو ایلہ آلتون طاش و دوکر منطقہ سندھ احتیاطدہ و دیگر آلایلرلہ مندرس نہری بویندہ و دیگر جہادہ ایدی .

اردو مزده بتون قوتیلہ و مرکز ثقلت آفیون منطقہ سندھ اولوق اوزرہ بو دشمن قارشو سندھ ایدی .

بو وضعیتدہ کی ظرفین قوتلرینک مقدارینہ کلنجه :

توپ	آغیر م . ت	ما کئیلہ تفنک	قلنج	تفنک
۳۵۰	۱,۰۰۰	۳,۲۰۰	۳,۰۰۰	۸۳,۰۰۰
یونانلیلر : ۸۳,۰۰۰				
سواری داخلدر				
۳۲۳	۸۳۹	۲,۰۲۵		۹۸,۹۵۶
بزم :				
دشمنک انسان یکون عمومی = ۲۰۶,۰۰۰				

۳ - باسه نورمانلرک نعرصہ بلاندرہ کی اساسات شوردر :

جمعا بش پیادہ فرقہ لی ایکی قول اردو و بر مستقل سواری فرقہ . سندن عبارت براقیلان ایکنجی اردو، ایلک کونلر دہ دشمنک جہادہ سندھ کی اوچنچی و ایکنجی قول اردو لریلہ برنجی قول اردو سنک آفیون شرقندہ کی ایکی فرقہ سنی تثبیت ایدہ جک و آفیون - اسمکیشہر مواصلہ سنی کسہ جک .

برنجی اردو کریسنہ کتیریلن اوچ فرقہ لی ایکنجی قول اردو دہ بدایتدہ هر احتمالہ قارشو احتیاط اولہرق بولونہ جق و ایجابنہہ برنجی اردو بی تقویہ ایدہ جک .

بر فرقہ و بعض مستقل طاہورلردن مرکب قوجہ ایلی غروبمز،

جبهه‌سندہ کی دشمنی تثبیت ایدہ جک و مرمرہ مواصلہ سی اوزرینہ تأثیر  
یا پہلہ جق .

دکڑلی و سرای کوی منطقہ لرندہ طوپلانان بر فرقہ سواری و بر  
آلای قدر پیادہ دن مرکب بر غروپدہ بدایتہ دشمنی اغفال و نشیب  
ایتدکن سوکرہ عشاق استقامت عمومیہ سندہ دشمن کریلرندہ تخریبات  
یا پہلہ جق .

برنجی اردو مزده آفیوندن طوقلی سیوریسنہ قدر اولان منطقہ دن  
طقوز فرقہ ایله تعرض حقیقی بی یا پہلہ جق .

سواری قول اردوسی، آخور طاغلرندن دشمن کریلرینہ آقارق  
مواصلہ و مخبراتی قطع ایدہ جک و محاربه ساحہ سنہ دشمن آرقہ سندن  
مؤثر اولہ جق ایدی .

منتظم برپلانہ و مختلف و جہہ دن باشلایان اشبو احضارات داها  
۳۳۸ سنہ سی ایلمک بہارندہ امکان نسبتندہ کافی درجہ یہ واصل اولمشدی .  
آنحق بوسرہ لردہ دول مؤتلفہ نک یکی بر محاربه یہ میدان بر اقادن مملکت مزی  
یونان دیلرہ تخلیہ ایتدیرہ جکری حقندہ کی تمایلاتی اوزرینہ ذاتاً لزوم سز  
یرہ قان دوکمدن متوقی و متنفز اولان حکومت قوت اعتباریلہ حاضر  
اولدینگی خالدہ بوسیاسی تشبہی ده تجربہ ایتکی موافق کورمش و حرکات  
تعرضیہ بی بونک نتیجہ سنہ انتظاراً تاخیر ایتمشدی . حتی حکومت دها  
زیادہ حسن نیت کوسترہ رک اوزمان داخلہ و کیلی اولان فتیحی بکی  
دول ائتلافیہ رجال سیاسیہ سیلہ کوزوشمک و ایجاب ایدرسہ میثاق ملی  
دائرہ سندہ صلح اساسلرینی حاضر لاق اوزرہ لوندریہ کوندرمشدی .  
فقط آرہ دن کچن نتیجہ سز انتظار دورہ سی دول مؤتلفہ نک صلحک  
تامینی خصوصندہ کی آرزولرینک صمیمیتدن نہ قدر عاری اولدینگی

بردها آکلاتمش و بالخاصه فتحی بکک لوندرده صورت قبولی متعاقباً، لونیجورجک پارلمنتو کرسیسندن حقمزده غیظ و عداوتله طولی لطقی، آمال ملیه مزک آنجق سلاح قوتیله استحصال ایدیله بیله جکی حقهده کی قناعت اصلیه مزی تأیید ایله مش اولدیغندن باش قوماندان، تأخیرایدیلن فقط احضاراتی هر کون بر قدمه داها ایبری وارن تعرض حرکتی اجرایه قرار ویردی .

[ نه تحفدر ؛ اوکون چوق قدرتلی بر قوته صاحب اولان تورکملتی بو درجه درین بر حسن نیتله حرکت ایدرکن آوروپالیر بزی عجز ایچنده قیورانان مرحمت و صلح دیله ن زوالیلرطن ایدرک استخفاف و استئقال ایتدیلر و حتی بو صروده یونانلیلرده یکی ترتیب ایتدکاری پلانله استانبولی بالفعل اشغال و بوطاتلی و ظنلرنجه اوجوز میرانه قونمق ایسته دیلر . فقط ؛ چوق کچمه دن آفیون داغلرنده بر طوفان قوپدی و هر شیئی بر رؤیایه قلب ایتدی کیتدی ] .

مع مافیله بوسیاسی مکالمات ، بالخاصه اردونک احضارنده بزه وقت قازاندرمق اعتباریله نافع اولدیغی کبی قوه حربه مزدن زیاده آوروپانک شفقت و لطفنه عرض افتقار کبی بر فکر ویرمسیده مقصد مزی کندیلکسندن کیزله مک صورتیله مهم بر نتیجه دخی ویرمش اولدی .

آغستوس بدایتنده جههده کی فعالیت دهازیاده آرتدی . عصمت پاشا حضر تلرینک ویردکاری امر اوزرینه قطعات قوماندانلری ، ارکان حربیه لری و طوپجی قوماندانلری تعرض ایده جکلری منطقه لری کزله مک موضعلرینی و هدفلرینی تدقیق ایتدیلر . ۱۳ آغستوسدن اعتباراً

قول اردو وفرقه لر تحشده منطقه لر بنه يوللانديلر و ۲۵ آغستوس آقشامى هر كس امر ايديلن يرده حاضر بولوندى .

تكميل بو حرکات كيجه اجرا ايديليور و قطعات كوندوز حال سكونته كچهره دشمن نظرندن غائب اوليور واستراحت ايديليوردي . تعرض منطقه سنده عيني زمانده (۵۰) قدرى بويوك چاپلى اولق اوزره (۲۰۰) يى متجاوز طوپ تعبيه ايدلمشدى . بو منطقه ده يول و موضع احضارى كچي بعض فعاليت دشمنك نظر دقتنى جلب ايتمه مك ايچون عيني طرزده جهه نك ديكر طرفلر نده ده فعاليت كوستريليوردي .

آغستوس اواسطنده باش قوماندن وفوزى باشلر آتقردن آقشهره كيده رك عصمت پاشا ايله برلشديلر . بوراده احضاراتك درجه سى كوروشولدى . ايلك حركتك آنكشافندن صوكره متعاقب صفحتك آلاجنى محتمل ، مختلف اشكاله كوره پلانلر ترتيب ايدلدى . ونتيجه ده مصطفى كمال پاشا حضر تلىرى ، غرب جهه سى قوماندانلى قرار كاهنده عصمت پاشانك تاريخى او طه سنده ، تعرضك ۲۶ آغستوس كونى يايلاماسنى امر ايتديلر .

[ غازى مصطفى كمال ، او بيوك مبدع ؛ بو امر يله ملتك استقبالى اوزرنده كى دو كومى چوزييور ، كابوس بلو طلرني داغيتيوردي . او كيجه باش قوماندانك معنوى بريوكك تضيقنه مقاومت ايتمك ايستركي كورونن اوموزلرينك ، بو امرى ويردكدن صوكره يوكسليديكى حس ايديليوردي . ايشته اردويي قورولمش بر ياي كچي فيلاتان ، تاريخ مليمزده ( ۲۶ / آغستوس / ۳۳۸ كونى ) ياشاتان ونهايت بوكونكى حر ومستقل توركيه يي ياراتان بو اشارت اولدى ] .

اوصره ده بويوك ملت مجلسنده مخالفت ايجه تبارز ايتمه ك باشلا .

مشدی . اردونك و حكومتك قطعی برشی با پامایا جغنی ، دشمنلرك چوق قوتلی اولدیغی ، اردویه ویریله جك مقدارك اعظامسی تخصیص ایدلدیکی دهافضله برشی ویریله میه جکی ، بناءً علیه سهور احکامیمی قبول ایدیله جك نه یا پیله جقسه یا پیلسون بو مجالیه بر نهایت ویرلسون دی یه بعض پره پاغادالر یا پیل بیوردی . بو ضعیف روحلی انسانلر ، مملکتی ایچندن ییقه رق صانکه بو گونه قدر پایلان فداکارلقلرك محصولی ادراك ایتدیرمه مک ایسته یورلردی .

حالبوکه او صرعه اردو عرض ایتدیکم وظیفه یه امنیتله حاضر لانیوردی . بالطبع بتون سرفوقیتی محرمیتنده اولان بو حاضرلق چوق قیصقا نجلقله اداره ایدلک ایجاب ایدیوردی . مصطفی کمال پاشا مدافعه ملیه وکیلی اولان کاظم وفوزی پاشالریله صباحلره قدر ارکان حربیه عمومیه ده طویلانه رق متمادیا ترتیبات و احضاراتله مشغول اولیورلردی . عصمت پاشاده جبهه ده عینی صورته دیدینیوردی . طبیعی کونلر کچدکجه مختلف صفحات کویستره رك شدتلرین بو مخالفت سکوتله قارشولانیوردی . او قدرکه بالعکس تکمیل بو حاضر لقلردشمنك خبر آلنان یقین بر تعرضی قارشولامق مقصدینه معطوف کویستریلیوردی . تعرضدن بر هفته اول آناطولینك هر طرفله مخابره و مواصله سی قطع اولوندی . خودکام دشمنلر بونی آناطولیده اختلال چیقدیغنه حکم ایدره رك برطاقم کاذب خبرلر اشاعه ایدیورلردی . بالطبع رولمزده چوق کوزل موفق اولیوروسوینیوردق . آرتق کریلر ده یا پیله جق ایش قلاماشدی . غرته لرك ، آژانسلرك چاك قیاده جای ضیافتی ویرمکه مشغول بولوندیغنی اشاعه ایتدکلی غازی حضر تلی ، ۲۴ / آغستوسده عصمت وفوزی پاشالره برابر آقشهردن شهود قصبه یه حرکت ایتدیلر و ۲۵ / صباحی بورادن

قوجه تپه جوارنده کی چادرلی اردوکاهه نقل ایدرک تمامیه خط حربه کیرمش اولدیله .

۲۵ / صباحی فوزی پاشا تعرض ساحه سنی تکرار دولاشدی .  
 قطعانک ترتیباتی تدقیق، طوپیچی و پیاده غروبلری ایچون بعض تعدیلات امر ایتدیله . وعروبوه دوغری اردوکاهه کلهرک جهه ده کی ترتیبات حقنده باش قوماندان پاشایه ایضاحات ویردیله . و آرتق  $\frac{۲۰}{۲۶}$  کیجه سی مصطلی کمال ، قوزی ، عصمت پاشالر ماده یاپیلمه سی لازمکن هر شیء یاپاراق ، بیتیرهک تام بر اطمئنان و ایمانله چادرلرینک اوکنه قوردقلری بسیط بر پورناتیف ماصه اطرافنده ملتک مقدراتیه قارشی قارشی به بولونیورلردی . او کیجه برنجی اردو قرار کلهی قوجه تپه نکیقیننده وایکنجی اردو قرار کلهی ده آفیون شمال شرقیسنده کی شانجانه داغنده ایدی . یارین صباح هر طرفده ویریلن پلان دائره سنده تعرض باشلايه جقدی . کیجه یاریسنه دوغری بتون قطعاتدن، وظیفه لرینه و حاضر- لقلرینه دائر راپورلر طوپلایوردق .

#### ۴ - ۲۶ کونی تعرضک اهراسی .

۲۶ / اغستوس صباحی ساعت اوچده حیوانلرله اردوکاهدن قوجه تپه ترصداهنه یوللاندیغمز زمان هر کسک قلبنده قدسی بر هیجان واردی . قوجه تپه ده خفیف صباح سیسلری آراسنده دشمنه پک یاقین بر عاقبتی افاده ایدن عظمتلی بر وارلق کورونیوردی .

فجرله باشلایان و بریحق ساعت دوام ایدن تحریب و امحا آتشنندن سوکره قطعانک هجوم دالغهلری کورونمکه باشلادی . کونلردنبری پک ماهرانه اجرا ایدیلن تحشدمنزی آکلایامایان دشمن ، آنجق ۲۶ / صباحی

طوپلریمیزك بی آمان آتشیله اویاندیغی وقت بیوک برحقیقت ایله قارشیللا-  
شیوردی .

۲۶ / آغستوس کونی ؛ تورکک ملی مجاهده سنده حیات واستقلالانی  
قازانديران و اوزون ، مضطرب سنه لرك هیجانلرینی طاشیران ، اوکا  
فلاح یولنی آچان ظفر کونیدر .

غرب جبهه مزده بو کون باشلایان طوپ و تفنک سسیرلی ، بو  
کون پارلایان تورک سونکوسی ، آمانسوز بر وضع خریصانه ایله  
آناطولینک باغرنده یشامغه یلته ن وحشی دشمنک ، تا آق دکز صورلنده  
بوغولمسنی انتاج ایتشدر .

جهان تاریخنده ، جهان عسکر لکنده ، عزم و قدرتک ، وطن پرور لکک  
درین مفهومی بر کره دهادنیایه حایقیران تورک ، نامرد دشمنه یا کاش  
آدیمنک جزاسنی بو کون ویرمهک باشلادی .

سنه لدنبری صامت و محزون دوران آفیون داغلی ملتک کین  
و انتقام ولوله سیله بو کون ایکله دی .

غرب جبهه سنده خصمی دیشلریله بوغمق ایسته یین بیوک اردو ،  
اوزانان بتون جبهده مادیاتدن تماماً تجرد ایتمش ، بر روح مقدس  
شکلنده بو کون فوران ایتدی . و تکمیل بر جهان خصوصتی نه زدن  
مشیت غالبانه سنک ایلك آدیمنی بو کون آتدی . او کون قوجه تپه دن  
قطعاته ایجاب ایدن امرلری ویره رک وضعیته هر دقیقه حاکم اولان  
مصطفی کمال ، عصمت و فوزی پاشالر ملتنه قارشى وظیفه سنی یایمقدن  
متولد درین بر وجد ایچنده ایدیلر .

خلاصه : ۲۶ آغستوس صباحی آفیون منطقه سی کونشدن اول

طوپچیلمزك انفلاق لریه صباحی یاپیور، تورك علمنده یکی برهماقوریلیور  
ویکی براق آچیلیوردی .

تعرض باشلادیغی زمان [ بوکون ۲۶ آغستوس ۳۳۸ ساعت  
اوندن اعتباراً تکمیل جبهده آرضه باشلامشدر موفقیات الهدندر. ]  
دییه مجلسه ، وکالتله و دیگر جبههله قوجه تپه دن تلغراف و برلدی  
و مخبره و مواصله ممنوعیتی رفع ایدلدی .

طوپچی آتشمز بالخاصه [ قلعه جک سیوریسی - بلن تپه - طناس  
تپه ] خطی اوزرنده تکشیف ایدلمشدی . بوکون بوجبهده یعنی آفیون  
جنوبندن چکیل تپه یه قدر اولان منطقهده ۴ و ۱ نجی فرقه لریله احتیاط  
قول اروسنه منسوب ۱۳ و ۷ نجی فرقه لردن برر آلايله آفیون  
شرقنده کی فرقه نك احتیاطندن بر آلائی و بر مستقل آلائی که جمعاً اوچ  
بجق فرقه لوق بردشمن قوتی موجود بولونویوردی . بوکونکی طوپچی  
سوق و اداره مزجداً شایان افتخار بر مکملیتده ایدی . تاثیر او قدر  
آنی و مخرب اولمشدرکه کیجه دن ایبروله یین قطعاً تمز طوپچی آتشی  
اثناسنده دشمن مواضعنه ایجه یا قلاشمش و آچیلن کدکلردن بلا مشکلات  
و جوق آز تلفاتله دشمن سپرلینه کیرمه که موفق اولمشلردر .

بوکون آقشامه قدر آفیون جنوبنده کی بعض مواقع و ۱۳۱۰  
راقلی ارکن تپه سی ، چکیل تپه و طوقلی سیوریسی مستثنائ اولوق اوزره  
دیگر مواضع کاملاً له کچمشدی . دشمن غائب ایتدیکی مواضع  
استرداد ایچون کیجه یاریسنه قدر مقابل تعرضلر یاپدی . بالخاصه  
طناس تپه یه چوق اهمیت ویریوردی . بورایه باپدیغی متعدد تعرضلر  
یاندن بلن تپه دن یکریمی اوچنجی فرقه مزك تاثیر و جبهه دن اون بشنجی  
فرقه و تقویه اولارق ویریلن اوچنجی قفقاس فرقه مزك فداکارلغی



سایه‌سندہ عقیم براقدر ایشدر . سواری قول اردو مز بوکوندن دشمن کریبرینه دوشه‌رک از میر ارتباطنی قطع ایش و دشمنی آرقه‌سندن اورمغه باشلامشدی . دیگر جبهه‌لرده کی قطعات دشمنی شدتلی تعرضلرله مشغول ایدیورلردی .

ایکنجی اردو منطقه‌سندہ کی مرتب سواری فرقه‌مزدہ بوکوندن دوکر استقامتندہ حرکتمله دشمنک اسکیشهر - آفیون ارتباطنی قطع یتشدی .

۲۷ آغستوسده تکمیل جبهه‌ده ینه تعرض باشلادی . بوکون اوکله دن سوکره ساعت ایکی‌یه قدر دشمن مواضعنک هیئت عمومی‌سی ضبط ایلدی . و دشمن سنجانلی اووه‌سنه آیلدی . شدتله تعقیب ایدن قطعاً تمز دشمنک بو اووه شمالنده کی صرتلرده طوتونمه‌سنه محل براقایاجق برسرعتله تعقیبه کچدیله و ایکندیدن سوکره سکزنجی فرقه‌مز آفیونی ضبط اییدی .

بومظفریت سروری ایچنده عینی زمانده هرکسی مضطرب ایدن برحادثه اولمشدر . جبهه‌ده کی قطعات کاملاً هدفلرنی اللرینه کچیردیکی خالدہ چکیل تپه‌یه تعرض ایدن الی یدنجی فرقه‌فائق دشمن قارشوسنده هنوز اوغراشیوردی . بونی عزتہ نفس مسئله‌سی‌باپان فرقه قوماندانی میرآلای ، شاد بک روولوریلہ انتحار اییدی . فقط او بوسورتله اکیال حیات اییدیکی دقیقه‌لرده ایدی که فرقه‌سی‌ده تپه‌یی ضبط ایش و حصمنی اوکنه قاتمش بولونیوردی . بو حادثه تورک اولادینک بو حربه‌نه کی عالی برحس فداکاری و رقابت‌ایله حرکت اییدیکنی کوسترر . بو ایکی تعرض قول اردوسنی سوق و اداره ایدنلر کمال‌الدین سامی و عزالدین باشالرایدی .

۲۸ آغستوسده دشمنک دوکر شرقی و آفیون اووه‌سی شمالنده کی

صرتلر - طوقلی سیوریسی خطنده مقاومتی وبوسایهده شمال ویا غربه چکیلیمه سنی تأمین احتمالنه قارشی اردولره بوکا مانع اولاجق شکلده حرکت ایچون کیجه دن أمر ویرلدی . بوراده برنجی اردو دهها زیاده شماله توجه ایتمش وبوصورتله ایبروله یوردی ، حالبوکه دشمنک بتون غایه سی غربه دوغری چکلمکده وقوتلرینی قورتاروب از میر استقامت عمومیه سنده طوپلایه رق یکی مقاومت امکانی حاضر لامقدی . بونی در حال آکلایان باش قوماندانلق و غرب جهه سی قوماندانلی برنجی اردویه مداخله ایدهرک قطعانک دشمنک قورتولمه سنه امکان ویرمیه جک شکلده غربه دوغری حرکتی تأمین ایتدی وبوسایهده ۳۰ آغستوس ده دوملی پیکارده باش قوماندان میدان محاربه سی ظفری تحت امکانه آلمش اولدی .

۲۸ ده مرتب سواری فرقه سی دوکر و آلتون طاشی ضبط ایدهرک ایبروله دی . ایکنجی اردونک آفیون شرفندن تعرض ایدهن اوچ فرقه لی آلتنجی قول اردوسی یورویه رک قازلی کول - احسانیه خطنه کلدی .

برنجی اردو منطقه سنده ؛ ایکنجی قول اردو ، عربلی چیفتلیکی استقامتده حرکته تصادف ایتدی کی اون ایکنجی دشمن فرقه سی تعرضله شماله آتدی . برنجی قول اردو یکریمی اوچ و اوچنجی فرقه لرلیله علی الصباح بالمحمود جوارلرنده یقالادینی ایکی دشمن فرقه سنه تعرضله قسماً مالزمه سنی ترک ایتدیره رک پریشان صورتده کذا شماله آتدی و دشمنک غربه فرارینی منع ایچون بوایکی فرقه منر بالآخره دوملی پیکار استقامتنه توجه ایتدی . دوز آغاج شمالندن باقر جق صرتلرینه تعرض ایدهرک آغجه شهردن بو استقامته چکیلن دشمن قوتلرینی شماله

سوردی. برنجی قول اردونك ديكر قرقه لری صوله قدمه لی ایلر وله یورلردی. دردنجی قول اردومزده برنجی قول اردونك صاغدن اوغلان مزاری، آیوالی قاری چفتلكی استقامتلرنده تعرض ایدرهك دشمنك غربه چكلمك ایسته بن دیگر اقسامنی اوکلا یور وشماله دوغرو آتیوردی. سواری قول اردومز، دشمن کریلرنده دهشتلر حصوله کتیریور و تصادف ایتمدیکی دشمن قوللرنی قیلجلا یوردی.

۲۹ آغستوس، ینه یو صورتله شدید محاربه لر اولمش واردومز بنون غیرتیه دشمنك رجعتنه محل ویرمیه جك و یقالایوب احما ایدرهك تدبیرلر آلمشدی. بو کون آرتق اسکیشهر منطقه سنده کی اوچ فرقه لک دشمن غروبی ده رجعته باشلامش و اوچنجی قول اردو دو کر - کوتاهیه استقامتنده بودشمنك یان و کریلرینه دوشه رك تعرضه مأمور ایدلمش و مرتب سواری فرقه سیله مجلس محافظ طابوری ده بو استقامته توجیه ایدلمشدی.

بو کون اون درت واللی بدنچی فرقه لرده کریلردن تعرض ایدرهك ایکی تضییق آره سنده قالان دشمن، طوقلی سور یسندن ده رجعت ایتمش و بو صورتله بوراده المزه کچمشدی.

۲۹ آقشامی دشمنك ۹، ۱۳، ۱۲، ۵، ۴، بدنچی فرقه لردن مرکب ایکی قول اردوسی کاملاً قوتلریمز طرفندن یقالانمش بولونیوردی. ۳۰ آغستوسده هر طرفدن بو دشمنه تعرض ایدلرهك احاسنه قرار ویرلدی. و کیجه کچ وقته قدر آفیونده بو ترتیباتک ا کالیله مشغول اولندی. ایرتسی کون عصمت پاشا حضر تلری مرمره دن آق دکزه قدر دوام ایدن بتون جهه ده کی حرکات عمومیه یی اداره ایتمک اوزره آفیونده قالمق، باش قوماندان حضر تلری محاربه نك شدتله دوام ایدره کی

برنجی اردو منطقه سنه کیره رك محاربه بی اداره ایتمك و فوزی پاشاده او کون تلسزی ایشله مدیکندن امر آلامایان ایکنجی اردو ایله سواری قول اردوسنك ترتیباتی ایچون اورایه کیتمك قراری ویرلدی و کیجه یاریسندن سوکره یاتیلهرق بر ایکی ساعت او یقودن سوکره کون دوغارکن بو صورتله حرکت ایدلدی .

۳۰ آغستوس صباحی بو دشمن قوتی اك بویوك قوماندانلریله تکمیل وسائط و مالزمه سیله، تعرضمزدن اول آفیونده ویردکاری بالو دعوتیلیرلیه چال کونی منطقه سنه طوپلانمشدی . باش قوماندانك امر ونظارتی آلتنده برنجی اردو قطعاتی جنوب و غرب جنوبییدن احما چنبرینك جنوب قوسنی قورارکن فوزی پاشانك ویردیکی تعلیماتله ده ایکنجی اردو ودها غربدن سواری قول اردوسی بو چنبرك شمال قوسنی ا کمال ایتدی .

او صباح ایکنجی اردویه کیدرکن تعقیب ایتدی کمز یول سواری قول اردومزك اوچ کوندر آقینلر یاپدینی و متمادی قیلیج ضربه لری آلتنده قالان دشمنك غربه دوغری فراره صاواشیرکن عینی زمانده عقورانه بر صورتده یاقدینی و تخریب ایتدیکی ساحه دن کچوردی . اورته لرندن کچدی کمز یوزلرجه او طوموبیل انقازی ، دشمن جسدلری وسائر متروکات هزیمت ، اوز تورك یوردنده ذلیل و وحشی دشمنك براقدینی بوتازه خرابه لرك ویردیکی تأثری تعدیله کفایت ایتمه یوردی . باش قوماندان میدان محاربه سنی اجراه مأمور قطعاتدن آلتنجی قول اردو بری احتیاطده اولق اوزره اوچ فرقه ایله چال دره سی شالندن، دردنجی قول اردو شرقدن غربه دوغرو ۱۲ ، ۱۱ ، ۵ ، ۲۳ و اوچنجی فرقه لریله چال کوی ایله آغاج کوی آره سندن حرکت

کچمش و سواری قول اردوسی سیرانجق و بل اووه منطقه لردن قیزیل طاش دره سی وادی نی طیقامشدی. چوق و بوک فدا کار لقرله صعب المورور طاغلی آشهرق آغیر طوپلر مزدخی و محاربه ایچون یتشدیرلمشدی. وظیفه و فدا کارلق مسابقه سندن باشقه بر شی دوشونمه یین قطعاً تمز تام زمانده بو صورتله ترتیباتی آلمش و آغنی قورمشدی. کیجه دن باشلایان بو ترتیباتدن خبردار اولمایان دشمن ، ۳۰ آغستوس صباچی دوملی پیکار استقامتته یوللانیدینی زمان یکریمی اوچنجی و اوچنجی فرقه لرمزك قوجاغنه دوشمش و کچه میهرک تکرار مذبحه سنه دونمشدی. نزوانه دوغری بو منطقه ده باشلایان محاربه آقشامه قدر چوق شدتلی ر شکلده دوام ایتدی. هر طرفه باش ووران دشمن بو آغدن قور. تولامیه جغنی آکلایجه قراکغه قدر صوک غیرتی صرف ایتدی. ماهر بر سوق و اداره و عز مکار قوتلرک حرکت و دهشتی قارشوسنده صوک نفسی ویرنله مخصوص اختلاچلر کوستردی. کیجه نک حولندن سوکره دشمن قوماندانلری جنران تریقوپیس و دیه نس بتون مالز مه سنی وهر شیئی بورایه ترک ایدوب ارکان حربیه سنی و بر قسم بقیه السیوفنی و صاغ قالابیلن دعوتلی قادین آلایلرینی آرقه لرینه طاقوب بولدقلمی بر فرجه دن مراد داغلینه دالدیلر و بر ایکی کون بو طاغلرده بوجالا. دقدن سوکره هر شیک ختام بولدینی آکلایه رق و کوچوک بر مفرزه مزه تسلیم اوله رق عشاقه کتیرلیدلر.

۳۱ آغستوس صباچی یونان اردوسی، دول معظمه نک کندیسنه تودیع و تسلیم ایتدیکی سلاح ظفری آطه تپه منطقه سنده وهان کاملاً بر قاچ تورک نوبتچینک ید محافظه سنه ترک ایتمش و هوس استیلانی اورابه کومش بولونیوردی. بو کون مجهول عسکرک آبدۀ شهامتیه

سوسلەن اوساخە او کون ظفر سرکیسی اولمش و تاریخمزه صرب  
صندیغدن صکره برده « روم صندیغی » یازمشدی .

اثر دهاسیله بو کونه قدر دوام ایده کان سیاست عالمی اولاس  
ایتدیرن، بویوک باش قوماندانه لایق اولان بویوک اردو، سپرلرندە درین  
خولیلارە دالمش اولان دشمن اردوسنی ، ۲۶ آغستوس صباحی آجی  
بر رؤیادن او یاندر دقدن صکره ، حوشقون دکز داغعلری کی گاه  
اوکنه قاهره ، گاه آراسنه آلهرق شهید دوشهن آرقداش لرینک آراسندن  
بلافتور صیچرا یور و کچن اضطراب سنه لرینک بریکدیر دینی انتقامله  
اطرافنه آتش پوسکور دک ایلروله یوردی . طبیعی بو قهرمان اردونک  
قارشوسنده دکل یونانلیره ، هر دشمنه بو آلم عاقبت مقدردی .

او کون ، نظرلرندە بوتون منک اراده سنی ارئه ایدن ، اصیل  
شخصیتندە تکمیل منک هیبتنی تمثیل ایدن غاری مصطفی کمال ، اون برنجی  
فرقه نک ایچنده وایلری خطرلده آتش آلتندە محاربه یی بالذات سوق  
واداره ایتشدی . اونک قدسیت و یردیکی تپدن تماشا ایتدیکی اولوحه  
ظفر ، ملتی نامنه روحنده بریکن کینی تسکین ایده یور و انتقامی  
فیرلایوب یالکمز کندی دیشلریله دشمنی ازدرک آلمق ایسته یوردی ،  
میدان محاربه دن یانسویه دوغرو دومی پیکار کوینه کیدلدی و ۱ ایلوله  
قدر اوراده قالیندی .

۵ — باسه فرمانبرانک ۱ ایلومده درملی بیظردنه اردوبه وملمه

بازدبغی باناملر :

— تورکیا بویوک ملت مجلسی اردولری —

آفیون قره حصاری - دومی پیکار بویوک میدان محاربه سنده ظالم

و مغرور اردونك عناصر اصلیه سنی اینانیلما یا جق قدر آزر بر مانده امحا  
 ایدرک بویوک ونجیب ملتزمك فدا کارلقلرینه لایق اولدیغ کیزی اثبات  
 ایدیورسکیز . صاحبی اولان بوتورک ماتى استقبالندن أمين اولمغه  
 حقلیدر . محاربه میداننده کی مهارت وفدا کارلقلر یکیزی ، یاقیندن مشاهده  
 ونعقیب ایدیورم . ملتزمك حقمزد کی تقیرانته دلالت ایتمک وظیفه می  
 متوالیاً ومتادياً ایفا ایدر حکم . باش قوماندانلغه تکلیفاته بولونیلما سنی  
 جبهه قوماندانلغه امر ایتم . بتون ارقداشلریمک آناطوایده ده باشقه  
 میدان محاربلری ویریله چکنی نظر دقت ، آلهرق ایلروله مه سنی وهرکسک  
 قوای عقلیه سنی ، منابع جلادت وحیتمی مسابقه ایله ابدانه دوام ایله مه سنی  
 رجا ایدرم . ایلك هر فکر آق دکزدر ایلری !

### — بویوک واصلیل تورک ملتی —

غرب جبهه سنده ۲۶ / آغستوس / ۳۸ دنبرو باشلایان حرکات  
 تعرضیه منز آفیون قره حصارى آلتون طاش ، طوملی پیکار آره سنده  
 بویوک بر میدان محاربه سی حالنده بش کون ، بش کیجه دوام ایتدی .  
 تورکیا بویوک ملت مجلسی اردولرینک شجاعت ، شدت وسرعتی توفیقات  
 سبحانییه وسیله تجلی اولدی . ظالم و مغرور دشمن اردوسنک عناصر  
 اصلیه سی عقلماره دهشت ویره چک قطعیته امحا ایلدی . تشکیلات  
 وتجهیزاتی کبی عنعنات ومظفریاتی واسمی منحصر املتکم شعورندن ،  
 ارلی وابدی ایمانندن وجود بولان اردولرمزی فدا کارلقلره لایق  
 اولهرق سزه تقدیم ایدیورم .

اک بویوک قوماندانندن اک کنج نفرینه قدر اردولرمزده حاکم

اولان فکەر ، ملتک کوستردیکی وظیفه اوغورنده شهید اولمقدر . بونی محاربه میدانده یاقیندن مشاهد، ایدرک بویوک ماتمه خبروریریورم . ملتمزک بنیه سنده کی قدرت ومفکورینی اوچ بچق سنه ازل رفقای مساعیم ایله افاده ایتمکدن باشلایهرق تحملسوز مشکلات ایچنده دوام ایدن مجاهداتمزک نتایجی تظاھر ایدیور . ملتک رأی واراده سنه استناد ایدن هرایشک نتیجه سی ملت ایچون خیروسلامت اولدینی ثابتدر . ملتمزک استقبالی امیندر ونصرت موعوده یی اردولرمزک استحصال ایتمی محققدر .

تورکیا بویوک ملت مجسی رئیس  
باش قوماندان  
مصطفی کمال

اوکیجه ایرنسی کونی دوملی پیکار پک مهیب بر باش قوماندان قرارکاهی ایدی . برطرفده مغرورانه یاتان عزیز مجروحلرمز ، دیگر طرفدن اسرا غروپلری ، فضیلتی بردشمن کی دکل یاپدق لرندن اوتانان خونخوار چته رئیس لری گی طوران تترک قوماندان وضابطان قافله لری وآفیون تعرضندن اول ترتیب ایتدکلری بالوبه دعوت ایدیلان قادین آلایلریله دولمشدی .

بوکونه قدر جریان ایدن محاربات تبلیغ رسمیلر مزده اهمیت سز حادثات حالنده کوستریلیوردی ، بوندن مقصد ؛ ائتلاف دوللرینک تهاکینی ایلک آندن کورهرک تدبیر آلمه لرینه میدان ویرمه مکدی . اساساً یونان باش قوماندانلغی ده وفلا کتله رغماً کندی تبلیغ رسمیلرنده حادثه یی ماهیت اصلیه سندن ده ا بسیط کوستره رک هم ملتی وهم حامیلرینی آلداتمقده دوام ایدیوردی .



بو محاربه‌یه ، بالذات باش قوماندان طرفندن اداره ایدلایکنندن  
 [اردولرمز ایچون برخاطره تاریخیه اولمق ، باش قوماندانمزه مربوطیت  
 ولایتزل اعتمادمزه یکی بر دلیل تشکیل ایتمک اوزره « باش قوماندان  
 میدان محاربه‌سی » نامی ویرلمسنی عرض و تکلیف ایدرم] دی‌یه عصمت  
 پاشانک غرب جبهه‌سی اردولری نامنه واقع اولان تکلیفی اوزرینه باش  
 قوماندان میدان محاربه‌سی نامی ویرلمشدر .

محترم خانملر ، افندیلر :

ملتلك حیات و خاطرهلرنده کندیلرینی استقبالیوللرنده یوروتتمک  
 ایچون قوت و ایمان منشائی ، جرأت و وحدت قایناغی اولان مقدس  
 حادثات و انسال آتیه‌سنه سرعت و استقامت ویره‌جک قیمتی وقوعات  
 واردر . ۳۰ آغستوسده تورک ایچون اودر .

ماملی ، آجی ، ظلم و محنت کیجهلرندن صکره ایریشیلن بو شانلی  
 و پارلاق ظفر صباحی ، تاریحک سیرینی دیکشیدیرن ، تورک عصرلردن  
 بری دوام ایدن طالع معکوسنی کومهن ، بتون دشمنلغی بیقار ،  
 اوکا فلاح و نجات یولنی آچان بر صباحدر .

تورک ملتی بوسباحه ؛ عزیزبوردرک هر طرفی دشمن اردودونماسیله  
 صارلدینی ، بو کونکی حر و مسعود وطنک یارچه لانه‌رق پونتوس ،  
 ارمنستان ، کردستان کی یکی حکومتلره وجود ویرلمک ایستندیکی ،  
 بالعموم یشایش و سائطی آندن آنندیگی ، عصرلرجه الله کی طایدینی  
 سلطنت و اتباعنک جامورلره قدر آلچه لارق دشمنلره برابر کندبسنه  
 خیانت ایتدیگی ، اوایکلرکن سلطانلرک و شهزادهلرک استلاف ضابطاننک  
 آغوش خطوظنه دوشدیکی قلاکت کونلرنده ایریشیوردی .  
 تورک ملتی بو صباحه ؛ بتون آفریقایی فرمان حکمنه اکن ،

هند ساحل رندن ویا نه قپولری اوکننده کی ساحه ده عصر لره وجود ویره ن  
 خاطر مار طاشیدان ، روسیه بی چیکنه یرک ویستوله واران ، معظم  
 سواری آقینریله هس ایچرولرینه دهشت ویره ن ، مغرور قرالری  
 اوکنده کهرک ، انظام قوتلری یکرک وبعضاً بر عصری تامیله کندینه  
 منحصر قیلهرق بردستن عظمت وجوده کتیره ن ، خلاصه ظفرا کلیلریله ،  
 جهانشوم بر شهرت و قدرته حکمران اولان وارلغنک سه وراعدا منامه سیله  
 کومولک ایستندیکی کونک فرداسنده ایریوردی .

بیلیورزکه ؛ عصر لر دنبری ملتک ووطنک حیات و قابلیت کندیلرینک  
 ذوق و سفاهتلی و انتریقهرلی اوغرنده هدرایدن سلطنت ادارد سنک عمرینی  
 قاپایان دار کور کولی و چوق حریص رحکومت زمره سنک ویردیکی قرارله  
 خرب عمومی به سور و کابن ملت ، آشکار برسوه ادارد اهلک آجی سنه لر  
 کچیردکن و خلیلر آرقه سنده سور و کاندن صکره ، غلویت شائبه سیله  
 باش باشه و بر عالم خیانت و وحشته قارشی قارشی به بر اقلمشدی . عینی  
 زمانده هیچ بر صنعی اولمدیغی حالده کندینه و عزیز وطنی دشمنلرک  
 تصواتنه ترک ایدهرک صا ووشانلرک حساب سیاتی تمیزلکه محکوم طوتولمش  
 ویرسیل استیلا و احبابه معروض قیلنمشدی .

جهان تاریخنک هر صفحه سنده مهم بریر اشغال ایدر بو مرد  
 وقهرمان ملته مقدر اولان عاقبت ، بو بقیه سیاهی ایدی ؟ . فقط چوق  
 کچه دی ؛ طیشندن ، ایچندن و باشندن خیانته اوغرایان آصیل تورک  
 بوتله کلر قارشوسنه مردانه دیکیلدی و کور برسوله درت سنه صکره  
 ۲۶ آغوستوس صباحی ایلک و صوک سوزینی قوجه تپه دن حایقیردی  
 ۳۰ آغوستوس کونی آنادولینک کوبکننده بر (فامه) باپهرق حریت  
 واستقلال تاجنی کیدی .

تاریخ میلاد عیسیدن ۲۱۶ سنه اول آیدالک اردوسی ایتالیاده  
 (آپولی) اووه سنه (اوفیدوس) نهرینک صول طرفده ومنبعی  
 یقینده کأن قان شهری جوارنده [۵۰,۰۰۰] کشیلک قوتله حاضر.  
 لامشدی. قارشیدنه (نهر نیتوس بارون) ک امرنده کی [۷۹,۰۰۰]  
 کشیلک روما اردوسی واردی. آیدبال تام براحاطه ایچنه آلدینی روما  
 اردوسی شدتلی برهجومله صیقه شدیدی. امدادسز واولومی بکلر برحاله  
 کلن روما اردوسی بو داراجق برده حصوله کان مذبحده محو ایتدی.  
 وبوحادثه تاریخه (قان) دیه کچدی. اوکوندنبری صنعتک اساس طوتدینی  
 وبتون بیوک قوماندانلرک غایه ایدمه لرینه رغماً اکثریا خیالدن ایلری  
 کچیره مدکاری بومعظم اثر صنعتی عصر لر صکره تورک اردوسی واونک  
 قادر عزمکارباش قوماندانی طوملی پیکارده ده بارلاق بر شکلده بر  
 حقیقه انقلاب ایتدی.

آنادولی قانی، بیوک اردولرک سوق واداره سنی و بو اردولرک  
 محاربات قطعیه دوغری نصل توجیه اولنه جغنی و بو محاربه قطعیه نک  
 خصمک بسبتون احساسی ایله نصل نتیجه بوله جغنی اوکره تن حقیقتلری  
 وصنعت اینجه لیکلرینی احتوا ایدن ر اژدر. بناء علیه بوکون هر صباح  
 لاقیدانه تقویم دن قوپاروب آتدیغمز بر کون دکل، ملتک روحنده  
 یشایه جق اولان و خاطره سنک قدر و قیمتی اوکنده اکیلیمک لازمکن  
 بیوک کوندر.

محاربه دن صکره مصطفی کمال باشا بیوک ملت مجلسنده ایراد  
 بیو دقلری نطق برنده [مسئله هر ایدامیکی زمانه کچیره مهول اتمسه  
 بول بوردی و صانکه ظلمت لیل ک نفع اولانه بومنظره بی انتظار برانده

صافلامون ایچونه شتاب ابر یوردی . حقیقه آرقداشلر ، بو حرب  
 جهرانی ارنسی کونی کزدیکم زمانه تأردنه منع نفسی ابدیه مرم .  
 برعسکه ایچونه ، هر هانکی برعسکه ایچونه بودضعیت موجب تأردنه .  
 فقط اللهک بوناذیرنه بونی مقرر اتممه اولسنه کوره بوراده بودضعیت  
 کیرنر عسکر دکدر . بونر هر هالده هایلدی ، قائلردی [ قائلردی ]  
 بیاناننده بولمشلردر . ینه اوکونه عائد تاریخی نطقلرنده بو حرکاتک  
 او یاندرینی دهشتی شو صورتله افاده یورمشلردر: [ باخصر ص عسکر لرمک  
 بونانه اردونک قلب و وجهاننه وردیکی دهشت هان اهیتمردر . بونانه  
 اردونک وجهاننده ، فکرنده حاصل اولانه بوضوف وضیعت بتونه  
 بونانه ملتة انتقال اتمسری . اوقدرکه آهاردنه بونانه بوناذیر نورک  
 اردوسی کلپیور ده فراره تثبت ابر یوردی . بونر آرده دکن  
 اولدیغنی ارنویوردی . فرار ابدیه مریکنده ، فرار ابدیه مریکنی  
 آکولدیغنده نجن ابر یوردی . بناء علیه بومیرانه محاربه سی حقیقه  
 دشمنر مز ایچونه حوق فراره موجب خوف وضیتمردر ] .

افندیلر ؛ باش قوماندان میدان محاربه سی بیترکن ملتة اک قوی  
 اعتماد نفس تمثالی اولان بو محاربه نک دلالت ، معنا و شعوانی شو صورتله  
 خلاصه ایتمک ایسترم :

باش قوماندان میدان محاربه سی بزه معطوف حریص امل و خیانتلری  
 بریکمش برانتمامله قیروب کچر دک بردفعه دهها تاریخه چیقاردیغنز  
 معظم برآردر . بو محاربه اولدیلمک ایستنه تورکک اثر حیاتی ، حماسه  
 وقهر مانلغنک ساحه تجلیسی ، بتون جهانه ایمان ایتدیردیکی یوکسک

وطنيپرور ليكنك تمثاليدر . باش قوماندان ميدان محاربه سي ؛ استقلال  
 مليمزه خاتمه چكمنك ايستهين ، صاحبسزظن ايتدككري وطن پارچه سنده  
 سرسريانه دولاشه رق سر كدشتلر ياراتمق ايستهين يونان اردوسنك ده  
 سقاريده ويريپن اعدام حكمنك اجرا ايدليكي - سياست ميدانيدر .  
 ملت ، مدانيه ولوزان مذاكراتنك مسعود نسايجي ، يونان اردوسنك  
 صوك نفسي وريپي او آنده اووراده قازاندي . بوكون متجلدانه بر  
 عزم ايله اتمام واكلايه چالشيدي انقلاينك اساسني اوراده چيزدي .  
 ايكي سنه اولخان استانبول حكومتي طرفندن امضا ايديلن وتوركيا نك  
 حكم اعدامي اولان سهوهر معاهده نامه سي اوراده پارچهلاندي ،  
 سلطنت و خلافت خرافه سي اوراده تكمله لندي ويريته تلي شهدا قانيه  
 يوغورولان جمهوريت اداره سي قورولدي . بناء عليه ۳۰ آغوستوس  
 براتها ايله برابتي ايفاده ايدر . ۳۰ آغوستوس يالكيز بيقان بركون  
 اولسه يدي بو قدر مهم اولمزددي . او ، هم بيقان وهم بيقان كن ماضي ايله  
 هيچ علاقه سي اولمايان اساسلرله ياپان بركوندر . ۳۰ آغوستوس اونك  
 ايچون هر ملتك تسعيد ايتديكي كونلرندن وتوركك هر كونندن بيوك  
 وممتاز بركوندر . اوكا وصلت ايچون تطبيق ايتديكمزدستورلر ، اساسلر  
 استقبالده هدفلمزه يوروركن ده مابه التطبيق اوله جق قدر قوي وصاغلام  
 وشايان اقتباسدر .

باش قوماندان ميدان محاربه سي دواء ايدر كن ( كوتاهيه - اين اوكي )  
 استقامتنه مأمور ايديلن قطعاتمز كوتاهيه وآلايوند جوارنده جنوبه  
 التحاق ايتك اوزره اسكيشهر منطقه سندن حركت ايدن ۱۵ نجى دشمن  
 فرقه سي قسم قسم يقالايه رق مغلوب ايتمش وقورتوله بيلنلري ( كدوس -  
 سياو ) استقامتنده رجته مجبور ايله شدي . قوجه ايلي قطعاتي ايسه

شمالدن روسه حواليسنده کی دشمنی تضییق و تشبیه دوام ای دیوردی .  
 برنجی قول اردومز ، قارشوسنده کی ۷، ۱ و ۲ نجی پیاده و برسواری  
 فرقه سندن مرکب دشمنی شدتلی تعرضلره زده لیه رک غربه دوغری  
 سور و کله بوردی . یونانلیلر ، بو قوتلیری جنرال فرانکو قومانداسنده  
 طویلایه رقای کوتو بر مقاومت تأمیننه چالشدیلر سده آرتق هرشی بتمشدی .  
 ۳۱ اغستوسده ، برنجی قول اردومزک شدید صولتی قارشویسنده بو  
 قوتده آرتق انحلال ایتش و پریشان صورتده غربه دوغروسورولمکه  
 باشلامشدی .

یونان قوماندانلرینک بالآخره نشر ایتدکاری خاطر اتده ۳۱  
 آغستوسده بو قوتلر ایچون دینیورکه :

[ کرک انشای رجعتده ، کرک انشای توقفده قیاقلر جوارنده  
 طویلانمش اولان قوتلرک کوستردیکی منظره رابطه سزاق ، انتظام سزاق  
 و انحلال منظره سی ایدی . ویران آمرلر آرتق انفاذ ایدلیور وضابطلر  
 تهدیدلرینی ایقاعه پک آزمتایل کورونییورلردی .

جنرال فرانکو وضعیتینی ایضاح ایچون یونان باش قوماندانلرینه  
 یازدیغی راپورده ؛ صوک کونلرک سرت مجادلهری افرادک قوه معنویه سنه  
 اودرجه اجرای تأثیر ایتدی که الیوم بو افراد حین رجعتلرنده غیر منظم  
 صورتده فرار ایدن ورتبه لیلره اطاعت ایتمین انسانلردن مرکب  
 بر خلیطیه بکزه یور . بو یوزدن اردونک قوه حربیه سی عظیم مقیاسده  
 تناقص ایتشدر . وضعیتک بو حالیه دشمنله هر دلو تماس اجرا سندن  
 اجتناب اولونمالیدر . عکس تقدیرده تمامی انحلال غیر قابل اجتنابدر ]  
 دیوردی .

ایشه تورک اردومزک صولتی قارشوسنده آنا تولید یونان اردوسی

بودرجه پریشان برحاله کلمشدی . برنجی قول اردومز ۱۴ ، ۱۵ ، ۱۶ ، ۵۷ نجی فرقه لوبله بوکون عشاقی ضبط ایتمش و قطعائی عشاق غریبه سوزمشدی .

آرتق دشمن قوای اصلیه سی محو ابدامشدی . انجق دشمنک ترا کیادن و یونانستاندن کتیره جکی و متعاقباً باندیرمه طریقیله بروسه دن نقل ایده جکی قوتلرله آفیوزن ملجمه سی فراریلریخده برلشیدیره رک از میری مدافعه ایچون از میر غریبنده طوتونمق ایسته می محتمل کورولمشدی . واقعا یونان اردوسی و قوماندا مقاماتی آرتق بو قدر تنده دکلدی . مع مافیله ائتلاف قوماندانلرینک ده مداخله سیله خصمک انک مضر حرکتی قبول ایتمک لازمدی .

بوندن سوکره اردولر مزه دوشن وظیفه ؛ دشمن انقاضی هر طرفدن بلافاصله تمقیب ایتمک و هیسج بریده طوتونمسنه میدان بر اقامق و دکره دوکوکمک مملکتی تخلیص ایتمکدی .

فی الحقیقه غرب جهه سی قطعائی بو وظیفه یی چوق موفقیتله ایضا واکمال ایتدیله . بوندن سوکره اردولر صورت عمومیه ده شو وظیفه یی آلدیله .

قوجه ایلی غروبی ؛ ضعیف اقسامیله بیله جک - یکیشهر خطنده قالاجق ، اقسام اصلیه سیله یالوه منطقه سنده طوپلانلر ق ازنیق کولبله کملیک ساحلی آره سندن بروسه استقامتنه یورویه جک .

اوجنجی قول اردو ؛ اسکی شهر جهه سنده بر اقدیغی ایکی پیاده آلائیله دشمنی جهه دن تضییق ایده جک برنجی فرقه ، مراتب سواری فرقه سی و محافظ طابورندن مرکب آقسامیله این اوکی - بروسه استقامتنده یورویه رک دشمنک شمال غروبی مغلوب ایده جک .

ایکچی اردو ؛ مراد داغی شائندن کدوس - حمیدہ خانی -  
 سینندی - آطلہ - مغنسا استقامت عمومیہ سندہ یورویہ جک .  
 برنجی اردو ؛ عشاق - آلاشہر - صالحی استقامت عمومیہ سندہ  
 یورویہ جک .

اوجنچی سواری فرقه سی و مندرس مفرزہ لری سرای کویدن شمال  
 غربیہ دوغرو کذا از میر استقامت عمومیہ سندہ حرکت ایدہ جک .  
 سواری قول اردوسی فرار ایدن دشمن انقاضی داتما اوکلیہ یرک  
 قیلچلامق، رجعت و توقفہ محل و یرمہ مک وظیفہ سنی آلمشردی .

۶ - اسیر ہزالدک عشاقہہ باسہ قوماندانہ حضور بنہ سرقی ؛  
 اردو ؛ بصورتلہ حرکتہ دوام ایتدی . ۱ ایلودہ باش قوماندانلق  
 وغرب جہہ سی قرارکھلری عشاقہہ کیرمشدی .

۲ ایلودہ یونان اردوسنک اقسام اصلیہ سنی جو کونہ قدر بی سود  
 طاشیدینی حملہ خیالیہ ، تورکک طالع معکوسنی آطہ تپہ  
 مقتلہ کومن مظفر اردولرینہ مرمرہ و آق دکزی اشارت  
 ایدن باش قوماندان ، یانان وتازہ فجاعتک اضطراباتیلہ ایکلہ بن  
 عشاقہہ قرارکھنی قورمش و اسیر ایتدیکی دشمن قوماندانلری  
 حضررندہ دیز چوکدیرمشدی . تورک شہامتی قارشیسندہ اوغرادقلری  
 فجاعتی تصدیق ایلہیہ جک تداییرفنیہیہ توسل ایدہ جک یردہ هنوز اسیر  
 اولیان ضابط و نفرلرینہ اولجہ و یردکاری تعلیمات دائرہ سندہ ایلریدہ کی  
 کوی وقصبہ لری یاقدیران ؛ خلقنی تمل عام ایتدیرن ب قوماندانلرہ ذلیل  
 بروضعتیدہ قدرت اوکنہ اکیلک ذک مراد داغلرندہ خیبت موجو .  
 دیتلرینہ ختام و یرمک کرکدی . اودقیقہدہ آلہ ولراچنبدہ واسع برخرابہ  
 حالی آلان عشاق جادہ لرندن قیزارارق کچن وجوار کویردہ بنہ یونان



اردو سنك سونكوله دكارى ويك درلو خايغه معروض بر اقدقلى كويلو  
قادينلىرى حزين وماتلى ايكيلىتلرايچنده طاشيان فاغنبىرله قارشىلاشان  
بو وحشى وخونخوار آدملى؛ عدالت الهيه، بالآخره يونانستانده تشكىل  
ايدن ديوان حربلردن اول عشاقده غازى مصطفى كالك رياست ايتدىكى  
محكمه كبرايه سوق ايله مشدى .

بزم قدر انتقامنى چابوق آلان برماتى تاريخ هنوز قيد ايمه مشدر .  
طبيعتك ، يونانلىلىرى بو قدر سريع و آغىر تجزيه ايمى جنائتلىرىنىك  
دهشتنى كوسترىر . اوكون، قول اوردولرىنىك اسير اركان حرب ريسلىرى  
غرب جبههسى اركان حربيه ريسى عاصم پاشانك حضورينه كتير يلدى .  
عاصم پاشا بونلره « سزى معاصر بر اردونك اركان حربيه ريسلىرى ديه مى  
يوقسه عادى برچته نك خونخوار بر فردى ديه مى قارشىلاييم تردده يم . »  
ديدى . ودها فضله مشغول اولغه لزوم كورميه رك حاضر لانان اولرىنه  
سوق ايتدى . قول اوردو قوماندانلىرى تريقوپيس ودييه نيس ده باش  
قوماندانك حضورينه سوق ايدل مشدى .

مصطفى كمال پاشا بونلره شو سوؤال ايله خطابه باشلادى :

بوندن برقاچ آي اول باش قوماندانكيز حاجى انستى جبهه يي تفتيشدن  
عودتنده، غزته جيلره واقع بياناتنده (مصطفى كمال مى؟ فقط بن بواسمده  
بر قوماندان طانجا بورم ، جبهه ده هيچ بريده راست كه مدم ديمشدى )  
شيمدى رهفته در ميدان محاربه ده يم . باش قوماندانكيزى كوره مدم  
زره ددر ؛ ديدى . و محاربه نك باشلانغى چنده يونان حكومتك حاجى  
آنستى ريه آناطولىده كى اردولرك باش قوماندانى تعين ايتدىكى فقط  
ايلك كوندن از مبر محاربه سنك قطع ايديله رك امرك المزه كچمى اوزرىنه  
وضعيتدن خبردار اولامايان تريقوپيسه باش قوماندانغى تبليغ ايتدى .

بود بخت جنرال باش قوماندانلق امرخی اسیر اولدقدن صخره خصم اردوسنك مظفر وقادر باش قوماندانندن تبلیغ ایدیوردی . بوندن صوکره خریطه اوزرنده صورت حرکتلرینك چوق یاكلش اولدیغی وسائر حقیقده بعض بیاناتده بولونقدن صوکره استراحت ایتملرینه مساعده ایتمدیلر . اسیر جنرال لر اکیله رك غازی حضر تلرینك حضورندن چیقدی لر .

بش کونلك میدان مجار به سنده دشمن غرور و عظمتی ؛ پاك طوپر اقلر مزك حرارتی ایچنده اریتهن ملی ایمان قارشیسنده ، بوندن صوکره آراتق سیاه ر کولکدن بشقه برشی قالمه شدی . نفرت وانتقامی تسکین ایدمه یه رك برسیل خروشان کبی ظالم بقیه السیوفی اوکنه قاتان بویوک اردو مرمه و آق دکزه یول آلمشدی .

بوسریع وشدید صولت قارشیسنده یکدیگرینی غائب ایدن ، متفرق وشاشقین قالان ونه یابه جغنی بیله میه رك مقاومت ایتمک ایسترکی کوردنن پراکنده و بوزغون دشمن قطعاتی صیقاشدقجه چاره سلامتی تورک سونکوسنك عظمتی حمایه سنه التجاده آرایوردی . مع مافیه قواعد عسکریه و فضائل انسانیه دن تماماً تجرد ایدن بوقوندا جغنی سرسریلر الزا وفق فرصته تصادف ایتمک لری تورک یووالرینی آتسه ویرمکده ومیدان شهامتده قوللانه مدقلری سلاخلرینی اثنای فرارده معصوم خلقه بوجیه ایدمه رك عادی برشریر کبی صویماغی وشهید ایتمکی اهل ایتمه یورلردی .

۷ - بروسه وازمیرك انفالی و آناطولیه ره دشمنك لاهو طردی :

شمالدن حرکت ایدن قوللریمز ۱۰ ایلولده بروسه کنارینه قدر واردی . و ۱۱ ایلولده بروسه یه کیردی . اوندن صوکره قوجه ایلی قطعاتیه مشترکاً حرکت ایدمه رك مدانیه ده اون برنجی دشمن فرقه سیله

بر مستقل آلائی کاملاً اسیر ابدی . ۲۶ آغستوسده اسکیشهر شرفنده کی  
 یرلرندن حرکته کچن اوچنجی قول اردو مرکز قیمتی قوماندانی شگری  
 نانلی پاشا اون کون صوکره مرمره قیسنده بودشمن غروبته سلاحلرینی  
 فالدرتمشدی . و متعاقباً باندرمه استقامتنده رجعت ایدن دشمن ، تعقیب  
 ایدیلرک ۱۷ ایلولده قیوطاغی شبه جزیره سندن ونلرده دکزه دو کولدی .  
 و ۱۸ ایلولدن اعتباراً شمال منطقه سی کاملاً دشمندن تطهیر ایداش اولدی .  
 آشاغیدن ایلیله یهن قوتلریمز ۸ ایلولده شوو وضعیتده ایدیلر :  
 ایکنجی اردو ؛ آطلمر منطقه سندن آقحصار - صومه - بالیکسر  
 استقامتنده یورودی .

برنجی اردو ؛ اقسام اصلیه سیله طور غودلی به واصل اولمش و ایلیری  
 قطعاتی نیف - مغنیسا خطنه قدر سورمشدی . سواری قول اردو مز  
 مغنیسا و منمن منطقه لرنده ایدی . کیجه طوو غودلیدن جبهه قوماندانی  
 عصمت پاشا حضر تلرینک و یردیکی تعلیمات دأره سنده از میرک صورت  
 اشغالنه دأر ترتیباتیه مشغول اولندی . و سواری قول اردو سنه در حال  
 از میره یورویه رک قتل ، احراق و یغمایه محل براقیلمه دن شهرک ضبطی  
 أمر ایدلدیکی کبی ایکنجی قول اردو دن تشکیل ایدیلان آتلی پیاده  
 مفرزه لر یله ده شرفدن از میرک اشغالی ترتیباتی آندی . و سکنزنجی  
 فرقه از میرده آسایش و انتظامتک تأمیننه مأمور ایدلدی . برنجی  
 قول اردو قوماندانی عزالدین پاشا از میر قوماندانی و والیء عسکریمی  
 تعیین ایدلدی .

۸ ایلولده اردو بو ترتیباتی آلبرکن ساعت : ۱۰،۳۰ صوکره ده  
 از میر لیمانده بولوندیغی تخمین ایدیلان فرانسز ادغار کیهر قراووزورینک  
 تلمسزی واسطه سیله از میر جنرال قوسلر سندن از میرک تسلیمی ایچون

مذاکرات اجرائی حقیقہ موقع ملاقات طلبہ دائرہ تورکچہ عبارہ  
و فرانسز حر و قائلہ یازلمش بر تلغراف آندی .

بو تلغرافہ غرب جہہ سی تلمسز یلہ احمد لیدہ کوروشولمک اوزرہ حرکت  
ایدلمسی و او طوموبیللرینک بیاض پیراغی حامل اولمسی جوابی ویریلدی .  
اساساً ۸ ایلولدہ ازمیرک اشغالی قوۂ قریبہ یه کلمش و ۹ ایلولدہ اردو  
مسئلہ یی بالفعل اکمال آیلہ مش بولونیوردی .

قطاعلہ برابر ایلیلہ یین باش قوماللق و غرب جہہ سی قرارکاهی  
۷ ایلولدہ صالح لیدہ و ۹ ایلولدہ نیفده ایدی . ۹ ایلول صباحی سواری  
قول اردومز برنجی و ایکنجی فرقلریلہ شالمن و شمال شرقیدن ازمیرہ  
کیرہ زک حکومت قوناغندہ یونان بایراغی ایندیروب تورک سمنجاغی  
دالغہ لاندیریرکن ، ازمیری صاران طاغلردن سار کبی آقان آتلی  
پیادہ لر مزده قدیفہ قلعه یه ظفر بایراغی دیکیوردی .

ایشته بوکون ، یونان اردوسی آناتولینک خزیمہ آیق باصدینی  
عینی نقطہ دن دیکیزہ دو کولمش و بوغولمش و مملتک ، ازمیرک قعجہ بر باصقینلہ  
دشمن الہ دوشدیککی کون آقیتدینی آند یاشی دینمشدر .

۱۰ ایلول صباحی باش قوماندان عصمت و فوزی پاشالرن نیفدن  
حرکتلہ زوالہ دوغرو خلقک سونجلی کوزباشلری آرمندہ ارمیرہ  
کیردیلر و حکومت قوناغنه ایندیلر .

فارسیندہ مرد و رسور بر دشمن بولامایانہ و دیابی حیرتہ دالبرانہ  
سر عندہ ایلمبرلبرک آق دکرہ دایانانہ شجبع اردو و نوکلک بو بوک  
ضرو صطاری غازی مصطفی کمال ؛ ارکونہ نظر لرنی آنلنک بولملی  
سمانہ و قیزیل انقہ دیکدی . ہوشغورہ روضہ جریانہ برہرک آندلمو ،

درباری یاروب کجک اهمیت بدیهه پندری. باز یو که ؛ بو عزم و هیت  
 قاریبندره کوزل ساعلمرزه چاریانه و سونکولرمزک مرهب عکسلیله  
 دالفرلانه آنرکز بول برده مکمره منصل یاسه آچی آچی ایطه دی.  
 فقط دشمنلرک آسیا امیر اطرافنی وجوده کنیرمک ضولباسی ده اونک  
 کوبوکری ایچنده بوغولوب کیتدی .

بوندن سوکره سواری قول اردوسی اللی یدنجی فرقه ده امرنده  
 اولدینی حالده اورله شبه جزیره سنده کی دشمن انقاضی سوپوردی .  
 ۱۵ ایولدن اعتباراً بوراده ده تک دشمن نفری قلمادی. ۱۰ ایولده  
 آیدین منطقه سندن کن و وضعیتدن بی خبر اولان ایکی سرسری دشمن  
 آلایده از میرجو ارنده قیصه برحاربیدن سوکره کاملاً اسیر ایدلمشدی.

۲۶ آغستوس ؛ نورک کین وانتامک طاشانه دهشتی ، ۳۰

آغستوس ؛ نورک ماهیت و بنلکنک قیصه انا دوسی ایمی .

۹ ایلولک معناسی ده شور : نورکک هغه تجاوز ایلنر ایچوره

هر وقت عزم مقرر در .

۸ — مظفر اردولرمزک بوغازه نوهری :

آرتق آناتولی قورتولمشدی فقط مضطرب استانبول و تراکیا  
 قالمشدی ؛ اردو در حال بو هدفله توجیه ایدلدی . اوصیره ده دول  
 ائتلافیه بوغازلرک آناتولی چهتنده مقاومت ایچون ترتیبات آلمغه  
 باشلامقه برابر ایشک بوندن سوکره سنی صلحاً حل ایتک ایچون  
 مذاکرات سیاسییه ابتدار ضمننده مراجعتله باشلادیلر . از میره  
 کن فرانقلن بویون ایله از میرده کی انکلیز آمرالی متعدد تماسلر

یابدیغی کجی بر طرفندنده مرکز حکومته مراجعتده بولونویورلردی .  
 پوانقارنک ریاستی آلتنده پارسده عقد ایدیلن قونفهرانسده بوغازلر ،  
 استانبول و تراکیانک مصلحانه بر شکلده بزه اعاده سیچون اولأمرده  
 یاپیله جق عسکری بر قونفهرانس و بونی متعاقب صلح قونفهرانسی ایچون  
 ویردکلی قراری استانبول مملکتی واسطه سیله آنقریه بیلا ویردیله .  
 بونک اوزرینه ۳۰ ایلولده خارجییه وکالتیز طرفندن بعض قیود و شروط  
 ایله جواب موافقت ویریلدی . ومدانیه مذاکراتنه باشلاندى .

### ۹ — مدانیه مذاکره سی راستانبولک صوک فئحی :

مدانیه ده تورکیایی عصمت پاشا جضرتلری و دول مؤتلفه یی اشغال  
 اردولری قوماندانلری جنرال هارینقتون ، شارپی ومون بللی تمثیل  
 ایدیورلردی .

یونانلیلرده میرآلای پالاستریس وصاری یانی مرخص اولارق  
 کوندر مشلرسده بونلر لیانده کی نقلیه کمیسندن دیشاری چبقارلامش  
 ومذاکراته اشترا کدن محروم ایدلمشدی . اجتماعلر کونده ایکی دفعه  
 واقع اولیوردی .

سنه لردن بری غیر قابل تحمل مصیبتله ایگله مش اولان مدانیه لیلرک  
 اوزمان ابراز ایتدکلی مسافر پرورلک و کمال سکونتله اظهار ایلدکلی  
 یوگسک وطن پرورلک بالخاصه قید ایدیله جک قدر یوگسک اولمشدی

افندیله ؛

بر کون اولنه قدر استانبولده بایراقلمزی کورمکه معذب اولان  
 بومستولیلر ، اسکله دن قونفهرانس بناسنه قدر جاده یی قپایان تورک

سنجاقرينك كولككلى و تماشلى آره سنده صامت بر خيال كې كيديورلردى .

بندە كز ؛ شەخسأ ضعف ايله قوتك بارز فرقلرني بوراده پك جانلى اولارق بردها كورمش وحس ايتشمدم . اشغال اثناسنده استانبولده اك بويوك قوماندانلر مى بيله بر ائتلاف ملازمه ادای احترامه مجبور طوتان جنرال هارينقتونك شمى عرض ايدە جكم حركتى بو معرو . ضامى اثباته كافيدر :

ايلك كون برنجى مذا كره نك تعطيل ساعتنده ساحلده اوچ آرقداش كزنيوردق ، قارشيدنده هارينقتونله آرکان حربيه ريشى كليوردى . دونك بومغرور جنرالنى سلاملايوب ، سلاملاماق خصوصنده قيصه بر مناقشه كچيردك . اوصيره ده بزه ياقلاشان جنرال حرمت و تعظيمه ألى قالديره رق بزى ده مقابله به مجبور ايتدى .

ائتلاف دولتلىرى بوراده ده تعالله باشلادى و منتظم دونانلردن وسائر دن بحث ايدە رك بزى تهديدە قالديلر . حالبو كه بز بو ايشه چاريق وقاغنى ايله باشلادى غمز زمان ، آوروپاليرك دونانمانى ، اردوسنى ، هر شيشنى بيليورددق . شيمدى آرتق مدانيه ليمانه كلن درت تكنه بزى قورقوتامانلر . دانیه ده وكر كسه لوزانده ، غرب اردولرينك مظفر و قالدير . عصمت پاشانى اوزنلر و بازارلق سياسته صابانلر دوشونمه يورلردى كه او ؛ غالب بر ملتك ، كندى قومانداسى آلتنده يوروين ، آق دكزه و بوغازلره داينهرق بر آن ايجون توقف ايدن ، معظم اردولرينه استناد ايديوردى .

مدانيه مذا كراتنده اختلافى موجب اولان مسئله عصمت پاشانك امضادن نهايت بر آى صوكره ترا كيانك كاملاً تسليم ايدلمش اولسنى ودهابوكې

قطعی موادی تکلیف ایتمه سیدی . ائتلاف مرخصلری ایسه سیاهی مسئلهلری کوروشمکه صلاحیتلری بولمادیغنی ویالکیز عسکری خصوصاتی کوروشمکه ماذون بولونقلرینی بیان ایدیورلردی . نهایت مذا ره نی قطع ایده رک استانبوله کیتدی لر . بونک اوزرینه عصمت پاشا وضعیت باش قوماندانه عرض ایتدکن صکره همان اردولره ایلری حرکت امرینی ویردی . ایشده کی جدیت ، قطعیت و تهلکینی کورن جنراللر ایرتسی کونی تکرار مدانییه کمدیلر . نهایت مقاوله امضالندی . و تطبیقاتنه کچلدی .

معلوم عالیکزدرکه تام درت سنه اول ؛ اقتحام ایتدی کمز بیوک اضطر بلرک ، کوستردیکمز یوکسک فداکارلقلرک صوک صباحی ، او یانیدیغمز زمان ارضی ایکنلی ایچنده بولمشدق . هر ذره دن آجی ویا قیجی اولوم قوقولری قوجا قلامشدی . بر آرزو کره مقصدلرینک تحققنه قناعت کتیره دن دشمنلر موندر وس قرار نامه سنی اوزاترق بزدن معاوعت مطلقه طلب ایتشلر ، استانبولی ده اشغال ایتشلردی . حرص و غفلت ایچنده یورون دشمنلر مز بو حرکتلریله صانکه [ زه ؛ تورکار ، تورکیا بوندن صکره بزم ایچون برهنهستان اوله جقدر . اخطارینی پاپیورلر . و جهانشمول تاریخمزی بو صورتله سیاه برتول ایله قپایه بیله جکلرینی ظن ایدیورلردی . ] حالبوکه یشامق منبعنک اولومده اولدیغنی بیان تورک ، اوزمان ای خودکام انسانلر بو وطن و بوملت اولمز دیه حاقیردی و حرکتنه شدت ویردی . آرزو مانده هر ملتک بر کوننه بیله غبطه ایتدیجی و هر کونی بیوک بر معنا افاده ایدن « تورک استغفرلر مجاهره سی » نی قوردی . انک نهایت استانبولک استردادینه مصادف اولان ۶ آتمرین اول



ایشته اوتاریخک شانلی صحیفه لرندن بریدر. ۶ تشرین اول تورک کعبه سنده  
 اوج یوکسه لن دشمن ظلم و وحشتنک سوندیکی ، سونکوسنک  
 قرار دینی ، بایراغنک آجالدینی ، سرایلر کی جنایت یووالرینک ابدیا  
 احایدلیدی کوندره . بزاستانبوله دوغوم یتاغمز دن اسلام عالمه کیردیکمز  
 زمان بنی محمدک بورانی فتح ایدنلر حقمنده کی اشارتی دیکله دیکمز کون  
 توجه ایتدک وایکی عصر دنبری اونک صاحبی یز .

درت سنه اول ظلم و وحشت عالمک بو اوج مغرور انقاضی ؛  
 دوله بغچه میداننده یابدقلرندن ، غفلت و خطالردن اوتانان مجرملر کی  
 تورک عزم و قدرتنک حضورنده طوپلانیدیلر . اسمر بکزلری ، درین  
 وخشیتلی باقیشلری اوزرنده سقاریه ، آفیون ، دومیلی پیکار حارق لری  
 افاده ایدرک بر تاریخ کی طوران تورک عسکرینک اوکنده ، بر معبدده  
 بولنور کی ، خشوع ایله اکیلیدیلر و بایراق لری سنجاغمزک اوکنده  
 ایدیلر . نهایت وطن خدمتی سنه لرحه کیزی کیزی ایفایه مجبور طوتدقلری  
 بوفداکار استانبول خلقنه عرض حرمتله وداع ایدرک صامت بر خیال  
 حالنده کیلرینه چکلیدیلر . آرتق دشمن دوتمالری چناق قلعه دن صکره  
 بردفعه ده ، فقط بودفعه سیاسی برهزیمتله ده استانبول دن دونیوردی .  
 اردو لری ، آق دکره دایاندیغمز کون باشلایان معنوی براسارتدن  
 قورتولیوردی . فقط نه آچی برشیدر ؛ بوفلاکت کونلرنده اونلره  
 خدمت ایدنلر ، اولرینی ، دکانلرینی علی العجائب بایراق لره دونامانلر ،  
 استانبول جاده لری اوزرنده خاطر و خیاله کلمه ین وهر تورکک ایچنی  
 صیرلاتان شمار ققلرله ، خیانت و اهانت ایچنده حرکت ایدنلرینه  
 نورکک و تورکیانک سینه سنده قالیسور ، تورک بایراغنک عظمتلی کولکسه  
 دونیوردی .

مملکت مزده رفاه ایله وبر وطن داش حقنی حائز اوله رق یشاندیغمز بو بدطینت آداملرک اوکون دها ایلمک ثانیه ده اظهارایتدکاری نانکورلک وخیانت اونوتولیمه جقدر. و بونی، تورک کنجلیکی زمان زمان خاطر لایه رق انتباهنی محقق تازه لیه جقدر .

ایشته بومقاوله موجنبجه استانبول بو صورتله تخلیص ایدلگدن صکره بوغازلره توجه ایدلدی و ترا کیاده آرزمانده عینی صورتله اراده واداره ملیه مزه عودت ایتمش اولدی .

۱۰ — بو مظفربکک نأمین ایلمریکی نتایج :

۱ — ایکیوز بیک کیشیلک و ازهر جهت آبی حاضر لائمش بر اردوینی قهقری بر هزیمت و قطعی بر مغلوبیته اوغراتان بو حرکت ترتیب واداره سنده کی مهارت و اجراسنده کی شدت وفدا کارلق اعتباریله عالم عسکریده تدقیقه لایق بر درس اولمش و اردومزک قیمت عسکریه سنی بالنتیجه ملت مزک یوکسکلکنی جهانیه بر دها طائمشدر .

۲ — وطنک الکز نکین اقسامی اولان غربی آناتولینک، استانبول و تراکیانک استردادیله مالی و اقتصادی ساحه ده بویوک تحول حصوله کلشدر .

۳ — یونان اردوسندن خلقه و اردویه یارار تقریباً اوچ میلیون لیرالق اوتوموبیل و مالزمه سی ، طوپ ، تفنک ، کیتلی جیبخانه، برخیلی اشیا ، حیوان و سائط نقلیه و سائر مالزمه اغتنام اولونمشدر .

۴ — از میرک استردادینی متعاقب اردونک فضله مقداری ترخیص ایدلدیکندن مملکته اوتوز — قرق بیک قدری قویون اولمق اوزره جمعاً سکسان بیک رأس قدر حیوانات ، بیکارجه و سائط نقلیه ، یوزاللی بیک قدر افراد و برچوق احتیاط ضابطی اعاده ایدیلهرک حیات

زراعیه اقتصادیه واجتماعیه مزك تسریع انكشافنه موفقیت حاصل اولمش  
وبوسایهده یومیه مدهش بر مقداره بالغ اولان اردو مصرفنك تنقیصنه  
امكان حاصل اولمشدر .

۵ - داخلی وخارجی دشمنلق بیقلمش و بونلری ایسترایسته من  
استقلالمزه، حق ملیزه حرتمه مجبور قیامشدر .

۶ - سهور معاهده نامه سنی یرتدرتمش ، ویرینه عثمانلی ایمراطور-  
لغنك اَك قوی زمانلرنده بیله بر نقطه سنی تعدیله موفق اولامادینی  
عهد عتیقه و سائرینی قالدیره رق ملترك حقوق متساویه سی اساسی  
دائرة سنده ، لوزان معاهده نامه سنی یازدیرمشدر .

۷ - نعمته مقابل هر فرصته اظهار کفر و ملعنت ایده نلر ایچنده  
عظیم بر اکثریتی تشکیل ایدن وتورك تابعیتی پرده سی آرقه سنده اَك قویو  
یونانلی رولی اوینایان روملردن اولسون مملکتک تطهیرینی تأمین ایتمشدر .  
۸ - خلافت و سلطنت خرافه سی ابدیاً بیقیله رق اَك متکامل و بزه  
استقبال یونلی اکی کویستره جک، بر شکل اداره اولان جمهوریت تأسس  
ایتمش و انقلاب ملیمزی درجه کماله ایصال خصوصنده بالخاصه سائق  
وعامل اولمشدر .

۱۱ - آناطولییده بونانه مظالمی :

بو فجایع اوقدر کنیش و متنوعدرکه بالکنز بونك ایچون بر قاچ  
قونفهرانس حصرایتمک ایجاب ایدر . بنده کز بوراده بونلردن صورت  
عمومیهده ویا لکنز صوک حرکات ائناسنده بالذات کوردکلرمی عرض  
ایتمکله اکتفا ایده جکم . بونك دهشتنی آکلامق ایسته یینلر اوزمان  
غرب جبهه سی قوماندانلغنك بر هیئت طرفندن تثبیت ونشر ایتمدیردیکی  
بر ، ایکی ، اوچ نومرولو مظالم کتابلرینی اوقوملیدرلر .

یونانلیلر ، از میره آباق با صدقلری دقیقه دن اعتباراً اوکلرنده علمدارلری یرلی روم وارمنیلر اولدینی حالدده هر دلو اسباب تدافعیه و تحفظیه دن محروم اولان معصوم خلقی عالم قورولایدن بری تأسس ایدن موضوعات بشریه و دینییه چیکنه بهرک غیر قابل تصور هر دلو ظلم و تضییق تطبیق ایله بو اوغورده محاکار برسیاست تعقیب ایتدیلر . بو صورتله تراکیا و غربی آناطولیده وجدانلری صیرلاته جق برقیامت قوپاردیلر . بو تخریباته تشکیل ایتدکاری و ضابطلری طرفدن سوق واداره اولونان انتقام مفرزه لری واسطه سیله سیستم تختنده دوام ایتدیلر . قره بر بلا کی سقاریابه قدر آناطولینک حریمنه کیرن یونان اردومی ، برنجی وایکنجی این اوکی هزیملرندن صکره این اوکی ایله بروسه آره سنده کی منطقه یی ، کوتاهییه - اسکیشهر محاربه سی اثناسنده بومناطق ، سقاریه دن اسکیشهر - آفیون خطنه رجعت ایدرکن بورالری همان کاملاً دینه جک درجه ده یاقش والنه کچیردیکی خلقه هر دلو شناعتی یاعشدر . آغستوس ۳۳۸ حرکاتی اثناسنده ایسه آفیوندن از میره واسکیشهر دن مدانیه و باندرمه یه قدر کچدکاری استقامتلرده کی کوی و قصبه لری اولایغما و صوکره احراق ایتشلردر . بومیانده اسکیشهر ، قره جه بک ، باندرمه ، قره مرسل ، یالوه ، عشاق ، آلاشهر ، طاقاق ، صالحلی ، احمدلی ، طورغودلی ، قصبه ، مغنیسا ، اورله همان کاملاً دینه جک درجه ده یاقلمش ، آفیون قره حصار و بروسه ده آتسه ویرلمشسه ده قطعاًمز طرفندن قورتارلمشدر . بوندن باشقه خلقک ننده کی تک طاووغنه وارنجیه قدر بوتون حیوانات و وساطی غضب و احما ایلدیکی کی حصاد نهایی اولق دولایسیله زواللی کویلونک خرمانی باشنه ییغدینی و بر سنه لک محصول مساعیسی تشکیل ایدن

ارزاقی کاملاً یا قیلمش و صاغ قالانلر ایکی آلی قویننده براقیلمشدر .  
 بو قونداجقی بالیقاریالر میدان شهامتده قوللانامادقلری سونکولرینی اثنای  
 فرارده زواللی خلقمزه توجیه ایدهرک پاره، پاره دییه عادی برشریرکی اولا  
 صویملر و صوکره اولدیرمشلردر. بعض کوزل و کنج قادینلری صفوت  
 ملیه مزى بوزمق مقصدیله عائله سنک آغوشندن جبراً قوپارارق حیات  
 فحشه آتمش و عسکر لرینک آلت ذوق و هوسى یاممشلردر .

باش قوماندان میدان محاربه سنک جریان ایتدیکی ۳۰ آغستوس ۳۳۸  
 کونی ایکنجی اردو قرارگاهندن دو ملی پیکاره کلیرکن اکر ت غرب  
 صرتلرنده بر اختیار کویلی یه راست کلدک . کندوسندن اوتوموبیل  
 کجه بیله جک کسدرمه بر یول صورددق . دونک بومغرور پبری بو کونک  
 یأس و اضطرابی کیزله یهرک بزه یول کوستردی . تام حرکت ایده جکمز  
 سردهده چوق شیلر کورمش اولان کسکین کوزلرندن آقان ایری  
 یاش دانه لری یانیق کوکسنی ایصلا تمغه باشلادی . فوزی پاشا حاضر تلی  
 اوتوموبیلی دوردوردی و نه ایچون آغلادیغنی صورددی . سوینجمن  
 دیدی . پاشا ، بو آغلایشده سوینجمن زیاده اضطراب وار ؛ نه اولدی  
 ده یجه ؛ اختیار اولمایان قالدیمی افندی دییه چوجق کی هیچقرمغه  
 باشلادی . اولمایان قالدیمی ؟ بو آجی شکایتک دلالت و شمولنی تقدیر  
 ایدرسکنز .

مدانیه مذاکره سندن صوکره بروسه دن آنقره یه دونیوردق .  
 کیجه آهو داغنگ اوستنده اوتوموبیلمز بوزولدی . تعمیرله مشغول  
 ایکن شهردن کوینه کیدن مهیب بر اختیاره راست کلدک ؛ بو آدم  
 سوینجمن آغلایور . وافندم بوندن اول کوندوز بیله سنه لرحه  
 اومدن چیقمه دم . کندی یوردیده اسیرکی یاشادم . شیمدی شوقارا

کجهلرده تک باشمه داغلرده دولاشیورم . یوردیمک صاحبی اولدیغمی شیمدی آکلایورم دیور ویاپیلان مظلمی آکلایوردی .

عشاقک اشغال ایدلیکی کون شهرک مدخننده شهید ایدیلن بعض تورک قادینلری وجودلرندن طوپراغه چاقیلمش اولدقلری حالده بولونمشدر .

آلاشهرده قادینلری وارککاری آیری آیری واغونلره طولدورارق بومبارله شهید ایتمشدر . نصلسه جوار داغله قاجوب قورتوله بیلن چوجق ، قادین وارککارک آلاشهرک استرادینی متعاقب بو داغلردن پریشان بر صورتده عودتلری یوره کلری پارچهله یوردی ، بونلر یانان یووالرینک علولری باشنده آغلایهرق، هر عائله افرادی بیهوده برامید ایله غیب اولانلرینی آرایوردی .

یونانلیلر قاجارکن کچدکاری کویلرده کی خلقدن پک چوقلرینی برابر آلمشدر و بوللرده بر قسمنی شهیدایدوب براقشلردی کچدیکمز بوللر بوشهیدلرله طولی ایدی .

اکریونانلیلر بوکی مظلوم و فجاجیع رینه موفقیتتمیزی اشکال ایده جک عسکری تخریبانه تشبث ایتسه لردی ، بو حرکتلری ایجابات حربیه یه توسل ماهیتنده تلقی اولنه بیلردی .

ایشته سزه الملرله، فاجعه لرله طولمش یوزلرجه، بیکلرجه وقایعدن برقاق لوحه جانلاندیردم . . بونلر آرووپاده، آرووپالیر نزدیکنده مدنی کچینن برملتک وحشت و جنایتلری . .

افندیلر ؛ بو بچی قبارکن ماضی به ارجاع نظر ایدرک مهم بر نقطه به تماس ایتک ایسته یورم : جهانشمول بر تاریخ یشادان تورک ملتی عصر لردنبری مختلف ملتله حرب ایتمش و معظم ظفر لر یاراتمشدر . تاریخ

حقیقه‌لری یوقلانیرسه کورولیزکه اردومزك استیلا سیلنه کاملاً معروض قالان  
 وبویون آنکهکه مجبور اولان هرملک دائماً توركك فضیلتیه قارشو لاشمشدر.  
 نته کیم ۱۳۱۳ تورك - یونان حربنده یونانستانک مهم برقسمنی استیلا  
 ودشمن اردوسنی پریشان ایدن اردومزك مغلوبله قارشو کوستردیکی  
 حسن معامله ده بو معروضاتمی تأیید ایدن وقایعدندر . حالبوکه ؛ بوکا  
 مقابل یونانایلرک اوزیوردیمزده معصوم خلقه تطبیق ایتدکری بوشاعت  
 نه نك انتقامی و هانکی سبیه معطوفدر ؟. تعیین ایده مه یورم .. ایشته  
 هراییکی ملتک سجیه و فضیلت فرقلری، عرض ایتدیکم بو ایکی حادثه  
 ایله بردها تبارز ایتمکده در .

مع مافیله بوقدر آلچالان یونان اردوسنی، قیامتیه قدر اونوته میه حققلری  
 اومدهش سلنه نك آلتنده و آنادولینک حریمنده محو ایتک صورتیه انتقامز  
 تمامیه آلتمشدر .

شو مهم نقطه اونوتولمالیدرکه بوکبی چیرکین و چیلغین تجمراز  
 حساری محیطمزی صارمش بر جاوار کبی دائماً ک ضعیف زمانمزی  
 بکله مکده در . بناء علیه کنجلیکک اک اقدم وظیفه سی، بوکا امکان بخش  
 ایتیه جک بر قدرته استقباله حاضر لانتقدر .

## ۱۲ - اوج مرهم قیاس :

دنیا بی حیرتده براقان و اولومدن ابدی بر حیات یاراتان « تورك  
 استقبل مجاهد سی » بوراده وبویله جه بیتر .

سنک، یالکز عزم و ایمانکه دایانه رق، بتون جهان خصومه قارشو  
 کلدیکک کون وطنک منظره عمومیه سی شولوحده کوردیکک کبی ابدی  
 ( قروکی ۲ )

سنك سينه كده بريلان كبي عصر لوجه بسله ن سلطنت خرافه سنك  
 صوك ميراثي اولان وحيدالدينك ، قبول ايتديكي سهور اعدامنامه سيله  
 وطنك آله جنی منظره عموميده بولوحده در . ( قروكي ۳ )

يوكسك عزم واراده كله ، درت سنه لك مجادله نتيجه سنده ، مملكتك  
 بنيه سنده بريكن بو لكه لري اريتوب ميثاق ملي حدود ليله تحديد  
 ايتديكك و جمهوريت سمايله سوسله ديكك ترتيبز وطن ده بولوحده در .  
 ( قروكي ۴ )

عجز و مسكنده ، و صمت ، عزم و وطنپرورلكك خط فاصلمرني ؛  
 برنجيك اولد بريجي تاثيرلرني ، ايلك حينك بار ايجي صحر و الراملرني  
 بواج مهم قياسي ايله قولوبجه آكلارز . چيكنه بوب اردنكمز او كيرلي  
 ماضي آرتوق كرى ده ، چورو اوزاقلرده در نه اوبنه بيشه بيلير ، نه زاوفا  
 دونه بيليرز . دائما و صمت ، نسانر ، عزم اعتماد و يقظ ايله بوردر كچه  
 ويكي نسلي بو اساس داهلنده بيشه بر كچه صحر و ترتيبز بو وطنده دائما  
 صدمت و سعادت كورورز .

۱۳ - نتیجه :

خاتمه ، افنديلر ؛

مساعده كزله قونفهرانسليمي قيصه بر نتيجه ايله بيترمك ايسترم :  
 تاريخك قيد ايده بيلديكي ايلك آندن اعتباراً وقوعاتي و بوكون  
 فنك واصل اولاييلديكي مبدأ ايله منها آره سننده كي حادثاتي تعقيب  
 و تدقيق ايدرسهك كوريرز كه مجادله خلقتله باشلار . اساساً طبيعتك  
 كنديسي مجادله در . انسانيته كانهجه ، اجتماعي بر حيات سورولديكجه  
 و بالخاصه ملتيرينه تصاحب ايله دكجه جمعيتلر و ملتلر آره سننده رقابت



و تضاد منفعت دائماً موجود و محسوس در . فرد در ده اولدینی کبی ملتیر  
 آرہ سندنہ دہ ہر جمعیتک عینی ماہیت و وضعیتی بولسی مغایر طبیعتدر .  
 بناء علیہ قوینک ، ضعیفک حقوقہ دوغری یورومسنی ضروری قیلان  
 متمادی بر سیالیات موجوددر . مادامکہ بشرک بو تشکیلات ایچندہ  
 یشامہ لری طبیعی و مجبوریدر . او حالہ طبعاً کین و غرض ، حرص  
 و منفعت ایلہ دہا دوغریسی ہر فردہ کورہ آیری آیری یاراداش اولان  
 آرزو و تمایلات ایلہ خلق ایدلمش شخصیتلرک محصہ سی بولنان ملتیر  
 آرہ سندنہ مشروع و غیر مشروع حصول مقصد ایچون زمان زمان  
 سکون عالمی بوزان تضادملرک وقوعہ کلہ جکنی قبول الزمدر .  
 او حالہ بو امر طبیعی ایچندہ ادامہ موجودیت و ازالہ مضراتہ موفقیت ایچون  
 دائماً حاضر بولمق ضرورتی وارددر . بناء علیہ حرب ، ملتیر ایچون چوق  
 کرہ غیر قابل اجتناب بر شی اولور . کندولرینی معناً و مادہ او آنہ  
 حاضر لامہ ش اولانلر ، بو کونکی شکل و معنادہ کی حقوق و استقلالدن و از  
 کچمش اولانلردر . مادی و معنوی تسلیحاتی اکیال و احضار ایدن ملتیر  
 آنجق وضعیتلرینی تنظیم و استقبالیلرینی تأمین ایدہ بیلیرلر .

بر ملکک احیاسنہ ، بر ملتک ترقی و تمنیاتنہ معارفی ، عدالتی ،  
 صناعی ، زراعتی ، تجارتی و سائرہ سی نہ قدر اساس ایسہ بوشعبات اجتماعیک  
 مطرداً اجرای فعل ایلہ مسنہ و آہنک تام ایلہ مظهر ترقی و کشایشنہ  
 یکانہ واسطہ دہ قوای حربیہ سیدر . ملککتک موجودیت مادیہ و معنویہ .  
 سنی تکفل ایدن بو قوتی ، ہر آن و زمان ہر حالہ قارشی شایان  
 امن و اعتماد بر حالہ کتیر مہدیکہ دیگر یولار دہ راحتجہ یورومہ مزہ مساعدہ  
 ایدلیہ جکنی آرتق قطعیتلہ قبول ایتہلی بز .

معلومدرکہ دیگر ملتیرہ نظراً بزم وضعیت خصوصیہ مز وارددر .

تورکیا به و تورکلکه هجوم ایدن، بوسیاست جریانلرینک منشا، ماهیت و دوامنی برنجی قونفرانسده استقلال حربنه تقدم ایدن وضعیت سیاسیة قسمنده ممکن مرتبه ایضاح ایده بیلیمکه چالیشدم . مبدائی ظهور اسلامدن آلان، بزضعیف‌الذبحه دائماً مهاجمسی قارشوسنده براقه‌حق اولان و زمان زمان ماهیتنی دکیشدیره‌رک قارشومزه چیقان بوسیاست (سوره مسئله‌سی) در .

دها دون اوغرا دیغمز فاجعه اشغالک ماهیتی‌ده بوندن باشقه برشی دکلدی . بر فکر دوربینانه ایله دوشونلم ، ارضک منته‌الرینه قدر محیطمزی سسله‌یلم . دائماً تعرض و تجاوز عکس صداسندن بشقه نه دویارز؛ تاریخی تدقیق ایدلم بشقه نه کورورز؛ یارینه عائد تشریح‌لر یاپالم . بشقه نه نتیجه چیقاریرز . احوالده بزم ایچون بر دقیقه‌لق اهل بیله جائز دکلدر .

دونک لاهی صلح محکمه‌لری هانکی حادثه حربک اوکنی آلابیلمشدر . بو کونک جمعیت اقوامنک‌ده نه قدر موفق اولاجغنی بورادن و قورو-لدیغندن بو کونه قدر کچن حادثات و تجربه‌لردن چیقاره بیلیرز . کاشکه بشریت بوامکانه مظهر اولسه ! فقط بوکونکی کورونیشیله بونلر برر ماسکه و ضعیفلر ایچون اویوشدیریمی بر مورفیندر . ذاتاً طبیعته قارشنی کلن تدبیرلر ساخته ومنفی شیلدر .

سیاسی موازنه‌لره ، قویلرک مرحمت و عاطفته اعتماداً یشامقله ، کندی عزم وقوتنه استناد ایتمنک فرقلرینی بز آرتق ایجه‌مشاهده و تجربه ایتدک . بری جهالت ، ذات ، تردد و انتریق‌لریله خلاصه ایدیله بیلن سلطنت اداره‌سی ، سرای تورکیه‌سی ایدی دیکری «تورک استقلال مجاهده‌سی» دوری و بوکونکی ملی تورکیه‌در .

بر آزرده خارجه دوغری باقالم؛ قوجه چین، اسیر هندستان و دیکرلری، نهی افاده ایدر و نه حقیقت حایقیر کوریورز .  
 بالخاصه یکی نسلمک بو مهم حد فاصلی هر لحظه کوز اوکنده طومتسی فریضه در .

آشکاردرکه بر ملتک مقدراتی آنجق قوه حربه سنک سطوته، حرب قوتارینک، حرب واسطه لرینک قیمت و قابلیتی درجه سنه باغلیدر . بو قوتک عنصر اصلیبی اولان مادی و معنوی اساسلرک منبئی ایسه ملتک وجدان و مفکوره سی، قابلیت و فدا کاراغیدر .

استقبال حربلرنده موفقیت، آنجق عینی وسائط فیه ایله مجهز اولمغه وابسته در . بزم کبی ترقیات و تجدداتک ماده باشنده بولونان ملتک بو کوندن نه قدر چوق چالیشمهی لازم کلدیکی آشکاردر . بناء علیه، شرف و رفاه ایله حیات سورمک نامزد اولان و یارینک صاحب لری اولاجق کنجک؛ آتیا خسرا نه دوشمه مک و دیکر شعبات اجتماعیه نک سلامت و امنیتله انکشافی ایچون ملتک حقوق و استقلالنی و مملکتک اسباب مدافعه سی تأمینه کافی قوه حربه نک وجودنی جانندن تقدیر ایتمه لی و بو کوندن نفسنی ازهر جهت او کونک فدا کارلقلرینی احضار ایلمه لیدر .

گونه قدر کوردیکمز تجربه و فلاکتلر، هر بریمزک کوزومزک اوکندن بر بانوراما حالنده کچمه لی و هر تورکک ذهننده دائماً منقوش اولمالی . عرقزک متصف اولدیغی درین فضیلتلرک بزى بلاشبهه بکله مکده اولان بیوک استقباله ایصال ایده جکنه اعتماد ایلمه لیدر . بو فضیلتلرک ملی تربیه ایله تمیه سی شخصی اوصاف و تمایلاتمک بوضورتله تربیه انضباطی آلتنه آنه رق متین و اجتماعی برعضویت ایچنده طوتوله سی

لازمدر. بونلر اولمادقجه مملکت، ذی قدرت و معاصر جمعیتلر آرسنده خط حرکتی تنظیم ایتیش بر کل تشکیل ایده جک یرده یکدیگرینه قاریشمه مش جرؤ فردلردن مرکب برکومه حالنده قالمش اولور. ملتده وکنجلیکده وظیفه یه صداقت حسنی جانلاندریمق، کندیسنه وطن عشقی و آتشی صونمق، ایجابنده بو اوغورده فدای حیات ایتک اوصافی انکشاف ایتدیرمک اک بیوک وظیفه در. بونلر آنجق متمادی و سیستم تحتنده بر تربیه پروغرامیله کؤکله بیلیر.

وطنه و جمهوریتنه قارشی صداقتسز، ایمانسز، احاطه سی دار، صرف مادی دوشونجه لی کنجلیک بر وطن ایچون تهلیکدر. بو تهلیکه او وطن دشمنلرینه اک بیوک جرأتی ویرر. بزم عصرلرجه کندی کندینه محافظه ایدلمش و جمهوریتک فیضلیله تدمیه یه باشلامش چوقمه تعد و غایت قوتلی، ملی بر روحز واردر. بوندن باشقه پک بیوک برمزیت طاشیان شایان امثال براردومن واردر. بویکی عنصر هرشی ایچون قابل استناددر.

تشکیلات، حرث، و ترقیات ساحه لرنده، وطنمز اک کوزل اساسلری جامعدر.

کنجلیکده؛ جانلاندریمچی، الهام ویریمچی، عصیت و حساسیتینی تحریک ایده جک بیوک و ملی مفکوره یی دوغورمق و بونلری متمادیاً بسلمک تربیه جیلریمزک مقدس وظیفه لیدر. تو قلی ملتله مفکوره لی برکنجلیکله قائمدر.

مادیاتپرستلیک، ریاکارلق، او ایصالق خلاصه کوله لک و سلطنت دورلرینک چامورلری و پیسلیکلری انقلاب و جمهوریت دورینک ویردیکی حرارت و نور ایچنده پرورشیا ب اولان کنجلیکده امکان تنمو بولامیلیدر.

کنجلیکه ویریله جک بیوک مفکوره ؛ درونی آتشی ، وطن پرورلک ناموسنی تقویه ایتملی و تملی روح حقیقت اولان برسجیه یاراتمه لیدر . قولنه کیردیکی آرقاداشیله یوز آدیملق یری سسکمز اون زیقزاقله قطع ایدن برکنجک تربیه سی موازنه سزدر .

بز ، تورکی عصرلرجه اولدیرمک ایسته یین ذهنیت و قوتلری ابدیاً احما ایتک ، بزى بردها حریت و سعادتنن آیرمایاجق اولان حقیقتلر یاراتمق ایچون دوغمش برنسل اولدیغیزی دائماً بیلمله لی بز .

استقلالنی قورتاران ملتزم حقیقتلری ، احتیاجلری کوره رک اولا درحال واک جذری شکلده ماضی ایله علاقه یینی کسمک لازمکلدیکنی ، اولولرک دیریلری اداره ایتدیکی ذهنیتله یورون هرشیئی بلارحم یوق ایتک ایجاب ایتدیکنی بیلدی و قطعی پرنسپیلریله همان انقلابنه باشلادی . تورک انقلابنک چوق قیصه زمانده قطع ایتدیکی ایلك مرحله شودر : تورک وطننده وسطائی ذهنیتلری و تاسیساتی ییقماق ، دینی حقوق واحکام ایله اجرای امور و ادامه حیاتی هوسکارلرینه ترک ایتک ، خلافتی لغو ایدره رک عصرلرجه طاشیدیغمز بولزومسز جموله دن وطنی قورتارمق ، دین ایشلرینی دنیا ایشلرندن آیروب حریت وجدان و حاکمیت ملیه یینی تاسیس ایتک اولدی . معاصر دولت و ملت معاصر عائله تشکیلاتیه قائمدر . بونک ایچون عائله حقوق و تشکیلاتی دیکشدرلدی . صوک قانون مدنی ایله نظام آهنگ عمومی معاصر برحاله قوندی . جمهوریت اداره سی وطنک اکثر اقسامنده وبالخاصه شرقرده دینی و عنعنوی نفوذایله حصول بولاش دره بک اداره لرلیه قارشولاشدی . بونلر دولت اداره سی ایله خلق کتله سی آره سنده هراییکی طرفی کیره ن بر میقروب ایدی . حالبوکه ییکی دولت بنیه سی اوزرنده بوکئی مضر

تعزولك یشامه سنه امکان یوقدی. جمهوریت اداره سی بونلری ده بیقه رتق  
 یرینه ملی ، قانونی اخلاقی تعزولر قورمغه باشلادی . انقلابز یالکیز  
 بونلرله ده قالمادی . انقلابی مادام الحیات قیله جق اقتصادی ، تجاری ،  
 صنایعی زراعی یوللارده ده یوریور . بو میانه ک مهمی مملکتک  
 هر طرفی بربرینه امنیت ، سرعت و سهولته باغلایه جق اولان یول  
 سیاستدر . یولار ، کابی مدافعه ، وحدت ، امنیت ورفاه واسطه سیدر .  
 تورک انقلابی کندی کندینه ، متساند پرورغرامله ، ملیت و تربیه سیدتمی ده  
 چیزه سدر . شیمدی به قدر بزی دین ، عنعنه و تاریخ آردینه طاقش  
 سور و کله یوب دور یوردی . بو کون آراتق دین عنعنه - حیات ایچون -  
 حیات حمله لریمک آراسنده اریمش کیتمشدر . تاریخ ایسه ، بزاونی  
 دکل ، اوبزی تعقیب ایدیور .


نظریاتک و نظریاتجیلرک کچیله من دیدکلری عمانی وشاهته لری  
 بز عمر مکار حملهلرله آتلا یوروز . شیمدی به قدر تضییقلرله ، ظلم واهمالرله  
 حبس ایلمش ، عطالته محکوم بر اقیلمش اولان جوهریمز ، قدرتمز ، ملی  
 نه نرثیمز جمهوریتک ویردیکی کشایشله اساسلرینی قورمش و دائماً  
 ایلری دی به حایقیرییور وایلروله تیور .

کورویورز که یکی تورکیه نک هر طرفی ، هر شیئی دیکشمش وبتون  
 ترقی مانعلرینی ازاله ایدن یکی اساسلر قورولمشدر . کوکلشمه سی  
 ایچون بو دیکشه ن هر شی ، متمادی ایضاح وافهامه ، علمک ، حقیقتک  
 نورلریله تنویر ایلمک محتاجدر . ماضیده کی تجربهلرله ، استقبالده ده  
 وطن وملتک عینی خطالرله معلول قالماسی ایچون ، انتباه ایله یورومه من  
 لازمدر . بوندن صوکره هر بریمزه دوشن مقدس وظیفه بو بویوک انقلابمک ،  
 عزیز جمهوریتمک محافظه سنی ومدافعه سنی اتمام ایتمکدر .

ای یارینک صاهبی اولاره کنج قیزار و کنج ارکطر! ۷، قولفه -  
 راناسرمله دها زیاده سزه فامهلی اولوق ایتدوم. وحدت و ایمانک،  
 عزم و اعتمادک نه لریبار اندیغنی برنجی قولفه اسمدنه بری برابر قوشدوق،  
 برابر ترقیب و تحلیل ایتدک . بر بیکزه صابرلوق اولنججه قدر عیبی  
 روح و معنا ابله بورویکیز . اوکوکزه دوشن کنج فکرلی یاشیلیری  
 و یوک مرشدلری حرمندله تعقیب ایدیکیز . محیطکزی صارمونه ایتدیه  
 مفسر و مغفل فیصیلتیلیری مقارنه ایتیکیز . سزه باغشیلانله بو صر  
 و یاک وطنده آی و کوره قدر پارلاق قابلیکیز . اولکمه نیک بر افغندیه  
 بر افغه یلدیرم کبی قوشک . نوروک وطنده بالیکز نورکلاک مفکوره  
 و صحنی حالکم قیلیکیز استقمول و مفکوره ک ال یوک عشقک اولدیه .  
 ماضینک بیک بر سیاننده قورنار ایلمسه و هر نره سی با بالریکیزک  
 و قدردنلریکیزک قانیده صولانمسه بو وطنک و جهر و برتک سزه  
 مقدس بر دریه اولدیغنی هر وقت دوشونک . ایته آجوق بو صورنده  
 وظیفه کزی باجمعه و بارینک صاهبی اولغه لیاقت کسب ایتسه اولدیا بیر سیکیز .  
 معروضامی پتیررکن بزی بومسعود کونلره قاروشدورانه، بزه  
 جمهروربت سماجیله سولمنمه صر و مستقل بر وطن بخشه ایدیه ، مات  
 ادره سی علمینک ال یوک عالمی یوک خالصطار من غازی مصطفی کماله  
 و محترم آرقدر ایلرینه ابدی منت و «نورک استقمول مجاهد سسی» شهید لرینه  
 نر ایلنر حرمندله عرصه ایدر ، جمعه کزی شهرامزک حضور معنونه  
 بر دقبه قیامه دعوت ایلرم .

جووت کربم

بیتدی





## فہما و صواب جدولی

دوغری	یا ککش	سطر نو مروسی	حقیقہ نو مروسی
بر	۰	۴	۵
بر	۰	۱۰	۱۵
آسایش	آسایش	۱۵	۲۶
۱۳۳۴	۱۳۴۱	۲۲	۳۰
سرت	سرد	۶	۳۲
لزومنی	لزومی	۲	۳۳
بیلدیرمشر	بیلدیرلمشر	۳	۳۴
ایدلمش ،	ایدلمش .	۱۲	۳۶
ایدلمش ،	ایدلمش	۱۲	۳۶
اھانتھ	اھانتھ	۲۱	۳۸
اتحاد و ترقی	اتحاد ترقی	۱۵	۴۸
اولا بیایدی ،	اواسهیدی	۱۱	۴۹
قربہ بی	قربہ بی	۱۵	۵۶
العزیز ،	العزیز	۸	۵۸
استعمال	استحصال	۶	۵۹
نقطہ سندھ	نقطہ سندھ کی	۱۹	۶۰
اقسام ،	اقسام	۶	۶۴
صورندہ	صورندہ	۱	۶۶
استحضاری	استحضاراتی	۲۳	۶۶
چکمک ،	چکمک	۱۶	۶۷
مصلحانہ	معلمانہ	۱۱	۶۹
یاراندی	یاراندی	۴	۷۱
مناقبتی	مناقبتی	۱۴	۷۲
چیغانی	چیغانی	۷	۷۷
بویلہ جہ	بویلہ	۱۱	۸۲
عودتی	عودتی	۷	۸۶

دوغری	ماکاش	سطر نوم و سببی	صکیرہ نوم و سببی
اوج	ایکی	۱۹	۸۷
امکانک	احکامک	۶	۹۱
.	.	۱۹	۹۴
۶۱ نجی فرقه	۶۱ فرقه	۱۲	۱۰۱
زمریہ	زمریہ	۶	۱۰۴
اصحیح حدن	اصحیح حدن	۱۶	۱۰۹
بز	بز	۷	۱۲۰
پولیدہ	پولیدہ	۱۳	۱۳۳
کدپز - کوپری اورن	کدنجہ کوپری	۳	۱۲۷
ایدہ زک	ایدیلہ زک	۵	۱۳۷
طرفیندن	طرفندن	۳	۱۴۱
سنجان	سنجاق	۲۱	۱۴۷
طبیعی بو	طبیعی	۱۴	۱۴۹
قوتلی شان	قوتلی ، شان	۵	۱۵۲
باش قوماندان ،	باش قوماندان	۹	۱۵۵
صولجناحدن	صولجناحدن	۱۳	۱۵۶
میرآلای صلاح الدین بک	اوجنجی قول اردو	۱	۱۶۵
قومانداسندہ کی اوجنجی قول اردو			
۳۳۸	۳۳۹	۲	۱۶۶
آفیون قرہ حصار	شرقی آفیون قرہ حصار	۲	۱۶۸
المزددہ	المزددہ ،	۱۲	۱۷۳
مصطفی	مصطفی	۷	۱۸۶
فوزی	فوزی	۱۲	۱۸۶
بالاستیراس	بالاستیرس	۱۲	۲۱۰
تقریباً بش	ایکی	۶	۲۱۲
قوتلی	توقلی	۱۹	۲۲۴
نظام و	نظام	۱۹	۲۲۵
دین و	دین	۹	۲۲۶
استقلال مفکورہ ک	استقلال و مفکورہ ک	۱۰	۲۲۷







